











PEPE, & multum hoc mecum cogitavi, boni ne an ma-
li plus attulerit hominibus, & civitatibus copia dicen-
di, ac summum eloquentiæ studium: nam & cum nos-
træ reip. detrimenta considero, & maximarum civita-
tum veteres animo calamitates colligo, non minimam
video per disertissimos homines inuictâ esse partem
incommodorum. Cum autem res ab nostra memoria
propter vetustatem remotas ex literarum monumētis

repetere instituo, multas urbes constitutas, plurima bella restincta, firmissi-
mas societates, sanctissimas amicitias intelligo, cum animi ratione, tum facili-
us eloquentia cōparatas. Ac me quidē diu cogitantem ratio ipsa in hanc potis-
simū sententiā ducit, ut existimem sapientiā sine eloquentia parum prodesse ci-
uitatibus, eloquentiā uero sine sapientia nimium obesse plerūq; prodesse nun-
quā. Quare si quis ommissis rectissimis, atq; honestissimis studijs rationis, & of-
ficij, consumit omnē operā in exercitatione dicendi, is inutilis sibi, perniciosus
patriæ ciuis alitur. qui uero ita se se armat eloquentia, ut nō oppugnare commo-
da patriæ, sed pro his pugnare possit, is mihi uir et suis, & publicis rationibus
utilissimus, atq; amicissimus ciuis fore uidetur. Ac si uolumus huius rei, quæ
uocatur eloquentia, siue artis, siue studiij, siue exercitationis cuiusdam, siue facul-
tatis à natura profectæ cōsiderare principiū, reperiemus id ex honestissimis
causis natū, atq; optimis rationibus profectū: nā fuit quoddā tempus: cum in
agris homines passim bestiarū more uagabātur, & sibi uictu ferino uitā pro-
pagabāt, nec ratione animi quidq;, sed plerūq; uiribus corporis administra-
bāt: nō dū diuinæ religiōis, nō humani officiij ratio colebatur: nemo nuptias
uidebat legitimas, nō certos quisq; inspexerat liberos: nō ius æquabile quid
utilitatis haberet, acceperat. Ita propter errorē, atq; insectiā cæca, ac temeraria
dominatrix animi cupiditas ad le explēdā uiribus corporis abutebatur perni-
ciosissimis satellitibus. Quo tēpore quidā magnus uidelicet uir, & sapiens co-
gnouit, quæ materia esset, & quanta ad maximas res opportunitas animis in-
esperet hominū, si quis eā posset elicere, & præcipiēdo meliorē red dere. Qui di-
spersos homines in agris, & in rectis syluestribus abditos ratione quadā cō-
pulit in unū locū, & cōgregauit, & eos in unāquāq; rē inducēs utilem, atq; ho-
nestā, primo propter insolētiā reclamantes, deinde propter rationem; atq;
orationem studiosius audiētes, ex lexis, & immanibus mites reddidit, & man-
suetos. Ac mihi quidē uidetur hoc, nec tacita, nec inops dicendi sapientia perfi-
cere potuisse, ut homines à consuetudine subito conuerteret, & ad diuersas ra-
tiones uite traduceret. Age uero, urbibus constitutis, ut fidem colere, & iusti-
tiā retinere discerent, & alijs parere sua uolūtate consuefcerent, ac non modo
labores excipiendos communis commodi causa, sed etiam uitam amittendam
existimarent, qui rādem fieri potuit, nisi homines ea, quæ ratione inuenissent,
eloquentia persuadere potuissent. Profecto nemo nisi graui, ac suauis commo-
tus oratione, cum uiribus plurimū posset, ad ius uoluisset sine ui descendere, ut

M. T. Rhe.

F



Inter quos posset excellere, cum his se pateretur æquare, & sua uoluntate à iucū
dissima cōsuetudine recederet, quæ præsertim iam naturæ uim obtineret pro-
pter uetustatem. Ac primo quidem sic, & nata, & progressa longius eloquē-
tia uidetur, & item postea maximis in rebus pacis, & belli cum summis homi-
nū utilitatibus esse uersata. Post quā uero commoditas quædam praua uirtu-
tis imitatrix sine ratione officij dicendi copiam consecuta est, tum ingenio fre-
ta malitia peruertere urbes, & uitas hominum labefactare assuevit: atq; hu-
ius quoq; exordium mali, quoniam principium boni diximus, explicemus.
Verisimillimū mihi uidetur quodam tempore, neq; in publicis rebus infan-
tes, & insipientes homines solitos esse uersari, nec uero ad priuatas causas ma-
gnos, ac disertos homines accedere, sed cum à summis uiris maximæ res admi-
nistrarentur, arbitror alios fuisse non incallidos homines, qui ad paruas con-
trouersias priuatorum accederent: quibus in controuersijs cum sape à mēda-
cio contra uerū stare homines consueverent, dicendi assiduitas aluit audaciā
ut necessario superiores illi propter iniurias ciuiū resistere audacibus, & opo-
tulari suis quisq; necessarijs cogeretur. Itaq; cum in dicendo sape par, nonnū
quam etiam superior uisus esset is, qui omisso studio sapientiæ, nihil sibi præ-
ter eloquentiam cōparasset, fiebat, ut & multitudinis, & suo iudicio dignus,
qui temp. gereret, uideretur. Hinc nimirum non iniuria, cum ad gubernacula
reip. temerarij, atq; audaces homines accesserant, maxima, ac miserima nau-
fragia fiebant. Quibus rebus tantum odij, atq; inuidiæ suscepit eloquentia,
ut homines ingeniosissimi, quasi ex aliqua turbida tempestate in portum, sic
ex seditiosa, ac tumultuosa uita se in studium aliquod traderent quietū. Quæ
re mihi uidentur postea cetera studia recta, atq; honesta per otium cōcelebra-
ta ab optimis enituisse, hoc uero à plerisq; eorum desertum obsoleuisse eo tē-
pore, quo multo uehementius erat retinendum, & studiosius ad augendum:
nam quo indignius rem honestissimam, & rectissimam uiolabat stultorum,
& improborum temeritas, & audacia summo cum reip. detrimento, eo stu-
diosius, & illis resistendum fuit, & reipub. consulendum. Quod nostrum il-
lum non fugit Catonem, neq; Lælium, neq; horū (ut uere dicam) discipulū
Africanum, neq; Gracchos Africani nepotes, quibus in hominibus erat sum-
ma uirtus, & summa uirtute amplificata auctoritas, & quæ his rebus ornāmē-
to, & reipu. præsidio esset eloquētia. Quare meo quidē animo nihilo minus
eloquentiæ studendū est, & si ea quidā & priuatim, & publice peruerse abutū-
tur, sed eo quidē uehementius, ne malī magno cum detrimento bonorū, & cō-
muni omniū perniciē plurimū possint, cū præsertim hoc unū sit, quod ad omē-
nes res, & priuatas, & publicas maxime pertineat: hoc tuta, hoc honesta, hoc
illustris, hoc eodē uita iucunda fiat: nā hinc ad remp. plurima cōmoda ueniū-
si moderatrix omniū rerū præsto est sapiētia: hinc ad ipsos qui eā adepti sunt,
laus, honos, dignitas cōfluit: hinc amicis quoq; eorū certissimū, & tutissimum
præsidium cōparatur. Ac mihi quidē uidentur homines, cū multis rebus humi-
liores, & infirmiores sint, hac re maxime bestijs præstare, quod loqui possunt.
Quare præclarū mihi quiddā uidetur adeptus is, qui qua re homines bestijs
præstent, ea in re hominibus ipsis antecellat. Hoc si forte non natura modo,
neq; exercitacione conficitur, uerū etiam artificio quodā cōparatur, nō alienū
est uidere, quæ dicant ij, qui quædam eius rei præcepta nobis reliquerunt.

Sed

Sed anteq̃ de p̃ceptis oratorijs dicamus, uidet̃ dicēdū de genere ipsius artis, de officio, de fine, de materia, de partibus. Nam his rebus cognitis, facilius, & expeditius uniuscuiusq̃ animus ipsam rationē, ac uisū artis cōsiderare poterit.



I V I L I S quædam ratio est, quę multis, & magnis ex rebus constat. Eius quędam magna, & ampla pars est artificiosa eloquētia, quam rhetoricam uocant: nam neq̃ cum ijs sentimus, qui ciuilem scientiam eloquentia nō putant indigere, & ab ijs, qui eam putant omnem rhetoris uisū, & artificio cōtineri, magnopere dissentimus. Quare hanc oratoriam facultatem in eo genere ponemus, ut eam ciuilis sciētię partem esse dicamus. Officium autē eius facultatis uidetur esse dicere apposite ad persuationem. Finis persuadere dictione. Inter officium autē & finem hoc interest, quodd in officio quid fieri, in fine, quid officio conueniat, consideratur, ut medi ei officiū dicimus esse curare ad sanandum apposite, finē sanare curatione. Itē oratoris, quid officium, & quid finem esse dicamus, itelligemus, cum id, quod facere debet, officium esse dicemus, illud, cuius causa facere debet, finem appellabimus. Materiam artis eam dicimus, in qua omnis ars, & ea facultas, quę cōficitur ex arte, uersatur, ut si medicinę materiā dicamus morbos, ac uulnera, quod in his omnis medicina uersetur, itē quibus in rebus uersatur ars, & facultas oratoria, eas res materiā artis rhetoricę nominamus. Has autē res alij plures, alij pauciores existimauerūt: nā Gorgias Leontinus antiquissimus serē rhetor, omnibus de rebus oratorē optime posse dicere existimauit, hic infinitam, & immensam huic artificio materiā subiicere uidetur. Aristoteles autem, qui huic arti plurima adiumenta, atq̃ ornamenta subministravit, tribus in generibus rerum uersari rhetoris officium putauit, demonstratiuo, deliberatiuo, iudiciali. Demonstratiuum est, quod tribuitur in alicuius certę personę laudem, aut uituperationem. Deliberatiuum est, quod positum in disceptatione, uel consultatione ciuili habet in se sententię dictionem. Iudiciali est, quod positum in iudicio, habet in se accusationem, & defensionem, aut petitionem, & reculationē. Et quemadmodum nostra quidem fert opinio, Oratoris ars, & facultas in hac materia tripartita uersari existimanda est: nam Hermagoras quidem nec quid dicat attendere, nec quid polliceatur intelligere uidetur, qui oratoris materiā in causam, & in questionem diuidat: Causam esse dicat, rem, quę habeat in se controuersiam in dicendo positam cum personarum certarum interpositione, quam nos quoq̃ oratori dicimus esse attributam: nam ei tres partes, quas ante diximus, supponimus, iudicialē, deliberatiuā, demonstratiuam. Questionem autem eam appellat, quę habeat in se controuersiam in dicēdo positam sine certarum personarum interpositione ad hunc modum: Vt quid sit bonum præter honestatē, uerūne sint sensus: quæ sit mūdiforma: quę sit solis magnitudo: quas quæstiones procul ab oratoris officio remotas, facile omnes intelligere existimamus: nam quibus in rebus summa ingenia philosophorum plurimo cum labore consumpta intelligimus, eas sicut aliquas paruas res oratori attribuere magna amentia uidetur. Quod si magnam in his Hermagoras habuisset facultatem, studio, & disciplina comparatam, uideretur, fretus sua scientiā, falsum quoddam constituisse de oratoris officio, & non quid ars, sed quid ipse posset, exposuisse. Nunc uero ea uis est in homine, ut ei multo rhetoricę citius quis ademerit, quā philosophiā

concesserit: neque eo dico, quod eius ars, quam edidit, mihi mendosissime scripta videatur. (nam satis in ea videtur ex antiquis artibus ingeniose, & diligenter electas res collocasse, & non nihil ipse quoque noui protulisse). Verum oratori minimum est, de arte loqui, quod hic fecit, multo maximum ex arte dicere, quod cum minime potuisse omnes videmus. Quare materia quidem nobis rhetoricæ videtur ea, quæ Aristoteli uisam esse diximus. Partes autem hæc sunt, quas plerique dixerunt. Inuentio, Dispositio, Elocutio, Memoria, Pronuntiatio. Inuentio est excogitatio rerum uerarum, aut uerisimilium, quæ causam probabilem reddant. Dispositio est rerum inuentarum in ordinem distributio. Elocutio est idoneorum uerborum, & sententiarum ad inuentio nem accommodatio. Memoria est firma animi rerum, ac uerborum ad inuentionem perceptio. Pronuntiatio est ex rerum, & uerborum dignitate, uocis, & corporis moderatio. Nunc his rebus breuiter constitutis, eas rationes, quibus ostendere possumus genus, & officium, & finem huius artis, aliud in tempus differemus: nam & multorum uerborum indigent, & non tantoperc ad artis descriptionem, & præcepta tradenda pertinent. Eum autem, qui artem rhetoricam scribat, de duabus reliquis rebus, de materia artis, ac partibus scribere oportere existimamus. Ac mihi quidem uidetur coniuncte agendum de materia, ac partibus. Quare inuentio, quæ princeps est omnium partium potissimum in omni causarum genere, qualis debeat esse, consideretur.



MNIS res, quæ habet in se positam in dictione, aut disceptatione aliquam controuersiam, aut facti, aut nominis, aut generis, aut actionis continet questionem. Eam igitur questionem, ex qua causa nascitur, constitutionem appellamus. Constitutio est prima constructio causarum ex depulsione intentionis profecta, hoc modo. Fecisti: non feci: aut iure feci. Cum facti controuersia est, quoniam coniecturis causa firmatur, constitutio coniecturalis appellatur. Cum autem nominis, quia uis uocabuli definienda uerbis est, constitutio definitiua nominatur. Cum uero qualis sit res quaeritur, quia & de ui, & de genere negotii controuersia est, constitutio generalis uocatur. At cum causa ex eo pendet, quod non aut is agere uidetur, quæ oportet, aut non cum eo, qui cum oportet, aut non apud quos, quo tempore, qua lege, quo crimine, qua poena oportet, translatiua dicitur constitutio, quia actio translationis, & commutationis indigere uidetur: atque harum aliquam in omne causæ genus incidere necesse est: nam in quam non incidit, in ea nihil esse poterit controuersie: quare eam nec causam quidem conuenit putari. Ac facti quidem controuersia in omnia tempora potest distribui: nam quid factum sit, potest quaeri hoc modo. occiderit ne Aiaceum Vlysses. & quid fiat, hoc modo. Bono ne animo sint erga populum R. Fregellani. & quid futurum sit, hoc modo. Si Carthaginem reliquerimus incolu mem, num quid sit incommodi ad remp. peruenturum. Nominis controuersia est, cum de facto conuenit, & quaeritur id, quod factum est, quo nomine appellatur. Quo in genere necesse est ideo nominis esse controuersiam, non quod de re ipsa non conueniat: non quod de facto non constet, sed quod id, quod factum sit, aliud alij uideatur esse, & idcirco alius alio nomine id appellat. Quare in huiusmodi generibus definienda res erit uerbis, & breuiter describenda, ut si quis sacrum ex priuato surripuerit, utrum fur, an sacrilegus sit iudicandus;

iudicandus: nam id cum quæritur, necesse erit definire utrumq; , quid sit fur, quid sacrilegus, & sua descriptione ostendere, alio nomine illam rem, de qua agitur, appellari oportere, atq; aduersarij dicunt. Generis est cōtrouersia, cū & quid factum sit, conuenit, & quo id factum nomine appellari oporteat, cōstat, & tamen quantum, & cuiusmodi, & omnino quale sit, quæritur, hoc modo. Iustum, an iniustum. utile, an inutile. & omnia, in quibus quale sit id, quod factum est, quæritur sine ulla nominis controuersia. Huic generi Hermagoras partes quatuor supposuit. deliberatiuam, demonstratiuam, iudiciale, negotialem. Quod eius, ut nos putamus, non mediocre peccatum reprehendendum uidetur, uerū breui, ne aut si taciti præterierimus, sine causa non secuti eum putemur, aut si diutius in hoc constiterimus, moram, atq; impedimentum reliquis præceptis intulisse uideamur. Si deliberatio, & demonstratio genera sunt causarum, non possunt recte partes alicuius generis causæ putari: eadem enim res alij genus esse, alij pars potest: eidem genus esse, & pars non potest. Deliberatio autem, & demonstratio genera sunt causarum: nam aut nullum causæ genus est, aut iudiciale solum, aut & iudiciale, & demonstratiuum, & deliberatiuum. Nullum dicere causæ esse genus, cū causas esse multas dicat, & in eas præcepta det, amentia est. Vnum autem iudiciale solum esse qui potest: cum deliberatio, & demonstratio neq; ipsæ similes inter se sint, & ab iudicali genere plurimum dissideant, & suum quæq; finem habeat, quo referri debeat: reliquitur ergo, ut omnia tria genera sint causarum. Deliberatio igitur, & demonstratio non possunt recte partes alicuius generis causæ putari: male igitur eas generalis constitutionis partis esse dixit. Quod si generis causæ partes nō possunt recte putari, multo minus recte partis causæ partes putabuntur. Pars autem causæ cōstitutio est omnis: non enim causa ad constitutionem, sed constitutio ad causam accommodatur: sed demonstratio, & deliberatio generis causæ partes nō possunt recte putari, quod ipsa sunt genera: multo igitur minus recte partis eius, quod hic dicit, partes putabuntur. Deinde si constitutio & ipsa, & pars constitutionis eius quælibet, intentionis depulsio est, quæ intentionis depulsio non est, ea nec constitutio, nec pars constitutionis est. At si quæ intentionis depulsio non est, ea nec constitutio, nec pars constitutionis ē, demonstratio, & deliberatio, neq; cōstitutio, nec pars constitutionis ē. Si igitur constitutio, & ipsa, & pars eius intentionis depulsio est, deliberatio, & demonstratio, neq; constitutio, neq; pars constitutionis est. Placet autem ipsi intentionis esse depulsionem: placeat igitur oportet non esse constitutionem, nec partem constitutionis. Atq; hoc eodem urgetur, siue constitutionem primam causæ accusatoris confirmationem dixerit, siue defensoris primam deprecationem: nam cum eadem omnia incommoda sequentur. Deinde cōiecturalis causa non potest simul ex eadem parte eodem in genere & cōiecturalis esse, & definitiua. Rursus nec definitiua causa potest simul ex eadem parte eodem in genere & definitiua esse, & trāslatiua: & omnino nulla constitutio, nec pars constitutionis potest simul, & suam habere, & alterius in se uim continere: ideo quod unaqueq; ex se, & ex sua natura simpliciter consideratur: altera assumpta, numerus constitutionum duplicatur, non uis cōstitutionis augetur. At deliberatiua causa simul ex eadem parte eodem in genere & cōiecturalem, & generalem, & definitiuā, & trāslati-

tiuum solet habere constitutionem, & unam aliquam, & plures nōnunquam: ergo ipsa neq; constitutio est, nec pars constitutionis. Idem in demonstratione solet usu euenire. Genera igitur, ut ante diximus, hæc causarū putanda sunt, non partes alicuius constitutionis. Hæc ergo constitutio, quam generalem nominamus, partis nobis uidetur duas habere, iuridicalem, & negotialem. Iuridicalis est, in qua æqui, & recti natura, aut præmij, aut poenę ratio quæritur. Negotialis est, in qua quid iuris ex ciuili more, & æquitate sit, consideratur, cui diligentie præesse apud nos iurisperiti existimantur. Ac iuridicalis quidem ipsa in duas distribuitur partes, absolutam, & assumptiuam. Absoluta est, quæ ipsa in se continet iuris, & iniuriæ quæstionem. Assumptiua est, quæ ipsa ex se nihil firmi dat ad regulationem, foris autem aliquid defensionis assumit. Eius partes sunt quatuor, concessio, remotio criminis, relatio criminis, comparatio. Concessio est, cum reus non id, quod factum est, defendit, sed ut ignoscatur postulat. Hæc in duas partes diuiditur, purgationem, & deprecationem. Purgatio est, cum factum conceditur, culpa remouetur. Hæc partes habet tres, imprudentiam, casum, necessitatem. Deprecatio est, cum & peccasse, & consulto peccasse reus se confitetur, & tamen, ut ignoscatur, postulat, quod genus perraro potest accidere. Remotio criminis est, cum id crimen, quod inferitur, ab se, & a sua culpa ui, & potestate in alium reus remouere conatur. Id dupliciter fieri poterit, si aut causa, aut factū i alium trāferetur. Causa transferretur, cū aliena dicitur ui, & potestate factū. Factū autem, cum alius aut debuisset, aut potuisset facere dicitur. Relatio criminis est, quod ideo iure factū dicitur, quod aliquis ante iniuria lacerasset. Comparatio est, cū aliud aliquod factū rectū, aut utile contēditur, quod ut fieret, illud, quod arguitur, dicitur esse cōmissum. In quarta constitutione, quam translationē nominamus, eius constitutionis est controuersia, cum aut quem, aut qui cum, aut quomodo, aut apud quos, aut quo iure, aut quo tēpore agere oporteat, queritur, aut omnino aliquid de cōmutatione, aut infirmatione actionis agitur. Huius cōstitutionis Hermagoras inuentor esse existimatur, nō quo non usi sint ea ueteres oratores sæpe multi, sed quia non animaduuerint artis scriptores eā superiores, nec retulerint in numerum cōstitutionū. Post autē ab hoc inuētā multi reprehenderunt, quos non tam imprudentia falli putamus (res enim perspicua est) q̃ inuidia, atq; obtestatione quadam impediri. Et constitutiones quidē, & earū partes exposuimus, exempla autem cuiusq; generis tunc cōmodius exposituri uidemur, cū in unūquodq; eorū argumentorum copiā dabimus: nā argumentū dī ratio dilucidior erit, cū & ad genus, & ad exemplum causæ statim poterit accommodari. Constitutione causæ reperta statim placet considerare, utrū causa sit simplex, an cōiuncta, & si cōiuncta erit, utrum sit ex pluribus quæstionibus iūcta, an ex aliqua cōparatione. Simplex est, quæ absolutā in se continet unā quæstionē, hoc modo. Corithijs bellū indicamus, an non? Coniūcta ex pluribus quæstionibus, in qua plura quæritur, hoc patet: utrum Carthago diruatur, an Carthaginiesibus reddatur, an eō colonia deducatur. Ex cōparatione, in qua per contentionē, utrū potius, aut quid potissimū sit queritur, ad hunc modū. Verum exercitus in Macedonia contra Philippū mittatur, qui socijs sit auxilio, an teneatur in Italia, ut quāmaximæ cōtra Annibalē copię sint. Deinde cōsiderādū est, an i ratione, an in scripto:

sit controuersia: nā scripti controuersia est ea, quæ ex scriptionis genere nasci-
 tur: eius autem genera, quæ sunt separata à cōstitutionibus, quinque sunt: nam
 tū uerba ipsa uidentur cū sententia scriptoris dissidere, tum inter se duæ leges,
 aut plures discrepare, tum id, quod scriptū est, duas, aut plures res significare,
 tum ex eo: quod scriptū est, aliud quoque, quod non scriptū est, inueniri, tū uis
 uerbi, quasi in diffinitiuā cōstitutione, in quo posita sit, quæri, quare primum
 genus de scripto, & sententia: secūdū ex contrarijs legibus: tertium ambigū:
 quantum ratiocinatiū: quintū diffinitiuū nomina mus. Ratio autē est, cū om-
 nis quæstio non in scriptione, sed in aliqua argumentatione consistit. Ac tum
 considerato genere causæ, cognita cōstitutione, cum simplex ne, an cōiuncta
 sit, intellexeris, & scripti, an rationis habeat controuersiam uideris. Deinceps
 erit uidēdum, quæ quæstio, quæ ratio, quæ iudicatio, quod firmamentum cau-
 sæ sit, quæ omnia à cōstitutione proficiantur, oportet. Quæstio est ea, quæ
 ex cōflictione causarum gignitur controuersia, hoc modo: non iure fecisti,
 iure feci. Causarum autem hæc est cōflictio, in qua cōstitutio constat: ex ea
 igitur nascitur controuersia, quam quæstionem dicimus, hoc modo: iure ne se-
 ceris. Ratio est ea, quæ continet causam, quæ si sublata sit, nihil in causa contro-
 uersia relinquetur, hoc modo, ut docendi causa in facili, & perusgato exem-
 plo consistamus. Orestes si accusetur matricidij, nisi hoc dicat, iure feci: illa enī
 patrem meum occiderat, non habet defensionem, qua sublata, omnis quoque
 controuersia sublata sit: ergo eius causæ ratio est, quod illa Agamemnonem
 occiderit. Iudicatio est, quæ ex infirmatione, & cōfirmatione rationis nascitur
 controuersia: nā sit ea nobis exposita ratio, quam paulo ante exposuimus: illa
 enim inquit patrē occiderat. At nō inquit aduersarius, abs te filio matrē neca-
 ri oportuit: potuit enim sine tuo scelere illius factum puniri. Ex hac deductio-
 ne rationis illa summa nascitur controuersia, quā iudicationē appellamus: ea
 est huiusmodi. Rectūne fuerit ab Oreste matrem occidi, cum illa Orestis pa-
 trē occidisset. Firmamentum est firmissima argumentatio defensoris, & aptis-
 sima ad iudicationem: ut si uelit Orestes dicere: eiusmodi animum matris suæ
 fuisse in patrem suū, in seipsum, in sorores, in regnum, in famam generis, & fa-
 milia, ut ab ea poenas liberi sui potissimū petere debuerint. Et in ceteris qui-
 dem cōstitutionibus ad hunc modū iudicationes reperiuntur, in cōiectura
 li autē cōstitutione, quia ratio nō est (factū enim nō cōceditur) non potest ex
 deductione rationis nasci iudicatio: quare necesse est eādem esse quæstionem,
 & iudicationem, ut factum est, non est, factum ne sit. Quot autē in causa cōse-
 lutiones, aut carū partes erunt, totidem necesse erit quæstiones, rationes, iudi-
 cationes, firmamēta reperiiri. His omnibus in causa repertis, tum denique sin-
 gulæ partes totius causæ cōsiderandæ sūt: nā nō ut quidque dicēdū primū, ita pri-
 mum animaduertendū uidetur, ideo quod illa, quæ prima dicuntur, si uehe-
 menter uelis congruere, & cohærere cum causā, ex eis ducas oportet, quæ possē
 dicenda sunt. Quare cum iudicatio, & ea quæ ad iudicationem oportet inue-
 niri argumenta, diligenter erunt artificio reperta, cura, & cogitatione pertra-
 ctata, tunc denique ordinandæ sunt ceteræ partes orationis. Hæ partes sex esse
 omnino nobis uidentur, Exordium, Narratio, Partitio, Confirmatio, Repre-
 hensio, Conclusio. Nunc, quoniam exordium princeps omnium esse debet,
 nos quoque primum in ratione exordij præcepta dabimus.



EXORDIUM est oratio animū auditoris idoneē comparans ad reliquam dictionē, quod eueniet, si eum beneuolū, attentum, docile fecerit. Quare, qui bene exordiri causam uolet, eum necesse est genus suæ causæ diligēter ante cognoscere. Genera causarum quinque sunt. Honestum, Admirabile, Humile, Anceps, Obscurum. Honestū genus est, cui statim sine oratione nostra auditoris fauet animus. Admirabile, a quo alienatus est animus eorū, qui audituri sunt. Humile, quod negligitur ab auditore, & non magnopere attendendū uidetur. Anceps, in quo aut iudicatio dubia est, aut causa & honestatis, & turpitudinis particeps, ut beneuolentiam pariat, & offensionem. Obscurū, in quo aut tardī auditores sunt, aut difficultatibus ad cognoscendū negotijs causa implicita est. Quare, cū tam diuersa sint genera causarum, exordiri quoque dispari ratione in uno quoque genere necesse est. Igitur exordium in duas partes diuiditur, in principium, & insinuationē. Principium est oratio perspicue, & protinus perficiens auditorem beneuolū, aut docilem, aut attētum. Insinuatio est oratio quadam dissimulatione, & circūuentione obscure subiens auditoris animū. In admirabili genere causæ, si non omnino infesti auditores erunt, principio beneuolentiam comparare licebit: sin erunt uehementer abalienati, confugere necesse erit ad insinuationem: nam ab iratis, si perspicue pax, & beneuolentia petitur, non modo ea non inuenitur, sed augetur, atque inflammatur odium. In humili autem genere causæ, contemptionis tollendæ causa necesse erit attentum efficere auditorem. Anceps genus causæ, si dubiam iudicationem habebit, ab ipsa iudicatione exordium est: sin autem partem turpitudinis, & partem honestatis habebit, beneuolentiā captare oportebit, ut in genus honestum causa translata uideatur. Cum autem erit honestum causæ genus, uel præteriri principium poterit, & si commodum fuerit, aut a narratione incipiemus, aut a lege, aut ab aliqua firmissima ratione nostræ dictionis: uel si uti principio placebit, beneuolentię partibus utendum est, ut id, quod est augeatur. In obscuro causæ genere per principium dociles auditores efficere oportebit. Nunc, quoniam niam, quas res exordio cōficere oporteat, dictum ē, reliquum est, ut ostendatur quibus quoque rationibus res confici possit. Beneuolentia quatuor ex locis comparatur: ab nostra, ab aduersariorum, ab iudicum persona, a causa. Ab nostra, si de nostris factis, & officijs sine arrogantia dicemus: si crimina illata, & aliquas minus honestas suspiciones iniectas diluamus: si quæ incommoda acciderint, aut quæ instent difficultates, proferemus, si prece, & obsecratione humili, ac supplici utemur. Ab aduersariorum autem, si eos aut in odium, aut in inuidiam, aut in contemptionem adducemus. In odium ducentur, si quid eorum spurcè, superbe, crudeliter, malitiose factum proferetur. In inuidiam, si uis eorum, potentia, diuitiæ, cognatio, pecuniæ proferentur, atque eorū usus arrogans, & intolerabilis, ut his rebus magis uideantur, quam causæ suæ confidere. In contemptionem ducentur, si eorū inertia, negligentia, ignauia, desidiosum studium, & luxuriosum otium proferetur. Ab auditorū persona beneuolentia captabitur, si res ab his fortiter, sapienter, mansuete gestæ proferentur, ut nequa assentatio nimia significetur, & si de his, quæ honesta existimatio, quæque eorum iudicij, & auctoritatis expectatio sit, ostēdetur. Ab rebus ipsis, si causam nostrā laudādo extollemus, aduersariorū causam

per

per contemptiōē deprimemus. Attentos autē faciemus, si demonstrābimus ea, quæ dicturi erimus, magna, noua, incredibilia esse, aut ad omnes, aut ad eos, qui audiūt, aut ad aliquos illustres homines, aut ad deos immortales, aut ad summā reip. pertinere: & si pollicebimur nos breui nostram causā demonstraturos, atq; exponemus iudicationem, aut iudicationes, si plures erunt. Dociles auditores faciemus, si aperte, & breuiter summā causā exponemus, hoc est, in quo consistat controuersia: nā & cum docilem uelis facere, simul attentum facias oportet: nam is maxime docilis est, qui attentissime est paratus audire. Nunc insinuationes quæadmodum tractari conueniat, deinceps dicendū uidetur. Insinuatione igitur utendū est, cū admirabile genus causæ est, hoc est, ut ante diximus, cum animus auditoris infestus est. Id autē tribus ex causis fit maxime, si aut inest in ipsa causā quædam turpitudine, aut si ab ijs, qui ante dixerunt, iam quiddam auditori persuasum uidetur: aut eo tempore locus dicendi datur, cum iam illi, quos audire oportet, defessi sunt audiendo: nam ex hac quoq; re non minus, q̃ ex primis duabus in oratione nonnunquā animus auditoris offēditur. Si causæ turpitudine cōtrahet offēnsiōē, aut pro eo, in quo offēditur, aliū hominem, qui diligitur, interponi oportet, aut pro eo, in quo offēditur, aliā rem, quæ probatur, aut pro re hominem, aut pro homine rem, ut ab eo, quod odit, ad id, quod diligit auditoris animus traducatur, & dissimulare id te defensurum, quod existimeris defensurus. Deinde, cū iam mitior factus erit auditor, ingredi pedetentim in defensionem, & dicere ea, quæ indigentur aduersarij, tibi quoq; indigna uideri. Deinde, cum lenieris eum, qui audiet, demonstrare nihil eorū ad te pertinere, & negare te quidquā de aduersarij esse dicturū, neq; hoc, neq; illud, ut neq; aperte lædas eos, qui diliguntur, & tamen id obscure faciens, quo ad possis alienes ab eis auditorum uoluntatem, & aliquorū iudiciū simili de re, aut auctoritatē proferre imitatione dignā. Deinde, aut eādem, aut consimilem, aut maiorem, aut minorem agi rem in præsentiā demonstrare. Sin oratio aduersariorum fidem uidebitur auditoribus fecisse, idq; ei, qui intelligit, quibus rebus fides fiat, facile erit cognitu, oportet aut de eo, quod aduersarij sibi firmissimum putarint, & maxime ij, qui audierint, probarint, primum te dicturum polliceri, aut ab aduersarij dicto exordiri, & ab eo potissimum, quod ille nuperrime dixerit, aut dubitatione uti, quid primum dicas, aut cui potissimum loco respondeas cum admiratione: nam auditor, cum eum, quem aduersarij perturbatum putant, oratione uidet animo firmissimo cōtradecere paratum, plerunq; se potius temere assensisse, q̃ illum sine causā considerare arbitrat: Sin auditoris studiū defatigatio abalienauit à causā, te breuius, quā paratus fueris esse dicturum, commodū est polliceri, non imitaturum aduersarium: Sin res dabit, non inutile est, ab aliā re noua, aut ridicula incipere, aut ex tēpore, quæ nata sit, quod genus strepitum, acclamationē, aut iam parata, quæ uel apologum, uel fabulam, uel aliā quā continet irrisiōē, aut si rei dignitas adimet iocandi facultatem, aliquid triste, nouum, horribile statim non incōmodū est iniicere, nā ut cibi satietas, & fastidium, aut subamara aliqua re releuatur, aut dulci mitigatur, sic animus defessus audiendo, aut admiratione integratur, aut risu renouatur. Ac separam, quidē, quæ de p̃cipio, & de insinuatione dicēda uidebātur, hæc serē sūt: nūc quiddā breuiter & cōmuniter de utroq; p̃cipiendū uidetur. Exordiū sentē

tiarū, & grauitatis plurimum debet habere, & omnino omnia, quę pertinent ad dignitatē in se cōtinere, propterea quodd id optime faciendū est, quod oratorē auditori maxime cōmendat. Splēdoris, & festiuitatis, & cōcinnitudinis minimū, propterea quod ex his suspicio quaedā apparationis, atq; artificiosę diuulgētiae nascitur, quę maxime orationi fidem, oratori adimic auctoritatē. Vitia uero hæc sunt certissima exordiorū, quę summo opere uitare oportebit, uulgare, commune, commutabile, longum, separatū, trāslatū, contra præcepta. Vulgare est, quod in plures causas potest accommodari, ut conuenire uideatur. Commune est, quod nihilo minus in hanc, quā in contrariam partem causę potest cōuenire. Commutabile, quod ab aduersario potest leuiter mutatum ex contraria parte dici. Longum est, quod pluribus uerbis, aut sententijs ultra, q̄ satis est, producit. Separatū, quod non ex ipsa causa ductū est, nec sicut aliquod membrum annexum orationi. Trāslatū est, quod aliud conficit, quā causę genus postulat, ut si quis docilem faciat auditorem, cū beneuolentiā causa delideret, aut si principio utatur, cum insinuationem res postulat. Cōtra præcepta est, quod nihil eorum efficit, quorum causa de exordijs præcepta tradūtur, hoc est, quod eum, qui audit, neq; beneuolum, neq; attentum, neq; docilem efficit, aut, quo profecto nihil peius est, ut cōtra sit, facit. Ac de exordio quidem satis dictū est.



NARRATIO est rerum gestarum, aut ut gestarū expositio. Narrationū tria sunt genera: Vnū genus est, in quo ipsa causa, & omnis ratio cōtrouersię cōtinetur: Alterum, in quo digressio aliqua extra causam, aut criminatiōis, aut similitudinis, aut delectationis nō alienę ab eo negotio, quo de agitur, aut amplificationis causa interponitur. Tertium genus est remotum a ciuilibus causis, quod delectationis causa non inutili cum exercitatione dicitur, & scribitur: eius partes sunt duę, quarum altera in negotijs, altera in personis maxime uersatur. Ea, quę in negotiorum expositione posita est, tres habet partes, fabulā, historiam, argumentum. Fabula est, in qua nec uerę, nec uerisimiles res continentur, cuiusmodi est.

• Angues ingentes alites iuncti iugo.

Historia est gesta res ab ætatis nostrę memoria remota, quod genus, Apopius indixit Carthaginēsibus bellum. Argumentum est ficta res, quę tamē fieri potuit, huiusmodi apud Terentium.

• Nam is, postquam excessit ex ephēbis Sofia.

Illa autem narratio, quę uersatur in personis, eiusmodi est, ut in ea simul cū

• rebus ipsis personarū sermones, & animi perspici possint, hoc modo.

• Venit ad me sæpe clamitans, quid agis Mitio?

• Cur perdis adolescentem nobis? cur amat?

• Cur potat? cur tu his rebus sumptus suggeris?

• Vestitu nimio indulges, nimium ineptus es?

• Nimium ipse durus est, præter æquum, & bonum.

Hoc i genere narrationis multa debet inesse festiuitas cōlecta ex rerū uarietate, animorum dissimilitudine, grauitate, lenitate, spe, metu, suspitione, deliderio, dissimulatione, errore, misericordia, fortunę commutatione, insperato incommodo, subita lætitia, iucūdo exitu rerū: uerum hæc ex his, quę postea de elocutione præcipiuntur, ornāmēta sumuntur: nūc de narratione ea, quę cau

fac continet expositionem, dicendū uidetur. Oportet igitur eā tres habere res,
 ut breuis, ut aperta, ut probabilis sit. Breuis erit, si unde necesse est, inde initiū
 sumetur, & nō ab ultimo repetetur, & si cuius rei satis erit summā dixisse, eius
 partes non dicentur, nā sæpe satis est, quod factum sit dicere, non ut enarres,
 quēadmodum sit factum, & si non longius, quā quod scitu opus est, in nar-
 rando procedatur, & si nullā in rem aliam transibitur, & si ita dicetur, ut nō
 nunquā ex eo, quod dictum sit, id, quod dictum non sit intelligatur, & si non
 modo id, quod obest, uerum etiā id, quod nec obest, nec adiuuat præteribitur:
 & si semel unumquodq; dicitur, & si non ab eo in quo proxime desinit erit,
 deinceps incipietur. Ac multos imitatio decipit breuitatis, ut cū se breues pu-
 tēt esse, longissimi sint, cum dent operam, ut res multas breuiter dicant, nō ut
 omnino paucas res dicant, & non plures, q̄ necesse sit: nā plerisq; breuiter di-
 cere uidetur, qui ita dicit. accessi ad edes, puerū euocauī, respōdit, quæsiui do-
 minum, domi negauit esse. Hic tamen si tot res breuius nō potuit dicere, tamē,
 quia satis fuit dixisse, domi negauit esse, sit rerum multitudine longus: quare
 hoc quoq; in genere uitanda est breuitatis imitatio, & nō minus rerū nō ne-
 cessariarū, q̄ uerborū multitudine superfedendū est. Aperta autem narratio
 poterit esse, si ut quodq; primū gestum erit, ita primum exponetur, & rerum,
 ac tēporum ordo seruabitur, ut ita narrētur, ut gestæ res erunt, aut ut potuisse
 geri uidebūtur, hic erit considerādum, nequid perturbare, nequid contortē dī-
 catur, nequam in aliā rem trāseat, ne ab ultimo repetatur, ne ad extremum
 prodeatur, nequid, quod ad rem pertineat, prætereatur, & omnino, quæ præ-
 cepta de breuitate sunt, hoc quoq; in genere sunt cōseruāda: nam sæpe res pa-
 rū est intellecta lōgitudine magis, q̄ obscuritate narrationis: ac uerbis quoq;
 dilucidis utēdum est, quo de genere dicēdū est in præceptis elocutionis. Pro-
 babilis erit narratio, si in ea uidebūtur inesse ea, quæ solent apparere in uerita-
 te, si personarū dignitates seruabūtur, si causæ factorū extabunt, si fuisse facul-
 tates faciūdī uidebuntur, si tēpus idoneū, si spatij satis, si locus opportunus ad
 eandē rem, qua de re narrabitur fuisse ostendetur, si res & ad eorum qui agēt,
 naturam, & ad uulgi rumorem, & ad eorum qui audiunt, opinionem accōmo-
 dabitur, ac ueri quidē similis ex his rationibus esse poterit. Illud autem præte-
 rea cōsiderare oportebit, ne aut cum obsit narratio, aut cum nihil proffit, tunc
 interponatur, aut non loco, aut non quemadmodum causā postulat, nar-
 retur. Obest, cū cum ipsius rei gestæ expositio magnam excipit offensionem,
 quam argumentando, & causā agendo leniri oportebit. Quod cum ac-
 ciderit, membratim oportebit partis rei geste dispergere in causā, & ad
 unamquamq; confestim rationem accommodare, ut uulneri præstō medica-
 mētum sit, & odiū statim defensio mitiget. Nihil prodest narratio tūc, cū ab
 aduersarijs re exposita, nostra nihil interest iterū, aut alio modo narrare, aut
 cū ab ijs, qui audiūt, ita tenetur negotiū, ut nostra nihil intersit, eos alio pacto
 docere: quod cū acciderit, omnino narratione superfedēdum est. Non loco dī-
 citur, cū non in ea parte orationis collocatur, in qua res postulat, quo de gene-
 re agemus tum, cū de dispositione dicemus: nā hoc ad dispositionem pertinet.
 Non quemadmodum causā postulat, narratur, cum aut id, quod aduersario
 prodest, dilucide, & ornate exponitur, aut id, quod ipsum adiuuat, obscu-
 re dicitur, & negligenter. Quare, ut hoc uicium uitetur, omnia torquenda

sunt ad commodum suę causę, contraria, quę præteriri poterunt prætereundo, quę illius erunt, leuiter attingendo, sua diligenter, & enodate narrando. Ac de narratione quidē satis dictū uidetur, deinceps ad partitionē transeamus.



RECTE habita in causā partitiō, illustrem, & perspicuam totam esse sic orationem. Partes eius duę sunt, quarum utraq; magnopere ad aperendam causā, & constituendam pertinet controuersiam: Vna pars est, quę, quid cum aduersarijs conueniat, & quid in controuersia relinquatur, ostendit, ex qua certum quiddam designatur auditori, in quo animus debeat habere occupatum. Altera est, in qua rerum earum, de quibus erimus dicturi, breuiter expositio ponitur distributa, ex qua consicitur, ut certas animo res teneat auditor, quibus dictis, intelligat fore peroratum. Nunc utroq; genere partitiōis quemadmodum conueniat uti, breuiter dicendum uidetur. Quę partitiō, quid conueniat, aut quid non conueniat, ostendit, hęc debet illud, quod conuenit, inclinare ad suę causę commodum, hoc modo. Interfectam matrem esse à filio conuenit mihi cum aduersarijs. Item contra, interfectum esse à Clitemnestra Agamemnonem conuenit, nam hic utroq; & id posuit, quod cōueniebat, & tamen suę causę commodum consuluit. Deinde, quid controuersię sit, ponendū est in iudicationis expositione, quę quemadmodum inueniretur, ante dictum est. Quę autem partitiō, rerum distributam continet expositionem, hęc habere debet breuitatē, & solutionē, paucitatem. Breuitas est, cum nisi necessarium nullum assumitur uerbum: hęc in hoc genere idcirco utilis est, quod rebus ipsis, & partibus causę, non uerbis, neq; extraneis ornamentis animus auditoris tenendus est. Absolutio est, per quam omnia, quę incidunt in causā, genera, de quibus dicendum est, amplectimur. In qua partitiōe uidendum est, ne aut aliquod genus utile relinquatur, aut sero extra partitiōem, id, quod uitiosissimum, & turpissimum est, inferatur. Paucitas in partitiōe seruatur, si genera ipsa rerū ponuntur, neq; permiscē cum partibus implicantur: nam genus est, quod plures partis amplectitur, ut animal: pars est, quę subest generi, ut equus, sed sæpe eadem res aliū genus, aliū pars est, nam homo animalis pars est. Thebani, aut Troiani genus. Hęc ideo diligentius inducitur præscriptio, ut aperte intellecta generali partitiōe, paucitas generum in partitiōe seruari possit, nam qui ita partitur, ostendam propter cupiditatem, & audaciam, & auaritiā aduersariorum omnia incommoda ad tempus peruenisse, is non intellexit in partitiōe exposito genere, partem se generis admiscuisse: nam genus est omnium nimirum libidinum cupiditas, eius autē generis sine dubio pars est auaritiā: hoc igitur uitandum est, ne cuius genus posueris, eius secum aliquā, diuersam & dissimilem partem ponas in eadem partitiōe. Quod, si quod in genus plures incident partes, id cum in prima partitiōe causę erit simpliciter expositum, distribuetur eo tempore commodissime, cum ad ipsum uentum erit explicandum in causę dictiōe post partitiōem. Atq; illud quoq; pertinet ad paucitatem, ne aut plura, quā satis est, demonstraturos nos dicamus, hoc modo. Ostendam aduersarios, quod arguimus, & potuisse facere, & uoluisse, & fecisse: nam fecisse ostendere satis est, aut cum in causā partitiō nulla sit, & cū simplex quiddam agatur, tamen utamur distributione, idq; perraro potest accidere. Ac sunt alia quoq; præcepta partitiōum, quę ad hunc usum oratoriū

non tantopere pertinēt, quæ uersantur in philosophia, ex quibus hæc ipsa trāstulimus, quæ cōuenire uidebātur, quorum nihil in ceteris artibus inueniebamus. Atq; his de partitione præceptis, in omni dictione meminisse oportebit, ut & prima quæq; pars, ut exposita est in partitione, sic ordine transigatur, & omnibus explicatis, peroratum sit, hoc modo: ut nequid posterius præter conclusionem inferatur. Partitur apud Terentium breuiter, & commodè senex in Andria, quæ cognoscere libertum uelit.

» Eo pacto & gnati uitam, & consilium meum

» Cognosces, & quid facere in hac re te uelim.

Itaq; quæadmodum in partitione proposuit, ita narrat, primum nati uitam.

» Nam is, postquam excessit ex ephebis Sofia.

Deinde suum consilium.

» Et nunc id operam do.

Deinde quid Sofiam uelit facere, id, quod postremum posuit in partitione, postremum dicit.

» Nunc tuum est officium.

Quæadmodum igitur hic & ad primam quæque partem primum accessit, & omnibus absolutis, finem dicendi fecit, sic nobis placet, & ad singulas partes accedere, & omnibus absolutis, perorare. Nunc de confirmatione, deinceps ita ut ordo ipse postulat, præcipiendum uidetur.



CONFIRMATIO est, per quā argumētādo nostræ causæ fidē, & auctoritatē, & firmamētū adiungit oratio. Huius partis certa sunt præcepta, quæ in singula causarū genera diuidētur. Verūtāme nō incōmodū uidetur quādā syllā, atque materiā uniuersam ante permissā, & consulam exponere omniū argumentationū: post autē tradere quæ admodū unumquodq; genus causæ hinc omnibus argumentandi rationibus tractis, confirmari oporteat. Omnes res argumētando cōfirmantur, aut ex eo, quod personis, aut ex eo, quod negotijs est attributū. Ac personis has res attributas putamus, nomen, naturam, uictum, fortunam, habitum, affectionē, studia, consilia, facta, casus, orationes. Nomen est, quod unicuique personæ datur, quo suo quæque proprio, & certo uocabulo appellatur. Naturā ipsam diffinire difficile est: partes autē eius enumerare eas, quarū indigemus ad hanc præceptionē facilius est: hæ autē partim diuino, partim mortali in genere uersantur: mortalium autem, pars in hominum, pars in bestiarum genere enumeratur, atq; hominum genus & in sexu consideratur, uirile, an muliebri sit, & in natione, patria, cognatione & ætate. Natione Graius, an barbarus. Patria Atheniensis, an Lacedæmonius. Cognatione, quibz maioribus, quibus consanguineis. Ætate, puer, an adolescens: natu grandior, an senex. Præterea comoda, & incommoda considerantur ab natura data animo, aut corpori, hoc modo: ualens, an imbecillis, longus, an breuis, formosus an deformis, uelox, an tardus sit, acutus, an hebetior, memor, an obliuiosus, comis, officiosus, pudens, patiens, an contra. & omnino, quæ à natura data animo, & corpori considerabuntur, in natura considerata sunt. Nam quæ industria comparantur, ad habitum pertinent, de quo posterius dicendum est. In uictu considerare oportet, apud quem, & quo more, & cuius arbitratu sit educatus, quos habuerit artium li-

M.T.Rhe.

G

beralium magistros, quos uiuendi præceptores, quibus amicis utatur, quo in negotio, quæstu, artificio sit occupatus, quomodo rē familiarem administraret, qua consuetudine domestica sit. In fortuna quæritur seruus sit, an liber, pecuniosus, an tenuis, priuatus, an cum potestate, si cum potestate iure, an iniuria, felix, clarus, an contra, quales liberos habeat: aut si de non uiuo quæretur, etiam quali morte sit affectus erit considerandum. Habitum autem hunc appellamus animi, aut corporis constantem, & absolutam aliqua in re perfectio nem, ut uirtutis, aut artis alicuius perceptionem, aut quāuis scientiam: & itē corporis aliquam cōmoditatem non natura datam, sed studio, & industria partam. Affectio est animi, aut corporis ex tempore aliqua de causa commutatio, ut lætitia, cupiditas, metus, molestia, morbus, debilitas, & alia, quæ genere in eodē reperiuntur. Studium autem est animi assidua, & uehemens ad aliquam rē applicata magna cū uoluntate occupatio, ut philosophiæ, poetriæ, geometriæ, literarum. Consiliū est aliquid faciendi, aut non faciendi uerē excogitata ratio. Facta autem, & casus, & orationes tribus ex temporibus considerabuntur, quid fecerit, aut quid ipsi acciderit, aut quid dixerit, aut quid faciat, quid ipsi acciderit, quid dicat, aut quid facturum sit, quid ipsi casurū sit, qua sit usus oratione, ac personis quidem hæc uidentur esse attributa. Negotijs autem, quæ sunt attributa, partim sunt continentia cū ipso negotio, partim in gestione negotij considerantur, partim adiuncta negotio sunt, partim gestū negotium consequuntur. Continentia cum ipso negotio sunt ea, quæ semper alia esse uidentur ad rem, neque ab ea possunt separari. Ex his prima est breuis cōplexio totius negotij, quæ summam continet facti, hoc modo. Parentis occisio, patriæ proditio. Deinde causa eius summæ, per quam, & quamobrē, & cuius rei causa factum sit, quæritur. Deinde ante gestā rem, quæ facta sunt continentur, usque ad ipsum negotium. Deinde quid in ipso gerendo negotio quid actum sit. Deinde quid postea factum sit. In gestione autē negotij, quæ locus secundus erat, de his, quæ negotijs attributa sunt, quæretur locus, tempus, modus, occasio, facultas. Locus consideratur in quo res gesta sit ex opportunitate, quam uideatur habuisse ad negotium administrandum: ea autem oportunitas quæritur ex magnitudine, intervallo, longinquitate, propinquitate, solitudine, celebritate, natura ipsius loci, & uicinitate totius regionis: ex his etiam attributionibus, sacer, an profanus, publicus, an ne priuatus, alienus an ipse, de quo agitur, locus sit, an fuerit. Tempus autem est id, quo nunc utimur (nā ipsum quidē generaliter definire difficile est) pars quædā eternitatis cū alicuius annui, mensuræ, diurni, nocturni uel spatij certa significatione. In hoc & quæ præterierunt considerantur, & eorum ipsorum, quæ propter uetustatem obsoleuerunt, ut incredibilia uideantur, & iam in fabularum numerum reponantur, & quæ iā diu gesta, & à memoria nostra remota, tamen faciant fidem uere tradita esse, quod eorum monumenta certa in literis extant, & quæ nuper gesta sunt, quæ scire plerique possint, & itē quæ insunt in præsentia, & quæ maxime fiant, & quæ cōsequatur. In quibus potest cōsiderari, quid ociosus, & quid serius futurū sit: & itē cōmuniter in tēpore perspicendo longinquitas eius est cōsideranda: nā sæpe oportet cōmetiri cū tēpore negotiū, & uidere poterit ne aut magnitudo negotij, aut multitudo rerū in eo transigē tēpore. Consideratur autē tēpus & anni: & mēsis, & diei, & noctis, & uigiliæ, & horæ,

& horæ, & in aliqua parte alicuius horum. Occasio autem est pars temporis habens in se alicuius rei idoneam faciendi, aut non faciendi opportunitatem: quare, cum tempore hoc differt: nam genere quidem utrumque idem esse intelligitur: uerum in tempore spatium quodammodo declaratur, quod in annis, aut in anno, aut in aliqua anni parte spectatur. In occasione ad spatium temporis faciendi quædam opportunitas intelligitur adiuncta: quare cum genere idem sit, fit aliud, quod quadam parte, & specie, ut diximus, differat. Hæc distribuitur in tria genera, publicum, commune, singulare. Publicum est, quod ciuitas uniuersa aliqua de causa frequentat, ut ludi, dies festus, bellum. Commune, quod accidit omnibus eodem fere tempore, ut messis, uindemia, calor, frigus. Singulare autem est, quod aliqua de causa priuatim solet alicui accidere, ut nuptiæ, sacrificium, funus, conuiuium, somnus. Modus autem est, in quo quemadmodum, & quo animo factum sit, quaeritur: eius partes sunt prudentia, & imprudentia. Prudentiæ autem ratio quaeritur ex ijs, quæ clàm, palàm, uel, per uersionem fecerit. Imprudentia autem in purgationem confertur, cuius partes sunt inscientia, casus, necessitas, & in affectionem animi, hoc est molestiam, iracundiam, amorem, & cetera, quæ in simili genere uersantur. Facultates sunt, aut quibus facilius fit, aut sine quibus aliquid confici non potest. Adiunctum autem negotio id intelligitur quod maius, & quod minus, & quod simile erit ei negotio, quo de agitur, & quod æque magnum, & quod contrarium, & quod disparatum, & genus, & pars, & euentus. Maius, & minus, & æque magnum ex ui, & ex numero, & ex figura negotij, sicut ex statura corporis consideratur: simile autem ex specie comparabili, cõparabile autem ex conferenda, atque assimilanda natura iudicatur. Contrarium est, quod positum in genere diuerso, ab eodem, cui contrarium esse dicitur, plurimum distat, ut frigus calori, uita mors. Disparatum autem est id, quod ab aliqua re per oppositionem negationis separatur, hoc modo: sapere, & non sapere. Genus est quod partis aliquas amplectitur, ut cupiditas. Pars est quæ subest generi, ut amor, auaritia. Euentus est exitus alicuius negotij, in quo quaeri solet, quid ex qua quere euenierit, eueniat, euenturumque sit. Quare hoc in genere ut commodi, quid euenturum sit, ante animo colligi possit, quid quaque ex re soleat euenire, considerandum est, hoc modo: ex arrogantia odium, ex insolentia arrogantia. Quarta autem pars est ex ijs, quas negotijs dicebamus esse attributas, persecutio: in hac hæ res quæ runtur, quæ gestum negotium consequuntur. Primum quod factum est, quo id nomine appellari cõueniat. Deinde eius facti qui sunt principes, & inuectores, qui denique auctoritatis eius, & inuentio nis comprobatores, atque æmuli: deinde ecquæ ea de re, aut eius rei sit lex, consuetudo, actio, iudicium, scientia, artificium: deinde natura eius euenire uulgo soleat, an insolenter, & raro: postea homines id sua auctoritate comprobare, an offendi in his consueuerint, & cetera, quæ factum aliquod similiter confestim, aut ex interuallo solent consequi: deinde postremo attendendum est, num quæ res ex ijs rebus, quæ sunt positæ in partibus honestatis, aut utilitatis consequantur, de quibus in deliberatio genere causæ distinctius erit dicendum: ac negotijs quidem fere res eæ, quas commemorauimus, sunt attributæ. Omnis autem argumentatio, quæ

ex ijs locis, quos commemorauimus, fumetur, aut probabilis, aut necessaria debeat esse: Etenim, ut breuiter describamus, argumentatio uidetur esse inuentum aliquo ex genere, rem aliquam aut probabiliter ostendens, aut necessarie demonstrans. Necessarie demonstrantur ea, quæ aliter ac dicuntur, nec fieri, nec probari possunt, hoc modo. Si peperit, cum uiro concubuit. Hoc genus argumentandi, quod in necessaria demonstratione uersatur, maxime tractatur in dicendo, aut per complexionem, aut per enumerationem, aut per simplicem conclusionem. Complexio est, in qua utrum concesseris, reprehendetur ad hunc modum: Si improbus est, cur ueris? si probus, cur accusas? Enumeratio est, in qua pluribus rebus expositis, & ceteris infirmatis, una relinquitur confirmatur, hoc pacto. Necessè est, aut inimicitiarum causa ab hoc esse occisum, aut metus, aut spei, aut alicuius amici gratia, aut si horum nihil est, ab hoc non esse occisum: nam sine causa maleficium susceptum esse non potest: sed neq; inimicitia fuerunt, nec metus ullus, nec spes ex morte illius alicuius commodi, neq; ad amicum huius aliquem, mors illius pertinebat: relinquitur igitur, ut ab hoc non sit occisus. Simplex autem conclusio ex necessaria consecutione conficitur, hoc modo: Si uos me istud eo tempore fecisse dicitis, ego autem eo ipso tempore trans mare fui, relinquitur, ut id, quod dicitis, non modo non fecerim, sed ne potuerim quidem facere: atque hoc diligenter uide re oportebit, ne quo pacto genus hoc refelli possit, ut ne confirmatio modum in se argumentationis solum habeat, & quandam similitudinem necessaria conclusionis, uerum ipsa argumentatio ex necessaria ratione consistat. Probabile autem est id, quod ferè fieri solet, aut quod in opinione positum est, aut quod habet in se ad hæc quandam similitudinem, siue id falsum est, siue uerum. Verum in eo genere, quod ferè solet fieri, probabile huiusmodi est. Si mater est, diligit filium. Si avarus est, negligit iusturandū. In eo autem, quod in opinione positum est, huiusmodi sunt probabilia. Impiis apud inferos pœnas esse se preparatas. Eos, qui philosophiæ dent operam, non arbitrari deos esse. Si multitudo autem in contrariis, & paribus, & in ijs rebus, quæ sub eandem cadunt ratione, maxime spectatur. In contrariis, hoc modo. Nā si ijs qui imprudētes læserunt, ignoscī conuenit, ijs, qui necessario profuerunt, haberi gratiā nō oportet. Ex pari sic: nam, ut locus sine portu nauibus esse non potest tutus, sic animus sine fide stabilis amicis non potest esse. In ijs rebus, quæ sub eandem rationem cadunt, hoc modo probabile consideratur: Nam, si Rhodis turpe non est portorium locare, ne Hermacreonti quidem turpe est conducere. Hæc tum uera sunt, hoc pacto. Quoniam cicatrix est, fuit uulnus. Tum ueri similia, hoc modo. Si multus erat in calceis pulvis, ex itinere cum uenire oportebat. Omne autem, ut certas quasdam in partis distribuamus, probabile quod sumitur ad argumentationem, aut signum est, aut credibile, aut iudicatum, aut comparabile. Signum est, quod sub sensum aliquem cadit, & quiddam significat, quod ex ipso profectum uidetur, quod aut ante fuerit, aut in ipso negotio, aut post sit consecutum, & tamen indiget testimonio, & grauioris confirmationis, ut cruor, fuga, pallor, pulvis, & quæ his sunt similia. Credibile est, quod sine ullo teste auditoris opinione firmetur, hoc modo. Nemo est, qui non liberos suos incolumes & beatos esse cupiat. Iudicatum est res assensione, aut auctoritate, aut iudicio alicuius

alicuius, aut aliquorum comprobata. Id tribus in generibus spectatur, religio-
so, cōmuni, approbato. Religiosum est, quod iurati legibus iudicant. Cō-
mune est, quod omnes uulgo probarunt, & secuti sunt huiusmodi, ut maiori-
bus natu assurgatur, ut supplicum misceatur. Approbatum est, quod homi-
nes, cum dubium esset, quale haberi oporteret, sua constituerunt auctoritate,
uelut Gracchi patris factum, quem Populus R. ob id factum, quod insciente
collega in censura nihil gessit, post censuram consulem fecit. Comparabile au-
tem est, quod in rebus diuersis similem aliquam rationem cōtinet. Eius par-
tes sūt tres, imago, collatio, exemplum. Imago est oratio demonstrans cor-
porū, aut naturarū similitudinem. Collatio est oratio rem cum re ex similitu-
dine conferens. Exemplum est, quod rem auctoritate, aut casu alicuius homi-
nis, aut negotij confirmat, aut infirmat. Horum exempla & descriptiones in
præceptis elocutionis cognoscuntur. Ac fons quidem confirmationis, ut sa-
cultas tulit apertus est, nec minus dilucide, quā rei natura ferebat, demon-
stratus est. Quemadmodum autem quæq; constitutio, & pars constitutionis
& omnis controuersia, siue in ratione, siue in scripto uersetur, tractari de-
beat, & quæ in quasq; argumentationes conueniant, singillatim in secundo
libro de unoquoq; genere dicemus. In præsentia tantummodo numeros, &
modos, & partis argumentandi consule, & permixtim dispersimus, post de-
scripte, & electe in genus quodq; causæ, quid cuiq; conueniat, ex hac copia
digeremus, atq; inueniri quidem omnis ex his locis argumētatio poterit, in-
uentam exornari, & certas in partis distingui & suauissimum est, & summe
necessarium, & ab artis scriptoribus maxime neglectū. Quare, & de ea præ-
ceptione nobis & in hoc loco dicendū uisum est, ut ad inuentionem argumen-
ti, ab solutio quoq; argumentandi adiungeretur, & magna cum cura, & dili-
gentia locus hic omnis considerandus est, quod non rei solum magna utili-
tas est, sed præcipiendi quoq; summa difficultas.



MNIS igitur argumentatio aut per inductionem tractanda est,
aut per ratiocinationem. Inductio est oratio, quæ rebus non du-
bijs captat assensionem eius, qui cum instituta est, quibus assensio-
nibus facit, ut illi dubia quædam res propter similitudinem earum
rerum, quibus assensit, probetur, uelut apud Socraticum Aeschinē demon-
strat Socrates cum Xenophontis uxore, & cum ipso Xenophonte Aspasia
locutā, dic mihi quæso Xenophontis uxor, si uicina tua melius habeat aurū,
quā tu habes, utrū illius, an tuū malis? Illius inquit. Quod si uestem, & ceterum
ornatū muliebrem pretij maioris habeat, quā tu habes, tuū ne an illius ma-
lis? Illius uero respondit. Age inquit, si uirum illa meliorem habeat, quā tu
habes, utrum ne tuum, an illius malis? Hic mulier erubuit. Aspasia autem cum
ipso Xenophōte sermonē instituit. Quæso inquit Xenophon, si uicinus tuus
meliore equū habeat, quā tuus est, tuū ne equum malis, an illius? Illius inquit.
quod si fundū meliorem habeat, quā tu habes, utrum tandē fundū habere malis?
Illū inquit, meliorem scilicet, quod si uxorem meliorem habeat, quā tu habes, utrū
illius malis? atque hic Xenophon quoq; ipse tacuit, post Aspasia. Quoniam
uterq; uestrum inquit, id mihi solum non respondit, quod ego solum au-
dire uolueram, egomet dicam quid utrūque cogitet. Nā & tu mulier optimū
uirum mauius habere, & tu Xenophō uxorem habere lectissimā maxime uis.

Quare nisi hoc perfeceritis, ut neq; uir melior, neq; femina lectior in terris sit, profecto id semper, quod optimum putabitis esse, multo maxime requiretis, & tu, ut maritus sis, quamoptimæ mulieris, & hæc quamoptimo uiro nupta sit. Hic, cum rebus non dubijs esset assensum, factum est propter similitudinem, ut etiam illud, quod dubium uidebatur, si quis separatim quæreret, id pro certo propter rationem rogandi, concederetur. Hoc modo sermonis plurimum Socrates usus est, propterea quod nihil ipse afferre ad persuadendum uolebat, sed ex eo, quod sibi ille dederat qui cum disputabat, aliquid conficere malebat, quod ille ex eo, quod iam concessisset, necessario approbare deberet.

Hoc in genere præcipiendum nobis uidetur: primum, ut illud, quod inducimus per similitudinem, cuiusmodi sit, ut sit necesse concedi. Nam ex quo postulatibus nobis illud, quod dubium sit, concedi, dubium esse id ipsum nō oportebit. Deinde illud, cuius confirmandi causa fiet inductio, uidendum est, ut simile ijs rebus sit, quas res quasi non dubias ante induxerimus: nam ante alio quid nobis cōcessum esse nihil proderit, si ei dissimile erit id, cuius causa illud concedi primum uoluerimus. Deinde non intelligat, quo spectent illæ primæ inductiones, & ad quem sint exitum peruenturæ: nam qui uidet si ei rei, quæ primo rogetur, recte assenserit, illam quoque rem, quæ sibi displiceat esse necessario concedendam, plerumq; aut non respondendo, aut male respondendo longius procedere rogationem nō sinit. Quare ratione rogationis imprudens ab eo quod concessit ad id, quod nō uult concedere, deducendus est. Extremum autem aut taceatur oportet, aut cōcedatur, aut negetur. Si negabitur aut ostendenda est similitudo earum rerum, quæ ante concessæ sunt, aut alia utendum inductione. Si concedetur, concludenda est argumentatio. Si tacebitur, aut elicienda est responsio, aut quoniam taciturnitas imitatur confessionē, pro eo ac si concessum sit, concludere oportebit argumentationem. Ita fit hoc genus argumentandi tripartitū. Prima pars constat ex similitudine una, pluribusue. Altera ex eo, quod concedi uolumus, cuius causa similitudines adhæbitæ sunt. Tertia ex conclusione, quæ aut confirmat concessionem, aut quod ex ea conficiatur, ostendit. Sed quia non satis uidebitur alicui dilucide demonstratum, nisi quod ex ciuili causarum genere exemplum subiecerimus, uidetur huiusmodi quoq; utendum exemplo, non quo præceptio differat, aut aliter hoc in sermone, atque in dicēdo sit utendum, sed ut eorum uoluntati satis fiat, qui quod aliquo in loco uiderint, alio in loco nisi demonstratum est, nequeunt cognoscere. Ergo in hac causa, quæ apud græcos est peruagata, quod Epaminundas Thebanorum imperator, ei, qui sibi ex lege prætor successerat, exercitum non tradidit, & cum paucos ipse dies contra legem exercitum tenuisset, Lacedæmonios funditus uicit. Poterit accusator argumentatione uti per inductionem, cum scriptum legis contra sententiā defendat, ad hunc modum. Si iudices id, quod Epaminundas ait legis scriptorem sensisse adscribat ad legem, & addat exceptionem hanc, extra quam si quis reipub. causa exercitum non tradiderit, patiēmini: non opinor. Quod si uosmetipsi, quod à uestra religione, & sapientia remotissimum est, istius honoris causa hanc eādem exceptionē iniussu populi ad legem adscribi iubeatis, populus Thebanus patietur ne id fieri: profecto non patietur. Quod ergo adscribi ad legem nefas est, id sequi quasi adscriptum sit, rectum uobis uideatur. Noui uestram intelligētiam

nam, non potest ita uideri iudices. Quod si literis corrigi neque ab illo, neque a uobis scriptoris uoluntas potest, uidete, ne multo indignius sit, id re & iudicio uestro mutari, quod ne uerbo quidem cōmutari poreſt. Ac de inductio ne quidem ſatis in præſentia dictum uidetur. Nunc deinceps ratiocinationis uim, & naturam conſideremus. **RATIOCINATIO** eſt oratio ex ipſa re probabile aliquid eliciens, quod expoſitum, & per ſe cognitum ſua ſe ui, & ratione confirmet. Hoc de genere qui diligentius cōſiderandum putauerunt, cum idem uſu dicendi ſequerentur, paulū in præcipiendi ratione diſſenſerunt. Nam partim quinque eius partis eſſe dixerunt, partim nō plus, quam in tres partis poſſe diſtribui putauerunt. Eorum controuerſiam non incommodum uidetur cum utrorumque ratione exponere. Nam & breuis eſt, & non eiꝯs modi, ut alteri proſus nihil dicere putentur, & locus hic nobis in dicendo minime negligendus uidetur. Qui putant in quinque diſtribui partes oportere, aiunt primum conuenire exponere ſummam argumentationis ad hunc modum. Melius accurantur, quæ conſilio geruntur, quàm quæ ſine conſilio adminiſtrantur. Hanc primam partem numerant: eam deinceps rationibus uarijs, & quamcopioſiſſimis uerbis approbari putant oportere, hoc modo. Domus ea, quæ ratione regitur, omnibus inſtructior eſt rebus, & apparatus quàm ea, quæ temere, & nullo conſilio adminiſtratur. Exercitus iſ, cui præpoſitus eſt ſapiens, & callidus Imperator, omnibus partibus commodius regitur, quàm iſ, qui ſtultitia, & temeritate alicuius adminiſtratur. Eaſdē nauigij ratio eſt, nam nauis optime curſum conſicit ea, quæ ſcientiſſimo gubernatore utitur. Cum propoſitio ſit hoc pacto approbata, & duæ partes tranſcripſit ratiocinationis, tertia in parte aiunt, quod oſtendere uelis, id ex ui propoſitionis oportere aſſumere, hoc pacto. Nihil autem omniū rerum melius, quàm omnis mundus adminiſtratur. Huius aſſumptionis quarto in loco aliam porro inducunt approbationem, hoc modo. Nam & ſignorum ortus, & obitus definitum quandam ordinem ſeruant, & annuæ commutationes non modo quadam ex neceſſitate ſemper eodem modo ſiunt, uerum ad utilitates quoque rerum omnium ſunt accommodatæ, & diurnæ, nocturnæque uiciſſitudines nulla in re unquam mutatæ quidquam nocuerunt. Quæ ſigno ſunt omnia, non mediocri quodam conſilio naturam mundi adminiſtrari. Quinto inducunt loco complexionem eam, quæ aut id inferri ſolum, quod ex omnibus partibus cogitur, hoc modo, conſilio igitur mundus adminiſtratur, aut unum in locū cum cōduxerit breuiter propoſitionem, & aſſumptionem, id adiungit, quod ex his conſiciatur, ad hunc modum. Quod ſi melius geruntur ea, quæ conſilio, quàm quæ ſine conſilio adminiſtrantur, nihil autem omnium rerum melius, quàm omnis mundus adminiſtratur, conſilio igitur mundus adminiſtratur. Quinquepartitam igitur hoc pacto putant eſſe argumentationem. Qui autem tripartitam eſſe dicunt, ij non aliter putant tractari oportere argumentationem, ſed partitionem horum reprehendunt: negant enim neque a propoſitione, neque ab aſſumptione approbationes earum ſeparari oportere, neque propoſitionem abſolutam, neque aſſumptionem ſibi perfectam uideri, quæ approbatione confirmata non ſit. Quare quas illi duas partes numerant, propoſitionem, & approbationem, ſibi unam partem uideri propoſitionem, quæ ſi approbata non ſit, propoſitio non ſit argumentationis. Item, quæ ab illis aſſu-

sumptio, & assumptionis approbatio dicitur, eandem sibi assumptionem solam uideri. Ita fit, ut eadem ratione argumentatio tractata, alijs tripartita, alijs quinquepartita uideatur. Quare euenit, ut res non tam ad usum dicendi pertineat, quam ad rationem præceptionis. Nobis autem commodior illa partitio uidetur esse, quæ in quinque partes distributa est, quam omnes ab Aristotele, & Theophrasto profecti maxime secuti sunt. Nam quemadmodum illud superius genus argumentandi, quod per inductionem sumitur, maxime Socrates, & Iocratius tractauerunt, sic hoc, quod per ratiocinationem expolitur, summe est ab Aristotele, atque peripateticis, & Theophrasto frequentatum. Deinde à rhetoribus istis, qui elegantissimi, atque artificiosissimi putati sunt. Quare autem nobis illa magis partitio probetur, dicendum uidetur, ne temere secuti putemur, & breuiter dicendum, ne in huiusmodi rebus diutius, quam ratio præcipiendi postulat, commoremur. Si quidam in argumentatione satis est uti propositione, & non oportet adiungere approbationem propositioni, quadam autem in argumentatione infirma est propositio, nisi adiuncta sit approbatio, separatum quiddam est à propositione approbatio. Quod enim adiungi, & separari ab aliquo potest, id non potest idem esse quod est id, ad quod adiungitur, & à quo separatur. Est autem quedam argumentatio, in qua propositio non indiget approbatione, & quedam, in qua nihil ualet absque approbatione, ut ostendemus. Separata est igitur à propositione approbatio. Ostendemus autem id, quod polliciti sumus, hoc modo. Quæ propositio in se quiddam continet perspicuum, eo quod constare inter omnes necesse est, hanc uelle approbare, & firmare nihil attinet. Ea est huiusmodi. Si quo die ista cades Romæ facta est, ego Athenis eo die fui, interesse in cade non potui, hoc quia perspicue uerum est, nihil attinet approbari. Quare assumi statim oportet, hoc modo, fui autem Athenis eo die, hoc si non constat, indiget approbationis, quæ inducta, complexio consequetur, igitur in eade interesse non potui. Est igitur quedam propositio, quæ non indiget approbatione: nam esse quidem quandam, quæ indigeat, quid attinet ostendere: quod cuius facile perspicuum est. Quod si ita est, ex hoc, & ex eo, quod proposueramus, hoc conficitur, separatum esse quiddam à propositione approbationem. Si autem ita est, falsum est non esse plus quam tripartitam argumentationem. Simili modo liquet alteram quoque approbationem separatam esse ab assumptione: nam si quadam in argumentatione satis est uti assumptione, & non oportet adiungere approbationem assumptioni, quadam autem in argumentatione infirma est assumptio, nisi adiuncta sit approbatio. Separatum quiddam est extra assumptionem approbatio. Est autem argumentatio quedam, in qua assumptio non indiget approbationis, quedam autem in qua nihil ualet sine approbatione, ut ostendemus. Separata est igitur ab assumptione approbatio. Ostendemus autem quod polliciti sumus, hoc modo. Quæ perspicuam omnibus ueritatem continet assumptio, nihil indiget approbationis: ea est eiusmodi. Si oportet sapere, dare operam philosophiæ conuenit: hæc propositio indiget approbationis: non enim perspicua est, necque constat inter omnes, propterea quod multi nihil prodesse philosophiam, plerique etiam obesse arbitrantur. Assumptio perspicua est hæc. Oportet autem sapere, hoc autem quia ipsum ex re perspicitur, & uerum esse intelligitur, nihil attinet approbari.

probari. Quare statim concludenda est argumentatio, igitur dare operam philosophiæ conuenit. Est ergo assumptio quædam, quæ approbationis non indiget: nam quædam indigere, perspicuum est: separata est igitur ab assumptione approbatio. Falsum ergo est, non esse plusquam tripartitam argumentationem. Atque ex his illud iam perspicuum est, esse quandam argumentationem, in qua neque propositio, neque assumptio indigeat approbationis, huiusmodi, ut certum quiddam, & breue exempli causa ponamus. Si summopere sapientia petenda est, summopere stultitia uitanda est. Summo autem opere sapientia petenda est, summo igitur opere stultitia uitanda est. hic & assumptio, & propositio perspicua est: quare neutra quoque indiget approbatione. Ex his omnibus illud perspicuum est, approbationem tum adiungi, tum non ad iungi, ex quo cognoscitur, neque in propositione, neque in assumptione contineri approbationem, sed utranque suo loco positam uim suam tanquam certam, & propriam obtinere. Quod si ita est, commode partiti sunt illi, qui in quinque partes distribuerunt argumentationem. Quinque sunt igitur partes eius argumentationis, quæ per ratiocinationem tractatur. Propositio, per quam breuiter locus is exponitur, ex quo omnis uis oportet emanet ratiocinationis.

Propositionis approbatio, per quam id, quod breuiter expositum est rationibus affirmatum, probabilius & apertius fit. Assumptio, per quam id, quod ex propositione ad ostendendum pertinet, assumitur. Assumptionis approbatio, per quam id, quod assumptum est, rationibus firmatur. Complexio, per quam id, quod conficitur ex omni argumentatione, breuiter exponitur. Quæ plurimas habet argumentatio partes, ea constat ex his quinque partibus. Secunda est quadripartita. Tertia tripartita. Dein bipartita, quod in controuersia est. De una quoque parte potest alicui uideri posse argumentationem consistere. Eorum igitur, quæ consistant, exempla ponemus. Horum, quæ dubia sunt rationes afferemus. Quinquepartita argumentatio est huiusmodi. Omnes leges iudices ad commodum reip. referri oportet, & eas ex utilitate communi, non ex scriptione, quæ in literis est, interpretari. Ea enim uirtute, & sapientia maiores nostri fuerunt, ut in legibus scribendis nihil sibi aliud, nisi salutem, atque utilitatem reip. proponerent. Neque enim ipsi quod obesset, scribere uolebant, & si scripsissent, cum esset intellectum, repudiatum tri legem intelligebant. Nemo enim leges legum causa saluas esse uult, sed reip. quod ex legibus omnis resp. optime putant administrari. Quam ob rem igitur leges seruari oportet, ad eam causam scripta omnia interpretari conuenit, hoc est, quoniam reip. seruimus ex recip. commodo, atque utilitate leges interpretemur. Nam ut ex medicina nihil oportet putare proficisci, nisi quod ad corporis utilitatem spectat, quoniam eius causa est instituta, sic a legibus nihil conuenit arbitrari, nisi quod resp. conducat, proficisci, quoniam eius causa sunt comparata. Ergo in hoc quoque iudicio definite literas legis perscrutari, & legem, ut æquum est, ex utilitate reip. considerare. Quid enim magis utile Thebanis fuit, quam Lacedæmonios opprimi? Quid magis Epaminundam Thebanorum imperatorem, quam uictoriz Thebanorum consulere decuit? Quid hunc tanta Thebanorum gloria, tam claro, atque exornato trophæo carius, atque antiquius habere conuenit? Scripto uidelicet legis omisso, scriptoris sententiam considerare debebat. Atque hoc quidem sa-

tis consideratum est, nullam esse legem, nisi reipub. causa scriptam. Summam igitur amentiam esse existimabat, quod scriptum esset reip. salutis causa, id non ex reip. salute interpretari. Quod si leges omnes ad utilitatem reip. referri convenit, hic autem saluti reip. profuit, profecto non potest eodem facto, & communibus fortunis consuluisse, & legibus non obtemperasse. Quatuor autem partibus constat argumentatio, cum aut proponimus, aut assumimus sine approbatione. Id facere oportet, cum aut propositio ex se intelligitur, aut assumptio perspicua est, & nullius approbationis indiget. Propositionis approbatione præterita, quatuor ex partibus argumentatio tractatur, ad hunc modum. Iudices, qui ex lege iurati iudicatis, legibus obtemperare debetis. Obtemperare autem legibus non potestis, nisi quod scriptum est in lege sequamini. Quod enim certius legis scriptor testimonium voluntatis suæ relinquere potuit, quam quod ipse magna cum cura, atque diligentia scripsit? Quod si literæ non extarent, magnopere eas requireremus, ut ex his scriptoris voluntas cognosceretur, nec tamen. Epaminunde permetteremus, nisi extra iudicium quidem esset, ut is nobis sententiam legis interpretaretur, nedum nunc istud patiamur, cum præstò lex sit, non ex eo, quod apertissime scriptum est, sed ex eo, quod suæ causæ convenit scriptoris voluntatem interpretari. Quod si vos iudices legibus obtemperare debetis, & id facere non potestis, nisi quod scriptum est in lege sequamini, quid causæ est, quin istum contra legem fecisse iudicetis? Assumptionis autem approbatione præterita quadripartita, sic fiet argumentatio. Qui sæpenumero nos per fidem sefellerunt, eorū orationi fidem habere non debemus. Siquid enim perfidia illorum detrimenti accepturimus, nemo erit, præter nosmetipsos, quem iure accusare possimus, ac primum quidem decipi incommodum est, iterum stultum, tertium turpe. Carthaginenses autem sæpe iam nos sefellerunt, summa igitur amentia est in eorū fidem spem habere, quorum perfidia toties deceptus sis. Vtræque approbatione præterita tripartita, sit hoc pacto, aut metuamus Carthaginenses oportet, si incolumes eos reliquerimus, aut eorum urbem diruamus, ac metueri, quidem non oportet. Restat igitur, ut urbem diruamus. Sunt autem qui putant nonnunquam posse complexione & oportere supercederi, cum id perspicuum sit, quod conficiatur ex ratiocinatione. Quod si fiat, bipartitam quoque fieri argumentationem, hoc modo. Si peperit, uirgo non est: peperit autem: hic satis esse dicunt proponere, & assumere, quoniam perspicuum sit, quod conficiatur, complexionis rem non indigere. Nobis autem videtur & omnis ratiocinatio concludenda esse, & illud vitium, quod illis displicet, magnopere vitandum est, ne quod perspicuum sit, id in complexione inferamus. Hoc autem fieri poterit, si complexionum genera intelligantur. Nam aut ita complectemur, ut in unum conducamus propositionem, & assumptionem, hoc modo. Quod si leges omnes ad utilitatem reip. referri convenit, hic autem saluti reip. profuit, profecto non potest eodem facto & saluti communi consuluisse, & legibus non obtemperasse. Aut ita, ut ex contrario sententia conficiatur, hoc modo. Summa igitur amentia est, in eorum fidem spem habere, quorum perfidia toties deceptus sis. Aut ita, ut id solum, quod conficitur, inferatur, ad hunc modum. Urbem igitur diruamus. Aut ut id, quod eam rem, quæ conficitur, sequatur necesse est, id est huiusmodi. Si peperit, cum viro concubuit, peperit autem conficitur

conficitur hoc. Concubuit igitur cum uiro; hoc si nolis inferre, & inferas id, quod sequitur, fecit igitur incestum, & concluderis argumentationem, & perspicuam iugeris complexionem. Quare in longis argumentationibus, ex cōductionibus, aut ex contrario complecti oportet. In breuibz id solum, quod conficitur, exponere. In ijs, in quibus exitus perspicuus est, consecutione uti. Si qui autem ex una quoq; parte putabunt constare argumentationem, poterunt dicere sæpe satis esse, hoc modo argumentationem facere. Quoniam peperit, cum uiro concubuit: nam hoc nullius neq; approbationis, neq; assumptionis, uel eius approbationis, neq; complexionis indigere, sed nobis ambiguitate nominis uidentur errare. Nam & argumentatio nomine uno res duas significat, ideo quod & inuentum aliquam in rem probabile, aut necessarium argumentatio uocatur, & eius inuenti artificiosa expolitio. Quādo igitur proferent aliquid huiusmodi. Quoniam peperit, cum uiro concubuit, inuentum proferet, non expolitionem. Nos autem de expolitionis partibus loquimur. Nihil igitur ad hanc rem ratio illa pertinebit, atq; hac distinctione alia quoq; quæ uidebuntur officere huic partitioni propulsauius, si qui aut assumptionē aliquando tolli posse putent, aut propositionem. Quæ, si quid habet probabile, aut necessarium, quoquomodo commoueat auditorem necesse est, quod si solum spectaretur, ac nihil, quo pacto tractaretur id, quod esset excogitatum referret, nequaquā tantum inter summos oratores, & mediocres interesse existimaretur. Variare autem orationem magnopere oportebit. Nam omnibus in rebus similitudo est facietatis mater. id fieri poterit, si non similiter semper ingrediamur in argumentationem. Nam primum omnium generibus ipsis distinguere conuenit orationem, hoc est tum inductione uti, tum ratiocinatione. Deinde in ipsa argumentatione non semper à propositione incipere, nec semper quinq; partibus abuti, neq; eadem ratione expolire partitiones, sed tū ab assumptione incipere licet, tum ab approbatione alterutra, tum utraq; tum hoc, tum illo genere complexionis uti. Id ut perspicuius, aut scribamus, aut in quolibet exemplo de ijs, quæ proposita sunt, hoc idem exerceamus, ut quam facile sit factu. Ac de partibus quidem argumentationis satis nobis dictum uidetur. Illud autem uolumus intelligi, nos probe tenere, alijs quoq; rationibus tractari argumentationes in philosophia multis, & obscuris, de quibus certum est artificium constitutum. Verum illa nobis abhorre ab usu oratorio uidentur. Quæ pertinere autem ad dicendum putamus, ea nos commodius, q̃ ceteros attendisse nō affirmamus, sed perquisitiuis, & diligentius conscripsisse pollicemur. Nūc, ut instituius, proficisci ordine ad reliqua p̃gemus.



REPREHENSIO est, per quam argumentando aduersariorum confirmatio diluitur, aut infirmatur, aut alleuiatur. Hæc fonte inuentionis eodem utetur, quo utitur confirmatio, propterea quod quibus ex locis aliqua res confirmari potest, iisdem potest ex locis infirmari. Nihil enim considerandum est in his omnibus inuentionibus, nisi id, quod personis, aut negotijs attributum est. Quare inuentionem, & argumentationum expolitionē ex illis, quæ ante præcepta sunt, hanc quoq; in partē orationis transferri oportebit. Veruntamen, ut quædā præceptio detur huius quoque partis, exponemus modos reprehensionis, quos qui obseruabunt facilius ea, quæ contra dicentur, diluere, aut infirmare poterunt. Omnis argu

mentatio reprehenditur, si aut ex iis, quæ sumpta sunt, non conceditur aliquid unum, pluraue, aut his concessis, complexio confici ex his negatur, aut si genus ipsum argumentationis uitiosum ostenditur, aut si contra firmam argumentationem, alia æque firma, aut firmior ponitur. Ex his, quæ sumuntur, aliquid non conceditur, cum aut id, quod credibile dicunt, negatur esse eiusmodi, aut quod comparabile putant, dissimile ostenditur, aut iudicatum aliam in partem traducitur, aut omnino iudicium improbat, aut quod signum esse aduersarij dixerunt, id eiusmodi negatur esse, aut si complexio, aut una, aut ex utraque parte reprehenditur, aut si enumeratio falsa ostenditur, aut si simplex conclusio falsi aliquid continere demonstratur. Nam omne, quod sumitur ad argumentandum siue pro probabili, siue pro necessario, necesse est sumatur ex his locis, ut ante ostendimus. Quod pro credibili sumptum erit, id infirmabitur, si aut perspicue falsum erit, hoc modo: nemo est, qui non pecuniam, quæ sapientiam malit, aut ex contrario quoque credibile aliquid habebit, hoc modo. Quis est qui non officij cupidior sit, quam pecunie? aut erit omnino in credibile, ut si quis quem constet esse avarum, dicat alicuius mediocris officij causa, se maximam pecuniam neglexisse, aut si quod in quibusdam rebus, aut hominibus accidit, id omnibus dicatur usu cuenire, hoc pacto. Qui pauperes sunt, his antiquior officio pecunia est. Qui locus desertus est, in eo eadem factam esse oportet: in loco celebri homo occidi qui potuit: aut si id, quod raro fit, fieri omnino negatur, ut Curius pro Fulvio, nemo potest uno aspectu, neque præteriens in amorem incidere: quod autem pro signo sumetur, id ex hisdem locis, quibus confirmatur, infirmabitur. Nam in signo primum uerum esse ostendi oportet, deinde eius esse rei signum proprium, quæ de re agitur, ut cruorem cordis. Deinde factum esse, quod non oportuerit, aut non factum quod oportuerit: in loco scisse eum, de qua quæritur, eius rei legem, & eorum consuetudinem: nam eæ res sunt signo attributæ, quas diligentius aperiemus, cum separati de ipsa coniecturali constitutione dicemus. Ergo horum unumquodque in reprehensione, aut non esse signo, aut parum magno esse, aut à se potius, quam ab aduersarijs stare, aut omnino falso dici, aut in aliam quoque suspicionem duci posse demonstrabitur. Cum autem pro comparabili aliquid inducetur, quoniam id per similitudinem maxime tractatur, in reprehendendo conueniet, simile id negare esse, quod conferetur ei; qui cum conferet. Id fieri poterit, si demonstrabitur diuersum esse genere, natura, ui, magnitudine, tempore, loco, persona, opinione, ac si quo in numero illud, quod per similitudinem afferretur, & quo in loco hoc genus, cuius causa afferretur, haberi conueniat, ostendatur. Deinde quid res cum re differat, demonstrabitur, ex quo docebimus aliud de eo, quod comparabitur, & de eo, qui cum comparabitur, existimari oportere. Huius facultatis maxime indigemus, cum ea ipsa argumentatio, quæ per inductionem tractatur, erit reprehensa. Si iudicatum aliquid inferretur, quoniam id ex his locis maxime firmatur, laude eorum, qui iudicarunt, similitudine eius rei, quæ de agitur, ad eam rem, quæ de iudicatu est, commemorando non modo non esse reprehensum iudicium, sed ab omnibus approbatum, & demonstrando difficilius, & maius fuisse id iudicatum quod afferatur, quam id, quod instet. Ex contrarijs locis, si res aut uera, aut uerisimilis permittet, infirmari oportebit, atque erit obseruandum diligenter, ne nihil ad id, quod agatur, pertineat id, quod iudicatum sit, & uidendum est

est, ne ea res proferatur, in qua sit offensum, ut de ipso, qui iudicari, iudiciū fieri uideatur. Oportet autem animaduertere, ne, cum aliter multa sint iudicata, solitarium aliquod, aut rarum iudicatum afferatur. Nam his rebus auctoritas iudicati maxime potest infirmari. Atque ea quidem argumēta, quæ quasi probabilia sumuntur, ad hunc modum tentari oportebit. Quæ uero sicuti necessaria inducuntur, ea si forte imitabuntur modo necessariam argumentationem, neque erunt eiusmodi, sic reprehenduntur. Primum complexio, quæ utrum concesseris, debet tollere, si uera est, nunquam reprehendetur, si falsa, duobus modis, aut cōuersione, aut alterius partis infirmatione. Conuersione, hoc modo. Nam si ueretur, quid eum accuses, qui est probus?

Sin inuerecundum animi ingenium possidet, Quid eum accuses, qui id parui auditu aestimet?

Hic siue uereri dixeris, siue non uereri, concludendum hoc putat, ut neget esse atque accusandum. Quod conuersione, sic reprehenditur. Immo uero accusandus est: nam, si ueretur, accuses. non enim parui auditu aestimabit. Sin inuerecundum animi ingenium possidet, tamen accuses: non enim probus est.

Alterius autem partis infirmatione hoc modo reprehenditur. Verum si ueretur, accusatione tua correctus, ab errato recedet. Enumeratio uitiosa intelligitur, si aut præteritum quiddam dicemus, quod uelimus concedere, aut infirmum aliquid annumeratum, quod aut contra dici possit, aut causa non sit, quate non honeste possimus concedere. Præteritum quiddam in eiusmodi enumerationibus. Quoniam habes istum equum, aut emeris oportet, aut hereditate possideas, aut munere acceperis, aut domi tibi natus sit, aut si horum nihil est, surripueris necesse est. Sed neque emisisti, neque hereditate uenit, neque domi natus est, neque donatus est, necesse est ergo surripueris. hoc commode reprehenditur, si dici possit ex hostibus equus esse captus, cuius prædæ sectio non uenierit, quo illato, infirmatur enumeratio, quoniam id sit inductum, quod præteritum sit in enumeratione. Altero autem modo reprehenditur, si aut contra aliquid dicitur, hoc est, si exempli causa, ut in eodem uersumur, poterit ostendi hereditate uenisse, aut si extremum illud non erit turpe concedere, ut si quis, cum dixerint aduersarij, aut insidias facere uoluisti, aut amico morem gessisti, aut cupiditate elatus es, amico se morem gessisse fateatur. Simplex autem conclusio reprehenditur, si id, quod sequitur, non uideatur necessario cum eo, quod antecessit, coherere. Nam hoc quidem, si spiritum ducit, uiuit. Si dies est, lucret, eiusmodi est, ut cum priore necessario posterius coherere uideatur. Hoc autem, si mater est, diligit, si aliquando peccauit, nunquam corrigitur, sic conueniet reprehendi, ut demonstraretur non necessario cum priore posterius coherere: hoc genus & cetera necessaria, & omnino omnis argumentatio, & eius reprehensio maiorem quandam uim continet, & latius patet, quam hic exponitur, sed eius artificij cognitio huiusmodi est, ut non ad huius artis partem aliquam adiungi possit, sed ipsa separatim longi temporis, & magnæ, atque arduæ cognitionis indigeat. Quare illa nobis alio tempore, atque ad aliud institutum, si facultas erit, explicabuntur. Nunc his præceptionibus rhetorum ad usum oratorium contentos nos esse oportebit. Cum igitur ex his, quæ sumuntur aliquid non conceditur, sic infirmabitur. Cum autem his concessis, complexio ex his non conficitur, hæc erunt consideranda,

M. T. Rhe,

H

num aliud cōficiatur, aliud dicatur, hoc modo, si cum aliquis dicat se profectū esse ad exercitum, cōtraq; cum quis uelit hac argumentatione uti. Si uenisses ad exercitum a Tribunis militaribus uisus esses, non es autem uisus ab his, nō es igitur profectus ad exercitum. Hic cum concesseris propositionē, & assumptionem, complexio est infirmāda. Aliud enim quā cōgebatur, illatū est. Ac nunc quidem quo facilius res cognosceretur, perspicuo, & grādi uitio prēditum posuimus exemplum, sed sēpe obscurius positum uitium pro uero probatur, cum aut parum memineris, quod concesseris, aut ambiguum aliud quod pro certo concesseris. Ambiguum, si concesseris ex ea parte, quam ipse intellexeris, eam partem si aduersarius ad aliam partem per complexionem uelit accommodare, demonstrare oportebit, non ex eo, quod ipse concesseris, sed ex eo, quod ille sumperit, confici complexionem ad hunc modū. Si pecunia indigetis, pecuniam nō habetis, si pecuniam non habetis, pauperes estis, indigetis autem pecunia: mercaturæ enim nisi ita esset, operā nō daretis, pauperes igitur estis, hoc sic reprehenditur. Cū dicebas, si indigetis pecuniæ, pecuniā non habetis, hoc intelligebam, si propter inopiam in egestate estis, pecuniā nō habetis, & ideo concedebam. Cum autem hoc sumebas, indigetis autē pecuniæ, illud accipiebā. Vultis autem pecuniæ plus habere, ex quibus concessionibus non conficitur hoc, pauperes igitur estis: conficeretur autē, si tibi primo quoq; hoc cōcessissem, qui pecuniam maiorem uellet habere, eū pecuniā non habere. Sæpe autē oblitum putāt, quid concesseris, & ideo id, quod non conficitur, quasi conficiatur, in conclusione infertur, hoc modo. Si ad illū hæreditas ueniebat, uerisimile est ab illo esse necatum. Deinde hoc approbant plurimis uerbis, post assument, ad illum autē hæreditas ueniebat: deinde infertur. Ille igitur occidit. Id ex ijs, quæ sumperant, non conficitur. Quare obseruare diligenter oportet, & quid sumatur, & quid ex his conficiatur. Ipsum autem genus argumentationis uitiosum his de causis ostendetur, si aut in ipso uitium erit, aut si non ad id, quod instituitur, accommodabitur. Atq; in ipso uitium erit, si omnino totum falsum erit, si commune si uulgare, si leue, si remotum, si mala definitio, si controuersum, si perspicuum, si non concessum, si turpe, si offensum, si contrarium, si incōstans, si aduersum.

Falsum est, in quo perspicue mendacium est, hoc modo. Non potest esse sapiens, qui pecuniam negligit. Socrates autem pecuniam negligebat, non igitur sapiens erat. Commune est, quod nihilo magis ab aduersariis, quā a nobis facit, hoc modo. Idcirco iudices, quia uerā causā habebā, breui perorati. Vulgare est, quod in aliam quoq; rē nō probabilem, si nunc concessum sit, transferri possit, hoc modo. Si uerā causā non haberet, uobis se iudices non commisisset. Leue est, quod aut post tempus dicitur, hoc modo, si in mē tē uenisset, nō commisisset, aut perspicue rē turpē leui tegere uult defensione. Cum te expetebant omnes, florentissimo in Regno reliqui, nunc desertum ab omnibus Summo periculo sola ut restituam, paro.

Remotum est, quod ultra, quā satis est, petitur, hoc modo. Quod si non P. Scipio Corneliā filiam Ti. Graccho collocasset, atq; ex ea duos Gracchos procreasset, tantæ seditiones natę nō essent: quare hoc incommodum Scipioni adscribendum uidetur. Huiusmodi est illa quoq; conuestio.

Vtinam

Vtinam, ne in nemore pelio securibus
Cæsa cecidisset abiecta ad terram trabes.

Longius enim repetita est, quæ res postulabat. Mala definitio est, cum aut communia describit, hoc modo, Seditiosus est is, qui malus, atque inutilis est civis: nam hoc non magis seditiosus, quam ambitiosus, quam calumniatoris, quam alicuius improbi hominis vim describit. Aut falsum quiddam dicit, hoc pacto. Sapientia est pecuniæ acquirendæ intelligentia. Aut aliquid non graue, nec magnum cõtinens sic. Stultitia est immensæ gloriæ cupiditas: est hæc quidem stultitia, sed ex parte quadam non ex omni genere definita. Controversum est, in quo ad dubium demonstrandum dubia causa affertur, hoc modo.

Eh tu, dii, quibus est potestas motus superum, atque inferum
Pacem inter sese conciliant, conferunt concordiam.

Perpicuum est, de quo non est controversia, ut si quis, cum Orestem accuset, planum faciat ab eo matrem esse occisam. Non concessum est, cum id, quod augetur, in controversia est, ut si quis, cum Ulysssem accuset, in hoc maxime commoretur, indignum esse ab homine ignauissimo uirum fortissimum Aiacem necatum. Turpe est, quod aut eo loco, in quo dicitur, aut eo homine, qui dicar, aut eo tempore, quo dicitur, aut ijs, qui audiunt, aut ea re, de qua agitur, indignum propter inhonestam rem uidetur. Offensum est, quod eorum, qui audiunt, uoluntatem lædit, ut si quis apud Equites R. cupidos iudicandi Cæpionis legem iudiciariam laudet. Contrarium est, quod contra ea dicitur, quæ ijs, qui audiunt, fecerunt, ut si quis apud Alexandrum Macedonem contra aliquem urbis expugnatorem diceret, nihil esse crudelius, quam urbes diruere, cum ipse Alexander Thebas diruisset. Inconstans est, quod ab eodem de eadem re diuersè dicitur, ut si quis, cum dixerit, qui uirtutem habeat, eum nullius rei ad bene uiuendum indigere, neget postea sine bona uoletudine posse bene uiuere, aut se amico adesse propter beneuolentiam: sperare enim aliquid commodi ad se peruenturum. Aduersum est, quod ipsi causæ aliqua ex parte officit, ut si quis hostium uim, & copias, & felicitatem augeat, cum ad pugnam milites hortetur. Si non ad id, quod instituitur, accommodabitur aliqua pars argumentationis, horum aliquo in uitio reperietur. Si plura pollicetur pauciora demonstrabit, aut si eum totum debet ostendere, de parte aliqua loquatur, hoc modo. Mulierum genus avarum est. Nam Eriphyle auro uiri uitæ uendidit. Aut si non id, quod accusabitur, defendet, ut si quis, cum ambitus accusabitur, manu se sortem esse defendet, ut Amphion apud Euripidem. Itæ apud Pacuuium, qui uituperata musica, sapientiam laudat. Aut si res ex hominis uitio uituperabitur, ut si quis doctrinam ex alicuius docti uitij reprehendat. Aut si quis, cum aliquem uolet laudare, de felicitate eius non de uirtute dicat. Aut si quis rem cum re ita comparabit, ut alteram se non putet laudare, nisi alteram uituperarit, aut si alteram ita laudet, ut alterius non faciat mentionem, ut si quis, cum aliqui deliberent, bellum geratur, an non, pacem laudet omnino, non illud bellum inutile esse demonstrat. Aut si, cum de certa re queretur, de comuni institueret oratio. Aut si ratio alicuius rei reddatur falsa, hoc modo Pecunia bonum est, propterea quod ea maxime uitam beatam efficiat. Aut si infirma, ut Plautus.

Amicum castigare ob meritam noxiam.

M. T. Rhe.

H 2

Immane est facinus, uerum in ætate utile,
Et conducibile, nam ego amicum hodie meum
Non castigabo pro commērita nōxia.

Aur eadem, hoc modo. Maximum malum est auaritia: multos enim magnis incommodis afficit pecuniæ cupiditas. Aur parum idonea, hoc modo. Maximum bonum est amicitia: plurimæ enim delectationes sunt in amicitia. Quartus modus erat reprehensionis, per quem contra firmam argumentationē æque firma, aut firmior ponebatur. Hoc genus in deliberationibus maxime uersatur, cum aliquid, quod cōtra dicatur, æquum esse concedimus. Sed id, quod nos defendimus, necessarium esse demonstramus. Aur cum id, quod illi defendant, utile esse fateamur, quod nos dicamus, demonstramus esse honestum. Ac de reprehensione hæc quidem existimauimus esse dicenda. Dein cepit nunc de conclusione ponemus. Hermagoras digressionem, deinde tum postremam conclusionem ponit. In hac autem digressionem ille putat oportere quandam inferri orationem à causā, atque à iudicatione ipsa remotam, quæ aut sui laudem, aut aduersarij uituperationem contineat, aut in aliam causam deducat, ex qua conficiat aliquid confirmationis, aut reprehensionis non argumentando, sed augendo per quandam amplificationem. Hanc si quis partem purarit orationis, sequatur licebit. Nam & augendi, & laudandi, & uituperandi præcepta à nobis partim data sunt, partim suo loco dabuntur. Nobis autem non placet hanc partem in numerum reponi, quod de causā digredi, nisi per locum communē displicet, quo de genere posterius est dicendum. Laudes autem, & uituperationes non separatim placet tractari, sed in ipsis argumentationibus esse implicatas. Nunc de conclusione dicemus.



CONCLUSIO est exitus, & determinatio totius orationis. Hæc habet partes tres, enumerationem, indignationem, conquestionē. Enumeratio est, per quam res disperit, & diffuse dictæ unum in locum coguntur, & reminiscendi causā unum sub aspectum subiiciuntur: hæc si semper eodem modo tractabitur, perspicue ab omnibus artificibus quodam tractari intelligitur. Sin uarie fieri, & hæc suspicionem, & satietatem uitare poterit. Quare tum oportebit ita facere, ut plerique faciunt propter facilitatem, singillatim unamquæque rem attingere, & ita omnes transire breuiter argumentationes, tum autem, id, quod difficilius est, dicere quas partes exposueris in partitione, de quibus te pollicitus sis dicturum, & reducere in memoriam, quibus rationibus unamquæque partem confirmaris, tum ab ijs, qui audiunt, querere quid sit, quod sibi uelle debeant demonstrari, hoc modo. Docuimus hoc, illud planum fecimus, ita simul & in memoriam rediit auditor & putabit nihil esse præterea, quod debeat desiderare. Atque in his generibus (ut ante dictum est) tum tuas argumentationes transire separatim, tum id, quod artificiosius est, cum tuis contrarias coniungere, & cum tuam argumentationem dixeris, tum contra eam quod afferre batur quemadmodum dilueris, ostendere. Ita per breuem comparationem auditoris memoria & de confirmatione, & de reprehensione redintegrabitur. Atque hæc alijs actionis quoque modis uariare oportebit. Nam tum ex tua persona enumerare possis, ut quid, & quo loco quidque dixeris admoncas, tum uero personam, aut rem aliquam inducere, & enumerationem

rationem ei totam attribuere. Personam, hoc modo. Nam si legis scriptor existat, & quærat à vobis, quid dubitetis, quid possitis dicere, cum uobis hoc, & hoc sit demonstratum. Atque hic item ut in nostra persona licebit aliàs singillatim transire omnes argumentationes, aliàs ad partitiones singula genera referre, aliàs ab auditore, quid desideret, quærere, aliàs hæc facere per comparationem suarum, & contrariarum argumentationum. Res autem inducetur, si alicui rei huiusmodi, legi, loco, urbi, monumento attribuetur oratio per enumerationem, hoc modo. Quid si leges loqui possent, non ne hæc apud uos quererentur? Quid nam amplius desideratis iudices, cum uobis hoc, & hoc planum factum sit? In hoc quoque genere omnibus eisdem modis uti licebit. Commune autem præceptum hoc datur ad enumerationem, ut ex unaquaque argumentatione, quoniam tota iterum dici non potest, id eligatur, quod erit grauissimum, & unūquodque brevissime tractetur, ut memoria non oratio renouata uideatur. Indignatio est oratio, per quam conficitur, ut in aliquem hominem magnum odium, aut in rem grauis offensio concitetur. In hoc genere illud primum intelligi uolumus, posse omnibus ex locis ijs quos in confirmandi præceptis posuimus, tractari indignationem: Nam ex ijs rebus, quæ personis, atque negotijs attributæ sunt, quæuis amplificationes, & indignationes nasci possunt, sed tamen ea, quæ separatim de indignatione præcipi possunt, consideremus. Primus locus sumitur ab auctoritate, cum cōmemoramus, quantæ curæ res ea fuerit aut dijs immortalibus, aut eis, quorum auctoritas grauissima debeat esse, qui locus sumitur ex sortibus, ex oraculis, uatibus, ostentis, prodigijs, responsis, similibus rebus. Item ex maioribus nostris, regibus, ciuitatibus, gentibus, hominibus sapientissimis, senatu, populo, legum scriptoribus. Secundus locus est, per quem illa res, ad quos pertinet, cum amplificatione per indignationem ostenditur, an ad omnes, an ad maiorem partem, quæ atrocissimū est, an ad superiores, quales sunt iij, quorū ex auctoritate indignatio sumitur, quod indignissimū est, an ad pares, animo, fortuna, corpore, quod iniquissimum est, an ad inferiores, quod superbissimum est. Tertius locus est, per quem quærimus quidnam sit euenturum, si idem ceteri faciant, & simul ostendimus huic si concessum sit, multos æmulos eiuſdem audacitæ futuros, ex quo quid mali sit euenturum demonstrabimus. Quartus locus est, per quem demonstramus multos alacres expectare quid statuatur, ut ex eo, quod unī concessum sit, sibi quoque tali de re quid liceat, intelligere possint. Quintus locus est, per quem ostendimus ceteras res perperā cōstitutas, intellectu ueritate commutatas corrigi posse, hanc esse rē, quæ li sit, si semel iudicata, neque alio cōmutari iudicio, neque ulla potestate corrigi possit. Sextus locus est, per quē cōsulto, & de industria factū esse demonstratur, & illud adiungitur, uoluntario maleficio ueniā dari nō oportere, imprudētē concedi non nūquā cōuenire. Septimus locus est, per quē indignamur, quod retrū, crudele, nefariū, tyranniciū factū esse dicamus, per uim, per manū opulētā, quæ res ab legibus, ab æquabili iure remotissima sit. Octauus locus est, per quē demonstramus nō uulgare, neque facilitatū esse, ne ab audacissimis quidē hominibus id maleficiū, de quo agitur, atque id à feris quoque hominibus & à barbaris gentibus, & immanibus bestijs remotum esse. Hæc erunt, quæ in parentes, liberos, cōiuges, cōsanguineos, supplices crudeliter facta dicentur, & deinceps si

qua proferantur in maiores natu, in hospites, in uicinos, in amicos, in eos, qui bus cum uitam egeris, in eos, apud quos educatus sis: in eos, à quibus eruditus sis: in mortuos, in miseros, & misericordia dignos: in homines claros, nobis les, & honore usos: in eos qui neq; lædere alium, nec se defendere potuerunt, ut in pueros, senes, mulieres, quibus omnibus acriter excitata indignatio summu in eum, qui uiolarit horum aliquid, odium commouere poterit. Nonus locus est, per quem, cum alijs, quæ constant esse peccata, hoc, quo de quæstio est, comparatur, & ita per contentionem quanto atrocius, & indignius sit illud, de quo agitur, ostenditur. Decimus locus est, per quem omnia, quæ in negotio gerendo acta sunt, quæq; post negotium consecuta sunt cum uniuscu iusq; indignatione, & criminatione colligimus, & rem uerbis, quammaxime ante oculos eius, apud quem dicitur, ponimus, ut id, quod indignum est, per inde illi uideatur indignum, ac si ipse interfuerit, ac præsens uiderit. Undecimus locus est, per quem ostendimus ab eo factum, à quo minime oportuerit, & à quo, si alius faceret, prohiberi conueniret. Duodecimus locus est, per quæ indignamur, quod nobis hoc primis acciderit, nec alicui unquam usu euenerit. Tertiusedecimus locus est, si cum iniuria contumelia iuncta demonstratur, per quem locum in superbiam, & arrogantiā odium concitatur. Quartusedecimus locus est, per quem petimus ab ijs, qui audiunt, ut ad suas res nostras iniurias referant: si ad pueros pertinebit, de liberis suis cogitent. si ad mulieres, de uxoribus, si ad senes, de patribus, aut parentibus. Quintusedecimus est locus, per quem dicimus inimicis quoq; & hostibus ea, quæ nobis acciderint indigna uideri solere, & indignatio quidem his ferè de locis grauissime fume tur. Conquestionis autem huiusmodi de rebus partes petere oportebit. Conquestio est oratio auditorum misericordiam captans. In hac primum animū auditoris miretur, & misericordem conficere oportet, quo facilius conquestio ne commoueri possit. Id locis communibus efficere oportebit, per quos fortunæ uis in omnes & hominum infirmitas ostenditur. qua ratione habita gra uiter, & sententiose, maxime demittitur animus hominum, & ad misericordiā comparatur, cum in alieno malo suam infirmitatem considerabit. Deinde primus locus est misericordiæ, per quem quibus in bonis fuerint, & nunc quibus in malis sint, ostenditur. Secundus, qui in tempora tribuitur, per quæ, quibus in malis fuerint, & sint, & futuri sint, demonstratur. Tertius, per quæ unumquodq; deploratur incommodum, ut in morte filij pueritiæ delectatio, amor, spes, solatium, educatio, & si qua simili in genere quolibet de incommodo per conquestionem dici poterunt. Quartus, per quem res turpes, & humiles, & illiberales proferuntur, & indignæ ætate, genere, fortuna, pristino honore, beneficijs, quas passi perpessuri ue sint. Quintus est, per quem omnia ante oculos singillatim incommoda ponentur, ut uideatur is, qui audit, uidere, & re quoq; ipsa quasi adsit, non uerbis solum ad misericordiam ducatur. Sextus, per quem præter spem in miserijs demonstratur esse, & cum aliquid expectaret, non modo id non adeptum esse, sed in summas misérias incidisse. Septimus, per quem ad ipsos, qui audiunt similem casum conuertimus, & petimus, ut de suis liberis, aut parentibus, aut aliquo qui illis carus debeat esse. nos cum uideant, recordentur. Octauus, per quem aliquid dicitur esse factū quod non oportuerit, aut non factum, quod oportuerit, hoc modo. Nō affuit,

non uidi, non postremam eius uocem audiui, non extremum eius spiritum excepi. Item, inimicorum in manibus mortuus est, hostili in terra turpiter iacuit insepultus, à feris diu uexatus communi quoque honore in morte caruit. Nonus, per quē oratio ad mutas, & expertes animi res refertur, ut si ad equū, domum, uel sem sermonem alicuius accommodes, quibus animus eorum, qui audiunt, & aliquem dilexerunt, uehementer commouetur. Decimus, per quē inopia, infirmitas, solitudo demonstratur. Undecimus, per quem aut libero rum, aut parentum, aut sui corporis sepeliendi, aut alicuius eiusmodi rei com mendatio fit. Duodecimus, per quem disunctio deploratur ab aliquo, cum deducaris ab eo, qui cum libentissime uixeris, ut à parente, filio, fratre, familia ri. Tertiusedecimus, per quem cum indignatione conquerimur, quod ab ijs, à quibus minime conueniat, male tractemur, propinquis, amicis, quibus bene fecerimus, quos adiutores fore putauerimus: aut à quibus indignū est, ut ser uis, libertis, clientibus, supplicibus. Quartusedecimus, qui per obsecrationē su mitur, in quo oratur modo illi, qui audiunt, humili, & supplici oratione, ut mi fereantur. Quintusedecimus, per quem, non nostras, sed eorum, qui cari nobis debent esse, fortunas cōqueri nos demonstramus. Sextusedecimus est, per quē animum nostrum in alios misericordem esse ostendimus, & tamen amplum, & excelsum, & patientem incommodorum esse, & futurum, siquid acciderit, demonstramus: nam si sepe uirtus, & magnificentia, in quo grauitas, & aucto ritas est, plus proficit ad misericordiam commouendam, q̄ humilitas, & obse cratio. Commotis autem animis, diutius in conuestione morari non oportet. ¶ Quemadmodum enim dixit rhetor Apollonius, lacrima nihil citius areo scit. Sed quoniam & satis, ut uidemur de omnibus partibus orationis dixi mus, & huius uoluminis magnitudo longius processit, quæ sequuntur deinceps in secundo libro dicemus.

M. T. CICERONIS DE ARTE RHETO

RICA LIBER SECVNDVS.



ROTONIATÆ quondam, cum florere omnibus copijs, & in Italia cum in primis beati numerarentur, templum Iunonis, quod religiosissime colebant, egregijs picturis locupletare uoluerūt. Itaq; Eracleo tem Zeusim, qui tum lōge ceteris excellere pictoribus existimabatur, magno pretio conductum adhibuerūt. Is & ceteras tabulas complures pinxit, quarum nōn ul la pars usq; ad nostram memoriā propter fani religiosi nem remansit, & ut excellentem muliebris formę pulchritudinem muta in se se imago contineret, Helenæ se pingere simulachrum uelle dixit. Quod Cro toniatæ, qui cum muliebri in corpore pingendo plurimum alijs præstare se se pe accepissent, libenter audierunt. putauerunt enim cum siquo in genere pluri mum posset, in eo magnopere elaborasset, egregium sibi opus illo in fano re licturum. Neque tum eos illa opinio sefellit. Nam Zeusis illico quæsiuit ab his qualnam uirgines formosas haberent. Illi autem statim hominem duxerunt

runt in palæstram, atque ei pueros ostenderunt multos magna præditos dignitate. Etenim quodam tempore Crotoniatæ multum omnibus corporū uiribus, & dignitatibus ante steterunt, atque honestissimas ex gymnico certamine uictorias domum cum maxima laude retulerunt. Cum puerorum igitur formas, & corpora magno hic opere miraretur, horum inquit illi, sorores sunt apud nos uirgines. Quare qua sint ille dignitate potes ex his suspicari. Præbete igitur mihi quæso inquit, ex istis uirginibus formosissimas, dum pingo id, quod pollicitus sum uobis, ut mutum in simulacrum ex animalī exēplo ueritas transferatur. Tunc Crotoniatæ publico de consilio uirgines unū in locum conduxerunt, & pictori quam uellet eligendi potestatem dederunt. Ille autem quinq; delegit, quarum nomina multi poetæ memoriæ tradiderūt, quod eius essent iudicio probatæ, qui uerissimum pulchritudinis habere iudiciū debuisset. Neq; enim putauit omnia, quæ quæreret ad uenustatē uno in corpore se reperire posse, ideo quod nihil simplici in genere omnibus ex partibus perfectum natura expoliuit. Itaque tāquam ceteris nō sit habitura, quod largiatur, si uni cuncta concesserit, aliud alij commodi aliquo adiuncto in commodum muneratur. Quod quoniam nobis quoque uoluntatis accidit, ut artem dicendi perscriberemus, non unum aliquod proposuimus exemplum, cuius omnes partes, quocunq; essent in genere, exprimendę nobis necessario uiderentur. Sed omnibus unum in locum coactis scriptoribus, quod quisq; cōmodissime præcipere uidebatur, excerpimus, & ex uarijs ingentis excellentissima quæq; libauimus, ex ijs enim, qui nomine, & memoria digni sunt, nec nihil optime, nec omnia præclarissime quisquā dicere nobis uidebatur. Quapropter stultitia nobis uisa est, aut a bene inuentis alicuius recedere, si quo in uitio eius offenderemur, aut ad uitia quoque eius accedere, cuius aliquo bene præcepto duceremur. Quod si in ceteris quoque studijs a multis eligere homines commodissimum quodq;, quā se uni alicui certo uellent addicere, minus in arrogantiam offenderent, non tantopere in uitijs perseuerarēt, aliquāte ex incitiis leuius laborarent. Ac si par in nobis huius artis, atque in illo picturæ scientia fuisset, fortasse magis hoc suo in genere opus nostrum, quā ille in sua pictura nobilis eniteret. Ex maiore enim copia nobis, quā illi fuit ex plorum eligendi potestas. Ille una ex urbe, & ex eo numero uirginum; quæ tum erant, eligere potuit, nobis omnium quicunq; fuerunt ab ultimo principio huius præceptionis usque ad hoc tempus expositis copijs, quodcunq; placeret eligendi potestas fuit. Ac ueteres quidem scriptores artis usque ab principio illo, atque inuentore Tyisia repetitos unum in locum conduxit Aristoteles, & nominatim cuiusq; præcepta magna conquisita cura perspicue conscripsit, atque enodata diligenter exposuit, ac tantum inuentoribus ipsis suauitate, & breuitate dicendi præstitit, ut nemo illorum præcepta ex ipsorum libris cognoscat, sed omnes, qui quod illi præcipiāt, uelint intelligere, ad hunc quāsi ad quandam multo commodiorem explicatorem reuertantur. Atque hic quidem ipse & se ipsum nobis, & eos, qui ante se fuerant, in medio posuit, ut eeteros, & se ipsum per se cognosceremus. Ab hoc autem, qui profecti sunt, quamquam in maximis philosophiæ partibus operæ plurimum consumpserunt, sicut & ipse, cuius instituta sequebantur, fecerat, tamen permulta nobis præcepta dicendi reliquerunt. Atque alij quoque alio ex fonte præceptores dicendī emanauerunt,

emanauerunt, qui item permultum ad dicendum, si quid ars proficit, opitula-
ti sunt. nam, fuit tempore eodem, quo Aristoteles, magnus, & nobilis rhetor
Iocrates, cuius ipsius quam constet esse artem, non inuenimus. Discipulorū
autem, atq; eorum, qui protinus ab hac sunt disciplina profecti, multa de arte
præcepta reperimus. Ex his duabus diuersis sicuti familijs, quarum altera cū
uersaretur in philosophia, nonnullā rethoricæ quoq; artis sibi curam assume-
bat, altera uero omnis in dicendi erat studio, & præceptione occupata, unum
quoddam est conflatum genus a posterioribus, qui ab utrisq; ea, quæ commo-
de dici uidebantur, in suas artes contulerunt, quos ipsos simul atq; illos supe-
riores nos nobis omnes, quoad facultas tulit, pposuimus, & ex nostro quoq;
non nihil in commune contulimus. Quod si ea, quæ in his libris exponuntur,
tantopere eligēda fuerunt, quanto studio electa sunt, profecto neq; nos, neq;
alios in dultriæ nostræ poenitebit. Sin autem temere aliquid alicuius præter h
se, aut non satis eleganter secuti uidebimur, docti ab aliquo facile, & libenter
sententiam commutabimus, non enim parum cognosse, sed in parum cogni-
to stulte, & diu perseuerasse turpe est, propterea quod alterum communi ho-
minum in firmitati, alterum singulari uniuscuiusq; uitio est attributum. Quā-
re nos quidem sine ulla affirmatione simul quærentes dubitanter unūquod-
que dicemus, ne, dum paruulum hoc consequimur, ut satis commode hæc per-
scripsisse uideamur, illud amittamus, quod maximum est, ut ne cui rei temere
atque arroganter assenserimus. Verum hoc quidem nos, & in hoc tempore;
& in omni uita studiose quoad facultas feret, consequemur. Nunc autem, ne
longius oratio progressa uideatur, de reliquis, quæ præcipienda uidentur es-
se, dicemus. Igitur primus liber exposito genere huius artis, & officio, & fine,
& materia, & partibus, genera controuersiarum, & inuentiones, & constitu-
tiones continebat. Deinde partes orationis, & in eas omnes omnia præcepta.
Quare, cum in eo ceteris de rebus distinctius dictum sit, disperse autem de cō-
firmatione, et de reprehensione, nunc certos confirmandi, & reprehendendi
in singula causarū genera locos tradendos arbitramur. Et quia quo pacto
tractari conueniret argumentationes in libro primo non indiligenter exposi-
tum est, hic tantum ipsa inuenta unamquæq; in rem exponuntur simpliciter
sine ulla exornatione, ut ex hoc inuenta ipsa, ex superiore autem expositio in-
uentorum peratur. Quare hæc, quæ nunc præcipiuntur ad confirmationis, &
reprehensionis partes referre oportebit.



Mnis & demonstratiua, & deliberatiua, & iudicialis causa necesse
est in aliquo eorum, quæ ante exposita sunt, constitutionis genere
uno, pluribusue uersetur. Hoc quāquam ita est, tamen cum com-
muniter quædam de omnibus præcipi possint, separatim quoque
alia sunt cuiusque generis, & diuersæ præceptiones. Aliud enim laus, aut uitu
peratio. Aliud sententiæ dictio. Aliud accusatio, aut recusatio conficere de-
bet. In iudicijs quid æquum sit quæritur. In demonstrationibus, quid hōne-
stum. In deliberationibus, ut nos arbitramur, quid honestum sit, & quid
utile. Nam ceteri utilitatis modo finem in suadendo, & in dissuadendo expo-
ni oportere arbitrati sunt. Quorum igitur generū fines, & exitus diuersi sunt,
eorum præcepta eadem esse non possunt. Neq; nunc hoc dicimus non easdē
incidere constitutiones, ueruntamen oratio quædam ex ipso fine, & genere

ē autē nascitur, quę pertineat ad uitā alicuius demōstrationē, aut ad sententię dictionem. Quare nūc exponendis controuersijs in iudiciali genere causarū, & preceptorum uersabimur. Ex quo plerāq; in cetera quorūq; causarum genera simili implicita controuersia nulla cum difficultate transferentur, post autē tem separatim de reliquis dicemus. Nunc à coniecturali constitutione profisciscemur, cuius exemplum sit hoc expositum. In itinere quidam proficiscenē ad mercatum quendam, & secum aliquantum nūmorum ferentem est comitatus, cum hoc, ut ferē sit, in uia sermonem contulit, ex quo factum est, ut illud iter familiaris facere uellent. Quare, cū in quendam tabernam diuertissent, simul cenare, & in eodem loco somnum capere uoluerunt. Cenati discubuerunt ibidem, caupo autem (nam ita dicitur post inuentum, cum in alio maleficio deprehensus esset) cum illum alterum uidelicet, qui nūmos haberet, ante maduertisset, noctu postquam illos arctius, ut sit, iam ex lassitudine dormire sensit, accessit, & alterius eorum, qui sine nūmis erat, gladium propter appositum ē uagina eduxit, & illū alterū occidit, nūmos abtulit. gladium cruciū in uaginam recondidit. ipse sese in lectum suum recepit. Ille autem, cuius gladio occisio erat facta, multo ante lucem surrexit. comitem illum suum iclamauit se meli, & sapius. Illum somno impeditum non respondere existimauit. ipse gladium, & cetera, quę secum attulerat, sustulit. solus profectus est. Caupo nō multo post exclamauit hominem esse occisum, & cum quibusdam diuersoribus illum, qui ante exierat, consequitur. in itinere hominem comprehendit. gladium eius ē uagina educit, reperit eruentum, homo in urbem ab illis deducitur, ac reus fit. In hac intentio est criminis, occidisti. depulsio, non occidi. Ex quibus constitutio est. Quęstio eadem in cōiecturali, quę iudicatio, occideri me.

Nunc exponemus locos, quorum pars aliqua in omnem coniecturalem incidit controuersiam. Hoc autem & in horum locorum expositione, & in ceterorum oportebit attendere, non omnes in omnem causam conuenire. Ut enī omne nomen ex aliquibus, non ex omnibus literis scribitur, sic omnem in causam non omnis argumentorum copia, sed eorum necessaria pars aliqua conueniet. Omnis igitur, ex causa, ex persona, ex facto ipso, cōiectura capiēda est. Causa distribuitur in impulsione, & in ratiocinationem. Impulsio est, quę sine cogitatione per quandam affectionem animi facere aliquid hortatur, ut amor, iracundia, egritudo, uinolētia, & omnino omnia, in quibus animus ita uidetur affectus fuisse, ut rem perspicere cum consilio, & cura non potuerit, & id, quod fecit, impetu quodam animi potius, q̃ cogitatione fecerit. Ratiocinatio autem est diligens, & considerata faciendi aliquid, aut non faciendi exco- gitatio. Ea dicitur tum interfuisse, cum aliquid faciendum, aut non faciendū certa de causa uitasse, aut secutus esse animus uidetur, ut si amicitie quid causa factum dicitur, si inimici ulciscendi, si metus, si glorie, si pecunie, si denique, ut omnia generatim amplectamur, alicuius retinendi, augendi, adipiscēdi uē eō- modi, aut contra reſcendi, diminuendi, deuitandī uē incommodi causa. Nam horum in genus alterutrum illa quorūq; incident, in quibus aut incommodum aliquod maioris uitandī incommodi causa, aut maioris adipiscēdi commodi suscipitur, aut commodum aliquod maioris adipiscēdi eommodi, aut maioris uitandī incommodi preteritur. Hic locus sicut aliquod fundamētum est huius constitutionis, nā nihil factum esse cuiquā probatur, nisi aliquid quare factum

etum sit, ostenditur. Ergo accusator, cum aliquid impulsione factum esse dicit, illum impetum & quandam commotionem animi affectionemque uerbis, & sententijs amplificare debet, & ostendere quanta uis amoris sit, quanta animi perturbatio ex iracundia fiat, aut ex aliqua causa earum, qua impulsum aliquid id fecisse dicet. Hic & exemplorum commemoratione, qui simili impulsu aliquid commiserint, & similitudinum collatione, & ipsius animi affectionis explicatione curandum est, ut non mirum uideatur, si quod ad facinus tali perturbatione commotus animus accesserit. Cum autem non impulsione, uerum ratiocinatione aliquem commisisse quid dicet, quid commodi sit secutus aut quid incommodi fugerit, demonstrabit, & id augebit quammaxime poterit, ut quoad eius fieri possit, idonea quammaxime causa ad peccandum hortata uideatur. Si gloriæ causa, quantam gloriam consecuturam existimarit. Itē si dominationis, si pecuniæ, si amicitiæ, si inimicitiarum, & omnino quidquid erit quod causæ fuisse dicet, id summe augere debet, & hoc cum magnopere considerare oportebit, non quid in ueritate modo, uerum etiam uehementius quid in opinione eius, quem arguet, fuerit. Nihil enim refert non fuisse, aut non esse aliquid commodi, aut incommodi, si ostendi potest ei uisum esse, qui arguatur. Nam opinio dupliciter fallit homines, cum aut res alijmodi est, ac putatur, aut non is euentus est, quem arbitrati sunt. Res alijmodi est tum, cum aut id, quod bonum est, malum putant, aut contra quod malum est, bonum, aut quod nec malum est, nec bonum, malum aut bonum, aut quod malum, aut bonum est, nec malum, nec bonum. Hoc intellecto, si quis negabit ullam esse pecuniam fratris, aut amici uitæ, aut denique officio suo antiquiorem, aut suauiore, non erit hoc accusatori negandum. Nam in eum culpa, & summum odium transferetur qui id, quod tam uere, & pie dicitur, negabit. Verum illud dicendum erit, illi non esse ita uisum quod sumi oportet ex his, quæ ad personam pertinent, de quo post dicendum est. Euentus autem tum fallit, cum aliter accidit, atque hi, qui arguuntur, arbitrati esse dicuntur. ut si quis dicatur alium occidisse, ac uoluerit, quod aut similitudine, aut suspitione, aut demonstratione falsa deceptus sit, aut cum necasse, cuius testamento non sit heres, quod eius testamento se heredem arbitratus sit. Non enim ex euentu cogitationem spectari oportere, sed qua cogitatione, & spe ad maleficium profectus sit, considerare, & quo animo quid quisque faciat, non quo casu utatur ad rem pertinere. In hoc autem loco, caput illud erit accusatori, si demonstrare poterit alij nemini causam fuisse faciendi. Secundarium, si tantam, aut tam idoneam nemini. Sin fuisse alijs quoque causa faciendi uidebitur, aut potestas alijs defuisse demonstranda est, aut facultas, aut uoluntas. Potestas, si aut nescisse, aut non affuisse, aut conficere aliquid non potuisse dicitur. Facultas, si ratio adiutores, adiumenta & cetera, quæ ad rem pertinebunt, defuisse alicui demonstrabuntur. Voluntas, si animus a talibus factis uacuus, & integer esse dicitur. Postremo, quas ad defensionem rationes reo dabimus, his accusator ad alios ex culpa eximendos abutetur. Verum id breui faciendum est, & in unum multa sunt conducenda, ut ne alterius defendendi causa hunc accusare, sed huius accusandi causa defendere alterum uideatur, atque accusatori quidem hæc ferè sunt in causa facienda, & considerata. Defensor autem ex contrario. Primum impulsione, aut nullam fuisse dicet, aut si fuisse concedet, extenuabit, & paruulam quandam

fuisse demonstrabit, aut nō ex ea solere huiusmodi facta nasci docebit. Quo erit in loco demonstrandum quæ uis & natura eius sit affectionis, qua impulsus aliquid reus commisisse diceretur, in quo & exēpla, & similitudines erunt proferendæ, & ipsa diligenter natura eius affectionis quamleuissime quietissimam ad partem explicanda, ut & res ipsa a facto crudeli, & turbulento ad quoddam mitius, & tranquillius traducatur, & oratio tamen ad animum eius qui audiet, & ad animi quendam intimum sensum accommodetur. Ratiocinationis autem suspitiones infirmabit, si aut commodum nullum fuisse, aut paruum, aut alijs magis fuisse, aut nihilo sibi magis, quam alijs, aut incommodum sibi maius, quam commodum dicet, ut nequaquam fuerit illius commodi, quod expectum dicatur, magnitudo, aut cum eo incommodo, quod acciderit, aut cum illo periculo, quod subeatur, comparanda. qui omnes loci si similiter incommodi quoque uitatione tractabuntur. Sin accusator dixerit, cum id esse secutum, quod ei uisum sit commodum, aut id fugisse, quod putaret esse incommodum, quamquam in falsa fuerit opinione, demonstrandum erit defensori, neminem tæte esse stultitiæ, qui tali in re possit ueritatem ignorare. Quod si id concedatur, illud non concessum iri, nec dubitasse quidem hunc quid eius iuris esset, sed id, quod falsum fuerit, sine ulla dubitatione pro falso, quod uerū pro uero probasse. Quod si dubitauerit, summæ fuisse amœritæ, dubia spe impulsus certum in periculum se committere. Quemadmodū autem accusator, cum a alijs culpam dimouebit, defensoris locis utetur, sic ijs locis, qui accusatori dati sunt, utetur reus: nō in alios ab se crimen uolet pungerre. **EX PERSONA** autem coniectura capietur, si eæ res, quæ personis attributæ sunt, diligenter cōsiderabuntur, quas omnes in primo libro exposuimus. nam & de nomine nonnunquam aliquid suspitionis nascitur. Nomē autem cum dicimus, cognomen quoq; intelligatur oportet. De hominis enim cereto, & proprio uocabulo agitur, ut si dicamus iccirco aliquem Caldum uocari, quod temerario, & repentino consilio sit, aut si ea de re hominibus græcos im peritis uerba dedisse, quod Clodius, aut Cæcilius, aut Mutius uocarentur. Et de natura licet aliquantulum ducere suspitionis. omnia enim hæc, uir an mulier, huius an illius ciuitatis sit, quibus sit maioribus, quibus consanguineis; qua ætate, quo animo, quo corpore, quæ naturæ sunt attributa, ad aliquam cōiecturam faciendam pertinebunt. Et ex uictu multæ trahuntur suspiciones; cum quemadmodum, & apud quos, & à quibus educatus, & eruditus sit queritur, & quibus cum uiuat, qua ratione uitæ, quo more domestico uiuat. Et ex fortuna spe argumētatio nascitur, cum seruus, an liber. pecuniosus, an pauper. nobilis, an ignobilis. felix, an infelix. priuatus, an cū potestate sit, aut fuerit, aut futurus sit, consideratur, aut denique aliquid eorum queritur, quæ fortunæ esse attributa intelliguntur. Habitus autem, quoniam in aliqua perfectæ, & constanti animi, aut corporis absolutione consistit, quo in genere est uirtus, scientia, & quæ contraria sunt, res ipsa causa posita docebit, ecquid hic quoque locus suspitionis ostendat. Nam affectionis quidem ratio perspicuam solet præ se gerere coniecturam, ut amor, iracundia, molestia, propterea quod & ipsorum uis intelligitur, & quæ res harum aliquam rem consequantur, faciles cogniti sunt. Studium autem, quoniam est assidua, & uehemens ad aliquam rem applicata magna cum uoluntate occupatio, facile ex eo ducetur

ducetur argumentatio, quam res ipsa desiderabit in causa. Item ex consilio sumetur aliquid suspicionis. Nam consilium est aliquid faciendi, non faciendi uel excogitata ratio. Item facta & casus, & orationes, quæ sunt omnia (ut in confirmationis præceptis dictum est) in tria tempora distributa, facile erit uidere, ecquid afferant ad coniecturam confirmandam suspicionis. Ac personis quidem res eæ sunt attributæ, ex quibus omnibus unum in locum coactis accusatoris erit improbatione hominis uti. Nam causa facti parum firmitudinis habet, nisi animus eius, qui insinulatur, in eam suspicionem adducetur, ut à tali culpa non uideatur abhorruisse. Vt enim animus alicuius improbare nihil ætinet, cum causa quare peccauerit, non intercesserit, sic causam peccati intercedere leue est, si animus nulli minus honestæ rationi affinis ostenditur. Quare uitam eius, quem arguit, ex antefactis accusator improbare debet, & ostendere, si quo in pari ante peccato conuictus sit. Si id non poterit, siquam in similem ante suspicionem uenerit, ac maxime si fieri poterit, simili aliquo in genere eiusmodi causa aliqua commotus peccasse, aut in æque magna re, aut in maiore, aut in minore, ut si quis pecunia dicat inductum fecisse, possit demonstrare aliquam in re eius aliquod factum auarum. Item in omni causa naturam, aut uictum, aut studium, aut fortunam, aut aliquid eorum, quæ personis attributa sunt, ad eam causam, qua commotum peccasse dicet, adiungere, atque ex dispari quoque genere culparum, si ex pari sumendi facultas non erit, improbare animum aduersarij oportebit, si auaritia inductum arguas fecisse, & auarum eum, quem accuses, demonstrare non possis, alijs affinem esse uitijs doceas, & ex ea re non esse mirandum, qui in illa re turpis, aut cupidus, aut petulans fuerit, hac quoque in re eum deliquisse. Quantum enim de honestate, & auctoritate eius, qui arguitur, detractum est, tantum de facultate totius est defensionis diminutum. Si nulli affinis poterit uitio reus ante admissio demonstrari, locus iudicetur ille, per quem hortandi iudices erunt, ut ueterem famam hominis nihil ad rem putent pertinere. Nam cum ante cecidisset, nunc manifesto teneri. Quare non oportere hanc rem ex superiori uita spectari, sed superiorem uitam ex hac re improbari, & aut potestatem ante peccandi non fuisse, aut causam, aut si hæc dici non poterunt, dicendum erit illud extremum non esse mirum, si nunc primum deliquerit. Nam necesse est eum, qui uelit peccare, aliquid quando primum delinquere. Sin uita ante acta ignorabitur, hoc loco præterito, & cur prætereatur demonstrato, argumentis accusationem statim confirmare oportebit. Defensor autem primum, si poterit, debet uitam eius, qui insinulabitur, quam honestissimam demonstrare. Id faciat, si ostendet aliquam eius nota, & communia officia, quod genus in parentes, cognatos, amicos, affines, necessarios, etiam quæ magis rara, & eximia sunt, si ab eo, cum magno aliquo labore, aut periculo, aut utraque re, cum necesse non esset officij causa, aut in tempore, aut in parentes, aut in aliquos eorum, qui modo expositi sunt, facta esse dicet. Deinde si nihil deliquisse, nulla cupiditate impeditum ab officio recessisse, quod eo confirmatius erit, si cum potestas impune aliquid faciendi minus honeste fuisse dicetur, uoluntas ei faciendi demonstrabitur abfuisse. Hoc autem ipsum genus erit eo firmius, si eo ipso in genere, quo arguetur, integer antea fuisse demonstrabitur, ut si cum auaritiæ causa fecisse arguatur, minime omni in uita pecuniæ cupidus fuisse doceatur. Hic illa magna

cum gravitate inducitur indignatio iuncta cōquestioni, per quam miserum facinus esse, & indignum demonstrabitur, cum animus omni in uita fuerit à uitijis remotissimus, eam causam putare, quæ homines audaces in fraudem rapere soleat, castissimum quoque hominem ad peccandum potuisse impellere, aut iniquum esse, & optimo cuique perniciosissimum, nō uitam honeste actam tali in tempore quamplurimum prodesse, sed subita ex criminatione, quæ cōfingi facile possit, non ex ante acta uita, quæ neque ad tempus fingi, neque ullo modo immutari possit, facere iudicium. Sin autem in ante acta uita aliquæ turpitudines erunt, aut falso uenisse in eam existimationem dicentur, aut ex alijs quorum inuidia, aut obreſtatione, aut falsa opinione, aut imprudentiæ, necesse situdini, aut persuasioni, adolescentiæ, aut alicui non malitiosæ animi affectio nī attri buentur, aut dissimili in genere uitiorum, ut animus non omnino integer, sed à tali culpa remotus esse uideatur. Ac si nullo modo uitæ turpitudinis, aut infamia leniri poterit oratione, negare oportebit de uita eius, & moribus queri, sed de eo crimine, quo de arguatur, quare ante factis omisiss, illud, quod instet, agi oportere. **EX FACTO** autem ipso suspiciones ducentur, si totius administratio negotij ex omnibus partibus pertentabitur, atque hæc suspiciones partim ex negotio separatim, partim communiter ex personis, atque ex negotio proficiuntur. Ex negotio duci poterunt, si eas res, quæ negotijs attributæ sunt, diligenter considerabimus. Ex ijs igitur in hanc constitutionem cōuenire uidentur genera eorum omnia, partes generum plerique. Videre igitur primum oportebit, quæ sint continentia cum ipso negotio, hoc est, quæ ab re separari non possunt. Quo in loco satis erit diligenter considerare, quid sit ante rem factum, ex quo spes perficiendi nata, & faciendi facultas quæ sit uideatur, quid in ipsa re gerenda, quid postea consecutum sit, deinde ipsius est negotij gestio pertractanda. Nam hoc genus earum rerum, quæ negotio attributæ sunt, secundo in loco nobis est expositum. Hoc ergo in genere spectabitur, locus, tempus, occasio, facultas, quorum uniuscuiusque uis diligenter in confirmationis præceptis explicata est. Quare, ne aut hic non admonuisse, aut ne eadem iterum dixisse uideamur, breuiter demonstrabimus, quid quaque in parte considerari oporteat. In loco igitur opportunitas, in tempore longiquitas, in occasione commoditas ad faciendum idonea, in facultate copia, & potestas earum rerum, propter quas aliquid facilius fit, aut sine quibus omnino non confici non potest, consideranda est. Deinde uidendum est, quid adiunctū sit negotio, hoc est, quid maius, quid minus, quid æque magnum sit, quid simile, ex quibus coniectura quædam ducitur, si quemadmodum res maiores, minores, æque magnæ, similesque agi soleant, diligenter considerabitur. Quo in genere euentus quoque uidendus erit, hoc est quid ex una quaque re soleat euenire, magnopere considerandum est, ut metus, læticia, titubatio. Quarta autem pars erat ex ijs, quas negotijs dicebamus esse attributas, consecutio. In ea quæruntur ea, quæ gestum negotium confestim, aut ex interuallo consequuntur, in qua uidebimus eoque consuetudo sit, eoque lex, eoque actio, eoque quod eius rei artificium sit, aut usus, aut exercitatio hominum, aut approbatio, aut offensio, ex quibus nonnunquam elicitur aliquid suspitionis. Sunt autem aliquæ suspiciones, quæ communiter, & ex negotiorum, & ex personarum attributionibus sumuntur. Nam ex fortuna, & ex natura, & ex uictu, studio,

factis,

factis, casu, orationibus, consilio, & ex habitu animi, aut corporis pleraque pertinent ad easdem res, quæ rem credibilem, aut incredibilem facere possunt, & cum facti suspitione iunguntur. Maxime enim quæri oportet in hac constitutione. Primum potuerit ne aliquid fieri, deinde e quo ab alio potuerit. Deinde facultas, de qua ante diximus. Deinde utrum id facinus sit, quod poenitere fuerit necesse. Item quod spem celandi haberet. Deinde necessitudo, in qua num necesse fuerit id aut fieri, aut ita fieri quaeritur. Quorum pars ad consilium pertinet, quod personis attributum est, ut in ea causa, quam exposuimus. Anterem erit, quod in itinere se tam familiariter applicauerit, quod sermonis causam quaesierit, quod simul diuerterit, de hinc coenarit. In re, nox, somnus. Post rem, quod solus exierit, quod illum tam familiarem comitatum tam æquo animo reliquerit, quod cruentum gladium habuerit. horum pars ad consilium pertinet. Quaeritur enim utrum uideatur diligenter ratio facienda esse habita, & excogitata, an ita temere, ut non uerisimile sit quæquam tam temere ad maleficium accessisse. In quo queritur num quo alio modo commodius potuerit fieri, uel à fortuna administrari. Nam sæpe, si pœcunig adiumenta, si adiutores desint, facultas fuisse faciendi non uidetur hoc modo, si diligenter attendamus, apta inter se esse intelligimus hæc, quæ negotijs, & illa quæ personis sunt attributa. Hic neque facile est, neque necessarium distinguere, ut in superioribus partibus, quo pacto quidque accusatorem, & quomodo defensorem tractare oporteat. Non necessarium, propterea quod causa posita, quid in quaque conueniat, res ipsa docebit eos, qui non omnia hic se inuenturos putabunt, sed ad ea, quæ præcepta sunt, comparationis modo quandam in commune mediocrem intelligentiam conferent. Non facile autem, quod & infinitum est tot de rebus utraque in partem singillatim de una quaque explicare, & aliàs aliter hæc in utraque partem causæ solent conuenire. Quare considerare hæc, quæ exposuimus, oportebit. Facilius autem ad inuentionem animus incedet, si gesti negotij & suam, & aduersarij narrationem sæpe, & diligenter pertractabit, & quid quæque pars suspitionis habebit, eliciens considerabit. Quare, quo consilio, qua spe perficendi quidque factum sit. cur hoc modo potius, quam illo. cur ab hoc potius, quam ab illo. cur nullo adiutore, aut cur hoc. cur nemo sit conscius, aut cur sit, aut cur hic sit. cur hoc ante factum sit. cur hoc ante factum non sit. cur hoc in ipso negotio. cur hoc post negotium, aut quid factum de industria, aut quid rem ipsam consecutum sit. Constat ne oratio aut cum re, aut ipsa secum. hoc huius nec rei sit signum, an illius, an huius, & illius, & utrius potius. quid factum sit, quod non oportuerit, aut non factum, quod oportuerit. Cum animus hac intentione omnes totius negotij partes considerabit, tum illi ipsi in medium conseruati loci proecedent, de quibus ante dictum est, & cum ex singulis, tum ex coniectis argumenta certa nascentur. quorum argumentorum pars probabilis, pars necessario in genere uersabitur. Accedunt autem ad coniecturam sæpe quæstiones, testimonia, rumores, quæ contra omnia uterque simili uia præceptorum torquere ad suæ causæ commodum debebit. Nam & ex quaestione suspiciones, & ex testimonio, & ex rumore aliquo pari ratione ut ex causa, & ex persona, & ex facto duci oportebit. Quare nobis & ij uidentur errare qui hoc genus suspitionum artificij non putant indigere, & ij, qui aliter

hoc de genere, ac de omni coniectura præciendum putant. Omnis enim h̄isdem ex locis coniectura sumenda est. Nam & eius, qui in quæstione aliquid dixerit, & eius qui in testimonio, & ipsius rumoris causa, & ueritas ex h̄isdem attributionibus reperiretur. Omni autem in causa pars argumentorum est adiuncta ei causæ solum, quæ dicitur, & ab ipsa ita ducta, ut ab ea separatim in omnes eiusdem generis causas transferri non satis commode possit. Pars autem est peruagatior, & aut in omnes eiusdem generis, aut in plerasq; causas accommodata. Hæc ergo argumenta, quæ transferri in multas causas possunt, locos communes nominamus. Nam locus communis, aut certæ rei quandam continet amplificationem. ut si quis hoc uelit ostendere eum, qui parentem necarit, maximo supplicio esse dignum, quo loco nisi perorata, & probata causa, non est utendum. Aut dubiæ, quæ ex contrario quoque habeat probabiles rationes argumentandi, ut suspicionibus credi oportere, & contra, suspicionibus credi non oportere. Ac pars locorum communium, aut per indignationem, aut per conqueſtionem inducitur, de quibus ante dictum est, pars per aliquam probabilem utraque ex parte rationem. Distinguitur autem oratio, atque illustratur maxime, raro inducendis locis communibus, & aliquo loco, iam certioribus illis auditoribus, & argumentis confirmatis. Nam & tum conceditur commune quiddam dicere, cum diligenter aliquis proprius causæ locus tractatus est, & auditoris animus aut renouatur ad ea quæ restant, aut omnibus iam dictis, excusatur. Omnia enim ornamenta elocutionis, in quibus & suauitatis, & grauitatis plurimum consistit, & omnia, quæ in inuentione uerborum, & sententiarum aliquid habent dignitatis, in communes locos conferuntur. Quare, non ut causarum, sic oratorum quoq; multorum communes loci sunt, nam nisi ab ijs, qui multa exercitatione magnam sibi & uerborum, & sententiarum copiam comparauerint, tractari non poterunt ornate, & grauitè, quemadmodum natura ipsorum desiderat. Atque hoc sit nobis dictum communiter de omni genere locorum communium. Nunc exponemus in coniecturalem constitutionem qui loci communes incidere soleant. Suspicionibus credi oportere, & nō oportere. Rumoribus credi oportere, & non oportere. Testibus credi oportere, & non oportere. Quæſtionibus credi oportere, & non oportere. Vitam ante actam spectari oportere, & nō oportere. Eiusdem esse, qui in illa re peccarit, & hoc quoque admisisse, & non esse eiusdem. Maxime spectari causam oportere, & non oportere. Atque hi quidem, & si qui eiusmodi ex proprio argumento communes loci nascuntur, in contrarias partes diducuntur. Certus autem locus est accusatoris, per quem augeat facti atrocitatem, & alter per quem negat malorum misereri oportere. Defensoris, per quem calumnia accusatorum cum indignatione ostenditur, & per quem cum conqueſtione misericordia capitur. Hi, & ceteri omnes loci communes ex h̄isdem præceptis sumuntur, quibus ceteræ argumentationes, sed illæ tenuius, & acutius, & subtilius tractantur, hi autem grauius, & ornati, & cum uerbis, tum etiam sententijs excellentibus. In illis enim finis est, ut id, quod dicitur, uerum esse uideatur, in his tamen hoc quoque uideri oportet, tamen finis est amplitudo. Nunc ad aliam constitutionem transcamus.

Cum



VM est nominis cōtrouersia, quia uis uocabuli definitiua uerbis ē, constitutio definitiua dicitur. Eius generis exēplo nobis posita sit hæc causa. C. Flaminius is, qui cōsul remp. male gessit bello punico secūdo, cum tribunus plebis esset inuio senatu, & omnino contra uoluntatem omnium optimatum per seditionem ad populum legem agrariam ferebat. Hunc pater iuius concilium plebis habentem de templo deduxit. Accersitur maiestatis. Intentio est, maiestatem minuiſti, quod tribunum plebis de templo deduxisti. Depulsio est, nō minui maiestatem. Quæstio est, maiestatem ne mſauerit. Ratio, in filium enim quam habebam potestatem, ea usus sum. Rationis infirmatio. At enim, qui patria potestate, hoc est priuata quadam tribunitia potestate, hoc est populi potestatem infirmat, minuit is maiestatem. Iudicatio est, minuat ne is maiestatem, qui in tribunitiam potestatem patria potestate utatur. Ad hanc iudicationem argumentationes omnes afferri oportebit. Ac, ne quis forte arbitretur nos nō intelligere aliā quoque incidere cōstitutionem in hanc causam, eam nos partem solā sumimus, in qua præcepta nobis danda sunt. Omnibus autem partibus hoc in libro explicatis, quiuis omni in causa, si diligenter attendet, omnes uidebit constitutiones, & earum partes, & controuersias, siquæ forte in eas incident. nam de omnibus perſcribemus. Primus ergo accusatoris locus est, eius nominis, cuius de ui queritur, breuis, & aperta, & ex hominum opinione definitio, hoc modo. Maiestatem minuere est de dignitate, aut amplitudine, aut potestate populi, aut eorum, quibus populus potestatem dedit, aliquid derogare. Hoc sic breuiter exposicum, pluribus uerbis est, & rationibus confirmandum, & ita esse, ut describeris, ostendendum. Postea ad id, quod definitis, factum eius, qui accusabitur, adiungere oportebit, & ex eo, quod ostenderis esse, uerbi causa, maiestatem minuire, docere aduersarium maiestatem minuisse, & hunc locum totum communi loco confirmare, per quem ipsius facti atrocitas, aut indignitas, aut omnino culpa cum indignatione augeatur, post erit infirmanda aduersariorum descriptio. Ea autem infirmabitur, si falsa demonstrabitur, hoc ex opinione hominum sumetur, cum quemadmodum, & quibus in rebus homines in consuetudine scribendi, aut sermocinandi eo uerbo uti soleant, considerabitur. Item infirmabitur, si turpis, aut inutilis esse ostendatur eius descriptionis approbatio, etsi, quæ incommoda consecutura sint, eo concessio, ostendatur. Id autem ex honestatis, & utilitatis partibus sumetur, de quibus in deliberationis præceptis exponemus. Et si, cum definitione nostra aduersariorum definitionem conferemus, & nostram ueram, honestam, utilem esse demonstrabimus, illorum contra. Queremus autem res, aut maiori, aut minori, aut pari in negotio similes, ex quibus affirmetur nostra descriptio. Iam si res plures erunt definiendæ, ut si queratur, fur sit, an sacrilegus, qui uasa ex priuato sacra surripuerit, erit utendū pluribus definitionibus. Deinde simili ratione causa tractanda. Locus autem cōmunis in eius malitiam, qui non modo rerum, uerum etiam uerborum potestatem sibi arrogare conetur, ut & faciat, quod uelit; & id, quod fecerit, quo uelit nomine appellet. Deinde defensoris primus locus est, item nominis breuis, & aperta, & ex opinione hominum descriptio, hoc modo. Maiestatem minuere est, aliquid de rep. cum potestatem non habear, administrare. Deinde huius cōfirmatio est, similibus & exemplis, & ras

tionibus, postea sui facti ab illa definitione separatio. Deinde locus communis, per quem facti utilitas, aut honestas adaugetur. Deinde sequitur aduersariorum definitionis reprehensio, quæ ipsidem ex locis omnibus, quos accusatori præscripsimus, conficitur, & cetera post eadem præter commune locum inducuntur. Locus autem communis erit defensoris is, per quæ indignabitur, accusatorem sui periculi causa non res solum conuertere, uerum etiam uerba commutare conari. Nam illi quidem communes loci, qui aut calumniæ accusatorum demonstrandæ, aut misericordiæ captandæ, aut facti indignandi, aut à misericordia deterrendi causa sumuntur, ex periculi magnitudine, non ex causæ genere ducuntur. Quare non in omnem causam, sed in omne causæ genus incidunt. Eorum mentionem in coniecturali constitutione fecimus. In ductione autem eorum, cum causa postulabit, utemur.



VM Autem actio translationis, aut commutationis indigere uideatur, quod non aut is agit, quem oportet, aut cum eo, qui cū oportet, aut apud quos, qua lege, qua pœna, quo crimine, quo tempore oportet, constitutio translatiua appellatur. Huius nobis exempla permulta opus sunt, si singula translationum genera quæramus, sed quia ratio præceptorum similis est, exemplorum multitudine super sedendum est. Atque in nostra quidem consuetudine multis de causis fit, ut rarius incidunt translationes. Nam & prætoris exceptionibus multæ excluduntur actiones, & ita ius ciuile habemus constitutum, ut à causa cadat is, qui non quemadmodum oportet, egerit. Quare in iure plerumque uersantur. Ibi enim & exceptiones postulantur, & quodammodo agendi potestas datur, & omnis conceptio priuatorum iudiciorum constituitur. In ipsis autem iudicijs rarius incidunt, & tamen, si quando incidunt, eiusmodi sunt, ut per se minus habeant firmitudinis, confirmantur autem assumpta alia aliqua cōstitutione. Ut in quodam iudicio, cum uenefici cuiusdam nomen esset delatum, & quia paricidij causa subscripta esset, extra ordinem esset acceptum, cū in accusatione alia quedam crimina testibus, & argumentis confirmarentur, paricidij autem solum mentio facta esset, defensor in hoc ipso multum oportet ut diu consistat, cum de nec parentis nihil demonstratum sit, indignum facinus esse ea pœna afficere eum, qua paricidæ afficiuntur, id autem si damnaretur, fieri necesse esset, quoniam & id causæ subscriptum, & ex ea re nomen extra ordinem sit acceptum. Ea igitur pœna si affici reum non oporteat, damnari quoque non oportere, quoniam ea pœna damnationem necessario consequatur. Hic defensor pœnæ commutationem ex translatiua genere inducendo, totam infirmabit accusationem. Veruntamen ceteris quoque criminibus defendendis coniecturali constitutione translationem confirmabit. Exemplum autem translationis in causa nobis positum sit huiusmodi. Cum ad uim faciendam quidam armati uenissent, armati cōtra præsto fuerunt, & cuidam equiti romano quidam ex armatis rāsistenti gladio manum præcidit. Agit is, cui manus præcisa est, iniuriarum, postulat is, qui cum agitur, à prætore exceptionem, extra quam in reum capitis præiudicium fiat. Hic is, qui agit iudiciū purū postulat. Ille, qui cum agitur, exceptionem addi ait oportere. Quæstio est, excipiendū sit, an non? Ratio. Non enim oportet in recuperatorio iudicio eius malefici de quo inter sicarios queritur, præiudicium fieri. Infirmitas rationis. Eiusmo-

di sunt iniuriæ, ut de his indignum sit non primo quoque tempore iudicari. Iudicatio. Atrocitas iniuriarum satis ne causæ sit, quare dum de ea iudicetur, de aliquo maiore maleficio, de quo iudicium comparatum sit, præiudicetur, atque exemplum quidem hoc est. In omni autem causa ab utroque queri oportebit, a quo, & per quos, & quomodo, & quo tempore aut agi, aut iudicari, aut quid statui de ea re conueniat. Id ex partibus iuris, de quibus post dicendum est, sumi oportebit, & ratiocinari, quid i similibus rebus fieri soleat, & uidere utrū malitia quid aliud agatur, aliud simuletur, an stultitia, an necessitudine, quod alio modo agi non possit, an occasione agendi sic sit iudicium, aut actio constituta, an recte sine ulla re eiusmodi res agatur. Locus autem communis contra eum, qui translationem inducet, fugere iudicium, ac poenam, quia causæ diffidat. A translatione autem omnium fore perturbationem, si non ita res agatur, & in iudicium ueniat, quo pacto oporteat, hoc est si aut cū eo agatur, qui cum non oporteat, aut alia poena, alio crimine, alio tempore. Atque hanc rationem ad perturbationem iudiciorum omnium pertinere. Tres igitur ex constitutiones, quæ partes non habent, ad hunc modum tractabuntur. Nunc generalem constitutionem, & partes eius consideremus.

UMET factio, & facti nomine concessio, neque ulla actionis illata controuersia, uis, & natura, & genus negotij ipsius queritur, constitutionem generalem appellamus. Huius primas esse parteis duas nobis uideri diximus, negotialem, & iudicialē. Negotialis est, quæ in ipso negotio iuris ciuiliis habet implicitam controuersiam. Ea est huiusmodi. Quidam pupillum heredem fecit, pupillus autem ante mortuus est, quam in suam tutelam ueniret. De hereditate ea, quæ pupillo uenit inter eos, qui patris pupilli heredes secundi sunt, & inter agnatos pupilli controuersia est, possessio heredum secundorum est. Intentio est agnatorum, nostra pecunia est, de qua is, cuius agnati sumus testatus non est. Depulsio est, immo nostra, qui heredes secundi testamento patris sumus. Questio est, utrorum sit. Ratio est pater enim & sibi, & filio testamentum scripsit, dum is pupillus esset. Quare quæ filij fuerunt, testamento patris nostra fiant necesse est. Infirmatio est rationis, immo pater sibi scripsit, & secundum heredem non filio, sed sibi iussit esse. Quare præterquam quod ipsius fuit in testamento, ullius uestrum esse non potest. Iudicatio, possit ne quisquam de filij pupilli re testari, an heredes secundi ipsius patris familias, non filij quoque eius pupilli heredes sint. Atque hoc non alienum est, quod ad multa pertineat, ne aut nusquam, aut usquequaque dicatur hic admonere. Sunt causæ, quæ plures habent rationes in simplici constitutione, quod sit, cum id, quod factum est, aut quod defenditur, pluribus de causis rectum, aut probabile uideri potest, ut in hac ipsa causa, supponatur enim ab heredibus hæc ratio. Vnius enim pecuniæ plures dissimilibus de causis heredes esse non possunt, nec unquam factum est, ut eiusdem pecuniæ alius testamento, alius lege hæres esset. Infirmatio autem hæc erit, non est una pecunia, propterea quod altera iam erat pupilli aduentitia, cuius hæres nō illo in tempore in testamento quisquam scriptus erat, si quid pupillo accidisset, & de altera patris etiam nunc mortui uoluntas plurimum ualebat, quæ iam mortuo pupillo suis heredibus concedebat. Iudicatio est, uanæ pecuniæ fuerit, ac si hac erunt usi infirmatione, posse plures esse unius heredes pecuniæ dissimi-

libus de causis. de eo ipso iudicatio nascitur, possint ne eiusdem pecuniae plures dissimilibus generibus esse haeredes. Ergo una in constitutione intellectum est, quomodo & rationes, & rationum infirmationes, & praeterea iudicationes plures fiant. Nunc huius generis praecpta uideamus. Verisq; aut etiam omnibus si plures ambigent, ius ex quibus rebus constet, est considerandum. Initium ergo eius ab natura ductum uidetur. Quaedam autem ex utilitatis ratione, aut perspicua nobis, aut obscura in consuetudinem uenisse. Post autem approbata quaedam aut a consuetudine, aut uero utilia uisa, legibus esse firmata. Ac naturae quidem ius est, quod nobis non opinio, sed quaedam innata uis asserat, ut religionem, pietatem, gratiam, uindicationem, obseruantiam, ueritatem. Religionem, eam, quae in metu, & caerimonia deorum sit, appellant. Pietatem, quae erga patriam, aut parentes, aut alios sanguine coniunctos officium conseruare moneat. Gratiā, quae in memoria, & remuneratione, officiorum, & honorum, & amicitiarum obseruantiam teneat. Vindicationem, per quam uim, & contumeliam defendendo, aut ulciscendo propulsumus a nobis, & a nostris, qui nobis esse cari debent, & per quam peccata punimus. Obseruantiam, per quam aetate, aut sapientia, aut honore, aut aliqua dignitate antecedentes reueremur, & colimus. Veritatem, per quam damus operam, nequid aliter, q̄ confirmauerimus, fiat, aut factum, aut futurum sit. Ac naturae quidem iura minus ipsa quaeruntur ad hanc controuersiam, quod neque in hoc ciuili iure uersantur, & a uulgari intelligentia remotiora sunt, ad similitudinem uero aliorum, aut ad rem amplificandam saepe sunt inferenda. Consuetudinis autem ius esse putatur id, quod uoluntate omnium sine lege uetustas comprobabit. In ea autem iura sunt quaedam ipsa iam certa propter uetustatem. Quo in genere & alia sunt multa, & eorum multo maxima pars, quae praetores edicere consueuerunt. Quaedam autem genera iuris iam certa consuetudine facta sunt, quod genus, pactum, par, iudicatum. Pactum est, quod inter aliquos conuenit, quod iam ita iustum putatur, ut iuri praestare dicatur. Par, quod inter omnes aequabile est. Iudicatum, de quo iam ante sententia alicuius, aut aliquorum constitutum est. Iam iura legitima ex legibus cognosci oportebit. His ergo ex partibus iuris quidquid aut ex ipsa re, aut ex simili, aut ex maiore, aut ex minore nasci uidebitur, quemq; attendere, atque elicere pertinet ad uinam, quaq; partem iuris oportebit. Locorum autem communium, quoniam (ut ante dictum est) duo sunt genera, quorum alterum dubiae rei, alterum certae continet amplificationem, quid ipsa causa det, & quid augeri per communem locum possit, & oporteat, considerabitur. Nam certi, qui in omnes incidant loci praescribi non possunt. in plerisque fortasse ab auctoritate iuriscōsultorum, & contra auctoritatem dici oportebit. Attendendum est autem in hac, & in omnibus, num quos locos communes, praeter eos, quos exposuimus, ipsa res ostendat. Nunc iuridicale genus, & parteis eius consideremus.

IURIDICALIS est, in qua aequi, & iniqui natura, & praemij, aut poenae ratio quaeritur. Huius partes sunt duae, quarum altera absolutam, alteram assumptiuam nominamus. Absoluta est, quae ipsa in se, non ut negotialis implicite, & abscondite, sed patentius, & expeditius reuerti, & non recti questionem continet. ea est huiusmodi. Cum Thebani Lacedaemonios bello superauissent, & serē ne esset Graeis, cum inter se bellum gessissent,

sissent, ut si, qui uicissent, trophæum aliquod in finibus statuerent uictoriæ
 modo in præsentia declarandæ causæ, non ut in perpetuum belli memoria ma-
 neret, æneum statuerunt trophæum. Accusantur apud Amphictionas, id est
 apud commune Græciæ concilium. Intentio est, non oportuit. Depulsio est,
 oportuit. Quæstio est, oportuerit ne? Ratio est, eam enim ex bello gloriam
 uirtute peperimus, ut eius æterna insignia posteris nostris relinquere uelle-
 mus. Infirmatio est, attamen æternum inimicitiarū monumentum Graios de
 Graiis statuere non oportet. Iudicatio est, cum summæ uirtutis celebrandæ
 causæ Grai de Graiis æternum inimicitiarum monumentum statuerint, recte
 ne, an contra fecerint? Hanc ideo rationem subieciimus, ut hoc causæ genus ip-
 sum, de quo agimus, cognosceretur. Nam si eam supposuissimus, quæ fortasse
 uis sunt, non enim iuste, neque pie bellum gessistis, in relationem criminis dila-
 beremur, de qua post loquemur. Verumque autem causæ genus in hanc causam
 incidere perspicuum est. In hanc argumentationes ex iisdem locis sumendæ
 sunt, atque in causam negotialem, de qua ante dictum est. Locos autem commu-
 nes & ex causâ ipsâ, siquid inerit indignationis, aut conuestionis, & ex iuris
 utilitate, & natura multos, & graues lumere licebit, & oportebit, si causæ di-
 gnitas, uidebitur postulare. Nunc assumptiuam partem iuridicialis considere-
 mus. **A S S V M P T I U A** igitur tunc dicitur, cum ipsum ex se factum probari nō
 potest, aliquo autem foris adiuncto argumento defenditur. Eius partes sunt
 quatuor. Comparatio, Relatio criminis. Remotio criminis, Concessio. Com-
 paratio est, cum aliquod factum, quod per se ipsum non sit probandum, ex eo
 cuius id causa factum est, defenditur. Ea est huiusmodi. Quidam Imperator,
 cum ab hostibus circumsideretur, neque effugere ullo modo posset, depactus
 est cum eis, ut arma, & impedimenta relinqueret, milites educeret. Itaque fecit.
 Armis, & impedimentis amissis, præter spem milites conseruauit. Accusatur
 maiestatis. Incurrit huc definitio, sed nos hunc locum, de quo agimus, conside-
 remus. Intentio est. Non oportuit arma, & impedimenta relinquere. Depul-
 sio est, oportuit. Quæstio est, oportuerit ne? Ratio est, milites enim omnes
 perisissent. Infirmatio est, aut coniecturalis, non perisissent, aut altera coniectu-
 ralis, non ideo fecisti. Ex quibus sunt iudicationes. perisissent ne? & ideo ne fe-
 cerit? aut hæc comparatiua, cuius nunc indigemus. At enim satius fuit amitte-
 re milites, quam arma, & impedimenta hostibus concedere. Ex qua iudica-
 tio nascitur, quæ omnes perituri milites essent, nisi ad hanc pacitionem uenisse-
 sent, utrum satius fuerit amittere milites, an ad hanc conditionem uenire? Hoc
 causæ genus ex his locis tractari conueniet. Oportebit adhibere ceterarum
 quoque constitutionum rationem, atque præcepta, ac maxime coniecturis facien-
 dis infirmare illud, quod cum eo, quod crimini dabitur, si qui accusabuntur,
 comparabuntur. Id fiet, si aut id, quod dicent defensores futurum fuisse, nisi id
 factum esset, quo de facto iudicium est, futurum fuisse negabitur, aut si alia ra-
 tione, & aliam ob causam, ac dicet se reus fecisse, demonstrabitur esse factum.
 Eius rei confirmatio, & item contraria de parte infirmatio ex coniecturali cō-
 stitutione sumetur. Sin autem certo nomine maleficij uocabitur in iudicium,
 sicut in hac causâ, nam maiestatis accersitur, definitione, & definitionis præce-
 ptis uti oportebit. Atque hæc quidem plerumque in hoc genere incidunt, ut con-
 iectura, & definitione utendum sit. Sin aliud quoque aliquod genus incidet,

eius generis præcepta licebit huc pari ratione transferre. Nam accusatori maxime est in hoc elaborandum, ut id ipsum factum, propter quod sibi reus concedi putat oportere, quamplurimis infirmet rationibus. quod facile est, si quamplurimis constitutionibus aggrediatur id improbare. Ipsa autem comparatio separata à ceteris generibus controuersiarum sic ex sua ui considerabitur, si illud, quod comparabitur, aut non honestum, aut non utile, aut non necessarium fuisse, aut non tantopere utile, aut non tantopere honestum, aut non tantopere necessarium fuisse demonstrabitur. Deinde oportet accusatorem illud, quod ipse arguat, ab eo, quod defensor comparat, separare. Id autem faciet, si demonstrabit non ita fieri solere, neque oportere, neque esse rationem, quare hoc propter hoc fiat, ut propter salutem militum ea, quæ salutis causa comparata sunt, hostibus tradantur. Postea comparare oportebit cum beneficio maleficium, & omnino id, quod arguitur, cum eo, quod factum ab defensore laudatur, aut faciendum fuisse demonstratur, contendere. Et hoc extenuando maleficij magnitudinem simul adaugere. Id fieri poterit, si demonstrabitur, honestius, utilius, magis necessariū fuisse illud, quod uiraritur reus, quàm illud, quod fecerit. Honesti autem, & utili, & necessarij uis, & natura in deliberationis præceptis cognoscetur. Deinde oportebit ipsam illam comparatiuam iudicationem exponere tanquā causam deliberatiuam, & de ea ex deliberationis præceptis deinceps dicere. Sit enim hæc iudicatio, quam ante exposuimus. Cum omnes perituri milites essent, nisi ad hanc pacitionem uenissent, utrum satius fuerit perire milites, an ad hanc pacitionem uenire. Hoc ex locis deliberationis, quasi aliquam in cōsultationem res ueniat, tractari oportebit. Defensor autem quibus in locis ab accusatore alie constitutiones erunt inducitur, in ijs ipse quoque ex iisdem constitutionibus defensionem comparabit, ceteros autem omnes locos, qui ad ipsam comparisonem pertinebunt, ex contrario tractabit. Loci autem communes erunt accusatoris, in eum qui cum de facto turpi aliquo, aut inutili, aut utroque fateatur, quærat tamen aliquam defensionem, & facti inutilitatem, aut turpitudinem cum indignatione proferre. Defensoris est nullum factum inutile, neque turpe, neque item utile, neque honestum putari oportere, nisi quo animo, quo tempore, qua de causa factum sit, intelligatur. Qui locus ita communis est, ut bene tractatus in hac causa, magno ad persuadendum momento futurus sit. Et alter locus, per quem magna cum amplificatione beneficij magnitudo ex utilitate, aut honestate, aut facti necessitudine demonstratur. Et tertius, per quem res expressa uerbis ante oculos eorum, qui audiunt, ponitur, ut ipsi se quoque idem facturos fuisse arbitrentur, si sibi illa res atque ea faciendi causa per idem tempus accidisset.

RELATIO criminis est, cum reus id, quod arguitur cōfessus, alterius se inductum peccato iure fecisse demonstrat. Ea est huiusmodi. Horatius occisis tribus Curiatibus, & duobus amissis fratribus, domum se uisitor recepit. Is autem aduertit sororem suam de fratrum morte non laborantem, sponsi autem nomen appellantis identidem Curiatibus cum gemitu, & lamentatione, indigne passus uirginem occidit, accusatur. Intentio est, iniuria sororem occidisti. Depulsio est. Lure occidi. Quæstio est. iurene occideris. Ratio est. Illa enim hostium mortem lugebat, fratrum negligebat. me & Populum Ruicisse moleste ferebat. Infirmatio est. Tamen à fratre indemnata necari non oportuit.

tuit, ex qua iudicatio fit. Cum Horatia fratrum mortem negligeret, hostium lugeret, de fratris, & Populi R. uictoria non gauderet, oportuerit ne eam à fratre indemnata necari. Hoc in genere causæ, primum, siquid ex ceteris dabitur constitutionibus sumi oportebit, sicut in comparatione præceptum est. Postea si qua facultas erit, per aliquam constitutionem illum, in quem crimen transferretur, defendere. Deinde leuius esse illud, quod in alterum peccatum reus transferat, quam quod ipse susceperit. Postea translationis partibus uti, & ostendere à quo, & per quos, & quomodo, & quo tempore aut agi, aut iudicari, aut statui de ea re conuenerit, ac simul ostendere non oportuisse ante supplicium, quam iudicium interponere. Tum leges quoque, & iudicia demonstranda sunt, per quæ potuerit id peccatum, quod sponte sua reus punitus sit, moribus, & iudicio uindictari. Deinde negare debebit, audiri oportere, id, quod in eum criminis conferatur, de quo is ipse, qui conferat, iudicium fieri non luerit, & id, quod iudicatum non sit, pro infecto haberi oportere. Postea impudentiam demonstrare eorum, qui eum nunc apud iudices accusent, quem sine iudicibus ipsi condemnarint, & de eo iudicium faciant, de quo iam ipsi supplicium sumplerint. Postea perturbationem iudicij futuram dicemus, & iudices longius, quam potestatem habeant progressuros, si simul & de reo, & de eo, quem reus arguat, iudicarint. Deinde hoc si constitutum sit, ut peccata homines peccatis, & iniurias iniurijs ulciscantur, quantum incommodum consequatur. Ac si idem facere ipse, qui nunc accusat, ualuisse, ne hoc quidem ipso quidquam opus fuisset iudicio. Si uero ceteri quoque idem faciant, omnino iudicium nullum futurum. Postea demonstrabitur, ne si iudicio quidem illa damnata esset, in quam id crimen ab reo conferatur, potuisse hunc ipsum de illa supplicium sumere. Quare esse indignum, eum, qui ne de damnata quidem poenas sumere potuisset, de ea supplicium sumpsisse, quæ ne adducta quidem sit in iudicium. Deinde postulabit, ut legē, qua lege fecerit, proferat. Deinde (quemadmodum in comparatione præcipiebamus) ut illud, quod comparabatur, extenuaretur ab accusatore quam maxime, sic in hoc genere oportebit illius culpam, in quem crimen transferetur, cum huius maleficio, qui se iure fecisse dicat, comparare. Postea demonstrandum est, non esse illud eiusmodi, ut ob id hoc fieri conueniret. Extrema est, ut in comparatione, assumptio iudicationis, & de ea per amplificationem ex deliberationis præceptis dictio. Defensor autem, quæ per alias constitutiones inducentur, ex his locis, qui traditi sunt, infirmabit. Ipsam autem relationem comprobabit, primum augendo eius, in quem refert crimen, culpam, & audaciam, & quam maxime per indignationem, si res feret iuncta conuestione ante oculos ponendo. Postea leuius demonstrando reum punitum, quam sit ille promeritus, & suum supplicium cum illius iniuria conferendo. Deinde oportebit eos locos, qui ita erunt ab accusatore tractati, ut refelli, & contrariam in partem conuerti possint, quo in genere sunt tres extremi, contrarijs rationibus infirmare. Illa autem acerrima accusatorum criminatio, per quam perturbationem fore omnium iudiciorum demonstrant, si de indemnato supplicij sumendi potestas data sit, leuabitur. Primum si eiusmodi demonstrabitur iniuria, ut non modo uiro bono, uerum etiam homini libero uideatur non fuisse toleranda. Deinde ita perspicua, ut ne ab ipso quidem, qui fecisset i dubium uocaretur. Deinde eiul

modi, ut in eam is maxime debuerit animaduertere, qui animaduertit, ut nō tam rectum, non tam fuerit honestum in iudicium illam rem peruenire, quam eo modo, atq; ab eo vindicari, quomodo, & ab quo sit vindicata. Postea sic rē fuisse a pertam, ut iudicium de ea re fieri nihil attinuerit. Atq; hic demonstrandum ē, rationibus, & rebus similibus, permultas ita atroces, & perspicuas res esse, ut de his non modo non necesse sit, sed ne utile quidem, quin mox iudiciū fiat, expectare. Locus communis accusatoris in eum, qui, cum id, quod arguitur, negare non possit, tamen aliquid sibi spei eomparet ex iudiciorum perturbatione. Atq; hic utilitatis iudiciorum demonstratio, & de eo conquestio, qui supplicium dederit indemnatus, in eius autem, qui sumpserit audaciam, & crudelitatem, indignatio. A b defensore, in eius, quem ultus sit, audaciam sui conquestione, rem non ex nomine ipsius negotij, sed ex consilio eius, qui fecerit, & causa, & tempore cōsiderari oportere, quid mali futurum sit, aut ex iniuria aut ex scelere alicuius, nisi tanta, & tam perspicua audacia ab eo, ad cuius famā, aut ad parentes, aut ad liberos pertinuerit, aut ad aliquam rem, quam caram esse omnibus aut necesse est, aut oportet esse, fuerit vindicata. REMOTIO criminis est, cum eius intentio facti, quod ab aduersario infertur, in alium, aut in aliud dimouetur. Id sit bipartito. Nam tum causa, tum res ipsa remouetur. Causæ remotionis hoc nobis exemplo sit. Rhodij quosdam legarunt Athenas. Legatis quæstores sumptum, quem oportebat dari, non dederunt. Legati profecti non sunt. Accusantur. Intētio est. Proficisci oportuit. Depulsio est. Non oportuit. Quæstio est. Oportueritne. Ratio est. Sumptus enim, qui de publico dari solet, is ab quæstore non est datus. Infirmatio est. Vos tamē id, quod publice uobis datum erat negotij, confiscare oportebat. Iudicatio est, cū ijs, qui legati erant. Sumptus qui debebatur, de publico non daretur, oportueritne eos confiscare nihilominus legationem. Hoc in genere primum sicut in ceteris, siquid aut ex coniecturali, aut ex alia constitutione sumi possit, uideri oportebit. Deinde pleraq; ex comparatione, & ex relatione criminis in hanc quoque causam conuenire poterunt. Accusator autem illum, cuius culpa id factum reus dicet, primū defendet, si poterit. Sin minus poterit, negabit ad hoc iudicium illius, sed huius, quē ipse accuset, culpam pertinere. postea dicet, suo quonq; officio consulere oportere, nec si ille peccasset, hunc oportuisse peccare. deinde si ille deliquerit, separatim illum, sicut hunc accusari oportere, & nō cum huius defensione coniungi illius accusationem. Defensor autem, cum cetera, si qua ex alijs incident constitutionibus pertractari, de ipsa remotione sic argumentabitur. Primum cuius acciderit culpa demonstrabit. Deinde cū id aliena culpa accidisset, ostendet se aut non potuisse, aut non debuisse id facere, quod accusator dicat oportuisse. quod non potuerit, ex utilitatis partibus, in quibus est necessitudinis uis implicata, demonstrabit. quod non debuerit, ex honestate considerabit. De utroq; distinctius in deliberatio genere dicetur. Deinde omnia facta esse ab reo, quæ in ipsius fuerint potestate, quod minus quàm conuenient, factum sit, culpa id alterius accidisse. Deinde in alterius culpa exponenda demonstrandum est, quantum uoluntatis, & studij fuerit in ipso, & id signis confirmandum huiusmodi, ex cetera diligentia, ex ante factis, aut dictis, atq; hoc ipsi utile fuisse facere. inutile autem non facere, & cum cetera uita magis hoc fuisse consentaneum, quàm quod propter alterius culpam

culpam non fecerit. Sin autem non in hominem certum, sed in rem aliquam causa dimouebitur, ut in hac eadem re, si quaestor mortuus esset, & iccirco legatis pecunia data non esset, accusatione alterius, & culpae de pulsione dempra, ceteris similiter uti locis oportebit, & ex concessionis partibus quae conuenient, assumere, de quibus post nobis dicendum erit. Loci autem communes idem utrisque fere, qui superioribus assumptiuis incidit. Hi tamen certissimi. Accusatoris, facti indignatio. Defensoris, cum in alio culpa sit, aut in ipso non sit, supplicio reum affici non oportere. Ipsius autem rei sit remotio, cum id, quod datur crimini, negat neque ad se, neque ad officium suum reus pertinuisse, nec, si quod in eo sit delictum, sibi attribui oportere. Id genus causae est huiusmodi. In eo scedere, quod factum est quondam cum Samnitibus quidam adolescentens nobilis porcam sustinuit iussu imperatoris. Scedere autem ab senatu improbato, & imperatore Samnitibus dedito, quidam in senatu cum quoque dicit, qui porcam tenuerit, dedit oportere. Intentio est. Dedit oportet. Depulsio est. Non oportet. Questio est. Oporteat ne. Ratio est. Non enim meum fuit officium, nec mea potestas, cum & id aetatis & priuatus essem, & esset summa cum auctoritate, & potestate imperator, qui uideret, ut satis honestum scodus feriretur. Infirmatio est. At tamen, quoniam tu particeps factus es in turpissimo scedere summae religionis, dedit te conuenit. Ludicatio est. Cum is, qui potestatis nihil habuerit iussu imperatoris in scedere, & in tanta religione interfuerit, dedendus ne sit hostibus, nec ne. Hoc genus causae a superiore hoc differt, quod in illo concedit se reus oportuisse facere id, quod fieri dicat accusator oportuisse, sed alicui rei, aut homini causam attribuit, quae uoluntati suae fuerit impedimento sine concessionis partibus. Nam earum quaedam maior uis est, quod paulo post intelligitur. In hoc autem non accusare alterum, nec culpam in alium transferre debet, sed demonstrare eam rem nec ad se, nec ad potestatem, neque ad officium suum pertinuisse, aut pertinere. Atque in hoc genere hoc accidit noui, quod accusator quoque saepe ex remotione criminationem conficit. Ut si quis eum accuset, qui, cum praetor esset, in expeditionem ad arma populum uocarit, cum consules adessent. Nam ut in superiore exemplo reus ab suo officio, ac potestate factum dimouebat, sic in hoc ab eius officio, ac potestate, qui accusatur, ipse accusator factum remouendo, hac ipsa ratione confirmat accusationem. In hac ab utroque ex omnibus partibus honestatis, & omnibus utilitatis partibus exemplis, signis, ratiocinando quid cuiusque officij, iuris, potestatis sit, quaeri oportebit, & fuerit ne ei, quod de agitur, id iuris officij potestatis attributum, nec ne. Locos autem communes ex ipsa re, siquid indignationis, ac conquestionis habebit, sumi oportebit. **C O N C E S S I O** est, per quam non factum ipsum improbat, tur ab reo, sed ut ignoscatur, id petitur. Cuius partes sunt duae, purgatio, & deprecatio. Purgatio est, per quam eius, qui accusatur, non factum ipsum, sed uoluntas defenditur. Ea habet parteis tres, imprudentia, casum, necessitudinem. Imprudentia est, cum scisse aliquid, qui arguitur, negatur. Ut apud quosdam lex erat, nequis Dianae uitulum immolaret. Nautae quidam, cum aduersa tempestate in alto iactarentur, uouerunt, si eo portu, quem conspicebant, potiti essent, ei deo, qui ibi esset, se uitulum immolatu ros. Casu erat in eo portu sanum Dianae eius, cui uitulum immolari non licet.

M. T. Rhe.

K

cebat. Imprudentes legis cum exissent, uitulum immolauerunt. Accusantur. Intentio est. Vitulum immolastis ei deo, cui non licebat. Depulsio est in concessione posita. Ratio est, nesciui non licere. Infirmatio est. Tamen quoniam fecisti, quod non licebat, ex lege supplicio dignus es. Iudicatio est. Cum id fecerit, quod non oportuerit, & id non oportere nescierit, sit ne supplicio dignus. Casus autem inferetur in concessione, cum demonstrabitur aliqua fortune uis uoluntati obstetisse, ut in hac. Cū Lacedæmonijs lex esset, ut hostias, nisi ad sacrificium quoddam redemptor præbuisset, capitale esset. hostias is, qui redeemerat, cum sacrificij dies instaret, in urbem ex agro cepit agere, tum subito magnis commotis tempestatibus fluuius Eurotas is, qui propter Lacedæmonem fuit, ita magnus, & uehemens factus est, ut eo traduci uictimæ nullo modo possent. Redemptor suæ uoluntatis ostendendæ causâ hostias constituit omnes in litore, ut qui trans flumē essent, uidere possent. Cum omnes studio eius subitam fluminis magnitudinem scirent fuisse impedimento, tamen quidam capitis accersierunt. Intentio est. Hostiæ, quas debuisti, ad sacrificium præsto non fuerunt. Depulsio est concessio. Ratio. Flumen enim subito accreuit, & ea re traduci non potuerunt. Infirmatio est, tamen quoniam quod lex iubet, factum non est, supplicio dignus es. Iudicatio est. Cum in ea re redemptor contra legem aliquid fecerit, quæ in re studio eius subita fluminis obstiterit magnitudo, supplicio ne dignus sit. Necessitudo autem inferitur, cum uel quidā reus id, quod fecerit, fecisse defenditur, hoc modo. Lex est apud Rhodios, ut si qua rostrata in portu nauis deprehensa sit, publicetur, cum magna in alto tempestas esset, uis uentorum inuitis nautis Rhodiorū in portum nauim coegit. Quæstor nauim populi uocat. Nauis dominus negat publicari oportere. Intentio est. Rostrata nauis in portu deprehensa est. Depulsio est concessio. Ratio. Vi, & necessario sumus in portum coacti. Infirmatio est. Nauim ex lege tamen populi esse oportet. Iudicatio est. Cum rostratam nauim in portu deprehensam lex publicaret, cumq; hæc nauis inuitis nautis ui tempestatis in portū coniecta sit, oporteat ne eam publicari. Horum trium generū iccirco unum in locum contulimus exempla, quod similis in ea præcepto argumentorū traditur. Nā in his omnibus primum, siquid res ipsa dabit facultatis, coniecturam ab accusatore induci oportebit, ut id, quod uoluntate factum negabitur, consulto factum suspicione aliqua demonstretur. Deinde inducere definitionem necessitudinis, aut casus, aut imprudentiæ, & exempla ad eam definitionem adiungere, in quibus imprudentia fuisse uideatur, aut casus, aut necessitudo, & ab his id quod reus inferat, separare, id est ostendere dissimile, quod leuius, facilius, non ignorabile, non fortuitum, non necessariū fuerit. Postea demonstrare potuisse euitari, & hac ratione provideri potuisse, si hoc, aut illud fecisset, aut nisi fecisset, præcaueri, & definitionibus ostendere non hanc imprudentiam, aut casum, aut necessitudinem, sed inertiam, negligentiam, fatuitatē nominari oportere. Ac si qua necessitudo turpitudinē uidebitur habere, oportebit per locorum communium implicationem redarguentem demonstrare quid uis perperam, mori deniq; fatius fuisse, quam eiusmodi necessitudini obtemperare. Atq; tum ex ijs locis, de quibus in negotiali parte dictum est, iuris, & æquitatis naturam oportebit querere, & quasi in absoluta iuridicali per se hoc ipsum ab rebus omnibus separatim considerare. Atque hoc in loco

loco, si facultas erit, exemplis uti oportebit, quibus in simili excusatione non sit ignotum, & contentione, magis illis ignoscendum fuisse, & ex deliberationis partibus turpe, aut inutile esse concedi eam rem, quæ ab aduersario commissa sit. permagnum esse, & magno futurum detrimento, si ea res ab ijs, qui potestatem habent iudicandi, neglecta sit. Defensor autem conuersis omnibus his partibus poterit uti. Maxime autem in uoluntate defendenda commorabitur, & in ea re adaugenda, quæ uoluntati fuerit impedimento, & se plusquam fecerit facere non potuisse, & in omnibus rebus uoluntatem spectari oportere, & se conuinci non posse, quod non absit à culpa, & ex suo nomine communem hominum infirmitatem posse dānari. Deinde nihil indignius esse, quam eum, qui culpa careat, supplicio non carere. Locis autem communes accusatoris unus in confessione, & alter quanta potestas peccandi relinquatur, si semel institutum sit, ut non de facto, sed de facti causa queratur. Defensoris autem conuestio calamitatis eius, quæ non culpa, sed ui maiore quadam acciderit, & de fortunæ potestate, & hominum infirmitate, & uti suum animum, non euentum considerent. In quibus omnibus conuestionem suarum erumnarum, & crudelitatis aduersariorum indignatione inesse oportebit. Ac neminem mirari cūueniet, si aut in ijs aut in alijs exemplis scripti quoque cōtrouerſiam adiūctam uidebit. Quo de genere post erit nobis separatim dicendum. propterea quod quædam genera causarum simpliciter, & ex sua ui considerantur. quædam autem sibi aliud quoque aliquod controuerſiæ genus assumunt. Quare omnibus cognitis, non erit difficile, in unamquamque causam transferre, quod ex eo quoque genere cōueniet, ut in his exemplis concessionis inest omnibus scripti controuerſia ea, quæ ex scripſero, & sententia nominatur. Sed quia de cōcessionis loquebamur, in eam præcepta dedimus. Alio autem loco de scripto, & sententia dicemus. nunc in alteram concessionis partem considerationem intendemus. DE PRECATIO est, in qua non defensio facti, sed ignoscendi postulatio continetur. Hoc genus uix in iudicio probari potest, ideo quod concessio peccato, difficile est ab eo, qui peccatorum uindex esse debet, ut ignoscat impetrare. Quare parte eius generis, cum causam non in eo constitueris, uti licebit. Vt si pro aliquo claro, aut forti uiro, cuius in rebus multa sint beneficia, dixeris, possis, cum uidearis non uti deprecatione. uti tamen ad hunc modum. Quod si iudices hic pro suis beneficijs, pro suo studio, quod in uos habuit semper, tali suo tempore multorum suorum recte factorum causa, uni de uestro ut ignosceretis postulare, tamen dignum uestra māsuetudine, dignum uirtute huius esset iudices à uobis hanc rem hoc postulante impetrari. Deinde augere beneficia licebit, & iudices per locum communem ad ignoscendi uoluntatem ducere. Quare hoc genus, quanquam in iudicijs non uersatur, nisi quadam ex parte, tamen quia & pars ipsa inducenda nonnunquam est, & in senatu, aut concilio sepe omni in genere tractanda, in id quoque præcepta ponemus. Nam in senatu, & in concilio de Siphace diu deliberatum est, & de Q. Numitorio pullo, apud L. Opimium, & eius consilium diu ductum est, & magis in hoc quidem ignoscendi, quam cognoscendi postulatio ualuit. Nam semper animo bono se in populum R. fuisse non tam facile probabat, cum coniecturali constitutione ueretur, quam ut propter posterius beneficium sibi ignoscatur, cum deprecationis partis adiungeret. Oportebit igitur

dere. Ceteris autem partibus aptas inter se omnes, & aliam in aliam implicatam uidebit. Nunc de præmijs consideremus. L. Licinius Crassus consul quodam in citeriore Gallia nullo illustri, neque certo duce, neque eo nomine, neque numero præditos, ut digni essent, qui hostes Romani P. esse dicerentur, quod tamen excursionibus, & latrocinijs infestam Prouinciā redderent, confectatus est, & confecit. Romam redijt. triumphum ab senatu postulat. Hic, ut & in deprecatione nihil ad nos attinet, rationibus, & infirmationibus rationum supponendis ad iudicationem peruenire, propterea quod nisi alia quoque incidet constitutio, aut pars constitutionis, simplex erit iudicatio, & in quaestione ipsa continebitur. In deprecatione, huiusmodi oportetne poena affici. In hac, huiusmodi. Oportetne præmium dari. Nunc ad præmij quaestionem appositos locos exponemus. Ratio igitur præmij quatuor est in partibus distributa. In beneficia, in hominem, in præmij genus, in facultates. Beneficia ex sua ui, ex tempore, ex animo eius, qui fecerit, ex causa cōsiderantur. Ex sua ui quaerentur, hoc modo. Magna, an parua, facilia, an difficilia. singularia sint, an uulgaria. uera, an falsa quadā ex oratione honestetur. Ex tēpore autē, si tum cum indigeremus, cum cæteri non possent, aut nollent opitulari, si tū cum spes deferuisset, opitulatus sit. Ex animo, si non sui commodi causa, sed eo consilio fecit omnia, ut hoc conficere posset. Ex casu, si non fortuna, sed industria factum uidebitur, aut si industriae fortuna obtulisse. In hominem autem, quibus rationibus uixerit, quid sumptus in eam rem, aut laboris insumpserit, & siquid aliquando tale fecerit, num alieni laboris, aut deorum bonitatis præmium sibi postulet. num aliquando ipse talem ob causam alio quem præmio affici negarit oportere. aut num iam satis pro eo, quod fecerit honos habitus sit. aut num necesse fuerit ei facere id, quod fecerit, aut num huiusmodi sit factum, ut nisi fecisset, supplicio dignus esset, non quia fecerit, præmio: aut num ante tempus præmium petat, & spem incertam certo uendit et pretio. aut num quo supplicium aliquod uitet, eo præmium postulet, uti de se præiudicium factum esse uideatur. In præmij autem genere, quid, & quantum, & quamobrem postuletur, & quo, & quanto quæque res præmio digna sit, considerabitur. Deinde apud maiores, quibus hominibus, & quibus de causis talis honos sit habitus quaeretur. Deinde ne is honos nimium peruagetur. Atque hic eius, qui contra aliquem præmium postulante dicit, locus erit communis, præmia uirtutis, & officij sancta, & casta esse oportere, neque ea aut cum improbis communicari, aut in mediocribus hominibus peruulgari. Et alter, minus homines uirtutis cupidos fore uirtutis præmio peruulgato. quæ enim rara, & ardua sint, ea ex præmio pulchra, & iucunda hominibus uideri. Et tertius, si existant, qui apud maiores nostros ob egregiam uirtutem tali honore dignati sunt, nonne de sua gloria, cum pari præmio tales homines affici uideant, deliberari putent: & eorum enumeratione, & cum eis, quos contra dicat, comparatio. Eius autem, qui præmium petet, facti sui amplificatio, & eorum, qui præmio affecti sunt, cum suis factis contentio. Deinde ceteros à uirtutis studio repulsum iri, si ipse præmio non sit affectus. Facultates autē considerantur, cum aliquod pecuniarium præmiū postulat. in quo utrum copiose sit agri, uectigalium, pecuniæ, an penuria consideratur. Loci cōmunes, facultates augere, nō minuire oportere, & impudentem

esse, qui pro beneficio non gratiam, uerum mercedem postulet, contra autem de pecunia ratiocinari sordidum esse cum de gratia referenda deliberetur, & se non pretium pro facto, sed honorem ita, ut iactitatum sit pro beneficio postulare. Ac de constitutionibus quidem satis dictum est. Nunc de his controversiis, quæ in scripto uersantur, dicendum uidetur.

IN SCRIPTO uersatur controuersia, cum ex descriptionis ratione aliquid dubij nascitur. Id fit ex ambiguo, ex scripto, & sententia, ex contrarijs legibus, ex ratiocinatione, ex definitione. Ex Ambiguo autem nascitur controuersia, cum quid senserit scriptor, obscurum est, quod scriptum duas, pluresue res significat, ad hunc modum. Pater familias, cum filium heredem faceret, uasorum argenteorum pondo centum uxori suæ sic legauit. Heres meus uxori meæ uasorum argenteorum pondo centum, quæ uolet, dato. Post mortem eius uasa magnifica, & pretiose eplata petiit à filio mater, ille se quæ ipse uellet, debere dicit. Primum si fieri poterit, demonstrandum est, non esse ambigue scriptum, propterea quod omnes in consuetudine sermonis sic uti solent eo uerbo uno, pluribusue in ea sententiâ, in qua is, qui dicit accipiendum esse demonstrabit. Deinde ex superiore, & ex inferiore scriptura docendum id, quod quæretur, fieri perspicuum. Quare si ipsa separatim ex se uerba considerentur, omnia, aut pleraque ambigua uisuri. Quæ autem ex omni considerata scriptura perspicua fiant, hæc ambigua non oportere existimari. Deinde qua in sententia scriptor fuerit, ex ceteris eius scriptis, & factis, dictis, animo, atque uita eius sumi oportebit, & eam ipsam scripturam, in qua inest illud ambiguum, de quo quæritur, totam omnibus ex partibus pertentare, siquid aut ad id appositum sit, quod nos interpretemur, aut ei, quod aduersarius intelligat, aduersetur. Nam facile, quid uerisimile sit eum uoluisse, qui scripsit, ex omni scriptura, & ex persona scriptoris, atque his rebus, quæ personis attributæ sunt, considerabitur. Deinde erit demonstrandum siquid ex ipsa re dabitur facultatis, id, quod aduersarius intelligat, multo minus commodè fieri posse, quam id, quod nos accipimus, quod illius rei neque administratio, neque exitus ullus extet. nos quod dicamus, facile & commodè transigi posse, ut in hac lege: nihil enim prohibet fictam exempli loco ponere quo facilius res intelligatur. Meretrix coronam auream ne habeto: si habuerit, publica esto, contra eum, qui meretricem publicari dicat ex lege oportere, posset dici, neque administrationem esse ullam publicæ meretricis, neque exitum legis in meretrice publicanda, at in auro publicando & administrationem, & exitum facilem esse, & incommodi nihil inesse. Ac diligenter illud quoque attendere oportebit, num illo probato, quod aduersarius intelligat, utilior res, aut honestior, aut magis necessaria, à scriptore neglecta uideatur. Id fiet, si id, quod nos demonstrabimus, honestum, aut utile, aut necessarium demonstrabimus, & si id, quod ab aduersarijs dicitur, minime eiusmodi dicemus esse. Deinde si in lege erit ex ambiguo controuersia, dare operam oportebit, ut de eo, quod aduersarius intelligat, alia in lege cautum esse doceatur. Permultum autem proficiet illud demonstrare quemadmodum scripsisset, si id, quod aduersarius accipiat, fieri, aut intelligi uoluisset: ut in hac causâ, in qua de uasis atque generis quæritur, possit mulier dicere, nihil attinuisse adscribi, quæ uolet, si heredis uoluntati permitteret, eo enim non adscripto nihil inesse dubitationis,

nis, quin heres, quæ ipse uellet, daret. Amentia igitur fuisse, cum heredi uellet cauere, id adscribere, quo non adscripto nihilominus heredi cauere. Quare hoc genere magnopere talibus in causis uti oportebit: si hoc modo scriptis sit, isto uerbo usus non esset, non isto loco uerbum istud collocasset: nam ex his sententia scriptoris maxime perspicitur. Deinde quo tempore scriptum sit querendum est, ut, quod cum uoluisset in eiusmodi tempore uerisimile sit, intel ligatur. Post ex deliberationis partibus, quid utilius, & quid honestius, & illi ad scribendum, & his ad comprobandum sit demonstrandum, & ex his si quid amplificationis dabitur, communibus utrunq; locis uti oportebit. EX Scripto, & sententia controuersia consistit, cum alter uerbis ipsis, quæ scripta sunt, utitur, alter ad id, quod scriptorem sensisse dicit, omnem adiungit dictio nem. Scriptoris autem sententia ab eo, qui sententia se defendet, tum semper ad idem spectare, & idem uelle demonstrabitur, tum aut ex facto, aut ex euen tu aliquo ad tempus id, quod instituit, accommodatur. Semper ad idem spe ctare, hoc modo. Paterfamilias, cum liberorum nihil haberet, uxorem autem haberet, in testamento ita scripsit. Si mihi filius genitus fuerit unus, pluresue, is mihi heres esto. Deinde, quæ assolent. Postea, si filius ante moritur, quam in tutelam suam uenerit, tu mihi dicebat, secundus heres esto. Filius natus nō est, ambigunt agnati cum eo, qui est heres, si filius ante, quam in tutelam ueni at, mortuus sit. In hoc genere non potest hoc dici ad tempus, aut ad euentum aliquem sententiam scriptoris oportere accommodari, propterea quod ea so la demonstratur, qua fretus ille, qui contra scriptum dicit, suam esse heredita tem defendit. Alterum autem genus est eorum, qui sententiam inducunt, in quo non simplex uoluntas scriptoris ostenditur, quæ in omne tempus, & in omne factum idem ualeat, sed ex quodam facto, aut euentu ad tempus inter pretanda dicitur. Ea partibus iuridicalis assumptiæ maxime sustinetur. Nā tum inducitur comparatio, ut in eū qui, cum lex aperiri portas noctu uetaret, aperuit quodam in bello, & auxilia quædam in oppidum recepit, ne ab hosti bus opprimerentur, si foris essent, quod prope muros hostes castra haberent. Tum relatio criminis, ut in eo, qui, cum communis lex omnium hominem oc cidere uetaret, tribunum militum suum, qui uim sibi inferre conaretur, occidit. Tum remotio criminis, ut in eo, qui cū lex quibus diebus in legationem pro ficiceretur, præstituerat, quia sumptum non dedit quæstor, profectus non est. Tum concessio per purgationem, & per imprudentiam, ut in uituli immo latione, & per uim, ut in naui rostrata, & per calum, ut in Eurotæ fluminis ma gni uidine. qua re aut ita sententia inducitur, ut unum quoddam uoluisset scri ptor demonstretur: aut sic, ut in eiusmodi re, & tempore hoc uoluisset doc ceatur. Ergo is, qui scriptum defendit, his locis plerūq; omnibus, maiore au tem parte semper poterit uti. Primum scriptoris collaudatione, & loco com muni, nihil eos, qui iudicent, nisi id, quod scriptum sit, spectare oportere, & hoc eo magis, si legitimum scriptum proferetur, id est, aut lex ipsa, aut ex le ge aliquid. Postea, quod uehementissimum est, facti, aut intentionis aduersa riorum cum ipso scriptum contentione, quid scriptum sit, quid factum, quid iu ratus iudex, quem locum multis modis uariare oportebit, tum ipsum secum admirantem quidnam contra dici possit, tum ad iudicis officium reuertentem, & ab eo querentem, quid præterea audire, aut expectare debeat. tū ipsum

scripta non sit. Quod si sit institutum, omnibus causam dari, & potestatem peccandi, cum intellexerint uos ex ingenio eius, qui contra legem fecerit non ex lege, in quam iurati sitis, rem iudicare: deinde & ipsis iudiciis iudicandi, & ceteris ciuibus uiuendi rationes perturbatumiri, si semel à legibus recessum sit. Nam & iudices neque quid sequantur habituros, si ab eo, quod scriptum sit, recedant, neque quo pacto alijs improbare possint, quod contra legem iudicauerint, & ceteros ciues, quid agant, ignoraturos: si ex suo quisque consilio, & ex ea ratione, quæ in mentem, aut in libidinem uenerit, non ex communi præscripto ciuitatis unamquamque rem administrabit. Postea quærere à iudicibus ipsis, quare in alienis detineantur negotijs: cur reip. munere impediuntur, cum sapius suis rebus, & commodis seruire possint, cur in certa uerba iurent: cur certo tempore conueniant, certo discedant, nihil quisquam asserat causæ, quo minus frequenter operam reip. det, nisi quæ causa in lege excepta sit, an se legibus obstrictos in tantis molestijs esse æquum censeant, aduersarios nostros leges negligere concedant. Deinde item quærere ab iudicibus, si eius rei causam, propter quam se reus contra legem fecisse dicat, exceptionem ipsis in lege adscribat, passuri ne sint. Postea hoc, quod faciat, indignius, & impudentius esse, quàm si adscribat. Age porro, quid si ipsi uelint iudices adscribere, passurus ne sit populus? Atque hoc esse indignius, quam rem uerbo, & literis mutare non possint, eam re ipsa, & iudicio maxime commutare. Deinde indignius esse, de lege aliquid derogari, aut legem abrogari, aut aliqua ex parte commutari, cum populo cognoscendi, & probandi, aut improbandi potestas nulla fiat, hoc ipsis iudicibus inuidiosissimum futurum. Non hunc locum esse, neque hoc tempus legum corrigendarum: apud populum hoc, & per populum agi cōuenire: quod si nunc id agant, uelle se scire, qui lator sit, qui sint accepturi, se actiones uidere, & dissuadere uelle. Quod si hæc cum summe inutilia, tum multo turpissima sint, legem cuiusmodi sit in præsentia cōseruari à iudicibus, post si displiceat à populo corrigi conuenire. Deinde, si scriptum non extaret, magno opere quæreremus, neque isti, ne si extra periculum quidem esset, crederemus. Nunc cum scriptum sit, amentiam esse eius rei qui peccarit potius, quam legis ipsius uerba cognoscere. His, & huiusmodi rationibus ostenditur, causam extra scriptum accipi non oportere. Secunda pars est, in qua est ostendendum, si in ceteris legibus oporteat, in hac non oportere. Hoc demonstrabitur, si lex aut ad res maximas, utilissimas, honestissimas, religiosissimas uidebitur pertinere, aut inutile, aut turpe, aut nefas esse tali in re non diligentissime legi obtemperare, aut ita lex diligenter per scripta demonstrabitur, ita cautum unaquaque de re, ita quod oportuerit exceptum, ut minime cōueniat quidquam in tam diligenti scriptura præteritum arbitrari. Tertius locus est ei, qui pro scripto dicit maxime necessarius, per quem ostendat oportet, si eo ueniat causam contra scriptum accipi, eam tamen minime oportere, quæ ab aduersarijs asseratur, quia locus idcirco est huic necessarius, quod semper is, qui contra scriptum dicit, æquitatis aliquid asserat, oportet. Nam summa impudentia est, cum, qui contra quod scriptum sit, aliquid probare uelit, non æquitatis præsidio id facere conari. Siquid igitur ex hac ipsa quippiam accusator derogat, omnibus partibus iustius, & probabilius, accusare uideatur. Nam superior oratio hoc omnis faciebat, ut iudices etiam si nollent, necesse esset, hæc autem

etiam si necesse non esset, ut uellent, contra iudicare. Id autem fiet, si quibus ex locis culpa demonstrabitur, non esse in eo, qui comparatione aut remotione, aut relatione criminis, aut cōcessionis partibus se defendit, de quibus ante, ut potuimus, diligenter perscripsimus, si de his locis, quæ res postulabit, ad causam aduersariorum improbandam trāsleremus, aut causæ, & rationes afferretur, quare, & quo consilio ita sit in lege, aut in testamēto scriptum, ut sententiæ quoque, & uoluntate scriptoris, non ipsa solum scripturæ causa confirmari uideatur, aut alijs quoque cōstitutionibus factum coarguetur. Cōtra scriptum autē qui dicet, primū eū inducet locū, per quē æquitas causæ demonstretur, aut ostēdet, quo animo, quo consilio, qua de causa fecerit, & quācūque causam assumet, assumptionis partibus se defendet, de quibus ante dictum est. Atque hoc in loco cum diutius commoratus fui facti rationem, & æquitatem causæ exornauerit, tum ex his locis sere cōtra aduersarios dicet, oportere causas accipi demonstrabit, nullam esse legem, quæ aliquam rem inutilem, aut iniquam fieri uelit. omnia supplicia, quæ a legibus proficiantur, culpæ, ac malitiæ uindictæ causa constituta esse. Scriptorem ipsum si existat factum hoc probaturum, & idem ipsum, si ei talis res accidisset, facturum fuisse, & ea re legis scriptorem certo ex ordine iudices, certa ætate præditos constituisse, ut essent, non qui scriptum suum recitarent, quod quiuus puer facere posset, sed qui cogitationem adsequi possent, & uoluntatem interpretari. Deinde illum scriptorem, si scripta sua stultis hominibus, & barbaris iudicijs committeret, omnia summa diligentia perscripturum fuisse, nunc uero quod intelligeret quales uiri iudicaturi essent, itcirco eum quæ perspicua uideret esse non adscripsisse, neque enim uos scripti sui recitatores, sed uoluntatis interpretes fore putauit. Postea querere ab aduersarijs, quid si hoc fecissem? quid si hoc accidisset? eorū aliquid in quibus aut causa sit honestissima, aut necessitudo certissima, tūne accusaretis? Atqui lex nusquam exceptit. Non ergo omnia scriptis, sed quædam, quæ perspicua sunt, tacitis exceptionibus caueri. Deinde nullā rem neque legibus, neque scriptura ulla, denique ne in sermone quidem cotidiano, atque imperijs domesticis recte posse administrari, si unusquisque uelit uerba spectare, & non ad uoluntatem eius, qui uerba habuerit, accedere. Deinde ex utilitatis: & honestatis partibus ostendere, quod inutile, aut quā turpe sit id, quod aduersarij dicant fieri oportuisse, aut oportere, & id, quod nos fecerimus, aut postulemus, quā utile, aut quā honestum sit. Deinde leges nobis caras esse non propter literas, quæ tenues, & obscure notæ sint uoluntatis, sed propter earum rerum, quibus descriptum est utilitatem, & eorum, qui scripserint, sapientiam, & diligentiam. Postea quid sit lex describere, ut ea uideatur in sententijs, non in uerbis consistere, & iudex is uideatur legi obtemperare, qui sententiam eius, non qui scripturam sequatur. Deinde quā indignum sit eodem affici supplicio cum, qui propter aliquod scelus, & audaciam contra legem fecerit, & cum, qui honesta, aut necessaria de causa non ab sententiā, sed ab literis legis recesserit atque his, & huiusmodi rationibus & accipi causam, & in hac lege accipi, & eā causam, quā ipse afferat, oportere accipi demonstrabit. Et quemadmodum ei dicebamus, qui a scripto dicebat, hoc fore utilissimum, si quid de æquitate ea, quæ cum aduersario staret, derogasset, sic huic, qui contra scriptum dicet, plurimum proderit ex ipsa scriptura aliquid ad suam causam conuertere, aut ambigue

bigue aliquid scriptum ostendere. Deinde ex illo ambiguo eam partem, quæ sibi profit, defendere, aut uerbi definitionē inducere, & illius uerbi uim, quo urgeri uideatur, ad suæ causæ commodum traducere, aut ex scripto, non scriptum aliquid inducere per ratiocinationem, de qua post dicemus, quacumque autem in re, quis leuiter probabili scripto ipso se defendiderit, etiam cum æquitate causa abundabit, necessario multum proficiet, ideo quod si id, quo nitiur aduersariorum causa subduxerit, omnem illam eius uim, & aerimoniam lenierit, ac dilucrit. Loci autem communes certis ex assumptionis partibus in utrâque partem conueniunt. Præterea eius, qui à scripto dicit, leges ex se, non ex eius, qui contra commiserit, utilitate spectari oportere, & legibus antiquius haberi nihil oportere, contra scriptum, leges in consilio scriptoris, & utilitate communis, non in uerbis consistere. Quam indignum sit æquitatem literis urgeri, quæ uoluntate eius, qui scripserit, defendatur. Ex Contrariis autem legibus controuersia nascitur, cum inter se duæ uidentur leges, aut plures discrepare, hoc modo. Lex. Qui tyrannum occiderit olympicarum præmium capito, & quam uolet sibi rem à magistratu deposcito, & magistratus ei conceditor. Et altera lex. Tyranno occiso quinq; eius proximos cognatione magistratus necato. Alexandrum, qui apud Phereos in Thessalia tyrannidem occuparat, uxor sua, cui Thebe nomen fuit, noctu, cum simul cubaret, occidit. Hæc filium suum, quem ex tyranno habebat, sibi præmij loco deposcit. Sunt qui ex lege puerum occidi dicant oportere. Res in iudicio est. In hoc genere utraq; in partem iisdem loci, atq; eadem præcepta conueniunt, ideo quod uterq; suam legem confirmare, contrariam infirmare debet. Primum igitur leges oportet contendere, considerando utra lex ad maiores, hoc est ad utiliores, ad honestiores, ac magis necessarias res pertineat. Ex quo conficitur, ut si leges duæ, aut si plures erunt, aut quotquot erunt conseruari non possint, quia discrepant inter se, ea maxime conseruanda putetur, quæ ad maximas res pertinere uideatur. Deinde utra lex posterius lata sit: nam postrema quæq; grauissima est. Deinde utra lex iubeat aliquid: utra permittat: nam id, quod imperatur, necessarium, illud, quod permittitur, uoluntarium est. Deinde in utra lege, si non obtemperatum sit poena afficiatur, aut in utra maior poena statuatur: Nam maxime conseruanda est ea, quæ diligentissima, & sancta est. Deinde utra lex iubeat, utra uetet: nam sæpe ea quæ uetat, quasi exceptione quadam corrigere uidetur illam, quæ iubet. Deinde utra lex de genere omni, utra de parte quadam, utra communiter in plures, utra in aliquam certam rem scripta uideatur: nam quæ in partem aliquam, & quæ in certam quandam rem scripta est, propius ad causam accedere uidetur, & ad iudicium magis pertinere. Deinde ex lege utrum statim fieri necesse sit, utrum habeat aliquam moram, & sustentationem: nam id, quod statim faciendum sit, perfici prius oportet. Deinde operam dare, ut sua lex ipso scripto uideatur niti. Contraria autem, aut per ambiguum, aut per ratiocinationem, aut per definitionem induci, quo sanctius, & firmitus id uideatur esse, quod apertius scriptum sit. deinde suæ legis ad scriptum, ipsam sententiam quoq; adiungere, contrariam legem item ad aliam sententiam traducere, ut si fieri poterit, ne discrepare quidem uideantur inter se. Postremo facere, si causa facultatem dabit, ut nostra ratione utraq; lex conseruari uideatur, & aduersariorum ratione, altera sit necessario negligenda. Quod

cos autem communes, & quos ipsa causa det, uidere oportebit, & ex utilitatis, & honestatis amplissimis partibus sumere, demonstrantem per amplificationem ad utram potius legem accedere oporteat. EX ratiocinatione nascitur controuersia, cum ex eo, quod uspiam est, ad id, quod nusquam scriptum est, peruenitur. Hoc pacto. LEX. Si furiosus est agnatum gentiliumque in eo pecuniaque eius potestas esto. Et LEX. Paterfamilias uti super familia, pecuniaque sua legauerit, ita ius esto. Et LEX. Si paterfamilias intestato moritur, familia, pecuniaque eius agnatum, gentiliumque esto. Quidam iudicatus est parētem occidisse, & statim, quod effugiendi potestas non fuit, lignee soleae in pedes inductae sunt. Os autem obuolutum est folliculo, & praeligatum; deinde est in carcerem deductus, ut ibi esset tantisper, dum culleus, in quem coniectus in profluentem deferretur, compararetur. Interea quidam eius familiares in carcerem tabulas asserunt, & testes adducunt. Heredes, quos ipse iubet, scribunt; tabulae obsignantur. De illo post supplicium sumitur. Inter eos, qui heredes in tabulis scripti sunt, & inter agnatos de hereditate controuersia est. Hic certa lex, quae testamenti faciendi iis, qui in eo loco sint, adimat potestatem, nulla profertur. Ex ceteris legibus, & quae hunc ipsum supplicio huiusmodi afficiunt, & quae ad testamenti faciendi potestatem pertinent, per ratiocinationem ueniendum est ad eiusmodi rationem, ut quaeratur, habueritne testamenti faciendi potestatem. Locos autem in hoc genere argumentandi hos, & huiusmodi quosdam esse arbitramur. Primum eius scripti, quod proceras laudationem, & confirmationem. Deinde eius rei, qua de quaeratur, cum eo, de quo constat collationem eiusmodi, ut id, de quo quaeritur, rei, de qua constat, simile esse uideatur. Postea admirationem percunctatione, qui fieri possit, ut qui hoc aequum esse concedat, illud neget, quod aut equius, aut eodem sit in genere. Deinde iccirco de hac re nihil esse scriptum, quod, cum de illa esset scriptum, de hac is, qui scribebat, dubitaturum, neminem arbitratus sit. Postea multis in legibus multa esse praeterita, quae iccirco praeterita nemo arbitretur, quod ex ceteris, de quibus scriptum sit, intelligi possint. Deinde aequitas rei demonstranda est, ut in iuridiciali absoluta. Contra autem qui dicit, similitudinem infirmare debet, quod faciet, si demonstrabit illud, quod conferatur, ab eo, cui conferatur, diuersum esse genere, natura, ui, magnitudine, tempore, loco, persona, opinione, siquo in numero illud, quod per similitudinem asseritur, & quo in loco illud, cuius causa asseritur, haberi conveniat, ostendetur. Deinde quid res cum re differat, demonstrabitur, ut non idem uideatur, de utraque existimari oportere. Ac si ipse quoque poterit ratiocinationibus uti, isdem ratiocinationibus, quibus ante praedictum est, utetur, si non poterit, negabit oportere quidquam, nisi quod scriptum sit, considerare, periclitari omnia iura, si similitudines accipiatur, nihil esse penē, quod non alteri simile esse uideatur multis dissimilibus rebus, in unamquamque rem tantum singulas esse leges, omnia posse inter se uel similia, uel dissimilia demonstrari. Loci communes à ratiocinatione oportere coniectura ex eo, quod scriptum sit, ad id, quod non sit scriptum peruenire, & neminem posse omnes res per scripturam amplecti, sed eum commodissime scribere, qui curet, ut quaedam ex quibusdam intelligantur. Contra ratiocinationem, huiusmodi coniecturam diuinationem esse, & stulti scriptoris esse non posse omnibus de rebus cauere, quibus uelis.

DEFINITIO

DEFINITIO est, cum in scripto uerbum aliquod est positum, cuius de ui queritur, hoc modo. *Lex.* Qui in aduersa tempestate nauim reliquerint, omnia amittunt, eorum nauis, & onera sunt, qui in naui remanserint. Duo qui dam, cum iam in alto nauigarent, & eorum alterius nauis, alterius onus esset, naufragum quendam natantem, & manus ad se tendentem animaduertunt, misericordia commoti, nauim ad eum applicauerunt, hominem ad se sustulerunt. Postea aliquanto, ipsos quoque tempestas uehementius iactare coepit usque adeo, ut dominus nauis, cum idem gubernator esset, in scapham confugeret, & inde funiculo, qui a puppi religatus scapham annexam trahebat, nauim quo ad posset, moderaretur. Ille autem, cuius merces erant, in gladium in nauim ibidem incumberet. Hic ille naufragus ad gubernaculum accessit, & nauim, quoad potuit, est opitulatus. Sedatis autem fluctibus, & tempestate iam commutata, nauis in portum prouehitur. Ille autem, qui in gladium incubuerat, leuiter saucius, facile est ex uulnere recreatus. Nauim cum onere, horum trium suam quisque esse dicit. Hic omnes scripto ad causam accedunt, & ex nominis ui nascitur controuersia. Nam & relinquere nauem, & remanere in nauim, denique nauis ipsa quid sit, definitionibus quaeritur, huiusdem autem ex locis omnibus, quibus definitiua constitutio tractabitur. Nunc expositis huius argumentationibus, quae in iudiciale causarum genus accommodantur, deinceps in deliberatorium genus, & demonstratorium argumentandi locos, & praecepta dabimus, non quo non in aliqua constitutione omni semper causa uersetur, sed quia proprii tantum harum causarum quidam loci sunt, non a constitutione separati, sed ad fines horum generum accommodati. Nam placet in iudiciali genere finem esse aequitatem, hoc est partem quandam honestatis. In deliberatio autem Aristoteli placet utilitatem, nobis & honestatem; & utilitatem. In demonstratio autem honestatem. Quare in hoc quoque genere causae quaedam argumentationes communiter, ac similiter tractabuntur, quaedam separati ad finem, quo referri omnem rationem oportet, adiungentur atque uniuscuiusque constitutionis exemplum supponere non grauaremur, nisi illud uideremus, quemadmodum res obscurae, dicendo fierent apertiores, sic res apertas obscuriores fieri oratione. Nunc ad deliberationis praecepta pergamus.



RERM expetendarum tria genera sunt. Par autem numerus uitae darum ex contraria parte. Nam est quiddam, quod sua ui nos alliciat ad se non emolumento captans aliquo, sed trahens sua dignitate, quod genus, uirtus, scientia, ueritas est. Aliud autem non propter suam uim, & naturam, sed propter fructum, atque utilitatem petendum, quod pecunia est. Est porro quiddam ex horum partibus iunctum, quod & sua ui, & dignitate nos inductos ducit, & prae se gerit quiddam utilitatem, quo magis experatur, ut amicitia, bona existimatio. Atque ex his horum contraria facile tacentibus nobis intelliguntur. Sed ut expeditius ratio tradatur, ea quae possumus, breui nominabuntur. Nam in primo genere quae sunt honesta appellabuntur, quae autem in secundo, utilia; haec autem tertia, quia partem honestatis, continent, & quia maior est uis honestatis, iunctae, res omnino ex duplici genere intelliguntur, sed in meliorem partem uocabuli conferantur, & honesta nominentur. Ex his illud conficitur, ut appetendarum rerum partes sint honestas,

& utilitas, uitandarū turpitudine, & inutilitas. His igitur duabus rebus res duę grandes sunt attributę, necessitudo, & affectio, quarum altera ex ui, altera ex re, & personis consideratur. De utraq; post apertius perscribemus. Nunc honestatis rationes primum explicemus. Quod autem totum, aut aliqua ex parte propter se petitur, honestum nominabimus. Quare, cum eius duę partes sint, quarum altera simplex, altera iuncta sit, simplicē prius consideremus. Est igitur in eo genere omnes res una ui, atq; uno nomine amplexa uirtus. Nam uirtus est animi habitus naturę modo rationi consentaneus. Quamobrem omnibus eius partibus cognitis, tota uis erit simplicis honestatis considerata. Habet igitur partis quatuor, prudentiam, iustitiam, fortitudinem, temperantiam. Prudentia est rerum bonarum, & malarum, utrarumq; scientia. Partes eius, memoria, intelligentia, providentia. Memoria est, per quam animus repetit illa, quę fuerunt. Intelligentia est, per quam ea perspicit, quę sunt. Providentia est, per quam futurum aliquid uidetur ante, quā in factum sit. Iustitia est habitus animi communi utilitate conseruata, suam cuiq; tribuens dignitatem. Eius initium est ab natura profectum. Deinde quędam in consuetudinem ex utilitatis ratione uenerunt. Postea res & ab natura profectas, & ab consuetudine probatas legum metus, & religio sanxit. Natura ius est, quod non opinio genuit, sed quędam innata uis, inseruit, ut religionem, pietatem, gratiam, uindicationem, obseruantiam, ueritatem. Religio est, quę superioris cuiusdam naturę, quam diuinam uocant, curam, cerimoniamq; asserit. Pietas, per quam sanguine coniunctis, patrięq; beneuolis officium, & diligens tribuitur cultus. Gratia, in qua amicitiarum, & officiorum alterius memoria, & alterius remunerandi uoluntas continetur. Vindicatio est, per quā uis, & iniuria, & omnino omne, quod obfuturum est, defendendo, aut ulciscēdo propulsatur. Obseruantia est, per quam homines aliqua dignitate antecessores cultu quodam, & honore dignantur. Veritas est, per quam immutata ea, quę sunt, aut ante fuerunt, aut futura sunt, dicuntur. Consuetudine ius est, quod aut leuiter a natura tractum aluit, & maius fecit usus, ut religionem, aut siquid eorum, quę ante diximus, ab natura profectum maius factum propter consuetudinem uidemus, aut quod in morem uetustas uulgi approbatione perduxit, quod genus, pactum, par, iudicatum. Pactum est, quod inter aliquos conuenit. Par, quod in omnes æquabile est. Iudicatum, de quo alicuius, aut aliquorum iam sententijs constitutum est. Lege ius est, quod in eo scripto, quod populo expositum est, ut obseruet, continetur. Fortitudo est considerata periculorum susceptio, & laborum perperessio. Eius partes magnificentia, fidentia, patientia, perseverantia. Magnificentia est rerum magnarum & excelsarum cum animi ampla quadam, & splendida propositione agitatio, atque administratio. Fidentia est, per quam magnis, & honestis in rebus multum ipse animus in se fiducię certa cū spe collocauit. Patientia est honestatis, aut utilitatis causa rerum arduarum, ac difficilium uoluntaria, ac diuturna perperessio. Perseuerantia est in ratione bene considerata, stabilis, & perpetua permansio. Temperantia est rationis in libidine, atq; i alios non rectos impetus animi firma, & moderata dominatio. Eius partes sunt, continentia, clementia, modestia. Continentia est, per quam cupiditas consilij gubernatione regitur. Clementia, per quā animi temere in odiū alicuius inuectionis

inuestionis concitati comitate retinentur. Modestia, per quam pudor honestus clarum, & stabilem comparat auctoritatem. Atque hæc omnia propter se solum, ut nihil adiungatur emolumentum, petenda sunt. Quod ut demonstretur, neque ad hoc nostrum institutum pertinet, & à breuitate præcipiendi remotum est. Propter se autem uitanda sunt, non ea modo, quæ his contraria sunt, ut fortitudini ignauia, & iustitiæ iniustitia, uerum etiã illa, quæ propinqua uidentur, & finitima esse, absunt autem longissime, quod genus, fidentia contrarium est diffidentia, & ea re uitium est. Audacia non contrarium, sed appositum est, ac propinquum, & tamen uitium est. Sic unicuique uirtuti finitimum uitium reperitur, aut certo iam nomine appellatum, ut audacia, quæ fidentia, pertinacia, quæ perseverantia finitima est, superstitio, quæ religioni propinqua est, aut sine ullo certo nomine, quæ omnia item uti contraria rerum bonarum in rebus uitandis reponemus. Ac de eo quidem genere honestatis, quod omni ex parte propter se petitur, satis dictum est. Nunc de eo, in quo utilitas quoque adiungitur, quod tamen honestum uocamus, dicendum uidetur. Sunt igitur multa, quæ nos cum dignitate, tum quoque fructu suo ducunt, quo in genere est gloria, dignitas, amplitudo, amicitia. Gloria est frequens de aliquo fama cum laude. Dignitas, alicuius honesta & cultus, & honore, & uerecundia digna auctoritas. Amplitudo, potentia, aut maiestatis, aut aliquarum copiarum magna abundantia. Amicitia, uoluntas erga aliquem rerum bonarum illius ipsius causa, quem diligit, cum eius pari uoluntate. Hic, quia de ciuilibus causis loquimur, fructus ad amicitiam adiungimus, ut eorum quoque causa petenda uideatur, ne forte, qui nos de omni amicitia dicere existimant, reprehendere incipiant, quãquam sunt qui propter utilitatem modo petendam putant amicitiam, sunt qui propter se solum, sunt qui propter se, & utilitatem, quorum quid, uerissime constinatur, alius locus erit considerandus. Nunc hoc sic ad usum oratorium relinquatur, utraque propter rem amicitiam esse expetendam. Amicitiarum autem ratio, quoniam partim sunt religionibus iunctæ, partim non sunt, & quia partim ueteres sunt, partim nouæ, partim ab illorum, partim ab nostro beneficio profectæ, partim utiliores, partim minus utiles, ex causarum dignitatibus, ex temporum opportunitatibus, ex officiis, ex religionibus, ex uetustatibus habebitur. Utilitas autem aut in corpore posita est, aut in extrariis rebus, quarum tamē rerum multo maxima pars ad corporis cōmodum reuertitur, ut in rebus quædam sunt, quæ (ut sic dicā) ad corpus pertinent ciuitatis, ut agri, portus, pecunia, classes, nautæ, milites, socij, quibus rebus incolumitatem, ac libertatē retinent ciuitates. Alia uero, quæ iam quiddam magis amplum, & minus necessarium conficiunt, ut urbis egregia exornatio, atque amplitudo, ut quædam ex cellens pecuniæ magnitudo, amicitiarum, ac societarū multitudo. Quibus rebus non illud solū conficitur, ut saluæ, & incolumes, uerū etiã ut amplæ, atque potentes sint ciuitates. Quare utilitatis duæ partes uidentur esse, incolumitas & potentia. Incolumitas est salutis tuta, atque integra conseruatio. Potentia est ad sua conseruanda, & alterius obtinenda idonearum rerum facultas. Atque in ijs omnibus, quæ ante dicta sunt, quid difficulter fieri, & quid facile fieri possit, oportet considerare. Facile id dicimus, quod sine magno, aut sine ullo labore, sumptu, molestia quambreuiſſimo tempore con-

fieri potest, difficile autem fieri, quod quanquam laboris, sumptus, molestiæ, longinquitatis indiget, atque aut omnes, aut plurimas, aut maximas causas habet difficultatis, tamen his susceptis difficultatibus, compleri, atque ad exitum perducipotest. Quoniam ergo de honestate, & de utilitate diximus, nunc restat, ut de his rebus, quas his attributas esse dicebamus, necessitudine, & affectione perferibamus. Puto igitur esse hanc necessitudinem, cui nulla uiresistipotest, quæ neque mutari, neque leniri potest. Atque ut apertius hoc sit, exemplis licet uim rei qualis, & quanta sit, cognoscamus. Vri posse flamma ligneam materiam necesse est. Corpus mortale aliquo tempore interire necesse est, atque ita necesse, ut uis postular, ea quam modo describebamus, necessitudinis, cui nulla uiresistipotest, quæ neque mutari, neque leniri potest; huiusmodi necessitudines cum in dicendi rationes incident, recte necessitudines appellabuntur. Sin aliqua res incident difficilis, in illa superiori possit ne fieri quaestione considerabimus. Atque etiam hoc mihi uideor uidere, esse quoddam cum adiunctione necessitudines, quasdam simplices, & absolutas. Nam aliter dicere solemus, necesse est Cassilinenfes se dedere Annibali. Aliter autem necesse est Cassilinum uenire in Annibalis potestatem. Illic in superiore adiunctio est hæc, nisi malint fame perire. Si enim id malunt, non est necesse, hoc inferius non item, propterea quod siue uelint Cassilinenfes se dedere, siue famem perpeti, atque ita perire, necesse est Cassilinum uenire in Annibalis potestatem. Quid igitur perficere potest hæc necessitudinis distributio: prope dicam, plurimum, cum is locus necessitudinis uidebitur incurrere. Nam, cum simplex erit necessitudo, nihil erit, quod multa dicamus, cum eam nulla ratione lenire possimus, cum autem ita necesse erit, ut aliquid effugere, aut adipisci uelimus, tum adiunctio illa quid habeat utilitatis, aut quid honestatis, erit considerandum. Nam, si uelis attendere, ita tamen, ut id quæras, quod conueniat ad usum ciuitatis, reperias nullam esse rem, quâ facere necesse sit, nisi propter aliquam causam, quam adiunctionem nominamus. Pariter autem inuenias esse multas res necessitudinis, ad quas similis adiunctio non accedit. Quod genus, ut homines mortales necesse est interire sine adiunctione, ut cibo utatur non necesse est, nisi cum illa exceptione, extra quam, si nolint fame perire. Ergo ut dixi, illud, quod adiungitur, semper cuiusmodi sit, erit considerandum. Nam omni tempore id pertinebit, ut aut ad honestatem hoc modo exponenda necessitudo sit, necesse est hoc faciamus, si honeste uolumus uiuere, aut ad incolumitatem, hoc modo, necesse est, si incolumes uolumus esse, aut ad commoditatem, hoc modo, necesse est, si sine incommodo uolumus uiuere: ac summa quidem necessitudo uidetur esse honestatis, huius proxima incolumitatis, tertia ac leuissima commoditatis, quæ cum his nunquam poterit duabus contendere. Hæc autem inter se sæpe necesse est comparari, ut quanquam præstet honestas incolumitati, tamen utri potissimum consulendum sit, deliberetur: cuius rei certum quiddam præscriptum uidetur in perpetuum dari posse. Nam qua in re fieri poterit, ut cum incolumitati consuluerimus, quod sit in præsentia de honestate delibatum, uirtute aliquando, & industria recuperetur, incolumitatis ratio uidebitur habenda, cum autem id non poterit, honestatis. Ita in huiusmodi quoque re cum incolumitati uidebimur consulere, uere poterimus dicere, nos honestatis rationem

tionem habere, quoniam sine incolumitate eam nullo tempore possumus adipisci. Qua in re uel concedere alteri, uel ad conditionem alterius descendere, & in præsentia quiescere, atque aliud tempus expectare oportebit. In commoditatis uero ratione modo illud attendatur digna ne causa uideatur ea, quæ ad utilitatem pertinebit, quare aut de magnificentia, aut de honestate quiddam derogetur. Atque in hoc loco mihi caput illud uidetur esse, ut quæramus quid sit illud, quod si adipisci, aut effugere uelimus, aliqua res nobis sit necessaria, hoc est, quæ sit adiunctio, ut proinde, uti quæque res erit, laboremus, & grauissimam quamque causam uehementissime necessariam iudicemus. AFFECTIO est quædam ex tempore, aut ex negotiorum euentu, aut administratione, aut studio hominum commutatio rerum, ut non tales, quales ante habere sint, aut plerumque haberi soleant, habendæ uideantur esse, ut ad hostes transire turpe uidetur esse, at non illo animo, quo Ulysses transiit, & pecuniam in mare deicere inutile, at non eo consilio, quo Aristippus fecit. Sunt igitur res quædam ex tempore, & ex consilio, non ex sua natura considerandæ, quibus in omnibus quid tempora petant, aut quid personis dignum sit, considerandum est, & non quid, sed quo quidque animo, qui cum, quo tempore, quandiu fiat, attendendum est. His ex partibus ad sententiam dicendam, locos sumi oportere arbitramur.

Laudes autem, & uituperationes ex ijs locis sumentur, qui loci personis sunt attributi, de quibus ante dictum est. Sin distributius tractare quis uolet, paratiur in animū, & corpus, & extraneas res licebit. Animi est, uirtus, cuius de partibus paulo ante dictum est. Corporis, ualētudo, dignitas, uires, uelocitas. Extraneæ, honos, pecunia, affinitas, genus, amici, patria, potētia, & cetera, quæ simili esse in genere intelligentur. Atque in his id, quod in omnia ualet, ualere oportebit, contraria quoque quæ, & qualia sint, intelligentur. Videre autem in laudando, & in uituperando oportebit, non tam quæ in corpore, aut in extraneis rebus habueritis, de quo agatur, quàm quo pacto his rebus usus sit. Nam fortunam quidem & laudare stultitia, & uituperare superbia est. Animi autem, & laus honesta, & uituperatio uehemens est. Nunc quoniam omne in causæ genus argumentandi ratio tradita est, de inuentione præma, ac maxima parte theoricæ satis dictum uidetur. Quare quoniam & una pars ad exitum hunc ab superiore libro perducta est, & hic liber non parum continet literarum, quæ restant in reliquis dicemus.

M. T. R. he.

L iij



COGITANTI mihi sæpenumero, & memoria uetera repetenti, perbeati fuisse Quinte frater illi uideri solēt: qui in optima rep. quum & honoribus, & rerū gestarum gloria florere: cum uitæ cursum tenere potuerunt: ut uel in negotio sine periculo, uel in otio cum dignitate esse possent. Ac fuit tempus illud, cum mihi quoq; initium requiescendi, atq; animum ad utriusque nostrum præclara studia referendi fore iustū, & propē ab omnibus concessum esse arbitrarer, si infinitus forensium rerum labor, & ambitionis occupatio de cursu honorum etiam ætatis flexu constitisset: quā spem cogitationum, & consiliorum meorum, cum graues communium temporum, tum uarij nostri casus secellerunt. nam, qui locus quietis, & tranquillitatis plenissimus fore uidebatur: in eo maxime molestiarum, & turbulentissimæ tempestates extiterunt: neq; uero nobis cupientibus, atque exoptantibus fructus otij datus est, ad eas artes, quibus à pueris dediti fuimus celebrandas, inter nosq; recolendas: & ætate incidimus in ipsam perturbationem disciplinæ ueteris: & consulatu deuenimus in medium rerum omnium certamen, atque discrimen: & hoc tempus omne post consulatum obiecitū ijs fluctibus qui per nos à communi peste depulsi, in nosmetipsos redundarunt. Sed tamē in his uel asperitatibus rerum, uel angustijs tēporis obsequar studijs nostris: & quantum mihi uel fraus inimicorum, uel causæ amicorum, uel resp. tribuet otij, ad scribendū potissimum conferam. Tibi uero frater neq; horatū deero, neq; roganti: nam neq; auctoritate quisquam apud me plus te ualere potest, neq; uoluntate. Ac mihi repetenda est ueteris cuiusdam memoriæ non sanè satis explicata recordatio, sed, ut arbitror, apta ad id, quod requiris, ut cognoscas, quæ uiri omnium eloquentissimi, clarissimiq; senserint de omni ratione dicendi: uis enim, ut mihi sæpe dixisti, quoniam, quæ pueris, aut adolescentulis nobis ex commentariolis nostris inchoata atque rudia exciderunt, uix hac ætate digna, & hoc usu, quem ex causis, quas diximus, tot tantisq; consecuti sumus, aliquid iisdem de rebus politius à nobis, perfectiusq; proferri: solesq; nonnunquam hac de re à me in disputationibus nostris dissentire, quod ego eruditissimorum hominum artibus elequentiam contineri statuam, tu autem illam ab elegantia doctriinæ segregandam putes, & in quodam ingenij, atque exercitationis genere ponendam. Ac mihi quidem sæpenumero in summos homines, ac summis ingenijs præditos intuenti, quærendum esse uisum est, quid esset, cur plures in omnibus artibus quàm in dicendo admirabiles extitissent, nam quocunq; te animo, & cogitatione conuerteris, permultos excellentes in quoque genere uidebis, nō mediocrium artium, sed propē maximarum. Quis enim est, qui si, clarorum hominum scientiam rerum gestarum uel utilitate, uel magnitudine metiri uelit, non anteponat oratori imperatorem? Quis autem dubitet, quin belli duces ex hac una ciuitate præstantissimos penè innumerabiles, in dicendo autē excellentes uix paucos proferre possimus? Iam

Iam uero consilio, ac sapientia qui regere, ac gubernare remp. possent, multi nostra, plures patrum memoria, atque etiam maiorum extiterunt, quum boni per diu nulli, uix autem singulis ætatibus singuli tolerabiles oratores inuenirentur. Ac ne quis forte cum alijs studijs, quæ reconditis in artibus, atque in quadam uarietate literarum uersentur, magis hanc dicendi rationem, quam cum imperatoris laude, aut cum boni senatoris prudentia comparandam putet, conuertat animum ad ea ipsa artium genera: circumspectusque, qui in ijs floruerint, quamque multi sint: facillime quanta oratorum sit, semperque fuerit paucitas, iudicabit: neque enim te fugit omnium laudatarum artium procreatricem quandam, & quasi parentem, eam, quam φιλοσοφία greci uocant, ab hominibus doctissimis iudicari, in qua difficile est numerare, quot uiri, quanta scientia, quantaque in suis studijs uarietate, & copia fuerint, qui non una aliqua in re separati elaborarint, sed omnia, quaecumque essent, uel scientiæ peruestigatione, uel disferendi ratione comprehenderint. Quis ignorat, si, qui mathematici uocantur, quanta in obscuritate rerum, & quam recondita in arte, & multiplici, subtilisque uersentur: quo tamen in genere ita multi perfecti homines extiterunt, ut nemo ferè studuisse ei scientiæ uehementius uideatur, quin, quod uoluerit, cōsecutus sit: quis musicis: quis huic studio literarum, quod profitentur si, qui grammatici uocantur, penitus se dedit, quin omnem illarum artium penè infinitam uim, & materiam, scientia, & cognitione comprehenderit: Vere mihi hoc uideor esse dicturus, ex omnibus ijs, qui in harum artium studijs liberalissimis sint, doctrinisque uersati, minimam copiam poetarum egreriorum extitisse, atque in hoc ipso numero, in quo perraro exoritur aliquis excellens, si diligenter, & ex nostrorum, & graecorum copia comparare uoles, multo tamè pauciores oratores, quam poetæ boni reperientur, quod hoc etiam mirabilis uis debet uideri, quia ceterarum artium studia fere reconditis, atque abditis è fontibus hauriuntur, dicendi autem omnis ratio in medio posita, communis quodam in usu, atque in hominum more, & sermone uersatur, ut in ceteris id maxime excellat, quod longissime sit ab imperitorum intelligentia, sensuque distinctum, in dicendo autem uitium uel maximum sit à uulgari genere orationis, atque à consuetudine communis sensus abhorreere. Ac ne illud quidem uere dici potest, aut plures ceteris artibus inseruire, aut maiore delectatione, aut spe uberiore, aut præmijs ad perdiscendum amplioribus commoueri, atque, ut omittam Græciam, quæ semper eloquentiæ princeps esse uoluit, atque illas omnium doctrinarum inuentrices Athenas, in quibus summa dicendi uis, & inuenta est, & perfecta, in hac ipsa ciuitate profecto nulla unquam uehementius, quam eloquentiæ studia uiguerunt: nam posteaquam imperio omnium gentium constituto diuturnitas pacis otium confirmauit, nemo ferè laudis cupidus adulescens non sibi ad dicendum studio omni enitendum putauit. Ac primo qui dem totius rationis ignari, qui neque exercitationis ullam uim, neque aliquod præceptum artis esse arbitrantur, tantum quantum ingenio, & cogitatione poterant consequebantur: post autem auditis oratoribus graecis, cognitisque eorum literis, adhibitisque doctoribus, incredibili quodam nostri homines dicendi studio flagrauerunt. Excitabat eos magnitudo, & uarietas, multitudineque in omni genere causarum, ut ad eam doctrinam, quam suo quisque studio assecutus esset, adiungeretur usus frequens, qui omnium magistrorum

præcepta superaret. Erant autem huius studio maxima, quæ nunc quoque sunt, proposita præmia, uel ad gratiam, uel ad opes, uel ad dignitatem: ingenia uero (ut multis rebus possumus iudicare) nostrorum hominum multum rectoris hominibus omnium gentium præstiterunt. Quibus de causis, quis non iure miretur, ex omni memoria ætatum, temporum, ciuitatum, tam exiguum oratorum numerum inueniri? Sed nimirum maius est hoc quiddam, quod homines opinantur, & pluribus ex artibus, studiisque collectum: quis enim aliud in maxima discipulorum multitudine, summa magistrorum copia, præstantissimis hominum ingenijs, infinita rursarum uarietate, amplissimis eloquentiæ propositis præmijs esse causam putet, nisi rei quandam incredibilem magnitudinem ac difficultatem: est enim & scientia comprehendenda rerum plurimarum, sine qua uerborum uolubilitas inanis, atque irritanda est, & ipsa oratio conformanda non solum electione, sed etiam constructione uerborum, & omnes animorum motus, quos hominum generi rerum natura tribuit penitus pernostrandi, quod omnis uis, ratioque dicendi in eorum, qui audiunt, mentibus, aut sedandis, aut excitandis exprimenda est. Arcedat eodem oportet lepos quidam, facetiæque, & eruditio libero digna, reuerentiæque, & breuitas, & respondendi, & laessendi subtili uenustate, atque urbanitate coniuncta. Tenenda præterea est omnis antiquitas, exemplorumque uis, neque legum, aut iuris ciuiliis scientia negligenda est: nam quid ego de actione ipsa plura dicam? quæ motu corporis, quæ gestu, quæ uultu quæ uocis conformatione, ac uarietate moderanda est, quæ sola per se, ipsa quanta sit, histrionum leuis ars, & sirena declarat: in qua cum omnes ioris, & uocis, & motus moderatione elaborent, quis ignorat, quod pauci sint, fuerintque, quos animo æquo spectare possumus? quid de eam de thesauro rerum omnium memoria: quæ nisi custos inuentis, rogatisque rebus, & uerbis adhibeatur, intelligimus omnia, etiam si præclarissima fuerint, in oratore peritura. Quamobrem mirari desinamus, quæ causa sit eloquentium paucitatis, cum ex illis rebus uniuersis eloquentia constet, quibus in singulis elaborare permagnum est, hortemurque porius liberos nostros, ceterosque, quorum gloria nobis, & dignitas cara est, ut animo rei magnitudinem contemplantur, neque ipsi, aut præceptis, aut magistris, aut exercitationibus, quibus utuntur omnes, sed alijs quibusdam se id, quod expetunt, esse sequi posse confidant. At mea quidem sententia nemo poterit esse omni laude rumulatus orator, nisi erit omnium rerum magnarum, atque artium scientiam consecutus: etenim ex rerum cognitione efflorescat, & redundet oportet oratio, quæ, nisi subest res ab oratore perrepta, & cognita, inanem quandam habet elocutionem, & penè puerilem. Neque uero hoc ego tantum oneris imponam nostris presertim oratoribus in hac tanta occupatione urbis, ac uitæ, nihil ut ipsi putem littere nosse, quamquam uis oratoris, professioque ipsa benedicendi hoc suscipere, ac polliteri uideatur, ut omni de re, quæcunque sit proposita, ab eo ornate, copioseque dicatur. Sed quia non dubito, quin hoc plerisque immensum, infinitumque uideatur, & quod graues homines non solum ingenio, & doctrina, sed etiam otio, studioque abundantes partitionem quandam artium fecisse uideo, neque in uniuerso genere singulos elaborasse, sed seposuisse à reteris dictionibus eam partem dicendi, quæ in forensibus disceptationibus iudiciorum, aut deliberationum uti soletur, & id unum genus oratori reliquisse, non complectar

in his libris amplius, quàm quod huic generi, re quæ sita, & multum disputata, summorum hominum propè consensu est tributum, repetamq; non ab in cunabulis nostræ ueteris, puerilisq; doctrinæ quendam ordinem præceptorū sed ea, quæ quondam accepi in nostrorum hominum eloquentissimorum, & omni dignitate priucipum disputatione esse uersata, non quodd illa cōtemnā, quæ græci dicendi artifices, & doctores reliquerunt, sed, quum illa pateant, in promptuq; sint omnibus, neque ea interpretatione mea, aut ornatus explicari, aut planius exprimi possint, dabis hanc ueniam mi frater, ut opinor, ut eorum, quibus summa dicendi laus à nostris hominibus concessa est, auctoritatem græcis antepo nam.



VM igitur uehementius inueheretur in causam principum consul Philippus, Drusiq; tribunatus pro senatus auctoritate susceptus, infringi iam, ac debilitari uideretur, dici memini ludorum romanorum diebus L. Crassum quasi colligendi sui causa, se in Thusculanum contulisse, uenisse eodem focer eius, qui fuerat Q. Mucius, & M. Antonius homo & consiliorum in rep. socius, & summa cum Crasso familiaritate coniunctus: exierant autem cū ipso Crasso adolecentes, & Drusi maxime familiares, & in quibus magnam tum spem maiores natu dignitatis suæ collocarant. C. Cotta, qui tum tribunatum pl. petebat, & P. Sulpicius, qui deinceps eum magistratum petiturus putabatur. hi primo die de temporibus illis, deq; uniuersa rep. quam ob causam uenerant, multum inter se usq; ad extremum tempus dici collocuti sunt, quo quidem in sermone multa diuinitus à tribus illis consularibus Cotta deplorata, & commemorata narrabat, ut nihil incidisset postea ciuitati mali, quod non impendere illi tanto ante uisissent. eo autem omni sermone confecto, tantā in Crasso humanitatem fuisse, ut cū lauti accubissent, tolleretur omnis illa superioris tristitia sermonis, eaq; esset in homine iucunditas, & tantus in iocando lepos, ut dies inter eos curiæ fuisse uideretur, conuiuium Thusculani. Postero autem die, cum illi maiores natu satis quiescent, in ambulationem uentum esse dicebat, tum Scæuolam duobus spatijs, tribusue factis dixisse, cur non imitatur Crasse Socratem illum, qui est in Phædro Platonis: nam me hæc tua platanus admonuit, quæ non minus ad opacandum hunc locum patulis est diffusa ramis, quàm illa, cuius umbram secutus est Socrates, quæ mihi uidetur non tam ipsa aquila, quæ describitur, quàm Platonis oratione creuisse, sed quod ille durissimis pedibus fecit, ut se abijceret in herbam, atq; ita, quæ philosophi diuinitus serunt se dicta, loqueretur, id meis pedibus certe concedi est æquius. Tum Crassum Immo uero cōmodius etiam, puluinosq; poposcisse, & omnes in ijs sedibus, quæ erant sub platano, confedissee dicebat. Ibi, ut ex pristino sermone relaxarentur animi omnium solebat Cotta narrare, Crassum sermonem quendam de studio dicendi intulisse, qui cum ita esset exorsus. Non sibi cohortandum Sulpicium, & Cottam, sed magis utrunq; collaudandum uideri, quod tantam iam essent facultatem adepti, ut non æqualibus suis solum anteponerentur, sed cum maioribus natu compararentur. Neq; mihi uero quidquam inquit præstabilis uidetur, quàm posse dicendo tenere hominum coetus, mentes allicere, uoluntates impellere, quo uelit, unde autem uelit, deducere: hæc una res in omni libero populo, maximeq; in pacatis, tranquillisque ciuitatibus præcio

pue semper floruit, semperq; dominata est. Quid enim est aut tam admirabile, quàm ex infinita multitudine hominum existere unum, qui id, quod omnibus natura sit datum, uel solus, uel cum paucis facere possit: aut tam iucundum cognitu, atq; auditu, quàm sapientibus sententijs, grauiusq; uerbis ornata oratio, & perpoluta: aut tam potens, tamq; magnificum, quàm populi mortuus, iudicum religiones, senatus grauitatem unius oratione cōuertit: quid tam porro regium, tam liberale, tam munificum, quàm opem ferre supplicibus, excitare afflictos, dare salutem, liberare periculis, retinere homines in ciuitate: quid autem tam necessarium, quàm tenere semper arma, quibus uel tectus ipse esse possis, uel prouocare improbos, uel te ulcisci laceffit: Age uero ne semper forum, sublellia, rostra, curiamq; meditare, quid esse potest in otio aut iucundius, aut magis proprium humanitatis, quàm sermo factus, ac nulla in re rudis: Hoc enim uno prestamus uel maxime scriis, quòd colloquimur inter nos, & quòd exprimere dicendo scnsa possumus. Quamobrem quis hoc nō iure miretur, summeq; in eo elaborandum esse arbitretur, ut quo uno homines maxime bestijs præsent, in hoc hominibus ipsis antecellat: Vt uero iam ad illa summa ueniamus, quæ uis alia potuit aut dispersos homines unum in locum congregare, aut à sera, agrestiq; uita ad hunc humanum cultū, ciuileq; deducere, aut iam constitutis ciuitatibus, leges, iudicia, iura describere: Ac ne plura, quæ sūt pene innumerabilia, confectet, comprehendam breui: sic enim statuo, perfecti oratoris moderatione, & sapientia non solum ipsius dignitatem, sed & priuatorum plurimorum, & uniuerse reip. salutem maxime contineri. Quamobrem pergit, ut facitis, adolecentes, atq; in id studium, in quo estis, incumbite, ut & uobis honori, & amicis utilitati, & reip. emolumento esse possitis. Tum Scæuola comiter, ut solebat, Cetera inquit assentior Crasso, ne aut de C. Lælij foceri mei, aut de huius generi, aut arte, aut gloria detrahā, sed illa duo Crasse uereor, ut tibi possim concedere. Vnum, quod ab oratoribus ciuitates, & ab initio constitutas, & sæpe conseruatas esse dixisti. Alterū, quod remoto foro, concione, iudicijs, senatu statuisti oratorem in omni genere sermonis, & humanitatis esse perfectum. Quis enim tibi hoc concesserit, aut initio genus hominum in montibus, ac siluis dissipatum non prudentium consilij compulsum potius, quàm disertorum oratione delinitum, se oppidis, moenibusq; sepsisse: aut uero reliquas utilitates aut instituendis, aut conseruandis ciuitatibus, nō à sapiētibus, & fortibus uiris, sed à disertis, ornateq; dicentibus esse constitutas: An uero tibi Romulus ille, aut pastores, & conuenas congregasse, aut Sabīnorum connubia coniunxisse, aut finitimorū uim repressisse eloquentia uidetur, non consilio, & sapientia singulari: Quid in Numa Pompilio: quid in Seruio Tullo: quid in ceteris regibus: quorum multa sunt eximia ad constituendam remp. num eloquentiæ uestigiū apparet: Quid exactis regibus: tametsi ipsam exactionem mente non lingua perfectam L. Bruti esse cernimus, sed deinceps omnia non ne plena consiliorum, inania uerborum uidemus: Ego uero, si uelim & nostræ ciuitatis exemplis uti & aliarum, plura proferre possem detrimenta publicis rebus, quàm adiumenta per homines eloquentissimos importata, sed ut reliqua pratermittam, omnium mihi uideor, exceptis, Crasse uobis duobus, eloquentissimos audisse Ti. & C. Sempronios, quorum pater homo prudens, & grauis, haudquaquam eloquens,

eloquens, & sæpe aliàs, & maxime censor salutis reip. fuit, atq; is non accurata quadam orationis copia, sed nutu, atq; verbo libertinos in urbanas tribus trāstulit, quod nisi fecisset, remp. quam nunc uix tenemus, iandiu nullam haberemus. At uero eius filij disertj, & omnibus uel naturæ, uel doctrinæ præsidij ad dicendum parati, cum ciuitatem uel paterno consilio, uel ausis armis florētissimam accepissent, ista præclara gubernatrice, ut ais, ciuitatem eloquentia remp. dissipauerunt. Quid leges ueteres, moresq; maiorum? Quid auspicia, quibus & ego, & tu Crasse, cū magna reip. salute præsumus? quid religiones & cerimoniz? quid hæc iura ciuilia? quæ iam pridem in nostra familia sine ulla eloquentiæ laude uersantur, num aut inuenta sunt, aut cognita, aut omnino ab oratorum genere tractata? Equidem & Sergij Galbam memoria teneo diuinum hominem in dicendo, & M. Aemilium Porcinam, & Cn. ipsum Carbonem, quem tu adolescentulus perculisti, ignarum legum, hæsitantem in maiorum institutis, rudem in iure ciuili, & hæc ætas nostra, præter te Crasse, qui tuo magis studio, quàm proprio munere aliquo disertorum, ius à nobis ciuile didicisti, quod interdum pudeat, iuris ignara est. Quod uero in extrema oratione quasi tuo iure sumpisti, oratorem in omnis sermonis disputatio ne copiosissime posse uersari, id nisi hic in tuo regno essemus, non tulissem, multisq; præessem, qui aut interdicto tecum contenderent, aut te ex iure manu conlertum uocarent, quod in alienas possessiones tā temere irruisses. Age rent enim tecum lege primum Pythagorei omnes, atq; Democritici, ceteriq; in suo genere phisici, uindicarētq; ornati homines in dicendo, & graues, quibus cum tibi iusto sacramento contendere non liceret. Vrgerent præterea philosophorum greges, iam ab illo fonte, & capite Socrate, nihil te de bonis rebus in uita, nihil de malis, nihil de animi permotionibus, nihil de hominum moribus, nihil de ratione uitæ didicisse, nihil omnino quæsisse, nihil scire conuincerent, & cum uniuersi in te impetum fecissent, tum singulæ familiæ litem tibi intenderent. Instaret academia, quæ quidquid dixisses, id teipsum negare cogeret. Stoici uero nostri disputationum suarum, atq; interrogationum laqueis te irretitum tenerent. Peripaterici autem etiam hæc ipsa, quæ propria oratorum putas esse adiumenta, atq; ornamenta dicendi, ab se peti uincerent oportere, ac non solum meliora, sed etiam multo plura Aristotelem, Theophrastumq; de his rebus, quàm omnes dicendi magistros scripssisse ostenderent. Missos facio mathematicos, grammaticos, musicos, quorum artibus, uestra ista dicendi uis ne minima quidem societate coniungitur. Quamobrem ista tanta, tamq; multa proficēda Crasse nō censeo, satis id est magnum, quod potes præstare, ut in iudicijs ea causa, quancunq; tu dicis, melior, & probabiliore esse uideatur, ut in concionibus, & sententijs dicendis ad persuadendum tua plurimum ualeat oratio, deniq; ut prudentibus diserte, stultis etiam uere dicere uidearis: hoc amplius si quid poteris, non id mihi uidebitur orator, sed Crassus sua quadam propria non communi oratorum facultate posse. Tum ille, Non sum (inquit) nescius Scæuola ista inter græcos dici, & discèptari solere: audiui enim summos homines, cum quæstor ex Macedonia uenissem Athenas florente academia, ut temporibus illis ferebatur, quum eam Carneades, & Clitomachus: & Aeschines obtinebant, erat etiā Metrodorus, qui cum illis una ipsum illum Carneadem diligentius audierat, hominem omniū

in dicendo, ut se rebant, acerrimum, & copiosissimum, uigebatq; auditor Patet illius tui Menelarchus, & Periparetici Critolaus, & Diodorus: multi erant præterea præclari in philosophia, & nobiles, à quibus omnibus una perne repelli uoce oratorem à gubernaculis ciuitatum, excludi ab omni doctrina rerumq; maiorem scientia, ac tantum in iudicia, & concinnculas, tanquam in aliquod pistrinum detrudi, & compingi uidebam. Sed ego neq; illis assentiebar, neq; harum disputationum inuentori, & principi longe omnium in dicēdo grauissimum, & eloquentissimum Platonem, cuius tum Athenis diligentius legi cum Carneade Gorgiam, quo in libro in hoc maxime admirabar Platonem, quod mihi in oratoribus irridendis ipse esse orator summus uidebatur: uerbi enim controuersia tandiu torquet græculos homines contentionis cupidiore, quàm ueritatis. Nam si quis hunc statuit esse oratorem, qui tantummodo in iure, aut in iudicijs possit, aut apud populum, aut in senatu copiose loqui, tamen huic ipsi multa tribuat, & concedat necesse est: neq; enim sine multa pertractatione omnium rerum P. neq; sine legum, morum, iuris scientia, neq; natura hominum incognita, ac moribus, in his ipsis rebus satis callide uersari, & perite potest. qui autem hæc cognouerit, sine quibus ne illa quidem minima in causis quisquam recte tueri potest, quid huic abesse poterit de maximarum rerum scientia? Sin oratoris nihil uis esse, nisi compositè, ornate, copiosè eloqui, quæro id ipsum, qui possit asse qui sine ea scientia, quam ei non conceditis: dicendi enim uirtus, nisi ei, qui dicit, ea de quibus dicit, percepta sint, extare non potest. Quamobrem si ornate locutus est, sicut fertur, & mihi uidetur physicus ille Democritus, materies illa fuit physici, de qua dixit, ornata uero ipse uerborum oratoris putandus est, & si Plato de rebus à ciuilibus controuersijs remotissimis diuinitus est locutus, quod ego concedo, si itē Aristoteles, si Theophrastus, si Carneades in rebus istis, de quibus disputauerunt, eloquentes, & in dicendo suauis, atq; ornati fuerunt, sint hæc res, de quibus disputant, in alijs quibusdam studijs, oratio quidem ipsa propria est huius unius rationis, de qua loquimur, & quærimus. Etenim uidemus ipsam de rebus seorsum quosdam, & exiliter, ut eum, quem acutissimum ferunt Chrysippum, disputationis, neq; ob eam rem philosophiæ non satis fecisse, quod non habuerit hæc dicendi ex arte alienam facultatem. Quid ergo interest: aut qui discernes eorum, quos nominaui, in dicendo ubertatem, & copiam ab eorum exilitate, qui hac dicendi uarietate, & elegantia non utuntur? Vnum erit profecto, quod si, qui bene dicunt, asserunt proprium, compositam orationem, & ornata, & artificio quodam, & explicatione distinctam: hæc autem oratio, si res non subest ab oratore percepta, & cognita, aut nulla sit necesse est, aut omnium irrisione ludatur: quid est enim tam furiosum, quam uerborum uel optimorum atq; ornatissimorum sonitus inanis nulla subiecta sententia? Quid quid erit igitur quacunque ex arte, quocunque de genere, id orator, si tãquam clientis causam didicerit, dicet melius, & ornatus, quàm ille ipse eius rei inuentor, atq; artifex. Nam, si quis erit, qui hoc dicat, esse quosdam oratorum proprias sententias, atque causas, & certarum rerum forensibus cancellis circumscriptam scientiam, fatebor equidem in his magis assidue uersari hanc nostram dictionem, sed tamen in istis ipsis rebus permulta sunt, quæ isti magistri, qui rhetorici uocantur, nec tradunt, nec tenent: quis enim nescit maximam uim existere oratoris

oratoris in hominum mentibus, uel ad irā, aut ad odium, aut dolorem incitantis, uel ab hisce iisdem permotionibus ad lenitatem, misericordiamq; reuocandis: quæ nisi qui naturas hominum, uimq; omnem humanitatis, causasq; eas, quibus mentes aut incitantur, aut reflectuntur, penitus perspexerit, dicendo, quod uolet, perficere non poterit. Atqui totus hic locus philosophorum putatur proprius, neq; orator me auctore, unquam repugnabit, sed quū illis cognitionem rerum concefferit, quod in ea solū illi uoluerint elaborare, tractationē orationis, quæ sine illa sciētia nulla est, sibi assumet: hoc enim est propriū oratoris, quod sæpe iam dixi, oratio grauis, & ornata, & hominū sensibus, ac mētibus accommodata. quibus de rebus Aristotelē, et Theophrastum scripsisse fateor. Sed uide, ne hoc Scauola torum sit à me: nam ego, quæ sunt oratori cū illis cōmunia, nō mutuo ab illis, isti, quæ de his rebus disputant, oratorū esse concedunt, itaq; ceteros libros artis sue nomine, hos rethoricos & inscribunt, & appellant: Etenim, cū illi in dicendo inciderint loci (quod per sepe euenit) ut de dijs immortalibus, de pietate, de concordia, de amicitia, de communi ciuium, de hominum, de gētium iure, de æquitate, de temperātia, de magnitudine animi, de omni uirtutis genere sit dicendū, clamabūt credo omnia gymnasia, atq; omnes philosophorū scholæ, sua hæc esse omnia propria, nihil omnino ad oratorem pertinere, quibus ego, ut de his rebus oībus in angulis consumēdis, et iocū causa differant, cum concessero, illud tamē oratori tribuam, & dabo, ut eadē, de quibus illi tenui quodam, et exiguo sermone disputant, hic cum omni grauitate, et iocunditate explicet. hæc ego cum ipsis philosophis, tum Athenis differebā, cogebar enim me M. Marcellus hic noster, qui nunc sedilis curulis est, & profecto, nisi ludos nunc faceret, huic nostro sermoni interesset, ac iam tum erat adolecentulus his studijs mīrifice deditus. Iam uero de legibus instituentiā, de bello, de pace, de foeijs, de uestigalibus, de iure ciuium generatim in ordines, ætatesq; descripto, dicant uel græci, si uolunt Lycurgum, aut Solonem, quamquam illos quidem censemus in numero eloquentium reponendos, scisse melius quā Hyperidem, aut Demosthenem, perfectos iam homines in dicendo, & perpolitos, uel nostros decemuiros, qui XII. tabulas perscripserunt, quos necesse est fuisse prudentes, anteponan in hoc genere, & Ser. Galbæ, & socero tuo C. Lælio, quos constat dicendi gloria præstitisse; nunquam enim negabo esse quasdam artes proprias eorum, qui in his cognoscendis, atq; tractandis studium suum omne posuerunt, sed oratorem plenum atq; perfectū esse eum dicam, qui de omnibus rebus possit uarie, copioseq; dicere: Etenim sæpe in ijs causis, quas omnes proprias esse oratorū consentunt, est aliquid, quod nō ex usu forensi, quem solum oratoribus conceditis, sed ex obscuriore aliqua scientia sit promendum, & assumendum, quero enim num possit aut contra imperatorem, aut pro imperatore dici sine rei militaris usu, aut sæpe etiam sine regionum terrestrium, aut maritimarum scientia? num apud populum de legibus iubendis, aut utandis, num in senatu de omni reip: genere dici sine summa rerum ciuiliū cognitione, & prudentia? num ad moueri possit oratio ad sensus animorum, atque motus uel inflammādos, uel etiam extinguendos, quod unum in oratore dominatur, sine diligentissima peruestigatione earum omnium rationum, quæ de naturis humani generis, ac moribus à philosophis explicantur? Atque haud scio, an minus hoc uobis

M. T. Rhe.

M

sim probaturus, eundem nō dubito, quod sentio dicere, phisica ista ipsa, quæ paulo ante, & mathematica, & ceterarum artium propria posuisti, scientiæ sunt eorum, qui illa profitentur, illustrare autem oratione si quis istas ipsas artes uelit, ad oratoris ei confugiendum est facultatem. Neque enim si Philonem illum architectum, qui Atheniensibus armamentarium fecit, constat perdidisse populo rationem operis sui reddidisse, existimandum est architecti potius artificio diserte, quàm oratoris fuisse. Nec si huic M. Antonio pro Hermodoro fuisset de naualium opere dicendum, non cum ab illo causam didicisset, ipse ornare de alieno artificio, copiosèq; dixisset, neque uero Asklepiades is, quo nos medico, amicoq; uisum, tum, cum eloquentia uincebat ceteros medicos, in eo ipso, quod ornate dicebat, medicinæ facultate utebatur, non eloquentiæ. Atq; illud est probabilius, neque tamen uerum, quod Socrates dicere solebat, omnes in eo, quod scirent, satis esse eloquentes, illud uerius, neque quenquam in eo disertum esse posse, quod nesciat, neq; si id optime sciat, ignarusq; sit faciundæ, ac poliendæ orationis, diserte id ipsum posse, de quo sciat, dicere. Quamobrem, si quis uniuersam, & propriam oratoris uim definire, complectiq; uult, is orator erit mea sententia, hoc tam graui dignus nomine, qui quæcunq; res inciderit, quæ sit dictione explicanda, prudenter, & compositè, & ornate, & memoriter dicat cum quadam etiam actionis dignitate. Sin cuiuspiam nimis infinitum uidetur, quod ita proposui quacunq; de re, licet hinc quantum cuiq; uidebitur, circūcidat, atq; amputet, tamen illud tenebo, si, quæ ceteris in artibus, aut studiis sita sunt, orator ignoret, tantumq; ea teneat, quæ sint in disceptationibus, aut in usu forensi, tamen his de rebus ipsis si sit ei dicendum, cum cognouerit ab ijs, qui tenent, quæ sint in quaq; re, multo oratorem melius, quàm ipsos illos, quorum eæ sunt artes, esse dicturum. Ita si de re militari dicendum huic erit Sulpicio, quæret à C. Mario affini nostro, & cum acceperit, ita pronuntiabit, ut ipsi C. Mario penè hic melius, quàm ipse ille scire uideatur. Sin de iure ciuili, tecum communicabit, teq; hominem prudentissimum, & peritissimum, in ijs ipsis rebus, quas abs te didicerit, dicendi arte suoperabit. Sin quæ res inciderit, in qua de natura, de uitis hominum, de cupiditatibus, de modo, de continentia, de dolore, de morte dicendum sit, forsitan, si ei sit uisum, & si hæc quidem nosse debet orator, cum Sex. Pompeio crudi to homine in philosophia communicabit: hoc profecto efficiet, ut quancunq; rem à quoque cognouerit, de ea multo dicat ornatiùs, quàm ille ipse, unde cognorit. Sed, si mea audierit, quoniã philosophia in tres partes est distributa, in naturæ obscuritatem, in disserendi subtilitatem, in uitam, atq; mores, duo illa relinquamus, idq; largiamur inertie nostræ, tertium uero quod semper oratoris fuit, nisi tenebimus, nihil oratori, in quo magnus esse possit, relinquemus. Quare hic locus de uita, & moribus totus est oratori perdiscendus, cetera, si non didicerit, tamen poterit, si quando uolet, ornare dicendo, cum erunt ad eum delata, & tradita. Etenim si constat inter doctos, hominem ignarum astrologiæ, ornatissimis atque optimis uersibus Aratum de cœlo, stellisq; dixisse, si de rebus rusticis hominem ab agro remotissimum Nicandrum Colophonium poetica quadam facultate non rustica scripsisse præclare, quid est, cur non orator de rebus ijs eloquentissime dicat, quas ad certam causam, tempusq; cognorit? est enim finitimus oratori poeta,

numeris

numeris astrictior paulo, uerborum autem licentia liberior, multis uero ornā di generibus socius, ac penē par in hoc quidem certe propē idem, nullis ut ter minis circumscribat, aut definiat ius suum, quo minus ei liceat eadem illa facoltate, & copia uagari, qua uelit. Nanque illud quare Scauola negasti te fuisse laturum, nisi in meo regno esses, quod in omni genere sermonis, in omni parē te humanitatis dixerim oratorem perfectum esse debere, nunquam mehercule hoc dicerem, si eum, quem fingo, meipsum esse arbitrarer, sed ut solebat C. Lucilius saepe dicere homo tibi subiratus, mihi propter eā ipsam causam mi nus, quā uolebat, familiaris, sed tamen & doctus, & perturbans, sic sentio, neminem esse in oratorum numero habendum, qui non sit omnibus ijs arti bus, quæ sunt libero dignę, perpolitus, quibus ipsis, si in dicēdo non utimur, tamen apparer, atque extat utrum simus earum rudes, an didicerimus, ut qui pila ludunt, non utuntur in ipsa lusione artificio proprio palæstræ, sed indi cat ipse motus, didicerint ne palæstram, an nesciant, & qui aliquid fingunt, & si tum pictura nihil utuntur, tamen utrum sciant pingere, an nesciant, non ob scurum est, sic in orationibus hisce ipsis iudiciorum, concionum, senatus, etiā si proprię ceteræ non adhibentur artes, tamen facile declaratur, utrum is, qui dicat, tantummodo in hoc declamatorio sit opere iactatus, an ad dicen dum omnibus ingenuis artibus instructus accesserit. Tum ridens Scauola, Non luctabor inquit tecum Crasse amplius, id enim ipsum, quod con tra me locutus es, artificio quodam es consecutus, ut & mihi, quæ ego uel lem, non esse oratoris, concederes, & ea ipsa nescio quomodo rursus detor queres, atque oratori propria traderes. Hæc cum ego præter Rhodum ueniss em, & cum summo illo doctore istius disciplinæ Apollonio ea, quæ a Panæ tio acceperam, contulissem, irrisit ille quidem, ut solebat philosophiam, atque contempsit, multaq; non tam grauiter dixit, quā faceret, tua autem su it oratio eiusmodi, non ut ullam artem, doctrinam uel contemneres, sed ut om nes comites, ac ministras oratoris esse diceres, quas ego, si quis sit unus com plexus omnes idemq; si ad eas facultates istam ornatiſsimæ orationis adiun xerit, non possum dicere eum non egregium quendam hominem, atque admi randum fore, sed is, si quis esset, aut si etiam unquam fuisset, aut uero si esse pos set, tu esses unus profecto, qui & meo iudicio, & omnium uix ullā ceteris ora toribus (pace horum dixerim) laudem reliquisti. Verū si tibi ipsi nihil deest, quod in forensibus rebus, ciuilibusq; uerſetur, quin scias, neque eam tamen sci entiam, quam adiungis oratori, complexus es, uideamus, ne plus ei tribuas, quā res, & ueritas ipsa concedat. Hic Crassus. Memento (inquit) me non de mea, sed de oratoris facultate dixisse: quid enim nos aut didicimus, aut scire potuimus? qui ante ad agendum, quā ad cognoscendum uenimus quos in foro, quos in ambitione, quos in rep. quos in amicorum negotijs res ipsa ante confecit, quā possemus aliquid de rebus tantis suspicari. Quod si tibi tan tum in nobis uideatur esse, quibus etiā si ingenium, ut tu putas, nō maxime de fuit, doctrina certe, & otium, & hercule etiam studium illud dicendi acerrim um defuit, quid censes, si ad alicuius ingenium uel maius, illa, quæ ego non attigi, accesserint, qualem illum, & quantum oratorem futurum? Tum An tonius, Probas mihi iquit ista Crasse, quæ dicis, nec dubito, quin multo locu pletior in dicēdo futurus sit, si quis omnium rerum, atque artium ratione, natus

ramque comprehenderit. Sed primum id difficile factum est, presertim in hac nostra uita, nostrisque occupationibus, deinde illud etiam uerèdum est, ne abstractumur ab hac exercitatione, & consuetudine dicendi populari, & forensi: aliud enim mihi quoddam genus orationis esse uidetur eorum hominum, de quibus pauloante dixisti, quamuis illi ornate, & grauius, aut de natura rerum, aut de humanis rebus loquantur. Nitidum quoddam genus est uerborum, & lætum, sed palæstræ magis, & olei, quàm huius ciuilis turbæ, ac fori. Nāq; egomet, qui sero, ac leuiter græcæ literas attigissem, tamen, cum proconsul in Ciliciam proficiscens Athenas uenissem, complures tum ibi dies sum propter nauigandi difficultatem commoratus, sed cum quotidie mecum haberent homines doctissimos, eos serè ipsos, qui abs te modo sunt nominati, cumque hoc, nescio quomodo, apud eos increbuisse, me in causis maioribus, sicuti te solere uersari, pro se ut quisque poterat, de officio, & ratione oratoris disputaret. Horum alij, sicut iste ipse Mnesarchus, hos, quos nos oratores uocamus, nihil esse dicebat, nisi quosdā operarios lingua celeri, & exercitata, oratorem autem, nisi qui sapiens esset, esse neminem, atque ipsam eloquentiam quod ex benedicendi scientia constaret, unam quandam esse uirtutem, & qui unam uirtutem haberet, omneis habere, easque esse inter se æquales, & pares, ita qui esset eloquens, cum uirtutes omnes habere, atque esse sapientem. Sed hæc erat spinosa quædam, & exilis oratio, longèque à nostris sensibus abhorrebat. Carneades uero multo uberius ipsidem de rebus loquebatur, non quo aperiret sententiam suam (hic enim mos erat patrius academice aduersari semper omnibus in disputando) sed tum maxime tamen hoc significabat, eos, qui rhetores nominarentur, & qui dicendi præcepta traderent, nihil plane tenere, neque posse quenquam facultatem assequi dicendi, nisi qui philosophorum inuenta didicisset. Disputabant contra disertis homines Athenienses in rep. causisque uersati, in quibus erat etiā is, qui nuper Romæ fuit, Menedemus hospes meus, qui, cum diceret esse quandam prudentiam, quæ uersaretur in perspicendis rationibus constituendarum, & regendarum rerum publicarum, excitabatur homo promptus ab homine, abundanti doctrina, & quadam incredibili uarietate rerum, atque copia: omnis enim partes illius ipsius prudentiæ petendas esse à philosophia dicebat, neque ea, quæ statuerentur in rep. de dijs immortalibus, de disciplina iuuentutis, de iustitia, de patientia, de temperantia, de modo rerum omnium, ceteraque, sine quibus ciuitates aut esse, aut bene moratæ esse non possent, usque in eorum libris inueniri. Quod, si tantam uim rerum maximarum arte sua rhetorici illi doctores complecterentur, quærebatur, cur de proemijs, & de epilogis, & de huiusmodi nugis (sic enim appellabat) referri essent eorum libri: de ciuitatibus instituendis, de scribendis legibus, de æquitate, de iustitia, de fide, de frangendis cupiditatibus, conformandis hominum moribus, litera in eorum libris nulla inueniretur. Ipsa uero præcepta sic illudere solebat, ut ostenderet non modo eos illius expertes esse prudentiæ, quam sibi absicerent, sed ne hanc quidem ipsam dicendi rationem, ac uiam nosset: caput enim esse arbitrabatur oratoris, ut & ipsis, apud quos ageret, talis, qualem se ipse optaret, uideretur: id fieri uitæ dignitate, de qua nihil rhetorici isti doctores in præceptis suis reliquissent, & uti eorum qui audirent, sic afficerentur animi, ut eos affici uellet orator, quod item fieri, nullo modo posse,

nisi

nisi cognosceret is, qui diceret, quorū modis hominū mentes, & quibus rebus, & quo genere orationis in quāq; partem mouerētur: hac autem esse penitus in media philosophia reclusa, atq; abdita, quæ isti rhetores ne primoribus quidem labris attigissent. Ea Menedemus exemplis magis quā argumentis conabatur refellere, mem oriter enim multa ex orationibus Demosthenis præclare scripta pronuncians, docebat illum in animis uel iudicum, uel populi in omnem partem dicendo permouendis, non fuisse ignarum, quibus ea rebus consequeretur, quæ negaret ille sine philosophia quēquam scire posse. Huic respondebat, non se negare Demosthenem summam prudentiam summāq; uim habuisse dicēdi, sed siue ille hoc ingenio potuisset, siue id, quod cōstaret, Platonis studiosus audiēdi fuisset, non quid ille potuisset, sed quid isti docerēt, esse querendū. Sæpe etiam in eam partem ferebatur oratione, ut omnino disputaret, nullā artē esse dicēdi, idq; cum argumentis docuerat, quod ita nati essemus, ut & blandiri suppliciter nō, à quibus esset petendū, & aduersarios minaciter terrefcere possemus, & rem gestam exponere, & id, quod intendemus confirmare, & id, quod contra diceretur, refellere, & ad extremum deprecari aliquid, & conqueri, quibus in rebus omnis oratorum uersaretur facultas, & quod consuetudo, exercitatioq;, & intelligendi prudentiam acueret, & eloquēdi celeritatem incitaret. Tum etiam exēplorum copia nitebatur, nā primum quasi dedita opera neminem scriptorem artis, ne mediocriter quidē disertum fuisse dicebat, cum repeteret usq; à Corace nescio quo & Thyisia, quos artis illius inuentores, & principes fuisse constaret, eloquentissimos autem homines, qui ista nec didicissent, nec omnino scisse curassent, innumera- biles quosdam nominabat, in quibus etiam siue ille irridens, siue quod ita putaret, atque ita audisset, me in illo numero, qui illa non didicissent, & tamen (ut ipse dicebat) possem aliquid in dicendo, proferebat. quorum ego illi aliterum facile assentiebar, nihil me didicisse, in altero autē me illudi ab eo, aut etiā ipsum errare arbitrabar. Artē uero negabat esse ullam, nisi quæ cognitis, pernitusq; perspectis, & in unum exitum spectantibus, & nunquam fallentibus rebus contineretur. Hæc autem omnia, quæ tractarentur ab oratoribus, dubia esse, & incerta, cum & dicerentur ab nō, qui ea omnia non planē tenerent, & audirentur ab nō, quibus non scientia esset tradenda, sed exigui temporis, aut falsa, aut certe obscura opinio. Quid multa: sic mihi tum persuadere uidebatur, neq; artificium ullum esse dicēdi, neque quēquam posse, nisi qui illa, quæ à doctissimis hominibus in philosophia dicerentur, cognosceret, aut callidē, aut copiose dicere. Quibus dicere Carneades solebat ingenium tuum Cras se uehementer admirans, me sibi perfacilem in audiendo, te perpugnacem in disputando esse uisum. Tumq; ego hac eadem opinione adductus, scripsi etiā illud quodam in libello, qui me imprudente, & inuito excidit, & peruenit in manus hominum, disertos me cognosce nonnullos, eloquentē adhuc neminē, quod cum sitaruebam disertum, qui posset satis acute, atque dilucide apud mediocres homines ex communi quadam hominum opinione dicere, eloquentem uero, qui mirabilius, & magnificētius augere posset, atq; ornare, quæ uellet, omnisq; omnium rerū, quæ ad dicēdum pertinerēt, fontes animo, ac memoria cōtineret. Id si est difficile nobis, qui ante q̄ ad discēdū ingressi simus, obruimur ambitione, & foro, si tamen in re positum, atq; natura. Ego enim

quantum auguror coniectura, quantaq; ingenia in nostris hominibus esse uideo, non despero fore aliquem aliquando, qui & studio acriore, quam nos sumus, atq; suimus, & otio, ac facultate discendi maiore, ac maturiore, & labore, atq; industria superiore, cum se ad audiendum, legendum, scribendumq; maiore opera dediderit, existat talis orator, qualem quaerimus, qui iure non solū disertus, sed etiam eloquens dici possit, qui tamen mea sententia, aut hic est iā Crassus, aut si quis pari fuerit ingenio, pluraq;, quam hic & audierit, & lectitarit, & scripserit, paulū huic aliquid poterit addere. Hoc loco Sulpicius. Insuperanti mihi (inquit) & Cottæ, sed ualde optanti utriq; nostrum cecidit, ut in istum sermonem Crasse delaberemini, nobis enim huc uenientibus iucundum satis fore uidebatur, si, cum uos de rebus alijs loqueremini, tamen nos aliquid ex sermone uestro memoria dignum excipere possemus, ut uero penitus in eam ipsam totius huius uel studij, uel artificij, uel facultatis disputationem penē intimam perueniretis, nix optandum nobis uidebatur. Ego enim, qui ab ineunte ætate incensus essem studio utriusq; uestrum, Crassi uero etiā amore, cum ab eo nusquam discederem, uerbum ex eo nunquam elicere potui de ui, ac ratione dicendi, cum & per me ipsum egissem, & per Drusum sæpe tentassem, quo in genere tu Antoni (uere loquar) nunquam mihi percunctanti, aut querenti aliquid defuisti, & persæpe me, quæ soleres in dicendo obseruare, docuisti. Nunc, quoniam uterq; uestrum patefecit earum ipsarum rerum aditum, quas quaerimus, & quoniam princeps Crassus eius sermonis ordiens di fuit, date nobis hanc ueniam, ut ea, quæ sentitis de omni genere dicendi, subtiliter prosequamini. Quod quidem, si erit à uobis impetratum, magnam habeo Crasse huic palæstræ, & Tusculano tuo gratiam, & longe Academiæ illi, ac Licio tum hoc suburbanum gymnasium anteponam. Tum ille. Immo uero (inquit) Sulpici rogemus Antonium, qui & potest facere id, quod requiris, & consuevit, ut te audio dicere. Nam me quidem semper à genere hoc toto sermonis refugiisse, & tibi cupienti, atq; instanti sæpissime negasse, tute paulo ante dixisti, quod ego non superbia, neq; in humanitate faciebam, neq; quo tuo studio rectissimo atq; optimo non obsequi uellem, præsertim, cum te unum ex omnibus ad dicendum maxime natum, aptumq; cognossem, sed mehercule istius disputationis insolentia, atq; earum rerū, quæ quasi traduntur in arte, in scitia. Tum Cottæ. Quoniam id, quod difficillimum nobis uidebatur, ut omnino de his rebus Crasse loquerere, assecuti sumus, de reliquo quo iam nostra culpa fuerit, si te, nisi omnia, quæ percunctati erimus, explicaris, dimiserimus. De his credo rebus inquit Crassus, ut in conditionibus scribi solet, quibus sciam, poteroq;. Tum ille. Nanque quod tu non poteris, aut nescies quis nostrum tam impudens est, qui se scire, aut posse postulet. Iam uero ista conditione, dum mihi liceat negare posse, quod non potero, & fateri nescire, quod nesciam, licet inquit Crassus uestro arbitratu percunctemini. Atqui inquit Sulpicius hoc primum ex te, de quo modo Antonius exposuit quid sentias quaerimus, existimes ne artem aliquam esse dicendi. Quid mihi uos nunc (inquit) Crassus, tanquam alicui græculo otioso, & loquaci, & fortasse docto, atq; erudito quaestiunculam, de qua meo arbitratu loquar ponitis: quando enim me, ista curasse aut cogitasse arbitramini, & non semper irrisisse potius eorum hominum impudentiam, qui cum in schola affedissent,

ex magna hominum frequentia dicere suberent, si quis quid quereret: quod primum ferunt Leontinum fecisse Gorgiam, qui permagnum quiddam suscipere, ac profiteri uidebatur, cum se ad omnia, de quibus quisque audire uellet, esse paratum denuntiaret: postea uero uulgo hoc facere cœperunt, hodieque faciunt, ut nulla sit res neque tanta, neque tam improuisa, neque tam noua, de qua se non omnia, quæ dici possunt, prohteantur esse dicturos. Quod si te Corra arbitrarer, aut te Sulpici de his rebus audire uelle, adduxissem huc græcum aliquem, qui nos istiusmodi disputationibus delectaret, quod ne nunc quidem difficile factum est: est enim apud M. Pisonem adolescentem iam huic studio deditum, summo hominem ingenio, nostrique cupidissimum, peripateticus Staseas homo nobis sanè familiaris, & ut inter homines peritos constare uideo, in illo suo genere omnium princeps. Quem tu (inquit) mihi Mucius Staseam, quem peripateticum narras? gerendus est tibi mos adolescentibus Crasse, qui non græci alicuius quotidianam loquacitatem sine, usu, neque ex scholis cæcilenam requirunt, sed ex homine omnium sapientissimo atque eloquentissimo, atque ex eo, qui non in libellis, sed in maximis causis, & in hoc domicilio imperij, & gloriæ, sit consilio, linguæque princeps, cuius uestigia qui persequi cupiunt, eius sententiam sciscitantur. Equidem te cum in dicendo semper peritum uideam, tum uero tibi nunquam eloquentiæ maiorem tribui laudem, quam humanitatis, qua nunc te uti uel maxime decet, neque defugere eam disputationem, ad quam te duo excellentis ingenij adolescentes cupiunt accedere. Ego uero inquit, istis obsequi studeo, neque grauabor breuiter meo more, quid quæque de re sentiam dicere, ac primum illud (quoniam auctoritatem tuam neglegere Scæuola fas mihi esse non puto) respondeo mihi dicendi aut nullam artem, aut pertenuem uideri, sed omnem esse contentionem inter homines doctos in uerbi controuersia positam. Nam si ars ita definitur, ut paulo ante exposuit Antonius, ex rebus penitus perspectis, planèque cognitis, atque ab opinionis arbitrio seiunctis, scientiaque comprehensis, non mihi uidetur ars oratoris esse ulla: Sunt enim uaria, & ad uulgarem, popularemque sensum accommodata omnia genera huius forè nostræ dictionis. Sin autem ea, quæ obseruata sunt in usu, ac ratione dicendi, hæc ab hominibus callidis, ac peritis animaduersa, ac notata, uerbis designata, generibus illustrata, partibus distributa sunt (id quod fieri potuisse uideo) non intelligo, quamobrem non, si minus illa subtili definitione, at hac uulgari opinione ars esse uideatur. Sed siue est ars, siue artis quædam similitudo, non est quidem ea negligenda, uerum intelligendum est, alia quædam ad consequendam eloquentiam esse maiora. Tunc Antonius uehementer se assentiri Crasso dixit, quod neque ita amplecteretur artem, ut non solerent, qui omnem uim dicendi in arte ponerent, neque rursus eam totam, sicut plerique philosophi facerent, repudiaret. Sed existimo inquit, gratum te his esse Crasse facturum, si ista expuleris, quæ putas ad dicendum plusquam ipsam artem posse prodesse. Dicam equidem quoniam institui, petamque a uobis inquit, ne has meas ineptias efferatis, quæquam moderabor ipse, ne ut quidam magister, atque artifex, sed quasi unus e togatorum numero, atque ex forensi usu homo mediocris, neque omnino rudis uidear, non ipse aliquid a me promississe, sed fortuito in sermonem uestrum incidisse. Equidem cum peterem magistratus, solebam in prehensando dimittere a me Scæuolæ,

cum ei ita dicerem, me uelle esse ineptum, id erat petere blandius, quod nisi inepte fieret, bene non posset fieri, hunc autem esse unum hominem ex omnibus, quo praesente ego ineptus esse minime uellem, quem quidem nunc meorum ineptiarum testem, & spectatorem fortuna constituit. Nam quid est ineptius, quam de dicendo dicere, cum id ipsum dicere nunquam sit non ineptum, nisi cum est necessarium? Perge uero Crasse, inquit Mutius, istam enim culpam, quam uereris, ego praestabo. Sic igitur sentio, inquit Crassus, naturam primum, atque ingenium ad dicendum uim asserre maximam, neque uero istis, de quibus paulo ante dixit Antonius, scriptoribus artis, rationem dicendi, & uiam, sed naturam defuisse: nam & animi, atque ingenij celeres quidam motus esse debent, qui ad excogitandum acuti, & ad explicandum, ornandumque sint uberes, & ad memoriae firmitatem, atque diuturni, & si quis est, qui haec putet arte accipere posse, quod falsum est, praclare enim se res habeat, si haec accendi, aut commoueri arte possint, inferi quidem, & donari ab arte non possunt, omnia sunt enim illa dona naturae, quid de illis dicet, quae certe cum ipso homine nascuntur linguae solutio, uocis sonus, latera, uires, conformatio quaedam, & figura totius oris, & corporis? Neque haec ita dico, ut ars aliquid limare non possit, neque enim ignoro, & quae bona sunt, fieri meliora posse doctrina, & quae non optima, aliquo modo acui tamen, & corrigi posse, sed sunt quidam, aut ita lingua haesitantes, aut ita uoce absoni, aut ita uultu, motuque corporis uasti, atque agrestes, ut etiam si ingenij: atque arte ualeant, tamen in oratorum numerum uenire non possint. sunt autem quidam ita naturae muneribus in nihil rebus habiles, ita ornati, ut non nati, sed ab aliquo deo ficti esse uideantur. Magnum quiddam est oris, atque munus, suscipere, atque profiteri, se esse omnibus silentibus unum maximis de rebus magno in conuentu hominum audiendum. adest enim sere nemo, quin acutius, atque acrius uitia in dicente, quam recta uideat, ita quidem quid est, in quo offenditur, id etiam illa, quae laudanda sunt, obruit. Neque haec in eam sententiam disputo, ut homines adolecentes, siquid naturale sorte non habeant, omnino a dicendi studio deterream. Quis enim non uideat C. Caelio aequali meo magno honori fuisse homini nouo illam ipsam, quaecumque assequi potuerit, in dicendo medioeritatem? quis uestrum equealem meum Q. Varium uastum hominem, atque secundum non intelligit illa ipsa facultate, quamcumque habuit magnam esse in ciuitate gratiam consecutum? Sed quia de oratore querimus, fingendus est nobis oratione nostra detractis omnibus uitijs orator, atque omni laude cumulandus: neque enim, si multitudo litium, si uarietas causarum, si haec turba, & barbaria forensis dat locum uel uiciosissimis oratoribus, ideo circo nos hoc, quod quaerimus, omitemus. Itaque in his artibus, in quibus non utilitas quaeritur necessaria, sed animi libera quaedam oblectatio, quam diligenter, & quam propere fastidiose iudicamus: nullae enim lites, neque controversiae sunt, quae cogant homines, sicut in foro non bonos oratores, ite in theatro actores malos perpeti. Est igitur oratori diligenter providendum non uti eis satisfaciatur, quibus necesse est, sed ut his admirabilis esse uideatur, quibus liberè liceat iudicare. Ac si quaeritis plane quid sentiam, enuntiabo apud homines familiarissimos, quod adhuc semper tacui, & tacendum putavi. Mihi etiam quique optime dicunt, quique id facillime, atque ornatissime facere possunt, tamen, nisi timide ad dicendum accedunt, & in exordienda oratione perturbantur,

bantur, penè impudentes uidentur, tametsi id accidere non potest, ut enim quisque optimè dicit, ita maxime dicendi difficultatem, uariosq; euentus orationis, expectationemq; hominum pertimescit, qui uero nihil potest dignum re, dignum nomine oratoris, dignum hominum auribus efficere, atque edere, is mihi, etiam si commouetur in dicendo, ramen impudens uidetur: non enim pudendo, sed non faciendo id, quod non decet impudentiæ nomen effugere debemus. Quem uero non pudet (id quod in plerisq; uideo) hunc ego non reprehensione solum, sed etiam pœna dignum puto. Equidem & in uobis anî maduertere soleo, & in me ipso scpiissime experior, ut exalbescam in principiis dicendi, & tota mente, atq; omnibus artibus contremiscam. Adolescens uero sic in initio accusationis exanimatus sum, ut hoc summum beneficiû Q. Maximo debuerim, quod continuo consiliû dimiserit simul, ac me frastum, ac debilitatum metu uiderit. Hic omnes assensû significare inter se, & colloqui cœperunt: fuit enim mirificus quidam in Crasso pudor, qui ramen non modo non obesset eius orationi, sed etiam probitatis commendatione prodesset. Tum Antonius, Sæpe, ut dicis, inquit, animaduerti Crasse, & te, & ceteros summos oratores, quanquam tibi par mea sententiâ nemo unquam fuit, in dicendi exordio permoueri. Cuius quidem rei cum causam quaererem, quid nam esset, cur ut in quoq; oratore plurimum esset, ita maxime is pertimesceret, has causas inueniebam duas: unam quod intelligerent ij, quos uisus, ac natura docuisset, nonnunquam summis oratoribus nō satis ex sententia euentum dicendi procedere, ita non iniuria quotiescunq; dicerent, id quod aliquando posset accidere, ne tum accideret, timere. Altera est hæc, de qua quæri sæpe soleo, ceterarum homines artium spectati, & probati, si quando aliquid minus bene fecerunt, quam solent, aut noluisse, aut ualetudine impediti non potuisse consequi id, quod scirent, putantur, noluit, inquirunt, hodie agere Roscius, aut crudior fuit, oratoris peccatum, si quod est animaduersum, stultitiæ peccatum uidetur, stultitiâ autem excusationem nō habet, quia nemo uidetur, aut quia crudus fuerit, aut quod ita maluerit, stultus fuisse, quo etiam grauius iudicium in dicendo subimus, quoties enim dicimus, toties de nobis iudicatur, & qui semel in gestu peccauit, non continuo existimatur nescire gestum, cuius autē in dicendo aliquid reprehensum est, aut æterna in eo, aut certe diuturna ualet opinio tarditatis. Illud uero, quod abs te dictū est, esse per multa, quæ orator, nisi a natura haberet, non multum, a magistro adiuuaretur, ualde tibi assentior, inq; eo uel maxime probaui summum illum doctorem Alabandensem Apollonium, qui, cum mercede doceret, tamen non patiebatur eos, quos iudicabat non posse oratores euadere, operâ apud se perdere, dimittebatq;, & ad quâcunq; artem putabat esse aptum ad eam impellere, atq; hortari solebat. Satis est enim in ceteris artificijs percipiendis tantummodo similem esse hominis, & id, quod tradatur, uel etiam inculcetur, si quis forte sit tardior, posse percipere animo, & memoria custodire, non queritur mobilitas lingue, nō celeritas uerborum, non denique ea, quæ nobis non possumus fingere, facies, uultus, sonus. In oratore autem acumen dialecticorum, sententiæ philosophorum, uerba propè poetarum, memoria iuriconsultorum, uox tragicæ dorum, gestus penè summorum actorum est requirendus. Quamobrem nihil in hominum genere rarius perfectò oratore inueniri potest: quæ enim singulae

rum rerum artifices singula si mediocriter adepti sunt, probantur, ea nisi omnia summa sunt in oratore probari non possunt. Tum Crassus. Atque uide (inquit) in artificio per quam tenui, & leui, quanto plus adhibeatur diligentiae quam in hac re, quam constat esse maximam: saepe enim soleo audire Roscium, cum ita dicat, se adhuc reperire discipulum, quem quidem probaret, potuisse neminem, non quo non essent quidam probabiles, sed quia, si aliquid modo esset uitij, id ferre ipse non posset. Nihil est enim tam insigne, nec tam ad diuinitatem memoriae stabile, quam id, in quo aliquid offenderis. Itaque, ut ad hanc similitudinem huius histronis, oratoriam laudem dirigamus, uidetis ne, quam nihil ab eo, nisi perfectum, nihil nisi cum summa uenustate fiat, nisi ita ut deceat, & uti omnes moueat, atque delectet: itaque hoc iandiu est consecutus, ut in quo quisque artificio excelleret, is in suo genere Roscius diceretur. Hanc ego ab solutionem, perfectionemque in oratore desiderans, a qua ipse longe absum, facio impudenter: mihi enim uolo ignosci, ceteris ipse non ignosco: nam qui non potest: qui uitio facit, quem denique non decet, hunc (ut Apollonius iubeat) ad id, quod facere possit, detrudendum puto. Num tu igitur inquit Sulpicius me aut hunc Cottam ius ciuile, aut rem militarem iubes discere? nam quis ad ista summa, atque in omni genere perfecta potest peruenire? Tum ille; Ego uero (inquit) quod in uobis egregiam quandam, ac preclaram indolem ad dicendum esse cognoui, ideo haec exposui omnia, nec magis ad eos deterrendos, qui non possent, quam ad uos, qui possent, exacuendos accommodaui orationem meam, & quamquam in utroque uestrum summum esse ingenium, studiumque perspexi, tamen haec, quae sunt in specie posita, de quibus plura fortasse dixi, quam solent graeci dicere, in te Sulpici diuina sunt: ego enim neminem nec motu corporis, neque ipso habitu, atque forma aptiorem, nec uoce plenior, rem, aut suauioremi mihi uideor audisse, quae quibus a natura minora data sunt, tamen illi ualde assequi possunt, ut ipsi, quae habeant modice, & scienter utantur, & ut ne dedeceat: id enim est maxime uitandum, & de hoc uno minime est facile precipere, non mihi modo, qui sicut unus paterfamilias his de rebus loquor, sed etiam ipsi illi Roscio, quem saepe audio dicere, caput esse artis decere, quod tamen unum id esse, quod tradi arte non possit. Sed, si placet sermonem alio transferamus, & nostro more aliquando, non rhetorico loquamur. Minime uero, inquit Cotta, nunc enim te iam exoremus necesse est, quoniam retines nos in hoc studio, nec ad aliam dimittis artem, ut nobis explices, quidquid est istud, quod tu in dicendo potes: neque enim sumus nimis auidi, ista tua mediocri eloquentia contenti sumus, idque ex te querimus, ut ne plus nos assequamur quam quantulum tu in dicendo assecutus es, quoniam, quae a natura expetenda sunt, ea dicis non nimis deesse nobis, quid praeterea esse assumendum putas? Tum Crassus arridens. Quid censes (inquit) Cotta, nisi studium, & ardorem quandam amoris? sine quo, cum in uita nihil quidquam egregium, tum certe hoc, quod tu expetis, nemo unquam assequetur: neque uero uos ad eam rem uideo esse cohortandos, quos, cum mihi quoque sitis molesti, nimis etiam flagrare intelligo cupiditate. Sed profecto studia nihil profunt perueniendi aliquid, nisi illud, quod eo, quod intendas ferat, deducatque, cognoris. Quare, quoniam mihi leuius quoddam onus imponitis, neque ex me de oratoris arte, sed de hac mea, quantulacunque est, facultate quaeritis, exponam uobis

non

nō quandā aut p̄reconditā, aut ualde difficilē, aut magnificā, aut grauē rationē cōsuetudinis meæ, quā quondā solitus sum uti, cum mihi in isto studio uersari adolecenti licebat. Tum Sulpicius. O diē Cotta nobis (inquit) opratum, quod enim neque precibus unq̄, nec insidiando, nec speculando assequi potui, ut quid Crassus ageret meditando, aut dicendi causa, non modo uidere mihi, sed ex eius scriptore, & lectore Diphilo suspicari liceret, id spero nos esse adeo p̄os, omniaq̄ iam ex ipso, quæ diu cupimus, cognituros. Tum Crassus. At qui arbitror Sulpici, cum audieris non tam te hæc admiraturum, quæ dixerō, quàm existimaturum tum, cum ea audire cupiebas, causam cur cuperes non fuisse: nihil enim dicam reconditum, nihil expectatione uestra dignum, nihil aut inauditum uobis, aut cuiq̄ nouum. Nam principio illud, quod est homine ingenuo, liberaliterq̄ educato dignum, non negabo me ista omnium communia, & contrita præcepta didicisse. Primum oratoris officium esse, dicere ad persuadendum accommodate, deinde esse omnem orationem, aut de infinitæ rei quæstione sine designatione personarum, & temporum, aut de re certis in personis, ac temporibus locata, in utraq̄ autem re quidquid in controuersia ueniat, in eo quæri solere, aut factum ne sit, aut, si est factum, quale sit, aut etiā quo nomine uocetur, aut, quod nōnulli addunt, recte ne factum esse uideatur. existerem autem controuersias etiam ex scripti interpretatione, in quo aut ambigue quid sit scriptum, aut contrarie, aut ita, ut à sententiâ scriptum dissideat: his autem omnibus partibus subiecta quædam esse argumenta propria, sed causarum quæ sint à communi quæstione seiuñctæ, partim in iudicijs uersari, partim in deliberationibus, esse etiam genus tertium, quod in laudandis, aut uituperandis hominibus poneretur, certosq̄ esse locos, quibus in iudicijs uteremur, in quibus æquitas quæritur, alios in deliberationibus, qui omnes ad utilitatem dirigerentur eorum, quibus consilium daremus, alios item in laudationibus, in quibus ad personarum dignitatem omnia referrentur: cumq̄ esset omnis oratoris uis, ac facultas in quinque partes distributa, ut deberet reperire primum quid diceret, deinde inuenta non solum ordine, sed etiam momento quodam, atq̄ iudicio dispensare, atq̄ disponere, tum ea denique uestire, atq̄ ornate oratione, post memoria sepire, ad extremum agere cum dignitate, & uenustate. Etiam illa cognoram, & acceperam ante, quàm de re dicere mus, initio conciliandos eorum esse animos, qui audirent, deinde rem demonstrandam, postea controuersiam constituendam, tum id, quod nos intendere mus, confirmandum, post, quæ contra dicerentur, refellenda, extrema autem oratione, ea, quæ pro nobis essent amplificanda, & augenda, quæq̄ essent pro aduersarijs infirmanda, atq̄ frangenda. Audieram etiam, quæ de orationis ipsius ornamentis traderentur, in qua præcipitur primum, ut pure, & latine loquamur, deinde, ut planè, & dilucidè, tum ut ornate, post ad rerum dignitatem aptè, & quasi decorè, singularumq̄ rerum præcepta cognoram. Quin etiam, quæ maxime propria essent, naturæ tamen his ipsis artem adhiberi uideram, nam de actione, & de memoria quædam breuia, sed magna cum exercitatione præcepta gustaram: in his enim serè rebus omnis istorum artificum doctrina uersatur, quam ego si nihil dicam adiuuare, mentiar: habet enim quædam quasi ad commonendum oratorem, quo quidq̄ referat, & quo intuens, ab eo quodcunq̄ sibi proposuerit, minus aberret. Verum ego hanc uim intel-

ligo esse in præceptis omnibus, nõ ut ea secuti oratores eloquentiæ laudem sine adepti, sed quæ sua sponte homines eloquentes facerent, ea quosdam obseruasse, atq; id egisse: sic esse non eloquentiæ ex artificio, sed artificium ex eloquentia natum: quod tamen, ut ante dixi, nõ eijcio: est enim etiam si minus necessarium ad benedicendum, tamen ad cognoscendũ non illiberale. Ea exercitatio quædam suscipienda uobis est, quāquam uos quidem iam pridem estis in cursu, sed ijs, qui ingrediuntur ad studium, quiq; ea, quæ agenda sunt in foro tanquam in acie, possunt etiam nunc exercitatione, quasi ludicra prædiscere, ac meditari. Hanc ipsam inquit Sulpicius nosse uolumus, attamen ista, quæ abs te breuiter de arte decursa sunt, audire cupimus, quanquam sunt nobis quoq; non inaudita, uerum illa mox, nunc de ipsa exercitatione quid sentias, querimus. E quidem probo ista Crassus inquit, quæ uos facere soletis, ut causa aliqua posita consimili causarum earũ, quæ in forum deferuntur, dicatis quāmaxime ad ueritatem accommodate: sed plerique in hoc uocem modo, neq; eam scienter, & uires exercent suas, & lingue celeritatem incitant, uerborumq; frequentia delectantur: in quo fallit eos, quod audierũt, dicendo homines, ut dicant efficere solere; uere enim etiam illud dicitur, peruerse dicere homines, peruerse dicendo facillime consequi. Quamobrem in istis ipsis exercitationibus & si utile est etiam subito sæpe dicere, tamen illud utilius sumpto spatio ad cogitandum paratius, atq; accuratius dicere. Caput autem est, quod (ut uere dicam) minime facimus (est enim magni laboris, quem pleriq; fugimus) quā plurimum scribere, Stylus optimus, & præstantissimus dicendi effector, ac magister, neq; iniuria, nam si subitam & fortuitam orationem commentatio, & cogitatio facile uincit, hanc ipsam profecto assidua, ac diligens scriptura superabit: omnes enim siue artis sunt loci, siue ingenij cuiusdam, atq; prudentiæ, qui modo insunt in ea re, de qua scribimus, angrentibus nobis, omniq; acie ingenij contemplantibus, ostendunt se, & occurrũt, omnesq; sententiæ uerbaq; omnia, quæ sunt cuiusq; generis maxime illustria, sub acumen styli subeant, & succedant necesse est, tum ipsa collocatio, cõformatioq; uerborum perficitur in scribendo, non poetico, sed quodam oratorio numero, & modo. Hæc sunt, quæ clamores, & admirationes in bonis oratoribus efficiunt, neque ea quilibet, nisi diu, multumq; scriptitarit, etiam si uehementissime se in his subitis dictionibus exereuerit, consequetur, & qui à scribendi consuetudine ad dicendum uenit, hanc affert facultatem, ut etiam subito si dicat, tamen illa, quæ dictatur, similia scriptorum esse uideantur, atq; etiam si quando in dicendo scriptũ attulerit aliquid, cum ab eo discesserit, reliqua similis oratio consequetur. Ut concitato nauigio cum remiges inhibuerunt, retinet tamẽ ipsa naui motum, & cursum suum intermisso impetu, pulsusq; remorum, sic in oratione perpetua, cum scripta deficiunt, parem tamen obtinet oratio reliqua cursum scriptorum similitudine, & ui concitata. In cotidianis autẽ cogitationibus equidem mihi adolecẽtulus proponere solebam illam exercitationem maxime, quæ C. Cæronem nostrum illum inimicum solitum esse uti sciebam, ut aut uersibus propositis quammaxime grauib; aut oratione aliqua lecta ad eum finem, quem memoria possem comprehendere, eam rem ipsam, quam legissem, uerbis alijs quammaxime possem lectis pronuntiares, sed post animaduerti hoc esse in hoc uitij, quod ea uerba, quæ maxime cuiusq; rei propria, quæq; essent ornati-

tissima, atque optima occupasset, aut Ennius, si ad eius uersus me exercerem, aut Gracchus, si eius orationem mihi forte proposuissem, ita si ipsam uerbis uterer, nihil prodesse, si alijs, etiam obesse, cum minus idoneis uti consulerem. Postea mihi placuit, eoq̃ sum usus adolescens, ut summorum oratorum græcæ orationes explicarem, quibus lectis, hoc assequabar, ut cum ea, quæ legere græcæ, latine redderem, non solum optimis uerbis uterer, & tamen uisitat, sed etiam exprimerem quædam uerba imitando: quæ noua nostris essent, dummodo essent idonea. Iam uocis, & spiritus, & totius corporis, & ipsius lingue motus, & exercitationes, non tam artis indigent, quàm laboris, quibus in rebus habenda est ratio diligenter, quos imitemur, quorum similes uelimus esse. Intuendi nobis sunt non solum oratores, sed etiam actores, ne mala consuetudine ad aliquam deformitatem prauitatemq̃ ueniamus. Exercenda est etiam memoria edificandis ad uerbum quamplurimis & nostris scriptis, & alienis. Atq̃ in ea exercitatione non sanè mihi displicet adhibere, si consueris etiam istam locorum, simulachrorumq̃ rationem, quæ in arte traditur. Educenda deinde dictio est ex hac domestica exercitatione & umbratili, medium in agmè, in pulcrem, in clamorem, in castra, atq̃ aciem forensem. subeundus usus omnium, & periclitandæ uires ingenij, & illa commentatio inclusa in ueritatis lucem proferenda est. Legendi etiam poetæ, cognoscenda historia, omnium bonarum artium scriptores, ac doctores & legendi, & peruolutandi, & exercitationis causa laudandi, interpretandi, corrigendi, uituperandi, refellendi, disputandumq̃ de omni re in contrarias partes, & quidquid erit in quacq̃ re, quod probabile uideri possit, eliciendum, atq̃ dicendum. Perdiscendū ius ciuile, cognoscendæ leges, percipiendæ omnis antiquitas, senatoria consuetudo, disciplina recipi iura sociorum, foedera, pactiones, causa imperij cognoscenda est, libandus est etiam ex omni genere urbanitatis facietiarum quidam lepos, quo tanquam sale perspergatur omnis oratio. Effudi uobis omnia quæ sentiebam, quæ fortasse, si quemcunq̃ patrem familias arripuissetis ex aliquo circulo, eadem uobis percunctantibus respondisset. Hæc cum Crassus dixisset, silentium est consecutum, sed quamquam satis ijs, qui aderant, ad id, quod erat propositum, dictum uidebatur, tamen sentiebant celerius esse mulo, quàm ipsi uellent, ab eo peroratum. Tum Scauola, Quid est Cotta inquit, quid tacetis? nihil ne uobis in mentem uenit, quod præterea à Crasso requiratis? Immo id mehercule inquit ipsum attendo, tantus enim cursus uerborum fuit, & sic euolauit oratio, ut eius uim, & incitationem aspexerim, uestigia, ingressumq̃ uix uiderim, & tanquam in aliquam locupletem, ac repletam domum uenerim, non explicata ueste, neque proposito argento, neque tabulis, & signis propalam collocatis, sed his omnibus multis, magnificisq̃ rebus constructis, ac reconditis, sic modo in oratione Crassi diuitias, ac ornamenta eius ingenij per quædam inuolucra, atque integumenta perpexi, sed ea cum contemplari cuperem, uix aspiciendi potestas fuit, ita neque hoc possum dicere, me omnino ignorare quid possideat, neque planè nosse atque uidisse. Quin tu igitur facis idem inquit Scauola, quod faceres, si aliquam domum plenam ornamentorum illam uenisses, si ea leposita, ut dicis, essent, tuq̃ ualde spectandi cupidus esses, non dubitares rogare dominum, ut proferri iuberet, præsertim si esses familiaris, similiter nunc petes à Crasso, ut eam copiam or-

namentorum suorum, quam constructam uno in loco quasi per transfennam prætereuntes strictim aspeximus, in lucem proferat, & suo quidq; loco collocet. Ego uero inquit Cotta à te peto Scauola, me enim, & hunc Sulpicium impedit pudor ab homine omnium grauissimo, qui genus huiusmodi disputationis semper contempserit, hæc, quæ isti forsitan pueros elementa uideantur exquirere. sed tu hoc nobis da Scauola, & perlice, ut Crassus hæc, quæ coarctauit, & peranguste referat in oratione sua, dilatet nobis, atque explicet. Ego mehercule inquit Mucius, antea uestra magis hoc causa uolebam, quam mea, neque enim tantopere hæc à Crasso disputationem desiderabam, quantopere eius in causis oratione delector, nunc uero Crasse mea quoq; etiã causa rogo, ut quoniam tantum habemus otij, quantum iandiu nobis nō contigit, ne grauius exædificare id opus, quod instituisti. formam enim totius negotij opinione maiorem, melioremq; uideo, quã uchementer probō. Enim uero inquit Crassus, mirari satis non queo etiam te hæc Scauola desiderare, quæ neq; ego teneo uti ij, qui docet, neq; sunt eius generis, ut si optime tenerē digna essent ista sapientia, ac tuis auribus. An tu inquit ille, si de istis communibus, & peruagatis nix huic ætati audiendum putas, etiam ne illa negligere possumus, quæ tu oratori cognoscenda esse dixisti? de naturis hominum, de moribus, de rationibus ijs, quibus hominum mentes & incitantur, & reprimuntur, de historia, de antiquitate, de administratione reipub. deniq; de nostro ipso iure ciuili, hanc enim ego omnem scientiam, & copiam rerum in tua prudentia sciebam inesse, in oratoris uero instrumento tam lautam supplementilem nunquam uideram. Potes igitur inquit Crassus (ut alia omittam) numerabilia, & immensa, & ut ad ipsum tuum ius ciuile ueniam) oratores putare eos, quos multas horas expectauit, cum in campum properaret, & ridēs, & stomachās Scauola, cū Hypseus maxima uoce plurimis uerbis à M. Crasso prætor contenderet, ut ei, quem defendebat, causa cadere liceret, Cn. autē Octauius homo consularis non minus longa oratione recusaret, ne aduersarius causa caderet, ac ne is, pro quo ipse diceret, turpi tutelæ iudicio, atque omnimolestia, stultitia aduersarij liberaretur. Ego uero istos inquit (memini enim mihi narrare Mucium) non modo oratoris nomine, sed ne foro quidem dignos putarem. Atqui non defuit illis, patronis inquit Crassus, eloquentia, neque dicendi ratio, aut copia, sed iuris ciuilis prudentia, quod alter plus lege agendo petebat, quàm quantum lex in XII. tabulis permisisset, quod cū impetrasset, causa caderet, alter iniquum putabat, plus secum agi, quàm quod esset in actione, neque intelligebat, si ita esset actum, litem aduersarium perditurum. Quid his paucis diebus non ne nobis in tribunali Q. Pompeij prætoris urbani familiaris nostri sedentibus, homo ex numero disertorum postulabat, ut illi, unde peteretur uetus, atque usitata exceptio daretur, cuius pecuniæ dies fuisset? quod petitoris causa comparatum eē non intelligebat, ut si ille inficiator, probasset iudici ante petitam esse pecuniam, quàm esset excepta deberi, petitor rursus cum peteret, ne exceptione excluderetur, quod ea res in iudicium antea nō uenisset. Quid ergo hoc fieri turpius, aut dici potest, quàm cū, qui hanc personam suscepit, ut amicorum controversias, causasq; tueatur, laborantibus succurrat, ægris medeatur, afflictos excitet, hunc in minimis, tenuissimisq; rebus ita labi, ut alijs miserandus, alijs irridendus esse uideatur.

E quidem

Equidem propinquum nostrum P. Crassum illum diuitem, & multis alijs in rebus elegantem hominem, & ornatum, præcipue in hoc ferendum, & laudandum puto, quod cum P. Scæuolæ frater esset, solitus est ei sæpe dicere, neque illum in iure civili satis illi arti facere posse, nisi dicendi copiam assumpsisset, quod quidem hic, qui mecum consuluit, filius eius est consecutus: neque se ante causas amicorum tractare, atque agere cœpisse, quam ius civile didicisset. Quid uero ille. M. Cato? nonne & eloquentia tanta fuit, quantam illa tempora, atque illa ætas in hac ciuitate ferre maximam potuit, & iuris civilis omnium peritissimus? Vercundius hac de re iamdudum loquor, quod adest uir in dicendo summus, quem ego unum oratorem maxime admiror, sed tamen idem hoc semper ius civile contempsit. Verum, quoniam sententiæ, atque opinionis meæ uoluistis esse participes, nihil occultabo, & quoad poterō, uobis exponam, quid de qua re sentiam. Antonij incredibilis quædam, & propè singularis, & diuina uis ingenij, uidetur etiam, si hac scientia iuris nudata sit, posse se facile ceteris armis prudentiæ tueri, atque defendere: quamobrem hic nobis sit exceptus, ceteros uero non dubitabo primum inertię condemnare sententia mea, post etiam impudentiæ. Nam uoluitare in foro, herere in iure, ac prætorum tribunalibus, iudicia priuata magnarum rerum obire, in quibus sæpe non de facto, sed de æquitate, ac iure ceteretur, iactare se in causis centumuiralibus, in quibus ususcaptionum, tutelarum, gentilitatum, agnationum, alluionum, circumuisionum, nexorum, mancipiorum, parietum, luminum, stillicidiōrum, testamentorum ruptorum, aut ratorum ceterarumque rerum innumerabilium iura uersentur, cum omnino, quid suum, quid alienum, quare denique ciuis, an peregrinus, seruus, an liber quispiam sit, ignoret, insignis est impudentiæ. Illa uero deridenda arrogantia est in minoribus nauigijs rudem esse se confiteri, quinquere mes autem, aut etiam maiores gubernare didicisse. Tu mihi, cum in circulo decipiar aduersarij stipulariuncula, & cum obsignes tabellas clientis tui, quibus in tabellis id sit scriptum, quo ille capiatur, ego tibi ullam causam maiorem committendam putem? citius hercule is, qui duorum scalmorum nauiculam in portu euerterit, in euxino ponto argonautarum nauem gubernarit. Quid si ne parue quidem causæ sunt, sed sæpe maximæ, in quibus certatur de iure civili? quod tandem os est illius patroni, qui ad eas causas sine ulla scientia iuris audet accedere? Quæ potuit igitur esse causa maior, quam illius militis? de cuius morte cum domum falsus ab exercitu nuntius uenisset, & pater eius recredita testamentum mutasset, & quem ei uisum esset, fecisset heredem, essetque ipse mortuus, res delata est ad centumuiros, cum miles domum reuenisset, egissetque lege in hereditatem paternam, testamento exheres filius. Nempe in ea causa quæsitum est de iure civili, posset ne paternorum bonorum exheres esse filius, quem pater testamento neque heredem, neque exheredem scripserat nomina tim. Quid qua de re inter Marcellos, & Claudios patricos centumuiro iudicarent? cum Marcelli ab liberti filio stirpe, Claudij patricij eiusdem hominis hereditatem, gente, ad se redisse diceret, nonne in ea causa fuit oratoribus de toto stirpis, ac gentilitatis iure dicendum? Quid quod item in centumuirali iudicio certatum esse accepimus? qui Romam in exilium uenisset, cui Romæ exulare ius esset, si se ad aliquem quasi patronum applicuisset, intestatoque esset

mortuus, nonne in ea causa ius applicationis obscurum sanè, & ignotum patefactum in iudicio, atq; illustratum est à patrono? Quid nuper, cū ego C. Sergij Auratæ contra hunc nostrum Antonium iudicio priuato causam defenderem, nonne omnis nostra in iure uersata defensio est? cum enim Marius Cratidianus ædes Auratæ uendidisset, neque seruire quandam earum ædium partem in mancipij lege dixisset, defendebamus quidquid fuisset incommodi in mancipio, id si uenditor scisset, neque declarasset, prestare debere. Quo quidem in genere familiaris noster M. Bucculeius homo neque meo iudicio stultus, & suo ualde sapiens, & à iuris studio non abhorrens, simili in re quodam modo nuper errauit: nam, cum ædes L. Fusio uenderet, in mancipio lumina uti tum essent, ita recepit, Fusiū autem, simulatq; edificari cœptum est, i quādam parte urbis, quæ modo ex illis ædibus conspici posset, egit statim cum Bucculeio, quod cuiuscq; particulæ cœli officeretur, quamuis esset procul, mutari lumina putabat. Quid uero clarissima M. Curij causa, & M. Coponij nuper apud centumuiros, quo concursu hominum, quā expectatione defensa est? cum Q. Scæuola æqualis, & collega meus homo omnium & discipulina iuris ciuilibus eruditissimus, & ingenio, prudentiaq; acutissimus, & oratione maxime limatus, atque subtilis, atque ut ego soleo dicere, iuris peritorum eloquentissimus, eloquentium iuris peritissimus, ex scripto testamentorū iura descenderet, negaretq; nisi posthumus, & natus, & ante quā in suam tutelam ueniret, mortuus esset, heredem eum esse non posse, qui esset secundum posthumum, & natum, & mortuum heres institutus, ego autem defenderem hac eum mente fuisse, qui testamentum scisset, ut si filius non esset, qui in tutelam ueniret, M. Curius esset heres, num destitit uterque nostrum in ea causa, in auctoritatibus, in exēplis, in testamentorū formulis, hoc est in medio iure ciuili uersari? Omīto iam plura exempla causarum amplissimarum, quæ sunt innumerabilia, Capitis nostri sæpe potest accidere, ut causæ uersentur in iure: etenim si C. Mancinum nobilissimum, atque optimum uirum, ac consularem, cū propter inuidiam numantini foederis pater patratus ex S. C. Numantinis dedidisset, eumq; illi non recepissent, posteaq; Mancinus domum reuenuisset, neq; in senatum introire dubitasset P. Rutilius. M. Filius Trib. Pl. de senatu iussit educi, quod eum ciuem negaret esse, quia memoria sic esset proditum, quem pater suus, aut populus uendidisset, aut pater patratus dedidisset, ei nullum esse postliminium. Quam possumus reperire ex omnibus rebus ciuilibus causam, contentionemq; maiorem, quā de ordine, de ciuitate, de libertate, de capite hominis consularis? presertim, cū hæc nō in crimine aliquo, quod ille possit inficiari, sed in ciuili iure consisteret. Similiq; in genere inferiore ordine, si quis apud nos seruisset ex populo foederato, se seq; liberasset, ac postea domū reuenuisset, quæsitum est apud maiores nostros, num is ad suos postliminio rediisset, & amisisset hanc ciuitatem. Quid de libertate, quo iudicium grauius esse nullum potest? nonne ex iure ciuili potest esse contentio? cum quaritur is, qui domini uoluntate census sit, si non sit conditum lustrum, sit ne liber. Quid quod usu memoria patrū uenit, ut pater familias, qui ex Hispania Romanam uenisset, cum uxorem pregnantem in prouincia reliquisset, Romæq; alteram duxisset, neque nuntium priori remisisset, mortuusq; esset intestato, & ex utraq; filius natus esset, mediocris ne res in controuersiam adducta est?

cum

tum quæreretur de duobus ciuium capitibus, & de puero, qui ex posteriore natus erat, & de eius matre, quæ, si iudicaretur, certis quibuldam uerbis non nouis nuptijs fieri cum superiore diuortium, in concubinæ locum duceretur.

Hæc igitur, & horum similia iura suæ ciuitatis ignorantem, erectum, & celsum alacri, & prompto ore, ac uultu huc, atque illuc intuentem, uagari cum magna caterua toto foro, præsidium clientibus, atque opem amicis, & propè cunctis ciuibz lucem ingenij, & consilij sui porrigentem, atque tendentem, nonne in primis flagitiosum putandum est? Et quoniam de impudentia dixi, castigemus etiam segnitiam hominum, atque inertiam. Nam, si esset ista cognitio iuris magna, atque difficilis, tamen utilitatis magnitudo deberet homines ad suscipiendum discendi laborem impellere: sed ò Dij immortales non dicerem hoc audiente Scaeuola, nisi ipse dicere soleret, nullius sibi artis faciliorem cognitionem uideri, quod quidem certis de causis à plerisque aliter existimatur, primum, quia ueteres illi, qui huic scientiæ præfuerunt, obtinendæ, atque augendæ potentiæ suæ causa peruulgari artem suam noluerunt, deinde posteaquam est editum expositis à Cn. Flauio primum actionibus, nulli fuerunt, qui illa artificiose digesta generatim componerent, nihil est enim, quod ad artem redigi possit, nisi ille prius, qui illa tenet, quorum artem instituere uult, habet illam scientiam, ut ex ijs rebus, quarum ars non dum sit, artem efficere possit. hoc uideo, dum breuiter uoluerim dicere, dictum à me esse paulo obscurius, sed experiar, & dicam, si potero, planius. Omnia serè, quæ sunt conclusa nunc artibus, dispersa, & dissipata quondam fuerunt, ut in musicis numeri, & uoces, & modi. In geometria lineamenta, forme, interualla, magnitudines. In astrologia cœli conuersio, ortus, obitus, motusq; syderum. In grammaticis poetarum pertractatio, historiarum cognitio, uerborum interpretatio, pronuntiandi quidam sonus, in hac denique ipsa ratione dicendi excogitare, ornare, disponere, meminisse, agere, ignota quondam omnibus, & diffusa late uidebantur. adhibita est igitur artem quædam extrinsecus ex alio genere quodam, quod sibi totum philosophi assumunt, quæ rem dissolutam, diuisamq; conglutinaret, & ratione quadam constringeret. Sit ergo in iure ciuili finis hic, legitimæ, atque usitatæ in rebus, causisq; ciuium æqualitatis conseruatio. Tum sunt notanda genera, & ad certum numerum, paucitatemq; reuocanda. Genus autem id est, quod sui similis communiōe quadam, specie autem differentis, duas, aut plures complectitur partes. Partes autem sunt, quæ generibus ijs, ex quibus emanant, subiiciuntur. Omniaq; quæ sunt uel generū, uel partium nomina, definitionibus, quam uim habeant, est exprimendum. Est enim definitio rerum earum, quæ sunt eius rei propriæ, quam definire uolumus, breuis, & circumscripta quædam explicatio.

Hic ego rebus exempla adiungerem, nisi apud quos hæc haberetur oratio, cernerem, nunc complectar, quod proposui, breui, si enim aut mihi facere licuerit, quod iandiu cogito, aut alius quispiam, aut me impedito occuparit, aut mortuo effecerit, ut primum omne ius ciuile in genera digerat, quæ perpauca sunt, deinde eorum generum quasi quædam membra dispersiat, tum propriam cuiusque uim definitione declaret, perfectam artem iuris ciuilis habebitis, magis magnam, atque uberem, quam difficilem & obscuram. Atque interea tamen, dum hæc, quæ dispersa sunt, coguntur, uel passim licet carpentem,

& colligētem undiq; repleti ista iuris ciuilis scientia. Nōne uidetis equitem R. hominem acutissimo omnium ingenio, sed minime ceteris artibus eruditum C. Aculeonem, qui mecum uiuit semperq; uiuit, ita tenere ius ciuile, ut cum ab hoc discesseris, nemo de ijs, qui peritissimi sunt anteponatur? Omnia enim sunt posita ante oculos, collocata in usu cotidiano, in congressione hominum, atque in foro, neque ita multis literis, aut uoluminibus magnis continentur: eadem enim sunt elata primum à pluribus, deinde paucis commutatis uerbis etiam ab iisdem scriptoribus scripta sunt sepius: accedit uero quo facilius percipi, cognosciq; ius ciuile possit (quod minime pleriq; arbitrantur) mira quaedam in cognoscendo suauitas, & delectatio. Nam si quem aliena studia delectant, plurima est & in omni iure ciuili, & in pontificum libris, & in XII. tabulis antiquitatis effigies, quod & uerborum prisca uetustas cognoscitur, & actionum genera quaedam maiorum consuetudinem, uitamq; declarant. Siue quis ciuilem scientiam contempletur, quam Scæuola non putat oratoris esse propriam, sed cuiusdam ex alio genere prudentiæ, totam hanc descripsit omnibus ciuitatis utilitatibus, ac partibus. XII. tabulis contineri uidebitis. Siue quem ista præpotens, & gloriola philosophia delectat, dicam audiui, hosce habet fontes omnium disputationum suarum, qui iure ciuili, & legibus continentur: ex his enim & dignitatem maxime expetendam uidemus, cum uerus, iustus, atq; honestus labor honoribus, præmijs, atque splendore decoratur, uitia autem hominum, atque fraudes, damnis, ignominijs, uinculis, uerberibus, exilijs, morte multantur, & docemur non infinitis, concertationumq; plenis disputationibus, sed auctoritate, nutuq; legum domitas habere libidines, coercere omnes cupiditates, nostra tueri, ab alienis mētes, oculos, manus abstinere. Fremant omnes licet, dicam quod sentio, bibliothecas mehercule omnium philosophorum unus mihi uidetur XII. tabularum libellus, si quis legum fontes, & capita uiderit, & auctoritatis pondere, & utilitatis ubertate superare. Ac si nos, id quod maxime debet, nostra patria delectat, cuius rei tanta est uis, ac tanta natura, ut Ithacam illam in asperissimis saxulis tantam nidulū affixam sapientissimus uir immortalitati anteponeret, quo amore tandem inflammati esse debemus in eiusmodi patriam, quæ una in omnibus terris domus est uirtutis, imperij, dignitatis: cuius primum nobis mens, mos, disciplina nota esse debet, uel quia est patria parens omnium nostrum, uel quia tanta sapientia fuisse in iure constituendo putanda est, quanta fuit in his tantis opibus imperij comparandis. Percipietis etiam illam ex cognitione iuris lætitiā, & uoluptatem, quod quantum præstiterint nostri maiores prudentia ceteris gentibus, tum facillime intelligetis, si cum illorum Lycurgo, & Dracone, & Solone nostras leges conferre uolueritis. Incredibile est enim, quā sit omne ius ciuile præter hoc nostrum inconditum, ac penè ridiculum, de quo multa soleo in sermonibus cotidianis dicere, cum hominum nostrorum prudentiam ceteris hominibus, & maxime grecis antepono. His ego de causis dixeram Scæuola, ijs, qui perfecti oratores esse uellent, iuris ciuilis cognitionē esse necessariā. Iā uero ipsa per sese quātū afferat ijs qui ei præsūt, honoris, gratiæ, dignitatis, quis ignorat? Itaq; ut apud grecos istimi homines mercedula adducti ministros se præbēt in iudicijs oratoribus, ijs, q; apud illos *μετρητοί* uocantur, sic in nostra ciuitate contra amplissimus q; & clarissimus, uir,

uir, ut ille, qui propter hanc iuris ciuiliſ ſciētā ſic appellatus a ſummo poeta eſt. Egregie cordatus homo Catus Aelius Sextus,

Multūq; præterea, qui cū ingenio ſibi auctore dignitatē reperiſſent, perfece-
runt, ut in reſpōdendo iure auctoritate plus etiam, q̃ ipſo ingenio ualerēt. Se-
neſtuti uero celebrāda, & ornanda, quod honeſtius poteſt eſſe perſugium,
q̃ iuris interpretatio: Equidem mihi hoc ſubſidiū iam inde ab adoleſcētia cō-
paraui, non ſolū ad cauſarū uſum forenſem, ſed etiam ad decus, atq; ornāmētū
ſeneſtutis, ut cū me uires (quod ſerē iam tempus aduētat) deficere cōperiſſent,
iſta, ab ſolitudine domum meam uindicarem. Quid eſt enim præclarior, q̃ ho-
noribus, & reip. muneribus perfunctum ſenē poſſe ſuo iure dicere idē, quod
apud Ennium dicat ille Pythius Apollo, ſe eſſe eum, unde ſibi, ſi non populi,
& reges, at omnes ſui ciues conſilium expetant.

Suarum rerum incerti, quos ego mea ope ex

Incertis certos, compotesq; conſili

Dimitto, ut ne res temere tractent turbidas.

Eſt enim ſine dubio domus iuriſcōſulti totius oraculū ciuitatis. Teſtis ē hu-
iusce Q. Mutij ianua, & ueſtibulū, quod in eius inſirmiſſima ualetudine, aſſe-
ctaq; iā ætate maxima cotidie frequentia ciuium, ac ſummorū hominū ſplēdo-
re celebratur. Iam uerō illa nō longam orationē deſiderant, quāobrem exiſti-
mē publica quoq; iura, quę ſunt propria ciuitatis, atq; imperij, tum monimen-
ta rerū geſtarū, & uetuliſtatis exempla oratori nota eſſe debere. Nam ut in reip.
priuatarū cauſis, atq; iudicijs depromenda ſæpe oratio eſt ex iure ciuili, & iccir-
co, ut ante diximus, oratori iuris ciuiliſ ſciētia neceſſaria eſt, ſic in cauſis publi-
cis iudiciorū, cōcionum, ſenatus, omnis hæc & antiquitatis memoria, & publi-
ci iuris auctoritas, & regendę reip. ratio, ac ſcientia, tanquā aliqua materies ijs
oratoribus, qui uerſantur in rep. ſubiecta eſſe debēt. Non enim cauſidicū ne-
ſcio quē, neq; proclamatorem, aut rabulā hoc ſermone noſtro conquirimus,
ſed eū uirū, qui primū ſit eius artis antiſtes, cuius cū ipſa natura magnā homi-
ni facultatem daret, tamen eſſe deus putatur, ut & ipſum, quod erat hominis
propriū, non partum per nos, ſed diuinitus ad nos delatum uideretur, deinde
qui poſſit nō tam caduceo, q̃ nomine oratoris ornatus incolumis uel inter ho-
ſtiū tela uerſari, tū qui ſelus, fraudemq; nocētis poſſit dicendo ſubijcere odio
ciuium, ſupplicioq; cōſtringere, idemq; ingenij præſidio innocentiam, iudicio
rū poena liberare, idemq; languentem, labentemq; populum aut ad decus ex-
citare, aut ab errore deducere, aut inſlāmare in improbos, aut incitatum in bo-
nos, mitigare, qui deniq; quemcūq; in animis hominum motum res, & cauſa
poſtulet, eū dicendo uel excitare poſſit, uel ſedare. Hanc uim ſiquis exiſtimat
aut ab ijs, qui de dicendi ratione ſcripſerunt, expoſitam eſſe, aut à me poſſe ex-
poni tam breuī, uehementer errat, neque ſolum inſcitiam meam, ſed ne re-
rum quidem magnitudinem perſpicit. Equidem uobis, quoniam ita uolu-
iſtis, fontes, unde hauriretis, atque itinera ipſa ita putaui eſſe demonſtranda,
non ut ipſe dux eſſem, quod & infinitum eſt, & non neceſſarium, ſed ut com-
monſtrarem tantum uiam, & ut fieri ſolet, digitum ad fontes intenderem.
Mihi uero inquit Mucius ſatis, ſuperq; abs te uidetur iſtorū ſtudijs, ſi modo
ſunt ſtudioſi eſſe factum: nam ut Socratem illū ſolitum aiūt dicere, perfectum
ſibi opus eſſe, ſiquis ſatis eſſet cōcitatus cohortatione ſua ad ſtudiū cognōſcē

dæ, percipiendæq; uirtutis, quibus enim id persuasum esset, ut, nihil mallent se esse, quàm bonos uiros, his reliquam facilem esse doctrinam, sic ego intelligo, si in hæc, quæ patefecit oratione sua Crassus, intrare uolueritis, facillime uos ad ea, quæ cupitis, peruenturos ab hoc aditu, ianuaq; patefacta. Nobis uero inquit Sulpicius, ista sunt pergrata, perq; iucunda, sed pauca etiam requirimus, in primisq; ea, quæ ualde breuiter à te Crasse de ipsa arte percurta sunt, cum illa te & non contemnere, & didicisse confiterere, ea si paulo latius dixeris, expleis omnem expectationem diurni desiderij nostri, nam nunc quibus studendum rebus esset, accepimus, quod ipsum est tamen magnum, sed uias earum rerum, rationemq; cupimus cognoscere. Quid si inquit Crassus, quoniam ego quo facilius uos apud me tenerem; uestre potius obsecutus sum uoluntati, quàm aut consuetudini, aut naturæ meæ, petimus ab Antonio, ut ea, quæ continet, neque adhuc protulit, ex quibus unum libellum sibi excidisse iamdudum questus est, explicet nobis, & illa dicendi mysteria enuntiet. Ut uidetur inquit Sulpicius, nam Antonio dicente etiam quid tu intelligas sentiemus. Peto igitur inquit Crassus à te, quoniam id nobis Antonio hominibus id ætatis oneris ab horum adolescentium studiis imponitur, ut exponas quid his de rebus, quas à te quæri uides, sentias. Deprehensum equidem me inquit Antonius, planè uideo, atque sentio, non solum quod ea requiruntur à me quorum sum ignarus, atque insolens, sed quia quod in causis ualde fugere soleo, ne tibi Crasse succedam, id me nunc isti uitare non sinunt, uerum hoc ingrediar ad ea, quæ uultis audacius, quod idem mihi spero usu esse uenturum in hac disputatione, quod in dicendo solet, ut nulla expectetur ornata oratio: neque enim sum de arte dicturus, quam nunquàm didici, sed de mea consuetudine, ipsaq; illa, quæ in commentarium meum reuولي, sunt eiusmodi, non aliqua mihi doctrina tradita, sed in rerum usu, causisq; tractata, quæ si uobis hominibus eruditissimis non probabuntur, uestram iniquitatem accusatore, qui ex mea ea quæsieritis, quæ ego nescirem, meam facilitatem laudatore, cum uobis non meo iudicio, sed uestro studio inductus, non grauatè respondero. Tum Crassus, Perge modo inquit Antonius, nullum est enim periculum, ne quid tu eloquare, nisi ita prudenter, ut neminem nostrum pœniteat ad hunc te sermonem impulsisse. Ego uero inquit pergam, & id faciam, quod in principio fieri in omnibus disputationibus oportere cenfeo, ut quid illud sit, de quo disputetur, explanetur, ne uagari, & errare cogatur oratio, si ij, qui inter se dissenserint, non idem esse illud, de quo agitur, intelligent. Nam si forte quæreretur, quæ esset ars imperatoris, constituendū putarē principio, quis esset imperator, qui cū esset constitutus administrator quidem belli gerendi, tum adiungeremus de exercitu, de castris, de agminibus, de signorum collationibus, de oppidorum oppugnationibus, de comæatu, de insidijs faciendis, atq; uitandis, de reliquis rebus, quæ essent propriæ belli administrandi, quarū qui essent animo, & scientia cōpotes, eos esse imperatores dicerē, uterq; exēplis Africanorū, & Maximorū, Epaminondam, atq; Annibalem, atq; eius generis homines nominarē. Sin autem quæreremus, quis esset is, qui ad remp. moderandam usum, & scientiam, & studium suum contulisset, definirem hoc modo. Qui quibus rebus utilitas recipi pararetur, augereturq;, teneret, hisq; uteretur, hunc recipi rectore, & cōsiliū publici auctorem

ctorem esse habendum, prædicaremque P. Lentulum principem illum, & Ti. Gracchum patrem, & Q. Metellum, & P. Africanum, & C. Lælium, & innumerabiles alios cum ex nostra ciuitate, tum ex ceteris. Sin autem quereretur, quisnam iuris consultus uere nominaretur, cum dicerem, qui legum, & consuetudinis eius, qua priuati in ciuitate uterentur, & ad respondendum, & ad agendum, & ad cauendum peritus esset, & ex eo genere Sex. Aelium M. Manilium. P. Mutium nominarem. Atque ut iam ad leuiora artium studia ueniam, si musicus, si grammaticus, si poeta quaeratur, possum similiter explicare, quid eorum quisque profiteatur, & quo non amplius ab quoque sit postulandum. Philosophi denique ipsius, qui de sua uia, ac sapientia unus omnia penitus proficitur, est tamen quædam descriptio, ut is, qui studeat omnium rerum diuinarum, atque humanarum uim, naturam, causasque nosse, & omnem bene uiuendi rationem tenere, & persequi, nomine hoc appelletur. Oratorem autem, quoniam de eo quaerimus, equidem non facio eundem, quem Crassus, qui mihi uisus est omnem omnium rerum, atque artium scientiam comprehendere uno oratoris officio, ac nomine, atque cum puto esse, qui & uerbis ad audiendum iucundis, & sententijs ad probandum accommodatis uti possit in causis forensibus, atque communibus, hunc ego appello oratorem, eumque esse præterea instructum uoce, & actione, & lepore quodam uolo. Crassus uero mihi noster uisus est oratoris facultatem non illius artis terminis, sed ingenij sui finibus immensis perne describere: nam & ciuitatum regendarum oratori gubernacula sententia sua tradidit, in quo per mihi mirum uisum est Scæuola te hoc illi concedere, cum seopissime tibi senatus breuiter, impoliteque dicti maximis sit de rebus assensus. M. uero Scaurus, quem non longeruri apud se esse audio, uir regendæ reipublice entissimus, si audierit hanc auctoritatem grauitatis, & consilij sui uindicari à te Crasse, quod eam oratoris propriam esse dicas, iam credo huc ueniat, & hanc loquacitatem nostram uultu ipso, aspectuque cõterreat, qui, quāquam est in dicendo minime contemnendus, prudentia tamen rerum magnarum magis, quam dicendi arte nititur. Neque uero, si quis utrumque potest, aut ille consilij publici auctor, ac senator bonus, ob eam ipsam causam orator est, aut hic disertus, aut eloquens, si est idem in procuratione ciuitatis egregius, aliquam scientiam dicendi copia est consecutus. multum inter se distant istę facultates, longeque sunt diuersę, atque seiunctę, neque eadem ratione, ac uia M. Caro. P. Africanus. Q. Metellus. C. Lælius, qui omnes eloquentes fuerunt, orationem suam, & reipublice dignitatem exornabant: neque enim est interdictum aut à rerum natura, aut à lege aliqua, atque more, ut singulis hominibus ne amplius, quam singulas artes nosse liceat. Quare non etsi eloquentissimus Athenis Pericles, idemque in ea ciuitate plurimos annos princeps consilij publici fuit, ideo eo eiusdem hominis, atque artis utraq; facultas existimanda est. nec si P. Crassus idem fuit eloquens, & iuris peritus, ob eam causam inest in facultate dicendi iuris civilis scientia: nam si quisque ut in aliqua arte, & facultate excellens, aliam quoque artem sibi assumpserit, is perficiet, ut quod præterea sciet, id eius, in quo excellet, pars quædam esse uideatur. licet ista ratione dicamus, pila bene, & duodecim scrupulis ludere, proprium esse iuris civilis, quoniam utrunque eorum P. Mucius optime fecerit, eademque ratione dicantur, & quos *ποσειδών* greci nominant, ipsi poetę, quoniam Empedocles physicus egregium poema fecerit: at hoc ne phi

Iosophi quidē ipsi, qui omnia sicut propria sua esse, atq; à se possideri volunt, dicere audent, geometriam, aut musicam philosophi esse, quia Platonem omnes in illis artibus præstantissimum fuisse fateantur. Ac si iam placet, omnes artes oratori subiungere, tolerabilius est sic potius dicere, ut quoniā dicēdi facultas nō debeat esse ieiuna, atq; nuda, sed aspersa, atq; distincta multarū rerū iucunda quadam uarietate, sit boni oratoris multa auribus accepisse, multa uidisse, multa animo, & cogitatione, multa etiam legēdo percurrisse, neq; ea, ut sua possedisse, sed ut aliena libasse. fateor enim callidum quendam hunc, & nulla in re tironem, ac rudem, nec peregrinum, atq; hospitem in agendo esse debere. Neq; uero istis tragedijs tuis, quibus uti philosophi maxime solent, Crasse perturbor, quod ita dixisti neminem posse, eorum mentes, qui audirēt, aut insināre dicēdo, aut insināatas relinquare, cū eo maxime uis oratoris, magnitudoq; cernatur, nisi qui rerū omnium naturā, mores hominū, atq; rationes penitus perspexerit, in quo philosophia sit oratori necessario percipienda, quo ī studio hominū quoq; ingeniosissimorū otiosissimorū totas ætates uidemus esse contritas, quorū ego copiam, magnitudinemq; cognitionis, atq; artis nō modo non contemno, sed etiam uehementer admiro, nobis tamen, qui in hoc populo, foroq; uersamur, satis est ea de moribus hominum & scire, & dicere, quæ non abhorrent ab hominum moribus. Quis enim unquam orator magnus, & grauis, cum iratum aduersario iudicem facere uellet, hesitauit ob eā causam, quod nesciret, quid esset iracundia, seruoꝝ ne mentis, an cupiditas puniendi doloris? quis cum ceteros animorum motus aut iudiciis, aut populo dicendo miscere, atq; agitare uellet, ea dixit, quæ à philosophis dici solent: qui partim omnino motus negant in animis ullos esse debere, quicq; eos in iudiciis mentibus concitent scelus eos nefarium facere, partim qui tolerabiliore uolunt esse, & ad ueritatem uitę propius accedere, permediocres, ac potius leues motus debere esse dicunt. Orator autem omnia hæc, quæ putantur in cōmuni uitæ consuetudine mala, ac molesta, & fugienda, multo maiora, & acerbiora uerbis facit. itemq; ea, quæ uulgo expetenda, atq; optabilia uidentur, dicendo amplificat, atq; ornat, neq; uult ita sapiens inter stultos uideri, uti qui audiant, aut illum ineptum, aut gregulum putent, aut etiam si ualde probent ingenium, oratoris sapientiā admirentur, se esse stultos moleste ferant, sed ita peragrat per animos hominum, ita sensus, mentesq; pertractat, ut non desideret philosophorum descriptiones, neq; exquirat oratione, summum illud bonū in animōne sit, an in corpore: uirtute, an uoluptate definiatur: an hæc inter se iungi, copulariq; possint: an uero, ut quibusdam uisum, nihil certum sciri, nihil planē cognosci, & percipi possit: quarum rerum fateor magnam, multiplicemq; esse disciplinam, & multas, copiosas, uariasq; rationes. Sed aliud quiddam longe aliud Crasse querimus: acuto homine nobis opus est, & natura usq; callido, qui sagaciter peruestiget, quid sui ciues, ijsq; homines, quibus aliquid dicēdo persuadere uelit, cogitēt, sentiāt, opinētur, expectēt. Teneat oportet uenas cuiusq; generis, ætatis, ordinis, & eorū, apud quos aliquid ager, aut erit acturus, mentes, sensusq; degustet. Philosophorum autem libros referret sibi ad huiusmodi thursulani requiem, atque otium, ne si quando ei dicendum erit de iustitia, & fide, mutuetur à Platone, qui, cum hæc exprimenda uerbis arbitraretur, nouam quandam finxit in libris ciuitatem, usque eo illa quæ

quæ dicenda de iusticiâ putabat, à uitæ consuetudine, & à ciuitatum moribus abhorrebant. Quod si ea probarentur in populis, atq; in ciuitatibus, quis tibi Crasse concessisset clarissimo uiro, & amplissimo principi ciuitatis, ut illa diceres in maxima concione tuorū ciuium, quæ dixisti: Eripite nos ex miserijs, eripite nos ex faucibus eorum, quorum crudelitas nostro sanguine non potest expleri, nolite sinere nos cuiquam seruire, nisi uobis uniueris, quibus & possumus, & debemus. Omitto miseriâ, in quibus, ut illi aiunt, uir fortis esse non potest, omitto fauces, ex quibus te eripi uis, ne iudicio iniquo exorbeatur sanguis tuus, quod sapienti negant accidere posse, seruire uero non modo te, sed uniuersum senatum, cuius tum causam agebas, ausus es dicere: Potest ne uirtus Crasse seruire istis aucto ribus, quorum tu præcepta oratoris facultate complecteris? quæ & semper, & sola libera est, quæq; etiam, si corpora capta sint armis, aut constricta uindictis, tamen suum ius, atq; omnium rerum impunitam libertatem tenere debeat. Quæ uero addidisti non modo senatum seruire posse populo, sed etiam debere, quis hoc philosophus tam mollis, tam languidus, tam enervatus, tam omnia ad uoluptatē corporis, doloremq; referens probare posset? senatum seruire populo, cui populus ipse moderandi, & regēdi sui potestatem quasi quasdam habenas tradidisset: Itaq; hæc, cū abs te diuinitus ego dicta arbitrarer, P. Rutilius Rufus homo doctus, & philosophiæ deditus, nō parum cōmodē, sed etiam turpiter, & flagitiosē dicta esse dicebat. Idem Q. Ser. Galbam, quem hominē probe cōmeminisse se aiebat pergrauiter reprehēdere solebat, quod is L. Scribonio quæstionem in eum ferente, populi misericordiâ concitasset, cum M. Cato Galbæ grauis, atq; acer inimicus asperē apud populū R. & uehementer esset locutus, quam orationem in originibus suis expoliuit ipse. Reprehendebat igitur Galbam Rutilius, quod is C. Sulpicij Galli propinqui sui Q. Pupillum filium ipse penē in humeros suos extulisset, qui patris clarissimi recordatione, & memoria flectum populo moueret, & duos filios suos paruos tutelæ populi cōmendasset, ac se tanq; in proximo testamento faceret sine libra, atq; tabulis populum R. tutorem instituerē dixisset illorum orbitati. Itaq; cum & inuidia, & odio populi tum Galbæ premeretur, his quasi eum tragedijs liberatum, ferebat, quod item apud Catonem scriptū esse uideo, nisi pueris, & lacrimis usus esset, pœnas eum daturū fuisse. Hæc Rutilius ualde uituperabat, & huic humilitati dicebat uel exiliū fuisse, uel mortē anteponendā. Neq; uero hoc solū dixit, sed ipse & sensit, & fecit: nam cum esset ille uir exemplum, ut scitis, innocentiæ, cumq; illo nemo neq; integrior esset in ciuitate, neq; sanctior, nō modo supplex iudicibus esse noluit, sed ne ornatus quidē, aut liberius causam dici suā, quā simplex ratio ueritatis ferebat. paulū huic Cottæ tribuit partiū disertissimo adolescenti fororis suæ filio. dixit item causam illam quadā ex parte. Q. Mucius more suo, nullo apparatu, pure & dilucide, quod si tu tunc Crasse dixisses, qui subsidium oratori ex illis disputationibus, quibus philosophi utuntur, ad dicendū copiā petendum esse paulo ante dicebas, & si tibi pro P. Rutilio non philosophorum more, sed tuo licuisset dicere, quāuis scelerati illi fuissent, sicuti fuerunt pestiferi ciues, supplicioq; digni, tamen omnem eorum importunitatem ex intimis mentibus euellisset uis orationis tuæ: nunc talis uir amissus est, dum causa ita dicitur, ut si in illa cōmenticia Platonis ciuitate res ageretur: nemo ingemu-

nemo i clamauit patronorū, nihil cuiq̃ doluit, nemo est questus, nemo remp̃ implorauit, nemo supplicauit. Quid multa? pedē nemo in illo iudicio suppleo sit. credo, ne stoicis renunciaretur. Imitatus est homo Romanus, & cōsularis ueterē illum Socratem, qui cū omnium sapientissimus esset, sanctissimeq̃ uixisset, ita in iudicio capitis pro se ipse dixit, ut non supplex, aut reus, sed magister, aut dominus uideretur esse iudicum: quin etiam, cum ei scriptam oratio nem disertissimus orator Lyſias attuliſſet, quam, si ei uideretur, edisceret, ut ea pro se in iudicio uteretur, non inuitus legit, & cōmode scriptam esse dixit, sed inquit, ut si mihi calceos ſicyonios attuliſſes, non uterer, quāuis eſſent habiles, & apti ad pedem, quia non eſſent uiriles, ſic illā orationem diſertam ſibi, & oratoriā uideri, fortē & uirilē non uideri. Ergo ille quoq̃ dānatus eſt, neq̃ ſolū primis ſententijs, quibus tantū ſtatuiebant iudices dānarent, an abſoluerent, ſed etiam illis, quas iterum legibus ferre debebant. Erat enim Athenis reo damnato, ſi ſraus capitalis non eſſet, quaſi poenę aſtimatione, ex ſententia cum iudicibus daretur, interrogabatur reus, quam quaſi aſtimationem com̃ meruiſſe ſe maxime cōſiteretur, quod cum interrogatus Socrates eſſet, reſpōdit ſeſe meruiſſe, ut ampliſſimis honoribus, & præmijs decoraretur, & ut ei uictus cotidianus in prytaneo publice præberetur, qui honos apud græcos maximus haberetur, cuius reſpōſo ſic iudices exarſerunt, ut capitis hominem innocentiffimum condemnarent, qui quidem ſi abſolutus eſſet (quod mehercule, etiam ſi nihil ad nos pertinet, tamen propter eius ingenij magnitudinem, uellem) quo nam modo iſtos philoſophos ferre poſſemus, qui nunc, cum ille damnatus eſt nullam aliam ob culpam, niſi propter dicendi inſcitiam, tamen à ſe oportere dicunt peti præcepta dicendi, quibus cum ego nō pugno, utrum ſit melius, aut uerius, tantum dico & aliud illud eſſe atque hoc, & hoc ſine illo ſummum eſſe poſſe. Nam, quod ius ciuile Crasſe tam uehementer ample xus es, uideo quid egeris, tū cū dicebas uidebā. Primum Scæuolæ te deditiſti, quem omnes amare meritiffimo pro eius eximia ſuauitate debemus, cuius artem cum indotatam eſſe, atque incomitatam, & incomptam uideres, uerborum eam dote locupletatiſti, & ornaſti. Deinde quod in ea tu plus operæ, laborisq̃ conſumpſeras, cum eius ſtudij tibi & hortator, & magiſter eſſet domi, ueritus es, niſi iſtam artem oratione exaggeraſſes, ne operam perdidiffes, ſed ego ne cum iſta quidem arte pugno, ſit ſanē tanta, quantam tu illam eſſe uis, etenim ſine controuerſia & magna eſt, & late patet, & ad multos pertinet, & ſummo in honore ſemper fuit, & clariffimi ciues ei ſtudio etiam hodie præſunt. ſed uide Crasſe ne dum nouo, & alieno ornato uelis ornare iuris ciuilis ſcientiam, ſuo quoque eam cōceſſo, & tradito ſpolies, atque desnudes. Nam ſi ita diceres, qui iuris conſultus eſſet, eſſe eum oratorem, itemq̃ qui eſſet orator, iuris ciuilis eundem eſſe conſultum, præclaras duas artes conſtitueres, atq̃ inter ſe pares, & eiufdē ſocias dignitatis, nunc uero iuris conſultum ſine hac eloquentia, de qua querimus, fateris eſſe poſſe, fuiſſeq̃ plurimos, oratorē negas, niſi illam ſcientiam aſſumpſerit, eſſe poſſe, ita & tibi iuris conſultus ipſe per ſe nihil, niſi leguleius quidam cautus, & acutus, præco actio num, cātor formularum, auceps ſyllabarum. Sed quia ſæpe utitur orator ſubſidio iuris in cauſis, iccirco iſtam iuris ſcientiam eloquentiæ tanquam ancillulam, pediſſequamq̃ adiunxiſti. Quod uero impudentiam admiratus es

corum

eorum patronorum, qui aut cum parua nescirēt, magna profiterentur: aut ea, quæ maxima essent in iure ciuili, tractare auderent in causis, cum ea nescirent, nūquamq; didicissent: utriusq; rei facilis est, & prompta defensio. Nam neq; illud est mirandum, qui quibus uerbis coemptio fiat, nesciat, eundem eius mulieris, quæ coemptionem fecerit, causam posse defendere. Nec si paru nauigij, & magni eadem est in gubernando scientia, iccirco qui quibus uerbis herediscipi oporteat, nesciat, idem heriscundæ familiæ causam agere non possit. Nam quod maximas centumuirales causas in iure positas protulisti, quæ tandem earum causa fuit, quæ ab homine eloquenti iuris imperito non ornatisime potuerit dici: quibus quidem in causis omnibus sicut in ipsa M. Curij, quæ abs te nuper est dicta, & in C. Hostilij Mancini controuersia, atque in eo puero, qui ex altera natus erat uxore, non remisso nuntio superiori, fuit inter peritissimos homines summa de iure dissensio. Quæro igitur quid adiuuerit oratorem in his causis iuris scientia: cum hic iuris consultus superior fuerit discensurus, qui esset non suo artificio, sed alieno, hoc est non iuris scientia, sed eloquentia sustentatus. Equidem hoc sæpe audiui cum ædilitatem P. Crassus peteret, cumq; maior natu, etiam consularis, Sergius Galba affectaretur, quod Crassi filiam C. filio suo despondisset, accessisse ad Crassum consulendi causa quendam rusticanum, qui, cum Crassum seduxisset, atque ad eum retulisset, responsumq; ab eo uerum magis, quam ad suam rem accommodatum abstulisset, ut eum tristem Galba uidit, nomine appellauit, quæsiuitq;, qua de re ad Crassum retulisset, ex quo ut audiuit, commotumq; ut uidit hominem, suspensio inquit animo, & occupato Crassum tibi respondisse uideo. deinde ipsum Crassum manu prehendit, & heus tu inquit, quid tibi in mentem uenit ita respondere: tum ille fidenter homo peritissimus confirmare, ita se rem habere, ut respōdisset, nec dubium esse posse. Galba autem alludens uarie, & copiose multas similitudines asserre, multaq; pro æquitate contra ius dicere, atque illum cum differendo par esse non posset, quanquam fuerit Crassus in numero disertorum, sed par Galbæ nullo modo, ad auctores confugisse, & id, quod ipse diceret, & in P. Mucij fratris sui libris, & in Sex. Aelij commentarijs scriptum protulisse, ac tamen concessisse Galbæ disputatorem sibi probabilem, & propè ueram uideri. Attamen, quæ causæ sunt eius modi, ut de earum iure dubium esse non possit, omnino in iudicium uocari non solent. Num quis eo testamento, quod paterfamilias ante fecit, quæ ei filius natus est, hæreditatem petit: nemo, quia constar agnoscendo rumpi testamentum: ergo in hoc genere iuris iudicia nulla sunt. Licet igitur impune oratori omnem hanc partem iuris in controuersijs ignorare, quæ pars sine dubio multo maxima est. In eo autem iure, quod ambigitur inter peritissimos, non esse difficile oratori eius partis, quamcūq; defendat, auctorem alio quem inuenire, à quo cum amentatas hastas acceperit, ipse eas oratoris laceratis, uiribusq; torquebit. Nisi uero (bona uenia huius optimi uiri dixerim Scæuolæ) tu libellis, aut præceptis soceri tui causam M. Curij defendisti, nonne arripuisti patrocinium æquitaris, & defensionem testamentorum, ac uoluntatis mortuorum? Ac mea quidem sententia (frequens enim te audiui, atque assui) multo maiorem partem sententiarum sale tuo, & lepore, & politissimis faceris pellexisti, cum & illud nimium acumen illuderet, & admiranda

M. T. Rhe.

O

rere ingenium Scæuolæ, qui excogitasset nasci prius oportere, quàm emori,
 cumq; multa colligeres, & ex legibus, & ex senatusconsultis, & ex uita, ac ser-
 mone communi non modo acute, sed etiam ridicule, ac facete, ubi, si uerba non
 rem se queremur, confici nihil posset. Itaque hilaritatis plenum iudicium, ac
 lætitiæ fuit, in quo quid tibi iuris ciuilibus exercitatio proluerit, non intelligo,
 dicendi uis egregia summa festiuitate, & uenustate coniuncta profuit. Ipse
 ille Mucius paterni iuris defensor, & quasi patrimonij propugnator sui, quid
 in illa causa, cum contra te diceret, attulit, quod de iure ciuili depromptum ui-
 deretur: quam legem recitauit, quid patefecit dicendo, quod fuisset imperitis
 occultius: nempe eius omnis oratio uersata est in eo, ut scriptum plurimum ua-
 lere oportere defenderet. At in hoc genere pueri apud magistros exercentur
 omnes, cum in eiusmodi causis aliàs scriptum aliàs æquiritatem defendere do-
 centur. Ex credo in illa militis causa si tu, aut heredem, aut militem defendis-
 ses, ad hostilianas te actiones non ad tuam uim, & oratoriam facultatem con-
 tulisses, tu uero uel si testamentum defenderes, sic ageres, ut omne omnium tes-
 tamentorum ius in eo iudicio positum uideretur, uel si causam ageres militis,
 patrem eius, ut soles, dicendo à mortuis excitasses, statuisset ante oculos, com-
 plexus esset filium, flensq; cum centumuiris commendasset, lapides mehercu-
 le omnes flere, ac lamentari coegisset, ut totum illud, uti lingua nuncupato
 set, non in XII. tabulis, quas tu omnibus bibliothecis anteponis, sed in ma-
 gistri carmine scriptum uideretur. Nam, quod inertiam accusas adolescen-
 tium, qui istam artem primum facillimam non ediscant, quæ quàm sit facili-
 lis, illi uiderint, qui eius artis arrogantia, quasi difficillima sit, ita subnixi
 ambulant, deinde etiam tu ipse uideris, qui eam artem facilem esse dicis,
 quam concedis adhuc artem omnino non esse, sed aliquando, si quis aliam
 artem didicerit, ut hanc artem efficere posset, tum esse illà artem futuram, de-
 inde quòd sit plena delectationis, in qua tibi remittunt omnes istam uolupta-
 tem, & ea se carere patiuntur, nec quisquam est eorum, qui, si iam sit ediscen-
 dum sibi aliquid, non Teucrum Pacuuij malit, quàm Mamilianas uenialium
 uendendorum leges edicere. Tu autem, quod amore patriæ censes, nos nos-
 trorum maiorum inuenta nosse debere, non uides ueteres leges, aut ipsas sua
 uetustate consenuisse, aut nouis legibus esse sublatas. Quod uero uiros bonos
 iure ciuili fieri putas, quia legibus & præmia propozita sint uirtutibus, & sup-
 plicia uitijs, equidem putabam uirtutem hominibus (si modo tradi ratio-
 ne possit) instituendo, & persuadendo non minis, & ui, ac metu tradi. nam
 ipsum quidem illud etiam sine cognitione iuris, quàm sit bellum cauere
 malum, scire possumus. De me autem ipso, cui uni tu concedis, ut sine ulla ius-
 ris scientia tamen causis satisficere possem, tibi hoc Crasse respondeo, neque
 me unquam ius ciuile didicisse, neque tamen in ijs causis, quas in iure possem
 defendere, unquam istam scientiam desiderasse. Aliud est enim esse artificem
 cuiusdam generis, atq; artis, aliud in communi uita, & uulgari hominum con-
 suetudine nec hebetem, nec rudem. cui nostrum non licet fundos nostros obis-
 re: aut res rusticas, uel fructus causa, uel delectationis inuifere: tamen nemo tā
 sine oculis, tam sine mente uiuit, ut quid sit sementis, ac messis, quid arborum
 putatio, ac uitiū, quo tēpore anni, aut quo modo ea fiant, omnino nesciat. Nū-
 igitur, si cui fundus inspiciedus, aut simā dādū aliquid procuratori de agricul-
 tura

tura, aut imperandum uillico sit, Magonis Carthaginienſis ſunt libri perdiſcendi: an hac communi intelligentia contenti eſſe poſſumus? Cur ergo non iſdē in iure ciuili, preſertim cū in cauſis, & in negotijs, & in foro conteramur, ſatis inſtructi eſſe poſſumus ad hoc duntaxat, ne in noſtra patria peregrini, atque aduenæ eſſe uideamur? Ac ſi iam ſit cauſa aliqua ad nos delata obſcurior, difficile credo ſit cum hoc ſæculo communicare, quamquam ipſi omnia, quorum negotium eſt conſulta ad nos, & exquiſita deferunt. An uero ſi de re ipſa, ſi de finibus, cum in rem præſentem non uenimus, ſi de tabulis, & præſcriptionibus controuerſa eſt, contortas res, & ſæpe difficiles neceſſario perdiſcimus: ſi leges nobis, aut ſi hominum peritorum reſponſa cognoscenda ſunt, ue remur ne ea, ſi ab adoleſcentia iuri ciuili minus ſtuduerimus, non queamus cognoscere? nihil ne igitur prodeſt oratori iuris ciuilis ſcientia? non poſſum negare, prodeſſe ullam ſcientiam, ei preſertim, cuius eloquentia copia rerum debeat eſſe ornata, ſed multa & magna, & difficilia ſunt ea, quæ ſunt oratori neceſſaria, ut eius indiſtriā in plura ſtudia diſtrahere nolim. Quis neget, opus eſſe oratori in hoc oratorio motu, ſtatuq; Roſcij geſtum, & uenustatem? tamen nemo ſuaſerit ſtudioſis dicendi adoleſcentibus in geſtu diſcendo hiſtrionum more elaborare. Quid eſt oratori tam neceſſarium, quàm uox? tamen me auctore nemo dicēdi ſtudioſus græcorum more, & tragædorum uoci ſeruiet, qui & annos complures ſedentes declamitant, & cotidie ante quàm pronuntient, uocem cubantes ſenſim excitant, eādemq; cum egerunt, ſedentes ab acutiſſimo ſono uſq; ad grauiffimum ſonum recipiunt, & quaſi quodammodo colligunt, hoc nos ſi ſacere uelimus, ante condemnentur iſ, quorum cauſas receperimus, quàm toties, quoties perſcribitur, Præanem, aut Munionem citarimus. Quod ſi in geſtu, qui multum oratorem adiuuat, & in uoce, quæ una maxime eloquentiam uel commendat, uel ſuſtinet, elaborare nobis non licet, ac tantum in utroq; aſſequi poſſumus, quantum in hac acie cotidiani muneris ſpatij nobis datur, quanto minus eſt ad iuris ciuilis perdiſcēdi occupationem deſcendendum? quod & ſummatim percipi ſine doctrina poteſt, & hanc habet ab illis rebus diſſimilitudinem, quod uox, & geſtus ſubito ſumi, & alium de arripi non poteſt, iuris utilitas ad quāq; cauſam, quamuis repente uel à peritis, uel de libris depromi poteſt. Itaq; illi diſertiſſimi homines miniſtros habent in cauſis iuris peritos, cum ipſi ſint peritiſſimi, & qui, ut abs te paulo ante dictum eſt, pragmatici uocantur, in quo noſtri omnino melius multo, quod clariffimorum hominum auctoritate leges, & iura recta eſſe uoluerunt, ſed tamen non fuſiſſet hoc græcos homines, ſi ita neceſſe eſſe arbitrati eſſent; oratorum ipſum erudire iure ciuili, non ei pragmaticum adiutorem dare: nā quod dicis ſenectutem à ſolitudine uindicare iuris ciuilis ſcientia, fortasſe etiam per cuniar magnitudinem, ſed nos non quid nobis utile, uerum quid oratori neceſſarium ſit querimus, quāquam quoniā multa ad oratoris ſimilitudinē ab uno artifice ſumimus, ſolet idem Roſcius dicere, ſe quo plus ſibi gratis accederet, eo tardioris tibicinis modos, & cantus remiſſiores eſſe facturum. Quod ſi ille aſtrictus certa quadam numerorū moderatione, & pedum, tamen aliquid ad requiem ſenectutis excogitat, quanto facilius nos non laxare modos, ſed totos mutare poſſumus? neq; enim hoc te Craſſe fallit, quàm multa ſint, & quā uaria genera dicendi, & quod haud ſciam, an tu primus oſtenderis, qui

uersus multos uno spiritu pronuntiare consuecebat, neque is consistens loco, sed inambulans, atque ascensu ingrediens arduo. Hisce ego cohortationibus Crasse ad studium, & ad laborem incitandos iuuenes uehementer assentior, cetera, quæ collegisti ex uarijs, & diuersis studijs, & artibus, tametsi ipse ea omnia consecutus, tamen ab oratoris proprio officio, atque munere seiuincta esse arbitror. Hæc cum Antonius dixisset, sanè dubitare uisus est Sulpicius, & Cotta, utrius oratio propius ad ueritatem uideretur accedere. Tum Crassus, Operarium nobis quendam Antoni oratorem facis, atque haud scio, an aliter sentias, & utare tua illa mirifica ad refellendum consuetudine, qua tibi nemo unquam præstitit, cuius quidem ipsius facultatis exercitatio oratorij propria est, sed iam in philosophorum consuetudine uersatur, maximeq; eorum, qui de omni re proposita in utranque partem solent copiosissime dicere. Verum ego non solum arbitrabar, his præsertim audientibus, a me informari oportere, qualis esse posset is, qui habitaret in sublellijs, neque quidquam amplius asferret, q̃ quod causarum necessitas postularet, sed maius quiddam uidebam, cum censbam oratorem, præsertim in nostra rep. nullius ornamenti expertem esse oportere, tu autem quoniam exiguis quibusdam finibus totum oratoris munus circundidisti, hoc facilius nobis expones ea, quæ abs te de officijs, præceptisq; oratoris quæsitæ sunt, sed opinor secundum hunc diem, satis enim multa à nobis hodie dicta sunt. Nunc & Scæuola, quoniam in Tusculanum ire constituit, paulum requiescet, dum se calor frangat, & nos ipsi, quoniam id temporis est, ualitudini demus operam. Placuit sic omnibus. Tum Scæuola, Sanè inquit uellem non constituisse in Tusculanum me hodie uenturum esse Lælio. libenter audirem Antonium, & cum exurgeret simul arridens, neque enim inquit, tam mihi molestus fuit, quod ius nostrum ciuile peruellit, q̃ iucundus, quod se id nescire confessus est.

M. T. CICERONIS DE ORATORE

LIBER SECVNDVS



MAGNA nobis pueris Q. frater, si memoria tenes, opinio fuit. L. Crassum non plus attigisse doctrinæ, quam quantum prima illa puerili institutione potuisset. M. autem Antonium omnino omnis eruditionis expertem, atque ignarum fuisse, erantq; multi, qui, quamquam non ita se rem habere arbitrantur, tamen quo facilius nos incensos studio discendi à doctrina detererent, libenter id, quod dixi de illis oratoribus prædicarent, ut si homines non eruditi summam essent prudentiam, atque incredibilem eloquentiam consecuti, inanis omnis noster esse labor, & stultum in nobis erudiendis patris nostri optimi, ac prudentissimi uiri studium uideretur. Quos tum ut pueri refutare domesticis testibus patre, & C. Aculeone propinquo nostro, et L. Cicerone patruo solebamus, quod de Crasso pater, et Aculeo, quo cū erat nostra matertera, quæ Crassus dilexit ex omnibus plurimum, & patruus, qui cum Antonio in Ciliciam profectus unà decesserat, multa nobis de eius studio, doctrinaq; sepe narrauit, cumq; nos cū consobrinis nostris

Aculeonis filijs, & ea disceremus, quæ Crasso placerent; & ab his doctoribus, quibus ille uteretur, erudiremur, etiam illud sæpe intelleximus (cum essemus eiusmodi, quod uel pueri sentire poteramus) illum & græce sic loqui, nullam ut nosse aliam linguam uideretur, & doctoribus nostris ea ponere in per cunctando, ea quæ ipsum omni in sermone tractare, ut nihil esse ei nouum, nihil inauditū uideretur. De Antonio uero, quanquā sæpe ex humanissimo homine patruo nostro acceperamus, quemadmodum ille uel Athenis, uel Rhodi se doctissimorum hominum sermonibus dedisset, tamē ipse adolescentulus quantum illius incuntis ætatis meæ patiebatur pudor, multa ex eo sæpe quesiti ui. Non erit profecto tibi, quod scribo, hoc nouum (nam iam tum ex me audiebas) mihi illum ex multis, uarijs quæ sermonibus, nullius rei, quæ quidem esset in his artibus, de quibus aliquid existimare possem, rudem, aut ignarum esse uisum. Sed fuit hoc in utroque eorum, ut Crassus non tam existimari uellet non didicisse, quam illa despicere, & nostrorum hominum in omni genere prudentiam græcis anteferre. Antonius autem probabiliorē hoc populo orationem fore censebat suam, si omnino didicisset nunquam putaretur, atque ita se uterque grauiorem fore, si alter cōtemnere, alter ne nosse quidem græcos uideretur. Quorum consilium quale fuerit, nihil sanē ad hoc tempus, illud autem est huius institutionis scriptio, ac temporis, neminem eloquentia non modo sine dicendi doctrina, sed ne sine omni quidem sapientia florere unquā & præstare potuisse. Etenim ceteræ ferē artes seipsæ per se tuentur singulæ, benedicere autem, quod est scienter, & perite, & ornate dicere, non habet definitam aliquam regionem, cuius terminis septa teneatur. Omnia quęcunque in hominum disceptationem cadere possunt, bene sunt ei dicenda, qui hoc se posse proficitur, aut eloquentiæ nomen relinquendū est. Quare equidē & in nostra ciuitate, & in ipsa Græcia, quæ semper hæc summa duxit, multos & ingenijs, & magna laude dicendi sine summa rerum omnium scientia fuisse factores, talem uero existere eloquentiam, qualis fuerit in Crasso, & Antonio, non cognitis rebus omnibus, quæ in tantam prudentiam pertinerent, tantamque dicendi copiam, quanta in illis fuit, non potuisse confirmo. Quo etiā feci libentius ut eum sermonem, quem illi quondam inter se de his rebus habuissent, mandarem literis, uel ut illa opinio, quæ semper fuisset, tolleretur, alterum non doctissimum, alterum planē indoctum fuisse, uel ut ea, quæ existimarem a summis oratoribus de eloquentia diuinitus esse dicta, custodirem literis, si ullo modo assequi completique potuissem, uel mehercule etiam ut laudem eorum iam propē senescentem, quantum ego possem, ab obliuione hominum, atque a silentio uindicarem. Nam si ex scriptis cognosce ipsi suis potuissent, minus hoc fortasse mihi esse putassem laborandum, sed cum alter nō multum, quod quidem extaret, & id ipsum adolescens, alter nihil admodum scripti reliquisset, deberi hoc a me tantis hominum ingenijs putauī, ut quum etiam nunc uiuam illorum memoriam teneremus, hanc immortalem reddere, si possent. Quod hoc etiam spe aggredior maiore ad probandum, quia non de Sergij Galbæ, aut C. Carbonis eloquentia scribo aliquid, in quo liceat mihi fingere, si quid uelim, nullius memoria iam me refellente, sed edo hæc ipsi cognoscenda, qui eos ipsos, de quibus loquor, sæpe audierunt, ut duos summos uiros, ipsi, qui neutrum illorum uiderint, eorum, quibus ambo illi oratores cogniti sint, uiuorum, & presentium,

presentium, memoria teste commendemus. Nec uero te carissime frater, atq; optime, rhetoricis nunc quibusdam libris, quos tu agrestes putas, insequor ut erudiam. Quid enim tua potest oratione aut subtilius, aut ornatius esse? sed quoniam siue iudicio, ut soles dicere, siue, ut ille pater eloquentiæ de se I socrates scripsit ipse, pudore à dicendo, & timiditate ingenua quadam refugisti, siue, ut ipse iocari soles, unum putasti satis esse, non modo in una familia rhetorem, sed penè in tota ciuitate, non tamen arbitror tibi hos libros in eo fore genere, quod merito propter eorum qui de dicendi ratione disputarunt, ieiunitatem bonarum artium possit illudi. Nihil enim mihi quidem uidetur in Crassi & Antonij sermone esse præteritum, quod quisquam summis ingenijs, acerrimis studijs, optima doctrina, maximo usu cognosci, ac percipi potuisse arbitraretur, quod tu facillime poteris iudicare, qui prudentiam, rationemq; dicendi per te ipsum, usum uero per nos percipere uoluisti. Sed quo citius hoc, quod suscepimus, non mediocriter munus conficere possimus, ommissa nostra adhortatione, ad eorum, quos proposuimus, sermonem, disputatio nemq; ueniamus. Postero igitur die, quàm illa erant acta hora ferè secunda, cum etiam tum in lecto Crassus esset, & apud eum Sulpicius sederet, Antonius autem inambulare cum Cotta in porticu, repente eo. Q. Carulus senex cū C. Iulio fratre uenit, quod ubi audiuit commotus Crassus surrexit, omnesq; admirati maiorem aliquam esse causam eorum aduentus suspicati sunt. Qui cum inter se, ut ipsorum usus ferebat, amicissime consalutassent, quid uos tandem Crassus? nunquid nam inquit noui? Nihil sanè inquit Catulus, etenim uides esse ludos, sed uel tu nos ineptos licet inquit, uel molestos putes, cum ad me in Thufculanum inquit heri uespere uenisset Cæsar de Tusculano suo, dixit mihi à se Scæuolam hinc euntem esse conuentum, ex quo mira quædam se audisse dicebat, te, quem ego toties omni ratione tentans ad disputandum dicere non potuisssem, permulta de eloquentia cum Antonio disseruisse, & tanquam in schola propè ad græcorum consuetudinem disputaſſe. Ita me frater exorauit, me ipsum non quidem à studio audiendi nimis abhorrentē, sed meo hercule, uerentem, ne molesti uobis interueniremus, ut huc secum uenirē: Scæuolam enim ita dicere aiebat bonam partem sermonis in hunc diem esse dilatam, hoc si tu cupidius factū existimas, Cæsari attribues, si familiarius, utriusq; nostrum, nos quidem, nisi forte molesti interuenimus, uenisse delectat. Tum Crassus, E quidem quæcunq; causa uos huc attulisset, lætarer, cum apud me uiderem homines mihi carissimos, & amicissimos, sed tamen uere dicam, quæ uis mallet fuisset, quàm ista, quàm dicis: ego enim? ut quemadmodum senatio loquar? nunquam mihi minus, quàm hesterno die placui, magis adeo id facilitate, quàm alia ulla culpa mea contigit, qui dum obsequor adolescentibus me senem esse sum oblitus, feci q; id, quod ne adolescens quidem feceram, ut ijs de rebus, quæ doctrina aliqua continerentur, disputarem. Sed hoc tamē cecidit mihi peropportune, quod transactis iam meis partibus ad Antonium audiendum uenistis. Tum Cæsar, E quidem Crasse ita sum cupidus te in illa longiore, ac perpetua disputatione audiendi, ut si id mihi minus cōtingat, uel hoc sim cotidiano sermone contentus. Itaq; experiar equidem illud, ut ne Sulpicius familiaris meus, aut Cotta plus quàm ego apud te ualere uideantur, & te exorabo profecto, ut mihi quoq;, & Catulo tuæ suauitatis aliquid imper-

tias. Sin tibi id minus libebit, non te urgebo, neq; committam, ut dum uereare, ne tu sis ineptus, me esse iudices. Tum ille, Ego mehercule inquit Cēsār ex omnibus latinis uerbis huius uerbi uim uel maximam semper putauī: quem enim nos ineptum uocamus, is mihi uidetur ab hoc nomen habere ductum, quod non sit aptus, idq; in sermonis nostri consuetudine perlate patet. Nam qui aut tempus quid postulet non uidet, aut plura loquitur, aut se ostentat, aut eorum, quibus cum est, uel dignitatis, uel cōmodi rationem non habet, aut de niq; in aliquo genere aut incōcinnus, aut multus est, is ineptus esse dicitur. Hoc uitio cumulata est eruditissima illa græcorum natio, itaq; quod uim huius mali græci non uident, ne nomen quidē ei uitio imposuerunt, ut enim quæras omnia, quomodo græci ineptum appellent non reperies. Omnium autē ineptiarum, quæ sunt innumerabiles, haud scio an ulla sit maior, quam illorum, qui solent quocunq; in loco, quoscunq; inter homines uisum est, de rebus aut difficilioribus, aut non necessarijs argutissime disputare, hoc nos ab istis ad adolescentibus facere iuiti, & reculantes heri coacti sumus. Tum Catulus, Ne græci quidem inquit Crasse, qui in ciuitatibus suis clari, & magni fuerunt, sicuti tu es, nosq; omnes in nostra rep. uolumus esse, horū græcorum, qui se inculcant auribus nostris, similes fuerunt, nec tamen in otio sermones huiusmodi, disputationesq; fugiebāt. Ac si tibi uidentur qui temporis, qui loci, qui hominum rationem non habent inepti, sicut debent uideri, num tandem aut locus hic non idoneus uidetur, in quo porticus hæc ipsa, ubi inambulamus, & palæstra, & tot locis sessiones, gymnasiolorum, & græcarum disputationum memoriā quodam modo commouent: aut importunum tempus in tanto otio, quod & raro datur, & nunc peroptato nobis datum est: aut homines ab hoc genere disputationis alieni: qui omnes hi sumus, ut sine his studijs uitam nullam esse ducamus. Omnia ista inquit Crassus ego alio modo interpretor, qui primum palæstram, & sedes, & porticus, etiam ipsos Catule græcos, exercitationis, & delectationis causa, non disputationis inuenisse arbitror. Nam & sæculis multis ante gymnasia inuenta sunt, quam in his philosophi garrire cœperūt, & hoc ipso tempore cum omnia gymnasia philosophi teneant, tamen eorum auditores discum audire, quam philosophum malūt, qui simul ut increpuit, in mediâ oratione de maximis rebus, & grauissimis disputantem philosophum omnes unctionis causa relinquunt: ita leuissimam delectationē grauissimæ, ut ipsi ferunt, utilitati anteponūt. Otium autem, quod dicis esse, assentior, uerum otij fructus est non cōtentio animi, sed relaxatio, Sæpe ex focero meo audiui, cum is diceret locerum suum Lælium semper ferē cum Scipione solitum rusticari, eosq; incredibiliter repuerascere esse solitos, cum rus ex urbe tanquam è uindis euolauissent. Non audeo dicere de talibus uiris, sed tamen ita solet narrare Scæuola, conchas eos, & umbilicos ad Caietam, & ad Laurentū legere consueisse, & ad omnem animi remissionem, luduinq; descendere. Sic enim se res habet, ut quæadmodum uolucres uidemus procreationis, atque utilitatis suæ causa effingere, et construere nidos, easdem autem, cum aliquid effecerint, leuādi laboris sui causa passim, ac libere solutas opere uolitare, sic nostri animi forensibus negotijs, atque urbano opere defessi, gestiunt, ac uolitare cupiunt uā cui cura, atque labore. Itaque illud, quod ego in causa curiana Scæuolæ dixi, non dixi fecus, ac sentiebam. Nam si inquam Scæuola nullum erit testamentū

recte

recte factum, nisi quod tu scripseris, omnes ad te ciues cum tabulis uenimus: omnium testamenta tu scribes unus. quid igitur inquam quando ages negotium publicum: quando amicorum: quando tuum? quando denique nihil ages? Tum illud addidi, mihi enim liber esse non uidetur, qui non aliquando nihil agit, in qua permaneo Catule sententia, meque, cum huc ueni, hoc ipsum nihil agere, & plane cessare delectat. Nam quod addidisti tertium, uos eos esse, qui uitam inluuam sine his studiis putaretis, id me non modo non hortatur ad disputandum, sed etiam deterret. Nam ut C. Lucilius homo doctus, & perurbanus dicere solebat, ea, quae scriberet, neque ab indoctissimis, neque ab doctissimis legi uelle, quod alteri nihil intelligerent, alteri plus fortasse, quam ipse de se, quo etiam scripsit, Persium non curo legere, hic fuit enim, ut noramus, omnium serè nostrorum hominum doctissimus, Laetium Decimum uolo, quae cognouimus uirum bonum, & non illiteratum, sed nihil ad Persium, sic ego, si iam mihi disputandum sit de his nostris studiis, nolim equidem apud rusticos, sed multo minus apud uos: malo enim non intelligi orationem meam, quam reprehendi. Tum Caesar, equidem inquit Catule iam mihi uideor nauasse operam, quod huc uenerim, nam haec ipsa recusatio disputationis disputationis quaedam fuit mihi quidem periuicunda. Sed cur impedimus Antonium, cuius audio esse partes, ut de tota eloquentia disserat, quemque iandudum Cotta, & Sulpicius expectant. Ego uero inquit Crassus, neque Antonium uerbum facere patiar, & ipse obmutescam, nisi prius à uobis impetraro. Quid nam inquit Catulus: ut hic sis hodie. Tum cum ille dubitaret, quod ad fratrem promiserat. Ego inquit Iulius pro utroque respondeo, sic faciemus, atque ista quidem conditione, uel ut uerbum nullum faceres, me teneres. Hic Catulus arrisit, & simul precisa inquit mihi quidem dubitatio est, quoniam neque domi imperaram, & hic, apud quem eram futurus, sine mea sententia tam facile promisi sit. Tum omnes oculos in Antonium coniecerunt, & ille. Audite uero, audite inquit, hominem enim audietis de schola, atque à magistro, & graecis literis eruditum, & eo quidem loquor confidentius, quod Catulus auditor accessit, qui non solum nos latini sermonis, sed etiam graeci ipsi solent suae linguae subtilitatem, elegantiamque concedere. Sed tamen quoniam hoc totum, quidquid est, siue artificium, siue studium dicendi, nisi accessit os, nullum potest esse, docebo uos discipuli, quod ipse non didici, quid de omni genere dicendi sentiam. Hic posteaquam arriserunt, Res mihi uidetur esse inquit, facultate praecleara, arte mediocris. Ars enim earum rerum est, quae sciuntur. Oratoris autem omnis actio opinionibus, non scientia continetur. Nam & apud eos dicimus qui nesciunt, & ea dicimus, quae nescimus ipsi, itaque & illi aliam aliud ipsidem de rebus & sentiunt, & iudicant, & nos contrarias saepe causas dicimus, non modo ut Crassus contra me dicat aliquando, aut ego contra Crassum, cum alter utri necesse sit falsum dicere, sed etiam ut uterque nostrum eadem de re aliam aliud defendat, cum plus uno uerum esse non possit. Ut igitur in eiusmodi re, quae mendacio nixa sit, quae ad scientiam non saepe perueniat, quae opiniones hominum, & saepe errores aucupetur, ita dicam, si causam putat esse, cur audiaris. Nos uero & ualde quidem Catulus inquit putamus, atque eo magis, quod nulla mihi ostentatione uideris esse uisus. exorsus es enim non gloriose magis, ut tu putas à ueritate, quam à nescio qua dignitate. Ut igitur de ipso genere

copijs, aliunde dicendi copiam petere non possit. Tum Catulus. Et si inquit
 « Antoni minime impediendus est interpellatione iste cursus orationis tuæ,
 patiere tamen, mihiq; ignosces: nō enim possum, quin exclamem, ut ait ille in
 Trinummo, ita mihi uim oratoris cū exprimere subtiliter uisus es, tum laudare
 copiosissime, quod quidem eloquentem uel optime facere oportet, ut eloquē-
 tiam laudet: debet enim ad eam laudandam ipsam illam adhibere, quam lau-
 dat. Sed perge porro, tibi enim assentior, uestrum esse hoc totum diserte dice-
 re, idq; si quis in alia arte faciat, cum assumpto aliunde uti bono non proprio
 nec suo. Et Crassus, Nox te inquit nobis Antoni expoliuit, hominemq; red-
 didit, nam hesterno sermone unius cuiusdam operis, ut ait Cæcilius, remigem
 « aliquem, aut baiulum nobis oratorem descriperas, inopem quandam huma-
 nitatis, atq; inurbanum. Tum Antonius, Heri enim inquit hoc mihi pro-
 polueram, ut si te resellissem, hos à te discipulos abducerem, nunc Catulo au-
 diente, & Cæsare uideor debere non tam pugnare tecum, q̃ quid ipse sentiam
 dicere. Sequitur igitur, quoniā nobis est hic, de quo loquimur, in foro, atq; in
 oculis ciuium constitutus, ut uideamus, quid ei negotij demus, cuiq; eū mu-
 neri uelimus esse præpositum. Nam Crassus heri cum uos Catule, & Cæsar
 non adessetis, posuit breuiter in artis distributione idem, quod græci pleriq;
 posuerunt, neq; sanè quid ipse sentiret, sed quid ab illis diceretur, ostēdit, duo
 prima genera questionum esse, in quibus eloquentia uersaretur, unum infini-
 tum, alterum certum. Infinitum mihi uidetur id dicere, in quo aliquid genera-
 tim quaeretur, hoc modo, expetendā ne esset eloquentia, expetendū ne hono-
 res. Certum autem, in quo quid in personis, & constituta re, & definita qua-
 reretur, cuiusmodi sunt, quæ in foro, atq; in ciuium causis, disceptationibusq;
 uersantur. ea mihi uidentur aut in lite ordināda, aut in consilio dando esse po-
 sita, nam illud tertium, quod & à Crasso tactum est, & ut audio, ille ipse Ari-
 stoteles, qui hæc maxime illustrauit, adiunxit, etiam si opus est, tamen minus
 est necessarium. Quid nam inquit Catulus? an laudationes? id enim uideo po-
 ni genus tertium. Ita inquit Antonius, & in eo quidem genere scio & me, &
 omnes, qui affuerunt, delectatos esse uehementer, cū abs te est Popilia mater
 uestra laudata, cui primum mulieri hūc honorem in nostra ciuitate tributum
 puto: sed non omnia, quæ cūq; loquimur, mihi uidentur ad artem, & ad præ-
 cepta esse reuocanda. Ex his enim fontibus, unde omnia ornatè dicendi præce-
 pta sumuntur, licebit etiam laudationem ornare, neq; illa elemēta desiderare,
 quæ ut nemo tradat, quis est, qui nesciat, quæ sint in homine laudanda? pos-
 tis enim ips rebus, quas Crassus in illius orationis suæ, quam contra collegam
 cēsor habuit, principio dixit, quæ natura, aut fortuna darentur hominibus, in
 ips rebus se uinci posse animo æquo pati, quæ ipsi sibi homines parare possent,
 in ips rebus se pati uinci non posse. Qui laudabit quæpiam, intelliget expo-
 nenda sibi esse fortunæ bona. Ea sunt, generis, pecuniæ, propinquorū, amicorū,
 opum, ualctudinis, formæ, uiriū, ingenij, ceterarumq; rerū, quæ sunt aut cor-
 poris, aut extraneæ, si habuerit, bene his usum, si nō habuerit, sapiēter caruis-
 se. si amiserit, moderate tulisse. deinde quid sapiēter is, quē laudet, quid libera-
 liter, quid fortiter, qd iuste, quid magnifice, quid pie, quid grate, quid huma-
 niter, quid deniq; cū aliqua uirtute aut fecerit, aut tulerit. Hęc, & quæ sint eius
 generis facīle uidebit, qui uolet laudare quæpiam, & qui uiuere, cōtraria.

Cur igitur dubitas inquit Catulus, facere hoc tertium genus, quoniam inest in ratione rerum: nō enim si est facilius, eo de numero quoq; est excerpendum.

Quia nolo inquit omnia, quæ cadunt aliquando in oratorem, quamvis exigua sint, ea sic tractare, quasi nihil possit dici sine præceptis suis: nam & testimonium sæpe dicendum est, ac nonnunquam etiam accurariis, ut mihi necesse fuit in Sex. Titium seditiosum ciuem, & turbulentum, explicavi in eo testimonio dicēdo, omnia consilia consulatus mei, quibus illi tribuno Pl. pro rep. restituissem, quæq; ab eo contra remp. facta arbitrarer, exposui, diu retentus sum, multa audiui, multa respondi, num igitur placet cum de eloquentia præcipias, aliquid etiam de testimonijs dicēdis quasi in arte tradere? Nihil sanē inquit Catulus necesse est. Quid si (quod sæpe summis viris accidit) mandata sint exponēda, aut in senatu ab imperatore, aut ad imperatorem, aut ad regem, aut ad populū aliquē à senatu: nū quia genere orationis i huiusmodi causis accuratiore est utendum, siccirco etiam pars hæc causarum numeranda videtur, aut proprijs præceptis instruenda? Minime vero inquit Catulus, nō enī deerit homini diserto in eiusmodi rebus facultas ex ceteris rebus, & causis cōparata. Ergo item inquit illa, quæ sæpe diserte agenda sunt, & quæ ego paulo ante (cum eloquentiā laudarem) dixi oratoris esse, neq; habent suum locū ullum in divisione partium, neq; certum præceptorum genus, & agenda sunt non minus diserte, q̃ quæ in lite dicuntur, obiurgatio, cohortatio, consolatio, quorum nihil est, quod non summa dicendi ornamenta desideret, sed ex artificio res istę præcepta non querunt. Planē inquit Catulus assentior. Age vero inquit Antonius, qualis orator is, & quanti hominis in dicendo putas esse historiam scribere? Sicut græci scripserunt, summi, inquit Catulus, sicut nostri, nihil opus est oratore. Iatis est non esse mendacem. Atqui ne nostros cōtemnas inquit Antonius, græci ipsi sic initio scriptitarunt, ut noster Cato, ut Pictor, ut Piso: erat enim historia nihil aliud, nisi annalium confectio, cuius rei, memoriæq; publicę retinendę causa, ab initio rerum romanarum usq; ad P. Mutium Pontificem Max. res omnes singulorum annorum mandabat literis Pontifex Maximus, efferebatq; in album, & proponebat tabulam domui, potestas ut esset populo cognoscēdi, ij, qui etiam nunc annales maximi nominantur. Hęc similitudinem scribendi multi secuti sunt, qui sine ullis ornamentis monimēta solum tēporum, hominū, locorum, gestarumq; rerum reliquerunt. Itaq; qualis apud græcos Pherecydes, Hellanicus, Acusilas fuit, aliq; permulti, talis noster Cato, & Pictor, & Piso, qui neq; tenent, quibus rebus ornatur oratio (modo enim huc ista sunt importata) & dum itelligatur quid dicant, unā dicendi laudē putant esse brevitatem. Paululū se erexit, & addidit historiæ maiorem sonum uocis uir optimus Crassi familiaris Antipater, ceteri non exornatores rerū, sed tantummodo narratores fuerunt. Est inquit Catulus, ut dicis, sed iste ipse Caelius neque distinxit historiam uarietate locorum, neque uerborum collocatione, & tractu orationis leni & æquabili perpoliuit illud opus, sed ut homo, neque doctus, neque maxime aptus ad dicendum si cut potuit, dolauit, uicir tamen, ut dicis, superiores. Minime mirū inquit Antonius, si ista res adhuc nostra lingua illustrata nō est, nemo enim studet eloquentię nostrorum hominū, nisi ut in causis, atque in foro eluceat: apud græcos autē eloquentissimi homines remoti à causis forensibus, cum ad ceteras res illustres

lustres, tum ad scribendam historiam maxime se applicauerunt. Nanque & Herodotū illum, qui princeps genus hoc ornauit, in causis nihil omnino uersatum esse accepimus: atqui tanta est eloquentia, ut me quidem (quantum ego græce scripta intelligere possum) magnopere delectet, & post illum, Tucidides omnes dicendi artificio mea sententia facile uicit, qui ita creber est rerū frequentia, ut uerborum propē numerū sententiarum numero consequatur. ita porro uerbis aptus, & pressus, ut nescias utrum res oratione, an uerba sententijs illustrentur. atqui ne hunc quidem, quanquam est in rep. uersatus, ex numero accepimus eorum, qui causas dictitarūt, & hos libros tum scripsisse dicuntur, cum a rep. remotus, atque id quod optimo cuiq; Athenis accidere solitum est, in exilium pulsus esset. Hunc consecutus est Syraculsi Philistus, qui cum Dionysij tyranni familiarissimus esset, otium suum consumpsit in historia scribenda, maximeq; Tucididem est, sicut mihi uidetur, imitatus. Postea uero quasi ex clarissima rhetoris officina duo præstātes ingenio Theopompus, & Ephorus ab Ilocrate magistro impulsī se ad historiam contulerunt, causas omnino nunquam attigerunt: Denique etiā a philosophia profectus princeps Xenophon socraticus ille, post ab Aristotele Callisthenes comes Alexandri scripsit historiam, & hic quidem rhetorico penē more, ille autem superior leuiore quodā sono est usus, & qui illum ineptū oratoris nō habeat, uehementer fortasse minus, sed aliquāto tamen est, ut mihi quidē uidetur, dulcior. Minimus natu horum omnium Timæus, quantum autem iudicare possum, longe eruditissimus, & rerum copia, & sententiarum uarietate abundantissimus, & ipsa compositione uerborum non impolitus, magnam eloquentiam ad scribendum attulit, sed nullum usum forensem. Hæc cum ille dixisset, quid est inquit Catulo Cæsar, ubi sunt, qui Antonium græce negant scire? quot historicos nominauit? quā scienter? quā proprie de uno quoque dixit? Id me hercule inquit Catulus admirans illud iam mirari desino, quod multo magis ante mirabar, hunc cum hæc nesciret, in dicendo posse tantum. Atqui Catule inquit Antonius, non ego utilitatem aliquam ad dicendum aucupans, horum libros, & nonnullos alios, sed delectationis causa, cum est otium, legere soleo. Quid ergo est? fatebor, aliquid tamen, ut cum in sole ambulem, etiam si aliam ob causam ambulem, fieri natura tamē ut colorer, sic cum istos libros ad Misenum (nam Romæ uix licet) studiosius legerim, sentio orationem meam illorū cantu quasi colorari. Sed ne latius hoc uobis parere uideatur, hæc dūtaxat in græcis intelligo, quæ ipsi, qui scripserunt, uoluerunt à uulgo intelligi. In philosophos uestros siquādo incidi, deceptus indicibus librorū, quod sunt ferè inscripti de rebus notis, et illustribus, de uirtute, de iustitia, de honestate, de uoluptate, uerbum prorsus nullum intelligo, ita sunt angustis, & concisis disputationibus illigati. Poetas omnino quasi aliena quadam lingua locutos nō conor attingere. cū his me (ut dixi) oblecto, qui res gestas, aut qui orationes scripserunt suas, aut qui ita loquuntur, ut uideātur uoluisse esse nobis, qui non sumus eruditissimi, familiares. Sed illuc redeo, uidetis ne quantum munus sit oratoris historia? haud scio, an flumine orationis, & uarietate maximū, neque tamē eam reperio usquā separatim instructā rhetorū præceptis, sita sunt enim ante oculos: Nam quis nescit primā esse historię legem, nequid falsi dicere audeat, deinde nequid uere nō audeat, nequa suspicio gratiæ sit in scribēdo, nequa

simulatis. Hæc scilicet fundamenta nota sunt omnibus. Ipsa autem edificatio posita est in rebus, & uerbis. rerum ratio ordinem temporum desiderat, regionum descriptionem, uult etiam, quoniam in rebus magnis, memoriaq; dignis consilia primum, deinde acta, postea euentus expectantur, & de consilijs significari, quid scriptor probet, & in rebus gestis declarari, non solum quid actum, aut dictum sit, sed etiam quomodo, & cum de euentu dicatur. ut causæ explicentur omnes, uel casus, uel sapientiae, uel temeritatis, hominumq; ipsorum non solum res gestæ, sed etiam qui fama, ac nomine excellent, de cuiusque uita, atque natura. Verborum autem ratio, & genus orationis fufum, atque tractum, & cum lenitate quadam æquabili profluens sine hac iudiciali asperitate, & sine sententiarum forensium aculeis prosequendum est. Harum tor, tantarumq; rerum uidetis ne nulla esse præcepta, quæ in artibus rhetorum reperiantur. In eodem silentio multa alia oratorum officia iacuerunt, cohortationes, cōsolationes, præcepta, admonita, quæ tractanda sunt omnia disertissime, sed locum suum in illis artibus, quæ traditæ sunt, habent nullum. Atq; in hoc genere illa quoque est infinita silua, quod oratori plerique (ut etiã Crasus ostendit) duo genera ad dicendum dederunt. Vnum de certa, definitaque causâ, quales sunt, quæ in litibus, quæ in deliberationibus uersantur, addat si quis uolet etiam laudationis. Alterum, quod appellant omnes serè scriptores, explicat nemo, infinitam generis sine tempore, & sine persona quæstionem: hoc quid, & quantum sit, cum dicunt, intelligere mihi non uidentur: Si enim est oratoris quæcunque res infinite posita sit, de ea posse dicere, dicendum erit ei quanta sit solis magnitudo, quæ forma terræ: de mathematicis, de musicis rebus non poterit, quin dicat, hoc onere suscepto, recusare. Deniq; ei, qui proficitur esse suum non solum de ijs controuersijs, quæ temporibus, & personis notæ sunt, hoc est de omnibus forensibus, sed etiam de generum infinitis quæstionibus dicere, nullum potest esse genus orationis, quod sit exceptum. Sed si illam quoq; partem quæstionum oratori uolumus adiungere uagam, & liberam, & late patentem, ut de rebus bonis, aut malis: expectandis, aut fugiendis, honestis, aut turpibus: utilibus aut inutilibus: de uirtute: de iustitia: de cōtinentia: de prudentia: de magnitudine animi: de liberalitate: de pietate: de amicitia: de fide: de officio: de ceteris uirtutibus, contrarijsq; uicijis dicendum oratori putemus: itemq; de rep. de imperio: de remilitari: de disciplina ciuitatis: de hominum moribus, assumamus eã quoque partem, sed ita ut sit circumscripta modicis regionibus. Equidem omnia, quæ pertinent ad usum ciuili: morem hominum. quæ uersantur in consuetudine uitæ: in ratione reip. in hac societate ciuili: in sensu hominum communi: in natura: in moribus: comprehendenda esse oratori puto, si minus, ut separatim de his rebus philosophorum more respondeat, at certe, ut in causâ prudenter possit intexere. Hisce aut ipsi de rebus, ut ita loquatur, uti ij, qui iura: qui leges: qui ciuitates constituerunt, locuti sunt simpliciter, & splendide sine ulla serie disputationū, & sine ieiuna cōcertatione uerborū. Hoc loco, nequa sit admiratio, si tot, tantarumq; rerum nulla à me præcepta ponent, sic statuo, ut in ceteris artibus cū tradita sunt cuiusq; artis difficillima, reliqua, quia aut faciliora, aut similia sunt, tradi nō necesse esse: ut in pictura: qui hominis speciem pingere perdidicerit, posse eum cuiusuis uel formæ, uel ætatis etiam si non didicerit pingere, neque esse periculum, qui

lum, qui leonem, aut taurum pingat egregie, ne idem in multis alijs quadru-
pedibus facere non possit, neq; est omnino ars ulla, in qua omnia, quę illa arte
effici possunt, a doctore tradantur. sed qui primarum, et certarum rerum gene-
ra ipsa didicerunt, reliqua persequuntur. similiter arbitror in hac siue ratione,
siue exercitatione dicendi, qui illam uim adeptus sit, ut eorum mentes, qui aut
de rep. aut de ipsius rebus, aut de ijs, cōtra quos, aut pro quibus dicat, cum alijs
qua statuendi potestate audiant, ad suum arbitrium mouere possit, hunc de ro-
to illo genere reliquarū orationū non plus quęsiturum esse quid dicat, quā.
Polycletum illum, cum Herculem fingeat, quemadmodum pellem, aut hy-
dram fingeret, etiā si hæc nunquam separatim facere didicisset. Tum Catu-
lus, Præclare mihi uideris Antoni posuisse ante oculos, quid discere oportet
ret eum, qui orator esset futurus, quid etiā si non didicisset, ex eo, quod di-
dicisset, assumeret: deduxisti enim totum hominem in duo solum genera cau-
sarum, cetera innumerabilia exercitationi, & similitudini reliquisti, sed uide-
to, ne in istis duobus generibus hydra tibi sit, & pellis, Hercules, & alia opera
maiora ne in illis rebus, quas prætermittis, relinquantur: non enim mihi mi-
nus operis uidetur de uniuersis generibus rerum, quā de singulorum causis,
ac multo etiā maius de natura deorum, quā de hominum litibus dicere.
Non est ita inquit Antonius, dicam enim tibi Catule non tam doctus, quā
Cid quod est maius expertus. Omnium ceterarum rerum oratio, mihi crede;
ludus est homini non hebeti, neque inexercitato, neque communium literarum,
& politioris humanitatis experti, in causarum contentione magnum
est quoddam opus, atque haud sciam, an de humanis operibus longe maxi-
mum, in quibus uis oratoris plerumque ab imperitis exitu, & uictoria iudica-
tur, ubi adest armatus aduersarius, qui sit & feriendus, & repellendus; ubi scie-
pe is, qui rei dominus futurus est, alienus, atque iratus, aut etiam amicus ad-
uersario, & inimicus tibi est, cum aut docendus is est, aut de docendus, aut res-
primendus, aut incitandus, aut omni ratione ad tempus, ad causam, oratio-
ne moderandus. in quo sæpe beniuolentia ad odium, odium autem ad bene-
uolentiam deducendum est: qui tanquam machinatione aliqua, tum ad seue-
ritatem, tum ad remissionem animi, tum ad tristitiā, tum ad lætitiā est con-
torquendus: omnium sententiarum grauitate, omnium uerborū ponderibus
est utendum: accedat oportet actio uaria: uehemens: plena animi: plena spiri-
tus: plena doloris: plena ueritatis. In his operibus si quis illam artem cōpre-
henderit, ut tanquam Phidias Mineræ signum efficere possit, non sanè quę-
admodum in clypeo idem ille artifex minora illa opera facere discat, labora-
bit. Tum Catulus, Quò ista maiora, ac mirabiliora fecisti, eo me maior ex-
pectatio tenet, quibusnam rationibus, quibus uel præceptis ea tanta uis cōpa-
retur, non quo mea quidem iam inter sit (neq; enim ætas id mea desiderat, &
aliud quoddam genus dicendi nos secuti sumus, qui nunquam sententias de
manibus iudicum ut quadam orationis extorsimus, ac potius placatis eorum
animis, tantū, quantum ipsi patiebantur, accepimus) sed tamen ista tua, nuli-
lum ad usum meum, tantum cognoscēdi studio adductus, requiro: Nec mihi
opus est græco doctore, qui mihi peruulgata præcepta decāter, cū ipse
nunquam forum, nunquā ullum iudicium aspexerit, ut peripateticus ille di-
citur Phormio. cū Annibal Carthagine expulsus Ephesum ad Antiochū uen-

nisset exul, propter eo, quod eius nomen erat magna apud omnes gloria, inuitatus esset ab hospitibus suis, ut eum quem dixi, si uellet audiret, cumque se non nosse dixisset, locutus esse dicitur homo copiosus aliquot horas de imperatoris officio, & de omni re militari. tum cum ceteri, qui illum audierant, uehementer essent delectati, quærebant ab Annibale quidnam ille ipse de illo philosopho iudicaret. hic poenus, non optime græce, sed tamen libere respondisse fertur, multos de deliros senes sæpe uidisse, sed qui magis, quam Phormio deliraret, uidisse neminem. Neque mehercule iniuria, quid enim aut arrogantius, aut loquacius fieri potuit, quam Annibali, qui tot annos de imperio cum Populo Romano omnium gentium uictore certasset, græcum hominem, qui nunquam hostem, nunquam castra uidisset, nunquam denique minimam partem ullius publici muneris attigisset, præcepta de re militari dare? Hoc mihi facere omnes isti, qui de arte dicendi præcipiunt, uidentur. quod enim ipsi experti non sunt, id docent ceteros, sed hoc minus fortasse errant quod non te, ut Annibalem, sed pueros, aut adulescentulos docere conantur. Erras Catule inquit Antonius, nam egomet multis iam Phormiones incidi: quis enim est istorum græcorum, qui quenquam nostrum quidquam intelligere arbitretur? ac mihi quidem non ita molesti sunt, facile omnes perperior, & persero, nam aut aliquid afferunt, quod mihi non displiceat, aut efficiunt, ut me non didicisse minus poeniteat, dimitto autem eos non tam contumeliose, quam philosophum illum Annibal, & eo fortasse plus habeo etiam negotij, sed tamen est eorum doctrina, quantum ego iudicare possum, perridicula: Diuidunt enim totam rem in duas partes, in causæ controuersiam, & in quæstionis. Causam appellant rem positam in disceptatione rerum, & controuersia. Quæstionem autem rem positam in infinita dubitatione: de causâ præcepta dant. de altera parte dicendi, mirum silentium est: denique quinque faciunt quasi membra eloquentiæ, inuenire quid dicas, inuēta disponere, deinde ornare uerbis, post memoriam mandare, tum ad extremum agere, ac pronuntiare: rem sanè non reconditam. Quis enim hoc non sua sponte uiderit, neminem posse apte dicere, nisi & quid diceret, & quibus uerbis, & quo ordine diceret, haberet, & ea meminisset? Atque hæc ego non reprehendo, sed ante oculos posita esse dico, ut eas item quatuor, quinque, sex uel partes, uel etiam septem (quoniam aliter ab alijs digeruntur) in quas est ab his omnis oratio distributa: Iubent enim exordiri, ita ut eum, qui audiat, beneuolum nobis faciamus, & docilem, & attentum. Deinde rem narrare, ita ut uerisimilis narratio sit, ut aperta, ut breuis. Post autem diuidere causam, aut proponere. nostra confirmare argumentis, ac rationibus, deinde contraria refutare. Tum autem alij conclusio nem orationis, & quasi perorationem collocant. alij iubent ante quam peroratur ornandi, aut augendi causa digredi, deinde concludere, ac perorare. Ne hæc quidem reprehendo: sunt enim concinne distributa, sed tamen, id quod necesse fuit hominibus expertibus ueritatis, non perire. Quæ enim præcepta principiorum, & narrationum esse uoluerunt, ea in totis orationibus sunt conseruanda. Nam ego mihi beneuolum iudicem facilius facere possum, in cursu orationis, quam cum omnia sunt inaudita: docilem autem non cum pollictor me demonstraturum, sed tum, cum doceo, & explano. attentum uero crebro tota actione excitandis mētibus iudicem, non prima denuntiatio ne efficere

ne efficere possumus. Iam uero narrationē, quodd iubent uerisimilē esse, & aptam, & breuem, recte nos admonent, quodd hęc narrationis magis putant esse propria, quā totius orationis, ualde mihi uidentur errare, omninoq; in hoc omnis est error, quod existimant artificium esse hoc quoddam non dissimile ceterorum, cuiusmodi de ipso iure ciuili hesternō die Crassus componi posse dicebat, ut genera rerum primum exponerentur, in quo uisum est, si genus uel lum prætermittatur, deinde singulorum generum partes, in quo & deesse aliā quam partem, et superare mendosum est: tum uerborū omnium definitiones, in quibus neq; abesse quidquam decet, neq; redundare. Sed hoc si in iure ciuili, si etiā in paruis, aut mediocribus rebus doctores assequi possunt, non idem sentio tanta hac in re, tamq; immensa posse fieri. Sin autē qui arbitrantur, deducendi sunt ad eos, qui hęc docent, omnia iam explicata, & perpolita asseduntur: sunt. n. innumerabiles de his rebus libri, neq; abditī, neque obsecuri. Sed uideant quid uelint, ad ludendum ne, an ad pugnandū arma sint sumpturi: aliud enim pugna, & acies, aliud ludus, campusq; noster desiderat. atramen ars ipsa ludicra armorum, & gladiatorī, & militi prodest aliquid, sed animus acer, & præfens, & acutus idem, atq; uersutus inuictos uiros efficit non difficilior arte coniuncta. Quare ego tibi oratorē sic iam institui, si poruero, ut quid efficere possit ante perspiciam: Sit enim mihi tinctus literis: audierit aliquid: legerit: ista ipsa præcepta acceperit, tentabo quid deceat: quid uoce: quid uiribus: quid spiritu: quid lingua efficere possit. Si intelligā posse ad summos peruenire, non solum cohortabor, ut elaboret, sed etiam, si uir quoq; mihi bonus uidebitur, obsecrabo: tantum ego in eccellente oratore, & eodē uiro bono pono esse ornamentū uniuersę ciuitati: Sin uidebitur, cum omnia summa fecerit, tamen ad mediocris oratores esse uenturus, permittam ipsi quid uelit, molestus magnopere non ero. Sin planē abhorrebit, & erit absurdus, ut se cōtineat, aut ad aliud studiū trāsfertat, admonebo: nam neq; is, qui optime potest deferendus ullo modo est a cohortatione nostra, neq; is, qui aliquid potest, deterrendus, quod alterū diuinitatis mihi cuiusdā uidetur, alterum uel nō facere, quod nō optime possis, uel facere, quod nō pessime facias, humanitatis, tertiū uero illud, clamare contra quā debeat, & quā possit, hominis est, ut tu Catule; de quodam clamatore dixisti, stultitię suę quamplurimos testes domestico præconio colligentis. De hoc igitur, qui erit talis, ut cohortandus, adiuvandusq; sit, ita loquamur, ut ei tradamus ea duntaxat, quę nos usus docuit, ut nobis ducibus ueniat eo, quō sine duce ipsi peruenimus, quoniam meliora docere non possumus. Atque ut a familiari nostro exordiar, hunc ego Catule Sulpiciū primum in causa paruula adolecentulum audiui, uoce, & forma, & motu corporis, & reliquis rebus aptum ad hoc munus de quo quærimus; oratione autem celerī, & concitata, quod erat ingenij, & uerbis effervescentibus, & paulo nimium redundantibus, quod erat ætatis, non sum aspernatus, uolo enim se effertat in adolecente fecunditas, nam facilius sicut in uiribus reuocantur ea, quę sese nimium profuderunt, quā si nihil uellet materies, noua sarmenta cultura excitantur, ita uolo esse in adolecente, unde aliquid amputem, non enim potest in eo esse succus diuturnus, quod nimis celeriter est maturitatem assecutum. Vidi statim indolem, neque dimisi tempus, & cum sum cohortatus, ut sorum sibi ludum putaret esse ad-

discendum, magistrum autem, quem uellet, eligeret, me quidem si audiret, L. Crassum, quod iste arripuit, & ita sese facturum confirmauit, atque etiam addidit, gratiæ scilicet causa, me quoque sibi magistrum futurum. Vix annus intercesserat ab hoc sermone cohortationis meæ, cum iste accusauit C. Norbanum defendente me, non est credibile quid interesse mihi sit uisum inter eum, qui tunc erat, & qui anno ante fuerat, omnino in illud genus cum Crassi magnificum, atque præclarum natura ipsa ducebat, sed ea non satis proficere potuisset, nisi eodem studio, atque imitatione incidisset, atque ita dicere consueffet, ut tota mente Crassum, atque omni animo intueretur. Ergo hoc sit Primum in preceptis meis, ut demonstremus, quem imitetur, atque ita, ut quæ maxime excellent in eo, quem imitabitur, ea diligentissime persequatur, tum accedat exercitatio, qua illum, quem ante delegerit, imitatio effingat, atque ita exprimat non ut multos imitatores sæpe cognoui, qui aut ea, quæ facilia sunt, aut etiam illa, quæ insignia, ac penè uitiola, conlectentur imitando. nihil est facilius, quam amicum imitari alicuius, aut statum, aut motum: si uero etiam uitiosis aliquid est id sumere, & in eo uitiosum esse, non magnū est, ut ille, qui nunc etiam amissa uoce fuerit in rep. Fusius, neruos in dicendo C. Fimbriæ, quos tamen habuit ille, non assequitur, oris prauitatem, & uerborum latitudinem imitatur, sed tamen ille nec deligere sciuit, cuius potissimum similis esset, & in eo ipso, quem delegerat, imitari etiam uitia uoluit. Qui autem ita faciet, ut oportet, primum uigilet necesse est in deligendo, deinde quem probauit: in eo quæ maxime excellent, ea diligentissime persequatur. Quid enim cause censetis esse, cur ætates extulerint singulæ singula propè genera dicendi? quod non tam facile in nostris oratoribus possumus iudicare, quia scripta, ex quibus iudiciū fieri posset, non multa sanè reliquerunt, quam in græcis, ex quorum scriptis, cuiusque ætatis, quæ dicendi ratio, uoluntasque fuerit, intelligi potest. Antiquissimi serè sunt, quorum quidem scripta constet, Pericles, atque Alcibiades, et eadem ætate Tucydides, subtile, acuti, breues, sententijs magis, quam uerbis abundantes, non potuissent accidere, ut unum esset omnium genus, nisi aliquem sibi proponerent ad imitandum. Cōsecuti sunt hos Critias, Theramenes, Lysias, multa Lysias scripta sunt, nonnulla Critias, de Theramene audiuius, omnes etiam retinebant illum Pericli sucum, sed erant paulo uberiore filo. Ecce tibi exortus est Isocrates magister istorum omnium, cuius è ludō, tanquam ex equo troiæ, non meri principes exierunt, sed eorum partim in pompa, partim in acie illustres esse uoluerunt. Itaque & illi, Theopropi, Ephori, Philisti, Naucratae, multique alij naturis differunt, uoluntate autē similes sunt inter sese, & magistri, & ij, qui se ad causas cōtulerunt, ut Demosthenes, Hyperides, Lycurgus, Æschines, Dinarchus, alijque complures, & si inter se pares non fuerunt, tamen sunt omnes in eodem ueritatis imitandæ genere uersati, quorum quandiu mansit imitatio, tandiu genus illud dicendi, studiumque uixit. posteaquam extinctis his, omnis eorum memoria sensim obscurata est, & euauuit, alia quædam dicendi molliora, ac remissiora genera uiguerunt, Inde Demochares, quem aiunt sororis filium fuisse Demosthenis, tum Phalereus ille Demetrius omnium istorum mea sententia politissimus, alijque eorum similes extiterunt: quæ si uolumus usque ad hoc tempus persequi, intelligemus, ut hodie Alabadensem illum Meneclæ, & eius fratrem Hieroclem, quos ego audiui, tota imitetur Asia: Sic semper fuisse

fuisse aliquem, cuius se similes plerique esse uellent. Hanc igitur similitudinem qui imitatione assequi uolet, tum exercitationibus crebris, atque magnis, tum scribendo maxime persequatur: quod si noster Sulpicius faceret, multo eius oratio esset pressior, in qua nunc interdum, ut in herbis rustici solent dicere, in summa ubertate inest luxuries quædam, quæ stylo depascenda est. Hic Sulpicius, Me quidem inquit recte, mones, idque mihi gratum est, sed ne te quidem Antoni multum scriptitalle arbitror. Tum ille. Quasi uero inquit, non ea præcipiam alijs, quæ mihi ipsi defunt, sed tamen ne tabulas quidem conficere existimor, uerum, et in hoc ex re familiari mea, & illo ex eo, quod dico, quantum id cumque est, quid facilius iudicari potest. Atque esse tamē multos uidemus, qui neminem imitentur, & suapte natura, quod uelint sine cuiusquam similitudine consequantur, quod & in uobis animaduerti recte potest Cæsar, & Cotta, quorum alter inusitatum quidem nostris oratoribus leporem quendam, & salem, aliter acutissimum, & subtilissimum dicendi genus est consecutus. Neque uero uerteræ qualis Curio patre mea sententia uel eloquentissimo temporibus illis, quenquam mihi magnopere uidetur imitari, qui tamen uerborum grauitate, & elegantia, & copia suam quandam expressit quasi formam, figuramque dicendi, quod ego maxime potui iudicare in ea causa, quam ille contra me apud centumuiros pro fratribus Cossis dixit. In qua nihil illi defuit, quod non modo copiosus, sed etiam sapiens orator habere deberet. Verum ut aliquando ad causas deducamus illum, quem constituimus, & eas quidem, in quibus plures eum negotij est, iudiciorum, atque litium criserit (fortasse hoc præceptum: est enim non tam acutum, quam necessarium, magisque monitoris non factui, quam eruditi magistri). Hoc enim primum præcipiemus, quasunque causas erit acturus, ut eas diligenter, penitusque cognoscat. Hoc in ludo non præcipitur: faciles enim causæ ad pueros deferuntur. Lex peregrinum uetat in murum ascendere, ascendit, hostes repulit, accusatur. nihil est negotij huiusmodi causam cognoscere. recte igitur nihil de causa discenda præcipiunt. hæc est. n. in ludo causarum serè formula. At uero in foro, tabulæ, testimonia, pacta, conueta, stipulationes, cognationes, affinitates, decreta, responsa, uita denique eorum, qui in causa uersantur, tota cognoscenda est. quarum rerum negligentia pleraque causas, & maxime priuatas (sunt enim multo sæpe obscuriores) uis demus amitti. Ita nonnulli dum operam suam multam existimari uolunt, ut toto foro uolitare, et à causa ad causam ire uideantur, causas dicunt incognitas: in quo est illa quidem magna offensio, uel negligentia, susceptis rebus, uel perfidia, receptis, sed etiā illa maior opinione, quod nemo potest de ea re, quam non nouit, non turpissime dicere: ita dum inertia uituperationem, quæ maior est, contemnunt, assequuntur etiam illam, quam magis ipsi fugiunt, carditatis. Equidem soleo dare operam, ut de sua quisque re me ipse doceat, & ut ne quis alius adsit, quo liberius loquatur, & agere aduersarij causam, ut ille agat suam, & quidquid de sua re cogitarit, in medium proferat, itaque cum ille discessit, tres personas unus sustineo summa animi æquitate, meam, aduersarij, iudicis, qui locus est talis, ut plus habeat adiumenti, quam incommodi, hunc iudico esse dicendum: ubi plus mali, quam boni reperio, id totum abiudico, atque reijcio. ita assequor, ut alio tempore cogitem quid dicam, & alio dicam, quæ duo plerique ingenio freti simul faciunt, sed certe idem illi melius aliquando dicerent,

si aliud sumendum sibi tempus ad cogitandum, aliud ad dicendum putarent. Cum rem penitus, causamque cognoui, statim occurrit animo, quæ sit causa ambigua: nihil est enim, quod inter homines ambigatur, siue ex crimine causa constet, ut facinoris, siue ex controversia, ut hereditatis, siue ex deliberatione ut belli, siue ex persona, ut laudis, siue ex disputatione, ut de ratione uiuendi, in quo non aut quid factum sit, aut fiat, futurumue sit quaeratur, aut quale sit, aut quid uocetur. Ac nostræ ferè causæ, quæ quidem sunt criminum, plerumque inficiatio ne defenduntur: Nam & de pecunijs repetundis, quæ maximæ sunt, neganda ferè sunt omnia, & de ambitu raro illud datur, ut possis liberalitatem, ac benignitatem ab ambitu, atque largitione seiungere, de sicarijs, de ueneficijs, de peculatu inficiari necesse est, Id est igitur genus primum causarum in iudicijs, ex controversia facti. In deliberationibus plerumque ex futuri, raro etiam ex instantis, aut facti. Sæpe autem, res non sit, necne, sed qualis sit quaeritur, ut cū L. Opimij causam defendebat apud populum audiente me C. Carbo consul, nihil de C. Gracchi nece negabat, sed id iure pro salute patriæ factum esse dicebat, ut eidem Carboni Tribuno Pl. alia tum mente temp. capessenti P. Africanus de Ti. Graccho interroganti responderat, iure casum uideri. Iure autem omnia defenduntur, quæ sunt eius generis, ut aut oportuerit, aut licuerit, aut necesse fuerit, aut imprudētia, aut casu facta esse uideantur. Iam quid uocetur quaeritur, cū quo uerbo quid appellandū sit cōtenditur, ut mihi ipsi cū hoc Sulpicio fuit in Norbani causa summa cōtēctio: pleraque enim de ijs, quæ ab isto obijciebantur, cum cōfiterer, tamen ab illo maiestātē imminutam negabam, ex quo uerbo lege apuleia tota illa causa pendebat. Atque in hoc genere causarum nonnulli præcipiunt, ut uerbum illud, quod causam facit, lucide, breuiter uterque definiat, quod mihi quidem perquam puerile uideri solet: alia est enim cū inter doctos homines, de ijs ipsis rebus, quæ uersantur in artibus, disputatur, uerborum definitio, ut cum quaeritur quid sit ars, quid sit lex, quid sit ciuitas. In quibus hoc præcipit ratio, atque doctrina, ut uis eius rei, quam definias, si ex primatur, ut neque absit quidquam, neque supersit, quod quidem in illa causa neque Sulpicius fecit, neque ego facere conatus sum: nam quātum uterque nostrum potuit omni copia dicendi dilatauit, quid esset maiestātē minuere. Et enim definitio primum rephenso uerbo uno, aut addito, aut dempto sæpe extorqueatur è manibus, deinde genere ipso doctrinam redolet, exercitatio nemque penè puerilem, tum & in sensum, & in mentem iudicis intrare non potest: ante enim præterlabitur, quā percipitur. Sed in eo genere, in quo, quale sit quid, ambigitur, existit etiam ex scripti interpretatione sæpe cōtēctio, in quo nulla potest esse, nisi ex ambiguo cōtroversia: nam illud ipsum, cum scriptum a sententiā discrepat, genus quoddam habet ambigui, quod tum explicatur, cum ea uerba, quæ defunt, suggesta sunt, quibus additis, defenditur, sententiam scripti perspicuam fuisse, & ex contrarijs scriptis siquid ambigatur, non nouum genus nascitur, sed superioris generis causa duplicatur, idē aut nunquam diiudicari poterit, aut ita diiudicabitur, ut referendis præteritis uerbis id scriptum, quod cunctis defendimus, suppleatur, ita fit, ut unum genus in ijs causis, quæ propter scriptum ambiguntur, relinquantur, si est scriptum aliter quid ambiguit. Ambiguorum autem complura genera sunt, quæ mihi uidentur melius nosse, qui dialectici appellantur, si autem nostri ignorare, qui non minus

minus nosse debeant, tum illud est frequentissimum in omni consuetudine uel sermonis, uel scripti, cum iccirco aliquid ambigitur, quod aut uerbum, aut uerba sint pretermissa. Iterum autem peccant, cum genus hoc causarum, quod in scripti interpretatione uersatur, ab illis causis, in quibus qualis quæque res sit discipatur, se iungunt: nusquam enim tam queritur, quale sit genus ipsum rei, quam in scripto, quod totum à facti controuersia separatum est. Ita tria sunt omnino genera, quæ in disceptationem, & controuersiam cadere possunt, quid fiat, factum, futurum uel sit, aut quale sit, aut quomodo nominetur. nã & illud, quod quidam græci adiungunt, recte ne factum sit, totum in eo est, quod quale sit, querimus. Sed iam ad institutum reuertar meum. Cum igitur accepto causæ genere & cognito rem tractare cepti, nihil prius constituo, quam quid sit illud, quo mihi referenda sit omnis illa oratio, quæ sit propria quæstionis, & iudicii, deinde illa duo diligentissime considero, quorum alterum commendationem habet nostram, aut eorum, quos defendimus, alterum est accommodatum ad eorum animos, apud quos dicimus, ad id, quod uolumus, commouendos. Ita ratio omnis dicendi tribus ad persuadendum rebus est nixa, ut probemus uera esse ea, quæ defendimus, ut conciliemus nobis eos, qui audiunt, ut animos eorum ad quemcunque causam postulabit motum, uocemus. Ad probandum autem duplex est oratori subiecta materies, una rerum earum, quæ non excogitantur ab oratore, sed in repositæ, ratione transeuntur, ut tabulæ, testimonia, pacta, conuenta, quæstiones, leges, senatusconsulta, res iudicatæ, decreta, responsa, & reliqua, si quæ sunt, quæ non ab oratore pariuntur, sed ad oratorem à causa, atque à reis deferuntur. Altera est, quæ tota in disputatione, & argumentatione oratoris collocata est, ita in superiore genere de tractandis argumentis, in hoc autem etiam de inueniendis cogitandum est. Atque isti quidem, qui docent, cum causas in plura genera secuerunt, singulis generibus, argumentorum copiam suggerunt, quod et si ad instituendos adolescentulos magis aptum est, ut simul ac posita sit causa, habeant quod se referant, unde statim expedita possint argumenta depromere, tamen & tardus ingenij est riuius cōsectari, fontes rerum non uidere, etiam ætatis est, ususque nostri à capite, quod uelimus attingere, & unde omnia manant uidere, & primū genus illud earum rerum, quæ ad oratorem deferuntur, meditatum nobis in perpetuum ad omnem usum similium rerum esse debet: nam pro tabulis, & contra tabulas, & pro testibus, & contra testes, pro quæstionibus, & contra quæstiones, & item de ceteris rebus eiusdem generis uel separatim dicere solemus de genere uniuerso, uel definite de singulis temporibus, hominibus, causis, quos quidem locos (uobis hoc Cotta, & Sulpici dico) multa commentatione, atque meditatione paratos, atque expeditos habere debetis. Longum est enim nunc me explicare, qua ratione aut cōfirmare, aut infirmare testes, tabulas, quæstiones oportet. Hæc sunt omnia ingenij uel mediocris, exercitationis autem maximæ, atque item quidem, & præcepta dūtaxat hæcenus requirunt, ut certis dicendi luminibus ornentur: itemque illa, quæ sunt alterius generis, quæ tota ab oratore pariuntur, excogitationem non habent difficilē, explicationem magis illustrem perpolitamque desiderant. Itaque cum hæc duo nobis querenda sint in causis, primum quid, deinde quomodo dicamus, alterum quod totum arte tinctum uidetur, tamen artem requirit, tamen prudentiæ est penē mediocris, quid di-

cendum sit uidere, alterum est, in quo oratoris uis illa diuina, uirtusq; cernitur, ea, quæ dicenda sunt, ornatæ, copiosæ, uariæq; dicere. Quare illam partem superiorē, quoniam semel ita uobis placuit, non recusabo, quo minus perpolitam, atque conficiam, quantum consequar, uos iudicabitis, quibus ex locis ad eas tres res, quæ ad fidem faciendam solæ ualent, ducatur oratio, ut & conciliantur animi, & doceantur, & moueantur. hæc sunt enim tria numero: ea uero quemadmodum illustrentur, præstod est, qui omnes docere possit, qui hoc primus in nostros mores induxit, qui maxime auxit, qui solus effecit. Namq; ego Catule, dicam enim non reuerens assentandi suspicionem, neminem esse oratorem paulo illustriorem arbitror, neque græcum, neque latinum, quem etas nostra tulerit, quem non & sæpe, & diligenter audierim. Itaque siquid est in me, quod iam sperare uideor, quoniam quidem uos his ingenijs homines tantum operæ mihi ad audiendum datis, ex eo est, quod nihil quisquam unquam me audiente egit orator, quod non in memoria mea penitus infederit. Atque ego is, qui sum, quantuscumq; sum ad iudicandum, omnibus auditis oratoribus, siue ulla dubitatione, sic statuo & iudico, neminem omnium tot, & tanta, quantata sunt in Crasso, habuisse ornamenta dicendi. Quamobrem, si uos quoq; hoc idem existimatis, non erit, ut opinor, iniqua partitio, si cum ego hunc oratorem, quem nunc fingo, ut institui, crearo, aluero, confirmaro, tradâ eum Crasso & uestiendum, & ornandum. Tum Crassus, Tu uero inquit Antoni peregre, ut instituisti: neque enim boni est, neque liberalis parentis, quem procreauit, & eduxerit, cum non & uestire, & ornare, præsertim cum te locuplerem esse negare non possis. quod enim ornamentum, quæ uis, qui animus, quæ dignitas illi oratori defuit? qui in causa peroranda non dubitauit excitare reum cõsulem, & eius diloricare tunicam, et iudicibus cicatrices aduersas senis imperatoris ostendere? qui idem hoc accusante Sulpicio cum hominem seditionis sum, furiosumq; defenderet, non dubitauit seditiones ipsas ornare, ac demonstrare grauissimis uerbis, multos sæpe impetus populi non iniustos esse, quos præstare nemo possit: multas etiam e rep. seditiones sæpe esse factas, ut cum reges essent exacti, ut cum tribunicia potestas esset constituta, illam Norbanæ seditionem ex luctu ciuium, & ex Cepionis odio, qui exercitum amiserat, neq; reprimi potuisset, & iure esse conflata. Potuit hic locus tam anceps, tam inauditus, tam lubricus, tam nouus, sine quadam incredibili ui, ac facultate dici tractari. Quid ego de Cn. Manlij? quid de Q. Regis commiseratione dicam? quid de alijs innumerabilibus? in quibus hoc non maxime enituit, quod tibi omnes dant, acumen quoddam singulare, sed hæc ipsa, quæ nunc ad me de legare uis, ea semper in te eximia, & præstantia fuerunt. Tum Catulus, Ego uero inquit in uobis hoc maxime admirari soleo, quod cum inter uos in dicendo dissimiles sitis, ita tamen uterq; uestrum dicat, ut ei nihil neque à natura de negatum, neque à doctrina non delatum esse uideatur. Quare Crasse neq; tua suauitate nos priuabis, ut, siquid ab Antonio aut prætermisum, aut relictum sit, non explices, neque te Antoni, siquid non dixeris, existimabimus; non potuisse potius, quàm à Crasso dicti maluisse. Hic Crassus, Quintu inquit Antoni omittis ista, quæ proposuisti, quæ nemo horum desiderat, quibus ex locis ea, quæ dicenda sunt in causis reperiantur, quæ, quanquam abs te nullo quodam modo, præclareq; dicuntur, sunt tamen & re faciliora; & præceptis

ceptis peruagata, illa deprome nobis, unde afferas, quæ sæpissime tractas, semperq; diuinitus. Depromam equidem inquit Antonius, & quo facilius id à te exigam, quod peto, nihil tibi à me postulanti recusabo. Mæ totius orationis, & istius ipsius in dicēdo facultatis, quam modo Crassus in cœlum uerbis exulit, tres sunt rationes, ut ante dixi, una conciliandorum hominū, altera docendorum, tertiā concitandorum. harum trium partium prima lenitatem orationis, secunda acumen, tertiā uim desiderat: nam hoc necesse est, ut is, qui nobis causam adiudicaturus sit, aut inclinatione uoluntatis propendeat in nos aut defensionis argumentis adducatur, aut animi permotione cogatur. Sed quoniam illa pars, in qua rerum ipsarum explicatio, ac defensio posita est, uideretur omnem huius generis quasi doctrinam continere, de ea primum loquemur, & pauca dicemus: pauca enim sunt, quæ usui iam tractata, & animo quasi habere notata uideamur. Ac tibi sapienter monenti L. Crasse libenter assentimur, ut singularum causarum defensiones, quas solent magistri pueris tradere, relinquamus, aperiāmus autem ea capita, unde omnis ad omnem & causam, & orationē disputatio ducitur. Neque enim quoties uerbum aliquod est scribendum nobis, toties eius uerbi literæ sunt cogitatione conquirendæ, nec quoties causa dicenda est, toties ad eius causæ seposita argumenta reuolui nos oportet, sed habere certos locos, qui ut literæ ad uerbum scribendum, sic illi ad causam explicandam, statim occurrāt. Sed hi loci ei demum oratori prodesse possunt, qui est uersatus in rebus, uel usu, quem ætas deniq; affert, uel auditione, & cogitatione, quæ studio, & diligentia præcurrit ætatem. Nam si tu mihi quamuis eruditum hominem adduxeris, quamuis acrem, & acutū in cogitando, quamuis ad pronuntiandum expeditum, si erit idem in consuetudine ciuitatis, in exemplis, in institutis, in moribus, ac uoluntatibus ciuium suorum hospes, non multum ei loci proderunt illi, ex quibus argumenta promuntur: subactio mihi ingenio opus est, ut agro non semel arato, sed nouato & iterato, quo meliores scetus possit, & grandiores edere. subactio autem est usus, auditiō, lectio, literæ. Ac primum naturam causæ uideat, quæ nunquam lateat, factum ne sit queratur, an quale sit, an quod nomen habeat, quo perspecto, statim occurrit naturali quadam prudentia, non his subductionibus, quas isti docent, quid faciat causam, id est quo sublato controuersia stare non possit, deinde quid ueniat in iudicium, quod isti sic iubent querere. Interfecit Opimius Gracchum, quid facit causam? quod reip. causa, cum ex senatusconsulto ad arma uocasset: hoc tolle, causa non erit: at id ipsum negat contra leges licuisse Decius: ueniet igitur in iudicium, licuerit ne ex senatusconsulto seruandæ reip. causa. Perspicua sunt hæc quidem, & in uulgari prudentia sita. sed illa querenda, quæ ab accusatore, & defensore argumenta, ad id, quod in iudiciū uenit, spectantia, debeant afferri. Atq; hic illud uidendum est, in quo summus est error istorum magistrorum, ad quos liberos nostros mittimus, non quo hoc quidem ad dicendum magnopere pertineat, sed tamen ut uideatis, quā sit genus hoc eorum, qui sibi eruditi uidentur, hebes, atq; impositum. Constitunt enim in partiendis orationum modis duo genera causarum, unum appellant, in quo sine personis, atq; temporibus de uniuerso genere queratur, alterum, quod personis certis, & temporibus definiatur, ignari omnes cōtrouersias ad uniuersi generis uim, et naturam referri: nam in ea ipsa causa, de qua

ante dixi, nihil pertinet ad oratoris locos Opimij persona, nihil Decij: de ipso enim uniuerso genere infinita quaestio est, num poena uideatur esse afficiens, qui ciuem ex S. C. patriae conseruandae causa interemerit, cū id per leges non liceret. Nulla denique est causa, in qua id, quod in iudiciū uenit, ex reorum personis, ac non generum ipsorum uniuersa disputatione quaeratur. Quin etiam in ijs ipsis, ubi de facto ambigitur, ceperit ne contra leges pecunias P. Decius, argumenta & criminum, et defensionis reuocentur oportet ad genus, & ad naturam uniuersam, quod sumptuosus, de luxuria, quod alieni appetēs, de auaritia, quod seditiosus, de turbulentis, & malis ciuibus, quod à multis arguitur, de genere testium, contraque quae pro reo dicentur, omnia necessario à tempore, atque homine ad communes rerum, & generum summas reuoluuntur. Atque haec forsitan homini non omnia, quae sunt in natura rerum celeriter animo comprehendenti, permulta uideantur, quae ueniant in iudiciū cum cum de facto quaeratur, sed tamen criminum est multitudo non defensionū, aut locorum infinita. Quae uero, cum de facto non ambigitur, quaeruntur qualia sint, ea si ex reis numeres, et innumerabilia sunt, & obscura, si ex rebus, ualde et modica, & illustra. Nam si Mancini causam in uno Mancino ponimus, quotiescunque is, quem paterpatratus dediderit, receptus non erit, toties causa noua nascetur. Sin illa controuersia causam facit, uideatur ne ei, quem paterpatratus dediderit, si is nō sit receptus, postliminium esse, nihil ad artem dicēdi, nec ad argumenta defensionis Mancini nomē pertinet. Ac siquid affert praeterea hominis aut dignitas, aut indignitas, extra quaestionem est, & ea tamen ipsa oratio ad uniuersi generis disputationem referatur necesse est. Haec ego non eo consilio disputo, ut homines eruditos redarguam, quanquā reprehēdēdi sunt, qui in genere definiendo istas causas describunt in personis, & in temporibus positae esse: nam & si incurrūt tempora, & personae, tamē intelligendum est, non ex ijs, sed ex genere quaestiones pendere causas. Sed hoc nihil ad me: nulum enim nobis certamen cum istis esse debet: tantum satis est intelligi, ne hoc quidem eos consecutos, quod in tanto otio, etiam sine hac forensi exercitatione, efficere potuerunt, ut genera rerum discernerent, eaque paulo subtilius explicarēt: Verum hoc (ut dixi) nihil ad me. Illud ad me, ac multo etiam magis ad uos Cotta noster, & Sulpici, quomodo nūc se istorum artes habent, pertimescenda est multitudo causarum: est enim infinita. Si in personis ponitur, quot homines tot causae, sin ad generum uniuersas quaestiones referuntur, ita modicae, & paucae sunt, ut omnes eas diligentes, & memores, & sobrii oratores peruersas animo, & propē decantatas habere debeāt: nisi forte existimatis à Manio Curio causam didicisse L. Crassum, & ea re multum attulisse, quā obrem posthumo non nato Curium tamen heredem Coponij esse oporteret. Nihil ad copiam argumentorum, neque ad causae uim, ac naturam nomen Coponij, ac Curtij pertinuit: in genere erat uniuerso rei negotijque, non in tempore, ac nominibus omnis quaestio, cum scriptum ita sit, Si mihi filius gignitur, isque prius moritur, & cetera, tum ut mihi ille sit heres. Si natus filius non sit, uideatur ne is, qui filio mortuo institutus heres sit, heres esse. perpetui iuris, & uniuersi generis quaestio non hominum nomina sed rationem dicendi, & argumentorum fontes desiderat. In quo etiam isti nos iuriconsulti impediunt, à discendoque deterret. Video enim in Catonis, et Bruti libris nominatim serē referri, quid

quid alicui de iure, uiro, aut mulieri respōderint: credo ut putaremus in hominibus non in re, consultationis, aut dubitationis causam aliquā fuisse, ut, quod homines essent innumerabiles, debilitati à iure cognoscendo uoluntatem discendi simul cum spe perdiscendi abijceremus. Sed hæc Crassus aliquando nobis expediet, & exponet descripta generatim: est enī, ne forte nescias, heri nobis ille hoc Catule pollicitus, se ius ciuile, quod nunc diffusum, & dissipatū est, in certa genera coacturum, & ad artem facile redacturum. Et quidem inquit Catulus haudquaquam id est difficile Crasso, qui & quod disci potuit de iure, didicit, & quod ijs, qui eum docuerunt, defuit, ipse afferet, ut quæ sint in iure, uel acute describere, uel ornate illustrare possit. Ergo ista inquit Antonius tum à Crasso discemus, cum se de turba, & à subsellijs in otium (ut cogitat) solitudinemq; contulerit. Iam id quidem sæpe inquit Catulus, ex eo audiui, cum diceret, si tibi certum esse à iudicijs, causisq; discedere. sed, ut ipsi soleo dicere, nō licebit. neque enim ipse auxilium suum sæpe à uiris bonis frustra implorari patietur, neque id æquo animo feret ciuitas, quæ si uoce L. Crassi carebit, ornamento quodam sese spoliata putabit. Nam hercle inquit Antonius, si hæc uere à Catulo dicta sunt, tibi mecum in eodem est pistrino Crasse uiuendum, & istam oscitantem, & dormitantem sapientiam, Scæularum, & ceterorum beatorum otio concedamus. Arrisit hic Crassus leuiter, & pertexe modo inquit Antoni, quod exorsus es, me tamē ista oscitans sapientia, simul atq; ad eam confugero, in libertatem uindicabit. Huius quidem loci, quem modo sum exorsus, hic est finis inquit Antonius, quoniam intelligitur non in hominum innumerabilibus personis, neque in infinita temporum uarietate, sed in generum causis, atque naturis omnia sita esse, quæ in dubium uocarentur, genera autem esse definita non solum numero, sed etiam paucitate, ut eam materiam orationis, quæ cuiusque esset generis, studiosi qui essent dicendi, omnibus locis descriptam, instructam, ornatamq; comprehenderent, rebus dico, & sententijs. Ea, ui sua, uerba parient, quæ semper satis ornata mihi quidem uideri solent, si eiusmodi sunt, ut ea res ipsa peperisse uideatur. Ac si uerum queritis, quod mihi quidē uideatur (nihil enim aliud affirmare possum nisi sententiam, & opinionem meam) hoc instrumentum causarum, & generum uniuersorum in forum deferre debemus, neque ut quæque res delata ad nos erit, tum denique scrutari locos, ex quibus argumenta eruamus, quæ quidem omnibus, qui ea mediocriter modo cōsiderarint, studio adhibito, & usu, pertractata esse possunt, sed tamen animus referendus est ad ea capita, & ad illos, quos sæpe iam appellauī locos, ex quibus omnia ad omnem orationem inuenta ducuntur. Atque hoc totum est siue artis, siue animaduersionis, siue consuetudinis, nosse regiones, intra quas uenire debeas, & peruestiges quod quæras. Vbi eum locum omnem cogitatione seperis, si modo usum rerum percallueris, nihil te effugiet, atque omne, quod erit in re, occurret, atque incidet. & sic cum ad inueniendum in dicendo tria sint, acumen, deinde ratio, quam licet (si uolumus) appellemus artem, tertium diligentia, non possum equidem non ingenio primas concedere, sed tamen ipsum ingenium diligentia, etiam ex tarditate, incitat. Diligentia inquam cum omnibus in rebus, tum in causis defendendis plurimum ualet, hæc præcipue colenda est nobis, hæc semper adhibenda, hæc nihil est, quod non assequatur, causa

penitus, quod initio dixi, nota sit, diligentia est, ut aduersarium attente audiamus, atque ut eius non solum sententias, sed etiam uerba omnia excipiamus, uultus denique perspiciamus omnes, qui sensus animi plerumque indicant, id tamen dissimulanter facere, ne sibi ille aliquid proficere uideatur, prudentia est. deinde ut in his locis, quos proponam paulo post, reuoluatur animus, ut se penitus insinuet in causam, ut sit cura, & cogitatione intentus, diligentia est, ut his rebus adhibeat tanquam lumen aliquod memoriam, ut uocem, ut uires: hæc magna sunt. Inter ingenium quidem, & diligentiam per paululum loci reliquum est arti. ars demonstrat tantum ubi quæras, atque ubi sit illud, quod studeas inuenire: reliqua sunt in cura, attentione animi, cogitatione, uigilantia, assiduitate, labore, complectar uno uerbo, quo sæpe iam usi sumus, diligentia, qua una uirtute omnes uirtutes reliquæ continentur: Nam orationis quidem copia uidemus ut abundant philosophi, qui (ut opinor, sed tu hæc Catule melius) nulla dant præcepta dicendi, nec ideo minus quæcunque res proposita est suscipiunt, de qua copiose, et abundanter loquantur. Tum Catulus. Est inquit, ut dicis, Antoni, ut plerique philosophi nulla tradant præcepta dicendi, & habeant paratū tamen quid de quaque re dicant. Sed Aristoteles is, quem maxime ego admiror, proposuit quosdam locos, ex quibus omnis argumentatio nō modo ad philosophorum disputationem, sed etiā ad hanc, qua in causis utimur, inueniretur, à quo quidem homine iamdudū Antoni non aberrat oratio tua, siue tu similitudine illius diuini ingenij in eadem incurris uestigia, siue etiā illa ipsa legisti, atque didicisti, quod quidē mihi magis uerisimile uidetur. plus enim te opere græcis dedisse rebus uideo, quàm putarā. Tū ille, uerum inquit ex me audies Catule, semper ego existimaui iucundiores, & probabiliorem huic populo oratorem fore, qui primum quāminimam artificij aliquid, deinde nullā græcarum rerum significationem daret. atque ego idem existimaui pecudis esse non hominis, cum tantas res græci susciperent, profiterentur, agerent, seque & uidendi res obscurissimas, & bene uiuendi, & copiose dicendi rationem hominibus daturus pollicerentur, non ad mouere aurem, & si palam audire eos non auderes, ne minueres apud tuos ciues auctoritatem tuam, si basculando tamen excipere uoces eorum, & procul quid narrarent attendere. itaque feci Catule, & istorum omnium summarim causas, & genera ipsa gustavi. Valde hercule inquit Catulus, timide tanquam ad aliquem libidinis scopulum, sic tuam mentem ad philosophiam appulisti, quam hec ciuitas aspernata nunquam est: Nam & referta quondam Italia pythagoreorum fuit, tum cum erat in hac gente magna græcia, ex quo etiam quidam Numam Pompiliū regem nostrum, fuisse pythagoreum serunt, qui annis permultis ante fuit, quàm ipse Pythagoras, quo etiam maior uir habendus est, cum illam sapientiam constituendæ ciuitatis duobus propè seculis ante cognouit, quæ eam græci natam esse senserunt: & certe non tulit ullos hæc ciuitas aut gloria clariore, aut auctoritate grauiore, aut humanitate politiores P. Africano, C. Lælio. L. Furio, qui secum cruditissimos homines ex Græcia palam semper habuerunt. Atque ego ex istis sæpe audiui, cum dicerent pergratum Athenienses & sibi fecisse, & multis principibus ciuitatis, quod cum ad senatum legatos de suis maximis rebus mitterent, tres illius ætatis nobilissimos philosophos misissent Carneadem, & Critolaum, & Diogenem, itaque eos dum

Romæ



Quid si ipse amasset? quid mihi hic faciet patri?

Ex pari sic est eiusdem & eripere contra temp. & largiri pecunias. Foris autem assumuntur ea, quæ non sua uis, sed extranea subleuuntur, ut hæc. hoc uerum est: dixit enim Q. Lutatius. hoc salsum est: habita enim quaestio est: hoc ses qui necesse est. recto enim tabulas. de quo genere toto paulo ante dixi. Hæc ut breuissime dici potuerunt, ita à me dicta sunt. Vt enim si aurum cui, quod esset multifariam delossum, cōmostrare uellem, satis esse deberet, si signa, & notas ostenderem locorum, quibus cognitīs, ille sibi ipse foderet, & id, quod uellet paruulo labore, nullo errore inueniret, sic has ego argumētorum noui notas, quæ illa mihi quærenti, demonstrāt ubi sint, reliqua cura, & cogitatione eruantur. Quod autem argumentorum genus cuique causarum generi maxime conueniat, non est artis exquisitæ præscribere, sed est mediocris ingenij iudicare: neque enim nunc id agimus, ut artem aliquam dicendi explicemus, sed ut doctissimis hominibus usus nostri quasi quædam monita tradamus. His igitur locis in mente, & cogitatione delixis, & in omni re ad dicendum posita excicatis, nihil erit, quod oratorem effugere possit, non modo in forensibus disceptationibus, sed omnino in ullo genere dicendi. Si uero assequetur, ut talis uideatur, qualem se uideri uelit, & animos eorum ita afficiat, apud quos aget, ut eos quocunque uelit uel trahere, uel rapere possit, nihil profecto præterea ad dicendum requireret. Iam illud uidemus nequaquam satis esse reperire, quid dicas, nisi id inuentum tractare possis. Tractatio autem uaria esse debet. ne aut cognoscere artem, qui audiat, aut defatigetur similitudinis facietate. Proponi oportet quid afferas, & id quare ita sit, ostendere, & ex ipsidem illis locis interdum concludere, relinquere aliās, aliōq; transire: sepe non proponere, ac ratio ne ipsa afferenda, quid proponendum fuerit, declarare: sicuti quid simile dicas, prius ut simile confirmes, deinde quod agitur adiungas. puncta argumentorum plerumque ut oculis, ne quis ea numerare possit, ut re distinguantur, uerbis confusa esse uideantur. Hæc ut & properans, & apud doctos, & semidoctus ipse percurro, ut aliquando ad illa maiora ueniamus. Nihil est enim in dicendo Catule maius, quàm ut faueat oratori is, qui audiet, utq; ipse sic moueatur, ut impetu quodam animi, & perturbatione magis, quàm iudicio, aut consilio regatur. Plura. n. multo homines iudicant, odio, aut amore, aut cupiditate, aut iracundia, aut dolore, aut lætitia, aut spe, aut timore, aut errore, aut aliqua permotione mentis, quàm ueritate, aut præscripto, aut iuris norma aliqua, aut iudicij formula, aut legibus. quare, nisi quid uobis aliud placet, ad illa pergamus. Paulum inquit Catulus etiam nunc deesse uidetur is rebus Antoni, quas exposuisti, quod sit tibi ante explicandum, quàm illuc proficiscare, quod te dicis intendere. Quid nam inquit? Qui ordo tibi placet inquit Catulus, & quæ dispositio argumentorum, in qua tu mihi semper deus uideri soles. Vide quàm sim in isto genere inquit Catule deus, non mehercule mihi nisi admonito uenisset in mentem, ut possis existimare me in ea, in quibus nonnunquam aliquid efficere uideor, usu solere in dicendo, uel casu potius incurere. Acres quidem ista, quàm ego, quia nō noram, sicutanquam ignotū hominem præteribam, tantum potest in dicendo, ut ad uincendum nulla plus possit. Sed tamē mihi uideris ante tempus à me rationē ordinis, et disponēdā rerū requisisse: Nam si ego omnē uim oratoris in argumētis, & in re ipsa

M. T. Rhe..

Q 3



per se comprobanda posuissē, tempus esset iam de ordine argumētorum, & de collocatione aliquid dicere: sed cum tria sint à me proposita, de uno dictū, cum de duobus reliquis dixerō, tum erit denique de disponenda tota oratione querendum. Valet igitur multum ad dicendum probari mores, instituta, & facta, & uitam, eorum qui agent causas, & eorum pro quibus, & item imo probari aduersariorum, animosq; eorum, apud quos agitur, conciliari quam maxime ad beneuolentiam, cum erga oratorem, tum erga illum, pro quo dicitur orator. Conciliantur autem animi dignitate hominis, rebus gestis, existimatione uitæ, quæ facilius ornari possunt, si modo sunt, quàm fingi, si nulla sunt. Sed hæc adiuvāt in oratore lenitas uocis, uultus, pudoris significatio, uerborum comitas, si quid persequere acrius, ut inuitus, & coactus facere uideare, facilitatis, liberalitatis, mansuetudinis, pietatis, grati animi, nō appetentis, nō auidi signa proferri perutile est, eaq; omnia, quæ proborum, demissorum, nō acrium, non pertinacium, non litigiosorum, non acerborum sunt, ualde beneuolentiam conciliant, ab alienantq; ab ijs, in quibus hæc non sunt. Itaque eadē sunt in aduersarios ex contrario conferenda. Sed genus hoc totum orationis in ijs causis exceller, in quibus minus potest inflammari animus iudicis acris, & uehementi quadam incitatione. Non enim semper fortis oratio queritur, sed sæpe placida, summissa, lenis, quæ maxime commendat reos. reos autem appello non eos modo, qui arguuntur, sed omnes, quorum de re disceptatur: sic enim olim loquebatur. Horum igitur exprimere mores oratione, iustos, integros, religiosos, timidos, perferentis iniuriarum, mirum quiddam ualet, & hoc uel in principijs, uel in re narranda, uel in peroranda tantam habet uim, si est suauiter, & cum sensu tractatum, ut sæpe plus, quàm causa ualeat. tantum autem efficitur sensu quodam, ac ratione dicēdi, ut quasi mores oratoris effingat oratio. genere enim quoddā sententiarum, & genere uerborum, adhibita etiam actione leni, facilitateq; significandi, efficitur, ut probi, ut bene morati, ut boni uiri esse uideantur. Huic autem est illa dispar adiuncta ratio orationis, quæ alio quodam genere mentes iudicum permouet, impellitq; ut aut oderint, aut diligant, aut inuideant, aut saluum uelint, aut metuant, aut spernant, aut cupiant, aut abhorreant, aut lætentur, aut mereant, aut misereantur, aut punire uelint, aut ad eos motus adducantur, si qui finitimi sunt, & propinqui his, ac talibus animi perturbationibus. Atq; illud optādum est oratori, ut aliquam permotionem animorum sua sponte ipsi afferant ad causam iudices, ad id, quod utilitas oratoris feret accommodatam. facilius est enim currētem (ut aiunt) incitare, quàm commouere languentem. Sin id aut non erit, aut erit obscurius, sicut medico diligenti priusquàm conetur egro adhibere medicinam, nō solum morbus eius, cui mederi uolet, sed etiam consuetudo ualentis, & natura corporis cognoscenda est, sic equidem cum aggredior ancipitem causam, & grauem ad animos iudicum pertractandos, omni mente in ea cogitatione, curaq; uersor, ut odoror, quam sagacissime possim, quid sentiant, quid existimēt, quid expectent, quid uelint, quo deduci oratione facillime posse uideantur. Si se dant, & ut ante dixi, sua sponte, quo impellimus inclinant, atque propendent, accipio quod datur, & ad id, unde aliquis status ostenditur, uelado. Sin est integer, quietusq; iudex, plus est operis: sunt enim omnia dicendo excitanda nihil adiuuante natura. Sed tantam uim habet illa, quæ recte à bono poëta dicta est flexanima, atque

atque omnium regina rerum oratio, ut non modo inclinante erigere, aut stantem inclinare, sed etiam aduersantem, & repugnantem, ut imperator bonus, ac fortis capere possit. Hæc sunt illa, quæ me ludens Crassus modo flagitabat, quæ à me diuinitus tractari solere diceret, & in causa M. Aquilij. Caijque Norbani, nonnullisque alijs, quasi præclare acta laudaret, quæ mehercule ego Crasse, cum à te tractantur in causis, horrere soleo, tanta uis animi, tantus impetus, tantus dolor, oculis, uultu, gestu, digito denique isto tuo significari solet: tantum est flumen grauissimorum, optimorumque uerborum, tam integræ sententiarum, tam ueræ, tam nouæ, tam sine pigmentis, sicutque puerili, ut mihi non solum tu incendere iudicem, sed ipse ardere uidearis. Neque fieri potest, ut doleat is, qui audit, ut oderit, ut inuideat, ut pertimescat aliquid, ut ad fletum, misericordiamque deducatur, nisi omnes isti motus, quos orator adhibere uolet iudici, in ipso oratore impressi esse, atque inusti uidebuntur. Quod si fictus aliquis dolor suscipiendus esset, & si in eiusmodi genere orationis nihil esset, nisi falsum atque imitatione simulatum, maior ars aliqua forsitan esset requirenda, nunc ego quid tibi Crasse, quid ceteris accidat, nescio, de me autem causa nulla est, cur apud homines prudentissimos, atque amicissimos mentiar. non mehercule unquam apud iudices, aut dolorem, aut misericordiam, aut inuidiam, aut odium excitare dicendo uolui, quin ipse in commouendis iudicibus istis ipsis sensibus, ad quos illos adducere uellem, permoueret. Neque enim facile est perficere, ut irascatur, cui tu uelis iudex, si tu ipse id lente ferre uideare, neque ut oderit eum, quem tu uelis, nisi te ipsum flagrantem odio ante uiderit. Neque ad misericordiam adducetur, nisi ei tu signa doloris tui uerbis, sententijs, uoce, uultu, collatione denique ostenderis. Vt enim nulla materies tam facilis ad exardescendum est, quæ nisi admoto igni, ignem concipere possit: sic nulla mens est tam ad comprehendendam uim oratoris parata, quæ possit incendi, nisi inflammatus ipse ad eam, & ardens accesseris. Ac ne forte hoc magnum, ac mirabile esse uideatur, hominem toties irasci, toties dolere, toties omni animi motu commoueri, presertim in rebus alienis, magna uis est earum sententiarum, atque eorum locorum, quos agas, tractesque dicendo, ut nihil opus sit simulatione, & fallacijs. Ipsa enim natura orationis eius, quæ suscipitur ad aliorum animos permouendos, oratorem ipsum magis etiam quam quenquam eorum, qui audiunt, permouet. & ne hoc in causis, in iudicijs, in amicorum periculis, in concursu hominum, in ciuitate, in foro accidere miremur, cum agitur non solum ingenij nostri existimatio (nam id esset leuius, quanquam cum profectus sis te id posse facere, quod pauci, ne id quidem negligendum est) sed alia sunt maiora multo, fides, officium, diligentia, quibus rebus adducti, etiam cum alienissimos defendimus, tamē eos alienos, si ipsi uiri boni uolumus haberi, existimare non possumus, sed ut dixi, ne hoc in nobis mirum esse uideatur, quid potest esse tam fictum, quod uersus, quod scena, quod fabulæ: tamen in hoc genere sæpe ipse uidi, cum ex persona mihi ardere oculi hominis histriionis uideretur, ipsodalia illa dicētis. Segregare abs te ausus, aut sine illo salamina ingredi.

Neque paternum a spectum es ueritus.

Nunquam illum aspectum dicebat, quin mihi Thelamon iratus furere licet, et uisum filij uideretur. Vt idem inflexa ad miserabilem sonum uoce, quem ætate exacta indigem.

Liberum lacerasti, orbasti, extinxisti, neque fratris necis
 Neque gnati eius parui, qui tibi in tutelam est traditus.
 flens, ac lugens dicere uidebatur: Quæ si ille histrio cotidie cum ageret, tam
 men recte agere sine dolore non poterat, quid Pacuuium putatis in scribendo
 leni animo, ac remisso fuisse? Fieri nullo modo potuit. Sæpe enim audiui, pos-
 setam bonum neminem (id quod à Democrito, & Platone in scriptis relictum
 esse dicunt) sine inflammatione animorum existere posse, & sine quodam abs-
 flatu quasi furoris. Quare nolite existimare me ipsum, qui non heroum ueteres
 calus, fictosque luctus uellem imitari, æque adumbrare dicendo, neque actor
 essem alienæ personæ, sed auctor meæ, cum mihi M. Aquilius in ciuitate retinendus
 esset, quæ in illa causa peroranda fecerim, sine magno dolore fecisse:
 Quem enim ego consulens fuisse, imperatorem ornatum à senatu, ouantem in
 capitulum ascendisse meminissem, hunc cum afflictum, debilitatum, moerentem,
 in summum discrimen adductum uiderem, non prius sum conatus misericordiam
 alijs commouere, quam misericordia sum ipse captus. Sensi equidem
 tum magnopere moueri iudices, cum excitaui moerstem, ac sordidatum senem,
 & cum ita feci, quæ tu Crasse laudas, non arte, de qua quid loquar nescio, sed
 motu magno animi, ac dolore, ut discinderem tunicam, ut cicatrices ostenderem,
 cum C. Marius moerorem orationis meæ præfens, ac sedens multum lacrimis
 suis adiuuaret, cumque ego illum crebro appellans collegam ei suum commendarem,
 atque ipsum aduocatum ad communem imperatorum fortunam defendendam inuocarem,
 non fuit hæc sine meis lacrimis, non sine dolore magno miseratio, omniumque deorum,
 & hominum, & ciuium, & sociorum imploratio, quibus omnibus uerbis, quæ à me
 tum sunt habita, si dolor ab fuisset meus, non modo non miserabilis, sed etiam
 irridenda fuisset oratio mea. Quamobrem hoc uos doceo Sulpici, bonus ego uidelicet,
 atque eruditus magister, ut in dicendo irasci, ut dolere, ut flere possitis,
 quanquam te quidem quid hoc doceam qui in accusando sodali, & quaestore
 meo tantum incendium non oratione solum, sed multo etiam magis ui, et dolore,
 & ardore animi concitaras, ut ego ad id restinguendum uix conarer accedere:
 habueras enim tum omnia in causa superiora, uim, fugam, lapidationem,
 crudelitatem tribuniciam à Cepionis graui, miserabilique casu, in iudiciū uocabas,
 deinde principem & senatus, & ciuitatis M. Æmilium lapide percussum
 esse constabat, ui pulsum ex templo L. Corneliæ. & T. Didium, cum intercedere
 uellent rogationi, nemo poterat negare. Accedebat, ut hæc tu adolescens pro
 rep. queri summa cum dignitate existimares, ego homo censorius uix satis
 honeste uiderer seditionis ciuem, & in hominis consularis calamitate crudelem,
 posse defendere. Erant optimi ciues iudices, bonorum uirorum plenum forum,
 uix ut mihi tenuis quædam uenia daretur excusationis, quod tamen eum
 defenderem, qui mihi quaestor fuisset. Hic quid ego dicam me artem aliquam
 adhibuisse? quid fecerim narrabo, si placuerit, uos meam defensionem in aliquo artis loco reponetis. Omnium
 seditionum genera, uitia, pericula collegi, eamque orationem ex omni reip.
 nostræ reip. uarietate repetiui, conclusique ita, ut dicerem, & si omnes molestæ
 semper seditiones fuissent, iustas tamen fuisse nonnullas, et propè necessarias.
 tū illa, quæ modo Crassus commemorabat, egi, neque reges ex hac ciuitate
 exigi, neque tribunos pl. creare, neque plebiscitis toties consularem potestatem minui

neque



miserijs permista esse uideatur. Iam misericordia mouetur, si is, qui audit, adduci potest, ut illa, quæ de altero deplorentur, ad suas res reuocet, quas aut uerit acerbis, aut timeat, aut intus aliū crebro ad seipsum reuertatur. ita cū singuli casus humanarum miseriarum grauiter accipiuntur, si dicuntur dolenter, tum afflicta, & prostrata uirtus maxime luctuosa est, & ut illa altera pars orationis, quæ probitatis commendatione boni uiri debet speciem tueri, lenis (ut sæpe iam dixi) atque summissa, sic hæc, quæ suscipitur ab oratore ad commouendos animos, atq; omni ratione flectendos, ingenta, ac uehemens esse debet. Sed est quædam in his duobus generibus, quorum alterum lenè, alterum uehemens esse uolumus, difficilis ad distinguendum similitudo: nam ex illa lenitate, qua conciliamur ijs, qui audiunt, ad hanc uim acerrimam, qua eosdem excitamus, influat oportet aliquid, & ex hac uim nonnunquam animi aliquid influendum est illi lenitati, neque est ulla temperatio oratio, quam illa, in qua asperitas contentionis oratoris ipsius humanitate conditur: remissio autem lenitatis quadam grauitate, & contentione firmatur. In utroque autè genere dicendi, & illo, in quo uis, atq; contentio queritur, & hoc, quod ad uitam, & mores accommodatur, & principia tarda sunt, & exitus tamen spissi, & producti esse debent. Nam neq; assiliendum statim est ad illud genus orationis (abest enim totum à causa) & homines prius ipsum illud, quod proprium sui iudicii est, audire desiderant, nec cum in eam rationem ingressus sis, celeriter discedendum est: non enim sicut argumentum simulatque positum est, arripitur, alterumq; & tertium poscitur, ita misericordiam, aut inuidiam, aut iracundiam, si mulatq; intuleris, possis commouere: Argumentum enim ratio ipsa confirmat, quæ simulatq; emissæ est, adhærescit, illud autem genus orationis non cognitionem iudicis, sed magis perturbationem requirit, quam consequi nisi multa, & uaria, & copiosa oratione, & simili contentione actionis nemo potest: quare qui aut breuiter, aut summissè dicunt, docere iudicem possunt, commouere non possunt, in quo sunt omnia. Iam illud perspicuum est, omnium rerum in contrarias partes facultatem ex iisdem suppeditari locis. Sed argumento resistendum est, aut ijs, quæ comprobandi eius causa sumuntur, reprehendendis, aut demonstrando id quod concludere illi uelint, non effici ex propositis, nec esse consequens, aut si ita non refellas, asserendum est in contrariâ partem, quod sit aut grauius, aut eque graue. Illa autem, quæ aut conciliationis causa leuiter, aut per motionis uehementer aguntur, contrarijs commotionibus inferenda sunt, ut odio, beneuolentia, misericordia inuidia tollatur. Suauis autem est, & uehementer sæpe utilis iocus, & facetiæ, quæ etiam si alia omnia tradi arte possunt, naturæ sunt propria certe, neque ullam artem desiderant, in quibus tu longe alijs mea sententia Cæsar excellis, quo magis mihi etiam testis esse potes, aut nullam esse artem salis, aut si qua est, eam tu nos potissimum docebis. Ego uero inquit Cæsar omni de re facetius puto posse ab homine non inurbano, q̃ de ipsis facetijs disputari. Itaq; cum quosdam græcos in scriptos libros esse uis disse de ridiculis, nonnullam in spem ueneram posse me aliquid ex istis discere, inueni autem ridicula, & falsa multa græcorum, nam & siculi in eo genere, & Rhodij, & Byzantij, & præter ceteros Attici excellunt, sed qui eius rei rationem quandam conati sunt, artemq; tradere, sic insulsi extiterunt, ut nihil aliud eorum nisi ipsa insulitas rideatur. Quare mihi nullo uidetur modo do-

etrina ista res posse tradi. Etenim cum duo genera sint facetiarum, alterū equa-
bilitate in omni sermone fufum, alterum peracutum, & breue, illa à ueteribus fu-
perior, cauillatio, hæc altera, dicacitas nominata est. leue nomen habet utraq;
res, q̃ppe leue. n. est totū hoc, risum mouere. Verū tamen, ut dicis Antoni mul-
tum in causis perſepe lepore, & facetijs profici uidi. Sed cum in illo genere per-
petuæ festiuitatis ars non desideretur. natura. n. fingit homines, & creat, imi-
tatores, & narratores facetos, & uultu adiuuante, et uoce, & ipso genere sermo-
nis, tum uero in hoc altero dicacitatis, quid habet ars loci? cum ante illud face-
tum dictum emissum herere debeat, quā cogitari potuisse uideatur? Quid
n. hic meus frater ab arte adiuuari potuit, cum à Philippo interrogatus quid
lacraret, furē se uidere respondit. quid in omni oratione Crassus, uel apud cen-
tum uiros contra Scæuolam, uel contra accusatorem Brutū, cum pro Cn. Pla-
co diceret? nam id, quod tu mihi tribuis Antoni, Crasso est omnium sententi-
a concedendum: non enim ferē quisquam reperietur præter hunc in utroque ge-
nere leporis excellens, & illo, quod in perpetuitate sermonis, & hoc, quod in
celeritate, atq; dicto est. Nam hæc perpetua contra Scæuolam curiana defen-
sio tota redundauit hilaritate quadam, & ioco, dicta illa breuia non habuit:
parcebat enim aduersarij dignitati, in quo ipso seruabat suam, quod est homi-
nibus facetis, & dicacibus difficillimum, habere hominum rationem, & tem-
porum, & ea, quæ occurrant, cum salissimè dici possunt, tenere. Ita que non uul-
si ridiculi homines hoc ipsum non infulse interpretantur: dicere. n. aiūt Enni-
um flammam à sapiente facilius ore in ardēte opprimi, quā bona dicta tenere,
hæc scilicet bona dicta, quæ falsa sint: nā ea dicta appellantur proprio iā nomi-
ne. Sed ut in Scæuolam cōtinuū ea Crassus, atq; illo altero genere, in quo nulu-
li aculei contumeliarū inerant, causam illam, disputationemq; lufit, sic in Bru-
to, quem oderat, & quem dignum contumelia iudicabat, utroque genere per-
gnauit. quā multa de balneis, quas nuper ille uendiderat, q̃ multa de amisso
patrimonio dixit: atque illa breuia, cum ille diceret se sine causa sudare, mini-
me mirum inquit, modo enim existi de balneis. Innumerabilia huiusmodi
fuerunt, sed non minus iucunda illa perpetua: cum enim Brutus duos lecto-
res excitasset, & alteri de colonia narbonensi Crassi orationem legendam de-
disset, alteri de lege seruilia, & cum contraria inter sese de rep. capita contulisset,
noster hic facetissimè tres patris Bruti de iure ciuili libellos tribus legēdos
dedit. Ex libro primo. FORTE EVENIT, VT IN PRIVERNATI
ESSEMVS. Brute, testificatur pater se tibi priuernatem fundum reliquisse.
deinde ex libro secundo. IN ALBANO ERAMVS EGO, ET M. FIP-
LIVS. Sapiēs uidelicet homo cum primis nostræ ciuitatis, norat hunc guro-
gitem, metuebat, ne cum is nihil haberet, nihil esse ei relictum putaretur. tum
ex libro tertio, in quo finem scribendi fecit, tot enim, ut audiui Scælā dicere,
sunt ueri Bruti libri. IN TIBVRTI FORTE ASSEDIMVS EGO,
ET M. FILIVS. Vbi sunt ij fundi Brute, quos tibi pater publicis commē-
tarijs consignatos reliquit? quod nisi puberem te inquit iam haberet, quartū
librum composuisset, & se etiam in balneis locutum cū filio scriptum reliquisset.
Quis est igitur, qui non fateatur hoc lepore, atque ijs facetijs, non minus
refutatum esse Brutum, quā illis tragœdijs, quas egit idem: cum casu in eam
dem causa cum funere efficeretur anus Iunia, prohi dii immortales, quæ fuit illa,
quanta

quanta uis, quàm inexpectata, quàm repentina: cū coniectis oculis, gestu omni imminēti, summa grauitate, & celeritate uerborum, Brute quid sedes? quid illā anum patri nūtiare uis tuo? quid illis omnibus, quorum imagines duci uides? quid maioribus tuis? quid L. Bruto, qui hunc populum dominatu regio liberauit? quid te facere? cui rei, cui gloriæ, cui uirtuti studere? patrimonio ne augendo? at id non est nobilitatis, sed fac esse, nihil superest, libidines totum dissipauerunt. an iuri ciuili? est paternum, sed dicet te, cum gdes uenderes, ne in rutis quidem, & cælis solium tibi paternum recepisse, an rei militari? qui nunc quam castra uideris, an eloquentiæ? quæ nulla est in te, & quid quid est uocis, ac linguæ omne in istum turpissimum calumniæ quæstum contulisti. Tu lucem aspiciere audes? tu hos intueri? tu in foro? tu in urbe? tu in ciuium esse conspectu? tu illam mortuam? tu imagines ipsas non perhorrescis? quibus non modo imitandis, sed ne collocandis quidem tibi ullum locum reliquisti. Sed hæc tragica, atque diuina, faceta autem, & urbana innumerabilia ex una conuersione meministis. nec enim cōcio maior unquam fuit, nec apud populum grauior oratio, quàm huius contra collegam in censura nuper, neque lepore, & festiuitate conditor. Quare tibi Antoni utrunque assentior, & multum facietas in dicendo prodesse scire, & eas arte nullo modo posse tradi. & illud quidem admiror, te nobis in eo genere tribuisse tantum, & non huius rei quoque palmam, ut ceterarum Crasso detulisse. Tum antonius, Ego uero ita fecisse me, inquit, nisi interdum in hoc Crasso paulum inuiderem: nam esse quamuis facetum, atque salsum, non nimis est per se ipsum inuidendum, sed cum omnium sis uenustissimus, & urbanissimus, omnium grauissimus, & seuerissimus & esse, & uideri, quod isti contigit uni, id mihi uix ferendum uidebatur. Hic cum arrisisset ipse Crassus, Attamen inquit Antonius, cum artem esse facietiarum ullam negares, aperuisti quiddam, quod præcipiendum uideretur. Haberi enim dixisti rationem oportere hominum, rei, tēporis, nequid iocus de gauitate decerneret, quod quidem in primis à Crasso obseruari solet. Sed hoc præceptum prætermittendū est facietiarū, quod his nihil opus sit, nos autem quomodo utamur, cum opus sit, querimus, ut in aduersarium, & maxime si eius stultitia poterit agitari, in testem stultum, cupidum, leuem, si facile homines audituri uidebuntur. Omnino probabiliora sunt, quæ lacessiti dicimus, quàm quæ priores: nam & ingenij celeritas maior est, quæ apparet in respondendo, & humanitatis est responsio: uideremur enim quieturi fuisse, nisi essemus lacessiti. ut in ista ipsa cōcione nihil ferē dictum est ab hoc, quod quidem facietius dictū uideretur, quod non prouocatus responderit: erat autē tanta grauitas in Domitio, tanta auctoritas, ut quod esset ab eo obiectum, lepore magis elcuandum, quàm contentione frangendum uideretur. Tum Sulpicius, Quid igitur inquit, patiemur Cæsarem, qui quanquam Crasso facietias concedit, tamen multo in eo studio magis ipse elaborat, non explicare totum nobis genus hoc iocandi, quale sit, & unde deducatur: presertim cum tantam uim, & utilitatem salis, & urbanitatis esse fateamur. Quid si inquit Iulius assentior Antonio dicēti nullam esse artem salis? Hic cum Sulpicius reticuisset, quasi uero inquit Crassus, horum ipsorum, de quibus Antonius tandiu loquitur, ars ulla sit: observatio quædam est, ut ipse dixit, earum rerum, quæ in dicendo ualent, quæ si eloquentes facere posset, quis esset non eloquens?

quis enim hæc uel non facile, uel certe aliquo modo posset edificare? Sed ego in his præceptis hanc uim, & hanc utilitatem esse arbitror, non ut ad reperendum, quid dicamus arte ducamur, sed ut ea, quæ natura, quæ studio, quæ exercitatione consequimur, aut recta esse confidamus, aut praua intelligamus, cum quo referenda sint, didicerimus. Quare Cæsar ego quoque à te hoc peto, ut, si tibi uideatur, disputes de hoc toto iocandi genere, quid sentias, nequa forte dicendi pars, quoniam ita uoluistis, in hoc tali coetu, atque in tam accurato sermone præterita esse uideatur. Ego uero inquit ille, quoniam am collectam à conuiuia Crasse exigis, non committam, ut si defugerim, tibi causam aliquam dem recusandi, quanquam soleo sæpe mirari eorum impudentiam, qui agunt in scena gestum spectante Roscio: quis enim sese commouere potest, cuius ille uitia non uideat? sic ego nunc Crasso audiente primum loquar de facetijs, & docebo sus (ut aiunt) oratorem eum, quem cum Catulus nuper audisset, scenum alios aiebat esse oportere. Tum ille, iocabatur inquit Catulus, presertim cum ita dicat ipse, ut ambrosia alendus esse uideatur, uerum te Cæsar audiamus, ut ad Antonij reliqua redeamus. Et Antonius, Per pauca quidem mihi restant, inquit, sed tamen defessus iam labore, atque itinere disputationis, requiescam in Cæsaris sermone, quasi in aliquo peropportuno diuersorio. Atqui inquit Iulius non nimis liberale hospitium meum dices, nam te in uiam simul ac perpaululum gustaris, extrudam, et ejiciam. Ac ne diutius uos demorer, de omni isto genere, quid sentiam perbreuius exponam. De risu quinque sunt, quæ quærantur, unum, quid sit, alterum, unde sit, tertium, siue oratoris uelle risum mouere, quartum, quatenus, quintum, quæ sint genera ridiculi. Atque illud primum, quid sit ipse risus, quo pacto concitetur, ubi sit, quomodo existat, atque ita repente erumpat, ut cum cupientes tenere nequeamus, & quomodo simul latera, os, uenas, uultum, oculos occupet, uiderit Democritus, neque enim ad hunc sermonem hoc pertinet, & si pertineret, nescire me tamen id non puderet, quod ne ipsi quidē illi scirent, qui pollicetur. Locus autem, & regio quasi ridiculi (nam id proxime me quaeritur) turpitudine, & deformitate quadā continetur: hæc enim ridetur uel sola, uel maxime, quæ notant, & designant turpitudinem aliquam non turpiter. Est autem, ut ad illud tertium ueniam, est planè oratoris mouere risum, uel quod ipsa hilaritas beneuolentiam conciliat ei, per quem excitata est, uel quod admirantur omnes acumen uno sæpe in uerbo positum, maxime respondentis, nonnunquam etiam laessentis, uel quod frangit aduersarium, quod impedit, quod eleuat, quod deterret, quod refutat, uel quod ipsum oratorem positum esse hominem significat, quod eruditum, quod urbanum, maxime quod tristitiam, ac seueritatem mitigat, & relaxat, odiosasque res sæpe, quas argumentis dilui non facile est, ioco, risuque dissoluit. Quatenus autem sine ridicula tractanda oratori, perquam diligenter uidendum est, id quod in quarto loco quaerendi posueramus: nā nec insignis improbitas, & scelere iuncta, nec rursus miseria insignis agitata ridetur. facinorosos maiore quadam uis, quam ridiculi, uulnerari uolunt, miseros illudi nolunt, nisi si se forte iactant. Parcendum est autem maxime caritati hominum, ne temere in eos dicas, qui diliguntur. Hæc igitur adhibenda est primum in iocando moderatio, itaque ea facillime luduntur, quæ neque odio magno, nec misericordia maxima digna

digna sunt. Quamobrem materies omnis ridiculorum est in istis uitijs, quæ sunt in uita hominum neque carorum, neque calamitosorum, neque eorum, qui ob facinus ad supplicium rapiendi uidentur, eaſq; belle agitata ridentur. Est etiam deformitatis, & corporis uitiorum satis bella materies ad iocandum.

Sed querimus idem, quod in ceteris rebus maxime querendum est, quatenus. In quo non modo illud præcipitur, nequid infulſe, sed etiam siquid per ridicule possis: uitandum est oratori utrunque, ne aut scurrilis iocus sit, aut mimicus. Quæ cuiusmodi sint, facilius iam intelligemus, cum ad ipsa ridiculorum genera uenerimus: Duo enim sunt genera facetiarum, quorum alterum re tractatur, alterum dicto. Re, si quando quid tanquam aliqua fabella narratur, ut olim tu Crasse in Memmium, comedisse eum Lacertum Largij, cum esset cum eo Tarracinge de amicula rixatus, falsa, attamē a te ipso ficta tota narratio, addidisti clausulam, tota Tarracina, tum omnibus in parietibus inferiſſas fuisse literas, tria. L L L. duo. M M. Cum quæres id quid esset, senem tibi quēdam oppidanum dixisse, lacerat lacertum Largij mordax Memmius. Perſpicitis hoc genus quā sit facetum, quā elegans, quā oratorum, siue habeas uere quod narrare possis, quod tamen est mendaciunculis aspergendum, siue fingas. Est autem hæc huius generis uirtus, ut ita facta demonstrēs, ut mores eius, de quo narres, ut sermo, ut uultus omnes exprimantur, ut iſſes, qui audiunt, tum geri illa, fieriq; uideantur. In re est item ridiculum, quod ex quadam deprauata imitatione sumi solet, ut idem Crassus: per tuam nobilitatem, per uestram familiam. quid aliud fuit in quo concio rideret, nisi illa uultus, & uocis imitatio: per tuas statuas uero cum dixit, & extento brachio paululum etiam de gestu addidit, uehementius risimus. Ex hoc genere ē illa roſciana imitatio senis,

Tibi ego Antipho assero inquit, senium est cum audio.

Atque ita est totum hoc ipso genere ridiculum, ut cautissime tractandum sit. mimorum est enim ethologorum, si nimia est imitatio, sicut obscenitas: orator surripiat oportet imitationem, ut is, qui audiat, cogitet plura quā uidet, at, præſtet idem ingenuitatem, & ruborem suum uerborū turpitudine, & rerum obscenitate, uitanda hæc ergo duo genera sunt eius ridiculi, quod in re positum est, quæ sunt propria perpetuarum facetiarum, in quibus describuntur hominum mores, & ita effinguntur, ut aut re narrata aliqua, quales sunt intelligantur, aut imitatione breui iniecta in aliquo insigni ad irridendū uitio reperiantur. In dicto autē ridiculū est id, quod uerbi, aut lenitæ quodā acumine mouetur: sed ut in illo superiore genere, uel narrationis, uel imitationis, uitanda est pere fugienda est. Qui igitur distinguemus a Crasso a Catulo a ceteris familiarem uestrū Granium, aut Vargulā amicum meum? non mehercule in mentem mihi quidē uenit, sunt enim dicaces, Granio qudē nemo dicacior. Hoc opinor, primū, ne, quotiescunq; potuerit dictū dici, necesse habeamus dicere. Pusillus testis processit, licet inq; rogare Philippus: tū quæſitor, properās modo breuiter, hic ille, nō accusabis, perpussillum rogabo. ridicule, sed sedebat iudex L. Aurifex breuior etiam, ipse quā testis, omnis est risus in iudicē conuersus, uisum est totum scurrile iudicium. Ergo hæc, quæ cadere possunt in quos nolis, quamuis sint bella, sunt tamen ipso genere scurrilia, ut iste, qui se uult dicacē, &

M. T. Rhe.

R z

mehercule est, Appius, sed nonnunquam in hoc vitium scurrile delabitur. Cernabo inquit apud te, huic lusco familiari meo C. Sextio, uni enim locum esse uideo. Est hoc scurrile, & quod sine causa laceffiuit, et tamē id dixit, quod in omnes lufcos cōueniret, ea quia meditata putantur esse, minus ridētur. Illud egrēgiū Sextij, et extempore, manus laua inquit, et cena. Temporis igitur ratio, & ipsius dicacitatis moderatio, & temperantia, & raritas dictōrū distinguēt oratorem à scurra, & quod nos cum causa dicimus, non ut ridiculi uideamur, sed ut proficiamus aliquid, illi totum diem, & sine causa. Quid enim est Variegula assecurus? cum cū candidatus A. Sempronius cum Marco suo fratre cōplexus esset, puer abige muscas. risum quæsiuit, qui est mea sententia uel tenuissimus ingenij fructus. Tempus igitur dicendi prudentia, & grauitate moderabimur, quarum utinam a reem aliquam haberemus, sed domina natura est.

Nunc exponamus genera ipsa summatim, quæ risum maxime moueāt. Hæc igitur sit prima partitio, quod facere dicatur, id alias in re habere, alias in uerbo facietas, maxime autem homines delectari, si quando risus coniūctē re, uerboq; moueatur. Sed hoc mementote, quosunque locos attingam, unde ridicula ducātur, ex iisdem locis frētiam graues sentēcias posse duci, tantum interest quod grauitas honestis in rebus seuerē, iocus in turpibus, & quasi deformibus ponitur, uelut in iisdem uerbis & laudare frugi seruū possumus, et si est nequam, iocari. Ridiculum est illud Neronianum uetus in furace seruo, solum esse, cui domi nihil sit nec obsignatum, nec occlusum. quod idem in bono seruo dici solet, sed hoc iisdem etiam uerbis. Ex iisdem autem locis omnia nascuntur, nam quod Sp. Caruiliū grauitē claudicanti ex uulnere ob remp. accepto, & ob eam causam uerecundanti in publicū prodire mater, dixit, quin prodis mi Spuri, quotiescunque gradum facies, toties tibi tuarum uirtutum ueniet in mentem. Præclarum & graue est: quod Caluino Glaucia claudicanti, ubi est uetus illud? num claudicat? at hic clodicat. Hoc ridiculū est, et utrūque ex eo, quod in claudicatione animaduerti potuit, est ductū. quid hoc Nazario ignauius? Seuerē Scipio. At in male olentem uideo me à te circūueniri. Subridicule Philippus. At utrūq; genus continet uerbi ad literā immutati similis. Ex ambiguo dicta, uel argutissima putantur, sed nō semper in ioco, sepe etiā in grauitate uersantur. Africano illi maiori coronam sibi in conuiuio ad caput accommodanti, cū ea sepius rumperetur. P. Licinius Varus, noli mirari inquit, si nō conuenit, caput enim magnum est. Laudabile, et honestū. At ex eodē genere est. Caluus satis est, quod dicit. Parum ne multa? nullū genus est ioci, quo non ex eodē seuera, & grauia sumantur. Atq; hoc etiam animaduertendum, non esse omnia ridicula faceta: quid enim potest tam ridiculum, q̃ Sannio est? sed ore, uultu, imitandis moribus, uoce, deniq; corpore ipso ridetur, falsum hunc possum dicere, atq; ita non, ut eiusmodi oratorem esse uelim, sed ut mimum. Quare primū genus hoc quod risum uel maxime mouet, non est nostrum, morosum, superstitiosum, suspiciosum, gloriosum, stultū. naturæ ridentur ipse, quas psonas agitare solemus non sustinere. Alterū genus est imitatione admodum ridiculū, sed nobis tantum licet surtim, si quando, et cursim. Alterum minime est liberale. Tertium, oris deprauatio, non digna nobis. Quartum obsecenitas, non solum non foro digna, sed uix conuiuio liberorū. Detractis igitur tot rebus ex hoc oratorio loco, facietis reliquæ sunt, quæ aut in

re, ut ante dixi, posite videntur esse, aut in verbo: nam quod quibuscunque uerbis dixeris, facetum tamen est, re continetur: quod mutatis uerbis saltem amittit, in uerbis habet leporem omnem. Ambigua sunt in primis acuta, atque in uerbo posita, non in re, sed non sæpe magnum risum mouent, magis ut bellè, et literatè dicta laudantur, ut in illum Titium, qui cum studiose pila luderet, et idem signa sacra noctu frangere putaretur, gregalesque cum in campum non uenisse requirerent, excusauit Vespas Terentius, quod cum brachiū fregisse diceret, ut illud Africani, quod est apud Lucilium.

Quid Decius Nukulam, an confixum uis facere inquit? Vetus amicus Crasse Granius, non esse sextantis. Et si quaeritis, is qui appellatur dicax, hoc genere maxime excellit, sed risus mouent alia maiores. Ambiguū per se ipsum, probatur id quiddē, ut ante dixi uel maxime, ingeniosi enim uidetur uim uerbi in aliud, atque ceteri accipiant, posse ducere, sed admirationē magis, quā risum mouet, nisi si quādo incidit in aliud genus ridiculi: quæ genera percurram equidem, sed scitis esse notissimum ridiculi genus, cum aliud expectamus, aliud dicitur, hic nobis metipsis noster error risum mouet, quod, si admissum est etiam ambiguum, sit falsius, ut apud Næuium, uidetur esse misericos ille, qui iudicatum duci uidet, percunctatur ita,

Quanti addictus? mille nummum,
Si addidisset tantummodo, ducas licet, esset illud genus ridiculi præter expectationem, sed quia addidit

Nihil addo, ducas licet.

Addito ambiguo altero genere ridiculi, fuit, ut mihi quidem uidetur, falsissimus. Hoc tū est uenustissimū, cum in altercatione arripitur ab aduersario uerbum, & ex eo, ut a Catulo in Philippum, in eum ipsum aliquid, qui lacescit, infligitur. Sed cum plura sint ambigui genera, de quibus est doctrina quadā subtilior, attendere, & aucupari uerba oportebit, in quo, ut ea, quæ sint frigidiora uitemus: etenim cauendum est, ne arcessitum dictum putetur, per multa tamen acute dicemus. Alterum genus est, quod habet paruam uerbi immutationem, quod in litera positum graeci uocant *μεταρσησιν*, ut nobiliorem morbiorem Cato, aut ut idem, cum euidam dixisset, eamus deambulatum, & ille, quid opus fuit de? immo uero inquit, quid opus fuit te? aut eiusdem responsio illa, si tu & aduersus, & auersus impudicus es. Etiam interpretatio nominis habet acumen, cum ad ridiculum conuertas, quam obrem ita quis uocetur, ut ego nuper, Nummum diuisorem, ut Neoptolemum ad Troiam, sic illum in campo martio nomen inuenisse: atque hæc omnia uerbo continentur. Sæpe etiam uersus facere interponitur, uel ut est, uel paululū immutatus: aut aliqua pars uersus, ut Satiū Scauro stomachati, ex quo sunt nonnulli, qui tuā legem de ciuitate natam Crasse dicant,

St, tacete, quid hoc clamoris est: quibus nec pater, nec mater sit

Tanta confidentia estis, auferte istam enim superbiam.

Nam in Cecilio sanè etiā ad causam utile fuit tuū illud Antoni, cum ille à se per coniam profectū diceret testis, & haberet filium delicatiorē, abeunte iam illo,

Scenā senem esse tactum triginta minis.

In hoc genus consueiuntur prouerbia, ut illud Scipionis cū Afellus omnis prouincias stipendia merentē se peragrasse gloriaretur, agas Afellum, & cetera.

M. T. R. he.

R 3

Quare ea quoque quoniam mutatis uerbis non possunt retinere eandem uenustatem, non in re, sed in uerbis posita ducantur. Est etiam in uerbo positum non insulsum genus ex eo, cum ad uerbum, non ad sententiam rem accipere uideatur. ex quo uno genere totus est, tutor mimus uerus oppido ridiculus. Sed ab eo à mimis, tantum genus huius ridiculi insigni aliqua, & nota re notari uolo. Est autem ex hoc genere illud, quod tu Crasse nuper, ei, qui te rogasset, num tibi molestus esset futurus, si ad te bene ante lucē uenisset, tu uero inquisiti molestus non eris: iubebis igitur te inquit fuscitari? & tu, certe negaras te molestum futurum. Ex eodem hoc uetus illud est, quod aiunt Maluginensem illum M. Scipionem, cum ex centuria sua renuntiaret Accidinum confusum, præcoq; dixisset, dic de L. Manlio, uirum bonum inquit, egregiumq; ciuem esse arbitror. Ridicule etiam illud L. Portius Nasica cenfori Catoni, cum ille ex tui animi sententia tu uxorem habes? non hercule inquit, ex animi mei sententia. Hæc aut frigida sunt, aut tum falsa, cum aliud est expectatum: natura enim nos (ut ante dixi) non ster delectat error, ex quo cum quasi decepti sumus expectatione, ridemus. In uerbis etiam illa sunt, quæ aut ex immutata oratione ducuntur, aut ex unius uerbi translatione, aut ex inuersione uerborum. Ex immutatione, ut olim Rufa, cum legem ferret annalem, dissuasor M. Seruilius, dic mihi inquit M. Pinnari, num, si contra te dixerō, mihi male dicturus es, ut ceteris fecisti? ut sementem feceris, ita metes inquit. Ex translatione autem, ut cum Scipio ille maior corinthiis statuam pollicentibus eo loco, ubi aliorum essent imperatorum, turmales dixit displicere. Inuertuntur aut uerba, ut Crassus apud M. Perpennā iudicem pro Aculeone cum diceret, aderat contra Aculeonem Gratidiano L. Heluius Lamia deformis, ut nostis, qui cum interpellaret odiose, audiamus inquit pulchellum puerum Crassus, cum esset arrius, non potui mihi inquit Lamia formam ipse fingere, ingenium potui: tum hic, audiamus inquit disertum: multo etiam arrius est uehementius. Sūt etiam illa uenusta, ut in grauib; sententijs, sic in facetijs. Dixi enim dudum materiam aliam esse ioci, aliam seueritatis, grauium autem, & iocorum unam esse rationem. Ornant igitur in primis orationem uerba relata cōtrariē, quod idem genus est sepe etiam facetum, ut Ser. ille Galba, cū iudices L. Scribonio Trib. Pl. ferret familiares suos, & dixisset Libo, quando tandem Galba de triclinio tuo exibis? cum tu inquit de cubiculo alieno. A quo genere ne illud quidē plurimum distat, Glautia Metello, uillam in Tyburte habes, cortem in palatio. Ac uerborum quidem genera, quæ essent faceta, dixisse me puto. Rerū plura sunt, ea q; magis (ut dixi antē) ridentur, in quibus est narratio, res sanē difficilior. Exprimenda enim sunt, & ponenda ante oculos ea, quæ uideantur, & uerisimilia, quod est proprium narrationis, & quæ sint, quod ridiculi proprium est, subitupia, cuius exemplum, ut breuissimum, sit sanē illud, quod ante posui Crassi de Memmio. Et ad hoc genus ascribamus etiam narrationes apolo-
gorum. Trahitur etiam aliquid ex historia, ut cum Sex. Titius se Cas-
sianam esse diceret, multos inquit Antonius possum tuos Aiaces Oileos nominare. Est etiam ex similitudine, quæ aut collationem habet, aut tanquam imaginem, collationem, ut ille Gallus olim testis in Pisonem, cum innumera-
bilem Magio præfecto pecuniam dixisset datam, idē Scaurus tenuitate Ma-
gi redargueret, erras inquit Scaure, ego enim Magium non conseruasse dico,
sed tanquam

sed tanquam nudus nucis legeret in vētrem abstulisse. Vt illud M. Cicero senex huius uiri optimi nostri familiaris pater, nostros homines similes esse syrorum uenaliū, ut quisque optime græce sciret, ita esse nequissimū. Valde autem ridentur etiam imagines, quæ serè in deformitatem, aut in aliquod uitium corporis ducuntur, cum similitudine turpioris, ut meum illud in Helmiū Manciam iam ostendam cuiusmodi sis, cum ille, ostende quæso, demonstraui digito pictum Gallum in mariano scuto cimbrico sub nodis distortum, eiecta lingua, buccis fluentibus: Risus est commotus, nihil tam Mancie simile uisum est. ut cum Testio Penario mentum in dicendo intorquēti, tum ut diceret, si quid uellet, si nucem fregisset. Etiam illa, quæ minuendi, aut augēdi causa ad incredibilem admirationem efferuntur, uelut tu Crasse in cōcione, ita sibi ipsum magnum uideri Memmium, ut in forum descendens caput ad fornem Fabij demitteret. Ex quo genere etiam illud est, quod Scipio apud Numantiam cū stomacharetur cum C. Metello, dixisse dicitur, si quantum pareret mater eius, asinum fuisse parituram. Arguta etiam significatio est, cum parua re, & sepe uerbo res obscura, & latè illustratur, ut cum C. Fabricio P. Cornelius homo, ut existimabatur, auarus, & furax, sed egregie fortis, & bonus imperator, gratias ageret, quod se homo inimicus consulē fecisset, bello præsertim magno, & graui, nihil est, quo mihi gratias agas inquit, si malui compilari, q̄ uenire. Vt Asello Africanus obijcienti lustrū illud infelix, noli inquit mirari, is enim qui te ærarijs exemit, lustrum condidit, & taurum immolauit. Tanta suspicio est, ut religione ciuitatē obstrixisse uideatur Mummius, quod Asellum ignominia leuarit. Vrbana etiam dissimulatio est, cum alia dicuntur, ac sentias, nō illo genere, de quo ante dixi, cum contraria dicas, ut Lamie Crassus, sed cum toto genere orationis seuerè ludas, cum aliter sentias, ac loquare, ut noster Scæuola Septumuleio illi Anagnino, cui pro C. Gracchi capite erat aurum repensum, roganti, ut se in Asiam præfectum duceret, quid tibi uis inquit infancē tanta malorum est multitudo ciuium, ut tibi ego hoc confirmem, si Romæ maneris, re paucis annis ad maximas pecunias esse uenturum. In hoc genere Fannius in annalibus suis Africanum hunc Æmilianū dicit fuisse, & cum græco uerbo appellat *ἀγαντα*. sed uti ferūt, qui melius hæc norūt, Socratem opinor in hac ironia, dissimulantiq; lōge lepore, & humanitate omnibus præstitisse. Genus est perelegans, & cum grauitate falsū, cumq; oratorijs dictionibus, tum uerbis sermonibus accommodatum. & hercule omnia hæc, quæ à me de facetijs disputantur, non maiora forensium actionum, quàm omnium sermonum cōdimenta sunt. Nam, quod apud Catonē est, qui multa retulit, ex quibus à me exempli causa multa ponuntur, per mihi scitum uidetur C. Publicium solitum dicere P. Mummiū, cui uis tempori hominem esse. sic profecto res se habet, nullum, ut sit uitæ tempus, in quo non deceat leporem, humanitatēq; uersari. Sed redeo ad cetera. Est huic finitimum dissimulationi, cum honesto uerbo uitiosa res appellatur, ut cum Africanus censor tribu mouebat cum centurionem, qui in Pauli pugna non affuerat, cū ille se custodiæ causa diceret in castris remansisse, quæreretq; cur ab eo notaretur, non amo inquit nimium diligents. Acutum etiam illud est, cum ex alterius oratione aliud excipias, atque ille uult, ut Salinatori Maximus, cum Tarento amisso arcem tamen Liuius retinuisset, multaq; ex ea prælia præclara fecisset, cum aliquot post annos

Maximus id oppidum recepisset, rogaretq; cū Salinator, ut meminisset operis sua se Tarentum recepisse, quid mi inquit meminerim? nunquam ego recepissem, nisi tu perdidisses. Sunt etiam illa subabsurda, sed eo ipso nomine sepe ridicula, non solum mimis perapposita, sed etiam quodammodo nobis. homo fatuus, postquā rem habere cœpit, est mortuus. quid est tibi ista mulier? uxor? similis medius fidius. quandiu ad aquas fuit nunquam est mortuus. Genuus hoc leuius, et, ut dixi, mimicum, sed habet nonnunquam aliquid etiā apud nos loci, ut uel non stultus, quasi stulte cum sale dicat aliquid, ut tibi Antoni Mancina, cum audisset te censorem à M. Duronio de ambitu postulatam, aliquid quando inquit tibi tuum negotium agere licebit. ualde hæc ridentur, & hercule omnia, quæ à prudentibus, quasi per dissimulationem non intelligendi subabsurde, falsèq; dicuntur. Ex quo genere est etiam nō uideri intelligere quod intelligas, ut Pōtidius, qualem existimas, qui in adulterio deprehenditur: tandem. Vt ego, qui in delectu Metello cum excusationem oculorum à me non acciperet, & dixisset, tu igitur nihil uides? ego uero inquam à porta exquilina uideo uillam tuam. ut illud Nasica, qui cum ad poetam Ennium uenisset, eiq; ab hostio quærenti Ennium, ancilla dixisset domi non esse, Nasica sensit illam domini iussu dixisse, et illum intus esse, paucis post diebus cum ad Nasicam uenisset Ennius, & cum à ianua quæreret, exclamat Nasica se domi non esse, tum Ennius, quid? ego non cognosco uocem inquit tuam? hic Nasica, homo es impudens, ego cum te quærerem, ancillæ tuæ credidi te domi non esse, tu mihi nō credis ipsi? Est bellū illud quoq; ex quo is, qui dixit, irridetur in eo ipso genere, quod dixit, ut cum Q. Opimius consularis, qui adolefcentulus male audisset, festiuo homini Egilio, qui uideretur mollior, nec esset, dixisset,

Quid tu Egilia mea

Quando ad me uenis cum tua colu, & lana?

Non potest inquit Jaudeo,

Nam me ad famosas uenit mater accedere.

Salsa sunt etiam, quæ habent suspicionem ridiculi absconditam, quo in genere est illud sicuti, cui cum familiaris quidam quæreretur, quod diceret uxorem suam suspēdisse se de ficu, amabo te inquit, da mihi ex ista arbore quos seram furculos. In eodem genere est, quod Catulus dixit cuidam oratori malo, qui cum in epilogo misericordiam se mouisse putaret, postquam assedit, rogauit hunc, uideretur ne misericordiam mouisse. Ac magnam quidem inquit: neminem enim puto esse tam durum, cui non oratio tua miseranda uisa sit. Me quidem hercule ualde illa mouent stomachosa, & quasi submorosa ridicula, non cum à moroso dicuntur: tum enim non sal, sed natura ridetur. In quo, ut mihi uidetur, persalsum illud est apud Næuium,

Quid ploras pater? mirum nī cantem, condemnatus sum.

Huius generi quasi contrarium est ridiculi genus patientis, ac lentis, ut cum Caio percussus esset ab eo, qui arcam ferebat, cum ille diceret, caue, rogauit nūquid aliud ferret præter arcam? Etiam stultitiæ salsa reprehensio, ut ille sicutus, cui prætor Scipio patronum causæ dabat hospitem suum hominem nobilem, sed admodum stultum, quæso inquit prætor aduersario meo da istum patronum, deinde mihi neminem dederis. Mouent illa etiam, quæ coniectura explanantur, longe aliter, atq; sunt, sed acutè, atq; concinnè, ut cū Scaurus accusaret

faret Rutilium ambitus, cum ipse consul esset factus, ille repulsum tulisset, et in eius tabulis ostēderet literas A F P R, idq; diceret esse, actū fide P. Rutilij, Rutilius autem, ante factum post relatum C. Cānius eques R. cum Rufo adesset, exclamat neutrum illis literis declarari. Quid ergo? inquit Scaurus, *Emilius* fecit, plectitur Rutilius. Ridentur etiam discrepantia, quid huic abest? nisi res, & uirtus? Bella etiam est familiaris reprehensio quasi errantis, ut cum obiurgauit Albius Granius, quod, cum eius tabulis quiddam Albutio probatum uideretur, & ualde absoluto Scauola gauderet, neq; intelligeret cōtra suas tabulas esse iudicatum. Huic si similis est etiam admonitio in cōsilio dando familiaris, ut cum patrono malo, cum uocem in dicendo obtudisset, suadebat Granius, ut mulsum frigidum biberet, simulac domum redisset, perdā inquit uocem, si id fecero, melius est inquit, quam reum. Bellum etiam est, cum quid cuiq; sit consentaneum dicitur, ut cum Scaurus nonnullam haberet inuidiam ex eo, quod Phrygonis Pōpei locupletis hominis bona sine testamento posfederat, federetq; aduocatus reo Bestiæ, cum funus quoddam duceretur, accusator C. Memmius, uide inquit Scaure, mortuus rapitur, si potes esse possessor.

Sed ex his omnibus nihil magis ridetur, quàm quod est præter expectationem, cuius innumerabilia sunt exempla, uel Appij maioris illius, qui in senatu, cum ageretur de agris publicis, & de lege thoria, & premeretur Lucilius ab ijs, qui à pecore eius depasci agros publicos dicerent, non est inquit Lucili pecus illud, erratis. defendere Lucilium uidebatur: ego liberum puto esse, quālibet pascitur. Placet etiam mihi illud Scipionis illius, qui T. Gracchū percussit, cum ei M. Flaccus multis probris obiectis P. Mucium iudicē tulisset, Eiecerō inquit iniquus est, cum esset admurmuratum, ah inquit patres conscripti, non ego mihi illum iniquum eiero, uerum omnibus. Ab hoc uero Crasso nihil facietius, cum læsisset testis Silus Pisonem, quod se in eum audisse dixisset, potest fieri inquit Silue, ut is, unde te audisse dicis, fratus dixerit. annuit Silus. potest etiam ut tu non recte intellexeris, id quoque toto capite annuit, ut se Crasso daret: potest etiam fieri inquit, ut omnino, quod te audisse dicis, nunq̃ audieris. hoc ita præter expectationem accidit, ut testem omnium risus obrueret. huius generis est plenus Næuius, & iocus est familiaris.

Spiens si algebis tremes.

& alia permulta. Sæpe etiam facete concedas aduersario id ipsum, quod tibi ille detrahit, ut C. Lælius, cum ei quidam malo genere natus diceret indignum esse suis maioribus, at hercule inquit tu tuis dignus. Sæpe etiam sententiose ridicula dicuntur. ut M. Cincius quo die legem de donis, & muneribus tulit, cum C. Cento prodijisset, & satis contumeliose, quid fers Cinciele? quesisset. ut emas inquit Cai, si uti uelis. Sæpe etiam false quæ fieri non possunt, optantur, ut M. Lepidus, cum ceteris in campo exercētibus in herba ipse recubisset, uellem hoc esset inquit laborare. Salsum est etiam quærentibus, & quasi percunctantibus lente respondere quod nollent, ut censor Lepidus, cum M. Antistio Pyrgensi equum ademisset, amiciq; cum uociferarentur, & quærent, quid ille patri suo responderet, cur adeptum sibi equum diceret, cum optimus colonus, parcissimus, modestissimus, frugalissimus esset, me istorū inquit nihil credere. Colliguntur à græcis alia nonnulla execrationes, admirationes, minationes: Sed hæc ipsa nimis mihi uideor multa in genera describere.

fisse: nam illa, quæ uerbis ratione, & uis continentur, certa ferè, ac definita sunt, quæ plerumq; ut antè dixi, laudari magis, quàm rideri solent. hæc autem, quæ sunt in re, & in ipsa sententia partibus sunt innumerabilia, generibus pauca: Expectationibus enim decipiendis, & naturis aliorum irridendis, ipsorum ridicule indicandis, & similitudine turpioris, & dissimulatione, & subabsurda dicendo, & stulta reprehendendo, risus mouentur. Itaq; imbuendus est is, qui iocose uult dicere, quasi natura quadam apta ad hæc genera, & moribus, ut ad cuiusque modi genus ridiculi, uultus etiam accomodetur, qui quidem quo se uerior est, & tritior, ut in te Crasse, hoc illa, quæ dicuntur, falsiora uideri solent. Sed iam tu Antoni, qui hoc diuersorio sermonis tui libenter acquieturum te esse dixisti, tanquam in pontinum diuerteris, neque amcenum, neque salubre locum, censo, ut satis diu te putes requiesse, et iter reliquum conficere pergas. Ego uero atque hilare quidem à te acceptus inquit, et cum doctior per te, tum etiam audacior factus sum ad iocandum. Non enim uereor, nequis me in isto genere leuiorem iam putet, quoniam quidem tu Fabricios mihi auctores, & Africanos, Maximos, Catones, Lepidos protulisti. Sed habetis ea, quæ uos uulistis ex me audire, de quibus quidem accuratius dicendum, & cogitandum fuit: nam cetera faciliora sunt, atque ex ijs, quæ iam dicta sunt, reliqua nascuntur omnia. Ego enim, cum ad causam sum aggressus, atque omnia cogitando, quo ad facere potui, persecutus, cum & argumenta causæ, & eos locos, quibus animi iudicium conciliantur, & illos, quibus promouentur, uidi, atque cognoui, tum constituo quid habeat quæque causa boni, quid mali. nulla enim ferè res potest in dicendi disceptationem, aut controuersiam uocari, quæ non habeat utrumque, sed quantum habeat, id refert: mea autem ratio in dicendo hæc esse solet, ut boni quod habeat, id amplectar, exornem, exaggerem, ibi commorer ibi habitem, ibi herem. à malo autem, uitioq; causæ ita recedam, non ut id me defugere appareat, sed ut totum bono illo ornando, & augendo dissimulatum obruiatur. & si causa est in argumentis, firmissima quæque maxime tueor, siue plura sunt, siue aliquod unum: si autem in conciliatione, aut in permotione causa est, ad eam me potissimum partem, quæ maxime commouere animos hominum potest, confero. Summa denique huius generis hæc est, ut si in refellendo aduersario firmior esse oratio, quàm in confirmandis nostris rebus potest, omnia in illum conferam tela: si nostra facilius probari, quàm illa redargui possunt, abducere animos à contraria defensione, et ad nostram conor traducere. Duo denique illa, quæ facillima uidentur, quoniam quæ difficiliora sunt, non possum, mihi pro meo iure sumo. unum ut molesto, aut difficili argumento, aut loco nonnunquam omnino nihil respondeam, quod forsitan aliquis iure irriserit: quis enim est, qui id facere non possit? sed tamen ego de mea nunc, non de aliorum facultate disputo, confiteorq; me, si quæ premar res uehementius, ita concedere solere, ut non modo non abiecto, sed ne reiecto quidem scuto fugere uidear, sed adhibere quandam in dicendo speciem, atque pompam, & pugnae similem fugam, consistere uero in meo præsidio, sic ut non fugiendi hostis, sed capiendi loci causa cessisse uidear. Alterum est illud, quod ego oratori maxime cauendum, & providendum puto, quodq; me sollicitare summe solet, nō tam ut prosim causis elaborare soleo, quàm ut nequid oblim, nō quin uenitendum sit in utroque, sed tamen multo est turpius oratori, nocuisse uideri causæ,

causæ quàm non profuisse. Sed quid hoc loco uos inter uos Catule? an hæc, ut sunt contemnenda, contemnitis? Minime inquit ille, sed Cæsar de isto ipso quiddam uelle dicere uidebatur. Me uero lubente inquit Antonius dixerit, siue refellendi causa, siue quærendi. Tum Iulius, Ego mehercule inquit Antonius semper is fui, qui de te oratore sic prædicarem, unum te in dicēdo mihi uideri lectissimum, propriumq; hoc esse laudis tue, nihil à te unquam esse dictū, quod obesset ei, pro quo diceres: idq; memoria teneo, cū mihi sermo cum hoc ipso Crasso multis audientibus esset, de te institutus, Crassusq; plurimis uerbis eloquentiam laudaret tuam, dixisse me, cum ceteris tuis laudibus hanc esse uel maximam, quod non solum, quod opus esset, diceres, sed etiam quod non opus esset, non diceres: tum illum mihi respōdere memini, cetera in te summè esse laudanda, illud uerò improbi esse hominis, & perfidiosi, dicere quod alieum esset, & noceret ei, pro quo quisque diceret: quare non sibi eum disertum qui id non faceret, uideri, sed improbum, qui faceret. Nunc, si tibi uidetur Antonius, demonstrares uelim, quare tu hoc ita magnum putes nihil in causâ mali facere, ut nihil tibi in oratore maius esse uideatur. Dicam equidē Cæsar inquit, quid intelligam, sed & tu, & uos omnes, hoc inquit memento te, nō me de perfecti oratoris diuinitate quadam loqui, sed de exercitationis, & consuetudinis meæ mediocritate. Crassi quidem respōsum excellentis cuiusdam est ingenij, ac singularis, cui quidem portenti simile esse uisum est, posse aliquem inueniri oratorem, qui aliquid mali faceret dicendo, obessetq; ei, quem defenderet: facit enim de se coniecturam, cuius tanta uis ingenij est, ut neminem nisi consulo tō putet, quod contra se ipsum sit dicere, sed ego non de præstanti quadam, & eximia, sed propè de uulgari, & communi prudentia disputo. Vt apud grecos fertur incredibili quadam magnitudine consilij, atque ingenij Atheniēsis ille fuisse Themistocles, ad quem quidam doctus homo, atque in primis cruditus accessisse dicitur, eiq; artem memoriæ, quæ tum primum proferebatur, pollicitum esse se traditurum, cum ille quæsisset, quid nam illa ars efficere posset, dixisse illum doctorem, ut omnia meminisset, & ei Themistoclem respondisse, gratus sibi illum esse facturum, si se obliuisci, quæ nellet, quàm si meminisset, docuisset. Vides ne, quæ uis in homine acerrimi ingenij, quàm potens, & quanta mens fuerit: qui ita responderit, ut intelligere possemus, nihil ex illius animo, quod semel esset infusum, unquam effluere potuisset: cum quidē ei fuerit optabilius obliuisci posse potius, quod meminisset nolle, quàm quod semel audisset, uidisset uel, meminisset. Sed neque propter hoc Themistoclis responsum memoriæ nobis opera danda non est, neque illa mea cautio, & timidas in causis propter præstantem prudentiam Crassi negligenda est. uterq; enim istorum non mihi attulit aliquam, sed suam significauit facultatem. Et enim permulta sunt in causis, in omni parte orationis circumspectiunda, nequid offendas, nequid irruas. Sæpe aliquis testis, aut non lædit, aut minus lædit, nisi lacessatur, orat reus, urgent aduocati, ut inuehamur, ut maledicamus, denique ut interrogemus, non moueor, non obtempero, non satisfacio, neque tamen ullam assequor laudem: homines enim imperiti facilius, quod stulte dixeris reprehendere, quàm quod sapienter tacueris, laudare possunt. Hic quantum sit mali, si iratum, si non stultum, si non leuem testem læseris: habet enim & uoluntatem nocendi in iracundiâ, & uim in ingenio, et pondus in uita: nec si hoc

Crassus non committit, ideo non multi, & sæpe committunt: quo quidem mihi uideri turpius nihil solet, quàm cum ex oratoris dicto aliquo, aut responso, aut rogatu, sermo ille sequitur, occidit ille aduersarium? ne? immo uero aiunt se, et cum, quem defendit. hoc Crassus non putat nisi perfidia accidere posse: ego autem sæpissime uideo in causis aliquid mali facere homines minime malos. Quid illud, quod supra dixi, solere me cedere, & ut planius dicam, fugere ea, quæ ualde causam meam premerent: cum id nõ faciunt alij, uersanturq; in hostium castris, ac sua præsidia dimittunt, mediocriter? ne causis nocent? cum ad aduersariorum adiumenta confirmant, aut ea, quæ sanare nequeunt, exulcerant? Quid cum personarum, quas defendunt, rationem non habent? si quæ sunt in his inuidiosa, non mitigant extenuando, sed laudando, & efflando inuidiosiora faciunt? quantum est in eo tandem mali? Quid si in homines caros, iudicibusq; iucundos sine ulla præmuntione orationis acerbius, & contumeliosius inuachare, non? ne abs te iudices abalienes? Quid si quæ uitia, aut incõmoda sunt in aliquo iudice uno, aut pluribus, ea tu in aduersarijs exprobando nõ intelligas, te in iudices inuehi, mediocre peccatum est? Quid si cum pro altero dicas, litem tuam facias, aut læsus efflere iracundia, causam relinquas, nihil? ne noceas? In quo ego, non quo libenter male audiam, sed quia ego causam non libenter relinquo, nimium patiens, & lentus existimor: ut cum te ipsum Sulpici oburgabam, quod ministratorem peteres nõ aduersarium. Ex quo etiam illud assequor, ut si quis mihi male dicat, petulans aut planè insanus esse uideatur. In ipsis autem argumentis si quid posueris, aut aperte falsum, aut ei, quod dixeris, dicturus? uel sis, contrarium, aut genere ipso remotum ab usu iudicio? rum, ac foro, nihil? ne noceas? Quid multa? omnis cura mea solet in hoc uersari semper (dicam enim sæpius) si possim, ut boni aliquid efficiam dicendo, sin id minus, ut certe nequid mali. Itaque nunc illuc redeo Catule, in quo tu me paulo ante laudabas, ad ordinem collocationemq; rerum, ac locorũ, cuius ratio est duplex: altera, quam affert natura causarum, altera, quæ oratorum iudicio, & prudentia comparatur. Nam, ut aliquid ante rem dicamus, deinde ut rē exponamus, post ut eam probemus nostris præsidijs cõfirmandis, contrarijs relutandis, deinde ut concludamus, atque ita peroremus, hoc dicēdi genus natura ipsa præscribit. Ut uero statuamus ea, quæ probandi, docendi, persuadēdi causa dicenda sunt, quemadmodum componamus, id est uel maxime proprium oratoris prudentiæ: Multa enim occurrunt argumenta, multa, quæ in dicendo profutura uideantur, sed eorum partim ita leuia sunt, ut contemnenda sint, partim etiam, si quid habent adiumenti, sunt nonnunquam eiusmodi, ut insit in ijs aliquid uitij, neque tanti sit illud, quod prodesse uideatur, ut cū aliquo malo coniungatur. Quæ autem sunt utilia, atq; firma, si ea tamen (ut sæpe fit) ualde multa sunt, ea, quæ ex ijs aut leuissima sunt, aut alijs grauioribus cõsimilia, secerni arbitror oportere, atque ex oratione remoueri: equidem cum colligo argumenta causarum, non tam ea numerare soleo, quàm expēdere. Et quoniam, quod sæpe iam dixi, tribus rebus omnes ad nostram sententiam perduimus, aut docēdo, aut cõciliando, aut permouēdo, una ex tribus his rebus res præ nobis est ferenda, ut nihil aliud nisi docere uelle uideamur, reliquæ duæ sicuti sanguis in corporibus, sic illæ in perpetuis orationibus fusæ esse debent. Nam & principia, & ceterę partes orationis, de quibus paulo post pauca dicemus

ca dicemus, habere hanc uim magnopere debent, ut ad eorum mentes, apud quos agetur, mouendas permanere possint. Sed his partibus orationis, quæ & si nihil docent argumentando, persuadendo tamen, & commouendo proficiunt plurimum, quanquam maxime proprius est locus et in exordiendo, & in perorando: digredi tamen ab eo, quod proposueris, atque agas, permouendorum animorum causa, sæpe utile est. Itaque uel narratione exposita sæpe datur ad commouendos animos digrediendi locus, uel argumentis nostris confirmatis, uel contrarijs refutatis, uel utroque loco, uel omnibus, si habet eam causa dignitatem, atque copiam, recte id fieri potest, hæcque causæ sunt ad agendum, & ad ornandum grauissimæ, atque plenissimæ, quæ plurimos exitus dant ad cuiusmodi digressionem, ut his locis uti liceat, quibus animorum impetus eorum, qui audiunt, aut impellantur, aut reflectantur: atque etiam in illo reprehendo eos, qui quæ minime firma sunt, ea prima collocant, in quo illos quoque errare arbitror, qui si quando id quod mihi nunquam placuit pluris adhibent patronos, ut in quoque eorum minimum putant esse, ita cum primum uolunt dicere: Res enim hoc postulat, ut eorum expectationi, qui audiunt quam celerrime occurratur, cui si initio satisfactum non sit, multo plus sit in reliqua causa laborandum: male enim se res habet, quæ non statim, ut dici coepta est, melior fieri uidetur. Ergo ut in oratore optimus quisque, sic & in oratione firmissimum quodque sit primum, dum illud tamē in utroque teneatur, ut ea, quæ excellent, seruentur etiam ad perorandum, si quæ erunt mediocria (nam uitiosis nusquam esse oportet locum) in mediam turbam, atque in gregem conijciantur. Hisce omnibus rebus consideratis, tum denique id, quod primum est dicendum, postremo soleo cogitare, quo utar exordio: nam si quando id primum inuenire uolui, nullum mihi occurrit, nisi aut exile, aut nugatorium, aut uulgare, atque commune. Principia autem dicendi semper cum accurata, & acuta, & instructa sententijs, apta uerbis, tum uero causarum propria esse debent: prima est enim quasi cognitio, & commendatio orationis in principio, quæ continuo eum, qui audit, permulcere, atque allicere debet: in quo admirari soleo non equidem istos, qui nullam huic rei operam derunt, sed hominem in primis disertum, atque eruditum Philippum, qui ita solet ad dicendum surgere, ut quod primum uerbum habiturus sit, nesciat, & ait idem, cum brachiū concalefecerit, tum se solere pugnare, neque attendit eos ipsos, unde hoc simile ducat, illas primas hastas ita iactare leniter, ut & uenustiati uel maxime seruiant, & reliquis uiribus suis consulant, neque est dubium, quin exordiū dicendi uehemens, & pugnax non sæpe esse debeat, sed si in ipso illo gladiatorio uitæ certamine, quo ferro decernitur, tamen ante congressum multa fiunt, quæ non ad uulnus, sed ad speciem ualere uideantur, quanto hoc magis in oratione expectandum est, in qua non uis potius, sed delectatio postulatur: Nihil est denique in natura rerum omnium, quod se uniuersum profundat, & quod totum repente euolet, sic omnia, quæ sunt, quæque aguntur acerrime, lenioribus principijs natura ipsa prætexuit. Hæc autem in dicendo non extrinsecus alicunde quaerenda, sed ex ipsis uisceribus causæ sumenda sunt: ideo tota causa pertentata, atque perspecta, locis omnibus inuentis, atque instructis, considerandum est, quo principio sit utendum, sic & facili reperietur: sumuntur enim ex ijs rebus, quæ erunt uberrimæ, uel in argumē-

tis, uel in his partibus, ad quas dixi digredi sepe oportere. Ita & momenti aliquid afferent, cum erunt penè ex intima defensione de promptæ, & apparebit eas non modo non esse communes, nec in alias causas, posse transferri, sed penitus ex ea causâ, quæ tum agatur, defluxisse. Omne autem principium aut rei totius, quæ agetur, significationem habere debet, aut aditum ad causam, & munitionem, aut quoddam ornamentum, & dignitatem. Sed oportet ut ædibus, ac templis uestibula, et aditus, sic causis principia pro portione rerum præponere. Itaque in paruis, atque in frequentibus causis ab ipsa re est exordiri sepe commodius. Sed cum erit utendum principio (quod plerumque erit) aut ex reo, aut ex aduersario, aut ex re, aut ex eis, apud quos agitur, sententias duci licebit. Ex reo (reos appello, quorum res est) quæ significant uirum bonum, quæ liberalem, quæ calamitosum, quæ misericordia dignum, quæ ualeant contra falsam criminationem. Ex aduersario, ipsidem ex locis ferè contraria. Ex re, si crudelis, si infanda, si præter opinionem, si immerito, si misera, si ingrata, si indigna, si noua, si quæ restitui, sanarique non possit. Ex his autem, apud quos agitur, ut beneuolos, beneque existimantes efficiamus, quod agendo efficitur melius, quàm rogando. est id quidem in totam orationem confundendum, nec minime in extremam, sed tamen multa principia ex eo genere gignuntur. Nam & attentum, monent graeci, ut principio faciamus iudicem, & docilem, quæ sunt utilia, sed non principij magis propria, quàm reliquarum partium, faciliora etiam in principijs, quod & attentum tum maxime sunt, cum oratoria expectant, & dociles magis in his esse possunt: illustriora enim sunt, quæ in principijs, quàm quæ in medijs causis dicuntur, aut arguendo, aut refellendo. Maxima autem copia principiorum ad iudicem aut alliciendum, aut incitandum ex his locis trahitur, qui ad motus animorum conficiendos inerunt in causa, quos tamen totos in principio explicari non oportebit, sed tantum impelli primo iudicem leuiter, ut iam inclinato reliqua incumbat oratio. Connexum autem ita sit principium consequenti orationi, ut non tanquam citharæ cedi processum afflictum aliquod, sed coherens cum omni corpore membrum esse uideatur: nam nonnulli, cum illud meditati ediderunt, sic ad reliqua transeunt, ut audientiam sibi fieri uelle uideantur. Atque eiusmodi illa prolusio debet esse, non ut Samnitum, qui uibrant hastas ante pugnam, quibus in pugnando nihil utuntur, sed ut ipsis sententijs, quibus proluserunt, uel pugnare possint. Narrare uero rem quod breuiter iubent, si breuitas appellanda est, cum uerbum nullum redundet, breuis est L. Crassi oratio, si tum est breuitas, cum tantum uerborum est, quantum necesse est, aliquando id opus est, sed sepe obest, uel maxime in narrando, non solùm quod obscuritatem affert, sed etiam quod eam uirtutem, quæ narrationis est maxima, ut iucunda, & ad persuadendum accommodata sit, tollit, uidelicet illa.

Nam is postquam excessit ex ephebis

Quam longa est narratio: mores adolescentis ipsius, & seruilis percunctatio, mors Chrylidis, uultus, & forma. & lamentatio sororis, reliqua, peruariè, iucundeque narrantur. Quod si hanc breuitatem quæsisset.

Effertur, imus, ad sepulchrum uenimus,

In ignem posita est

In his ferè decem uersiculis totum cōficere potuisset, quæquæ hoc ipsum effertur, imus,

tur, imus, concisum est, ita ut non breuitati seruitum sit, sed magis uenustati. Quod si nihil fuisset, nisi in ignem posita est, tamen res tota cognosci facile potuisset, sed & festiuitatem habet narratio distincta personis, & interpuncta sermionibus, & est probabilius, quod gestum esse dicas, cum quemadmodum actum sit, exponas, & multo apertius ad intelligendum est, si sic constituitur aliquando, ac non ita breuitate percurritur: Apertam enim narrationem tam esse oportet, quam ceteras, & hoc magis in hac elaborandum est, quod & diffusius est, non esse obscurum in re narranda, quam aut in principio, aut in argumento, aut in purgando, aut perorando, & maiore periculo hæc pars orationis obscura est, quam ceteræ, uel quia si quo alio in loco est dictum quid obscurius, tantum id perit, quod ita dictum est narratio obscura totam obcecat orationem, uel quia alia possis, semel si obscurius dixeris, dicere alio loco planius, narrationis unus est in causa locus. Erit autem perspicua narratio, si uerbis usitatis, si ordine temporum conseruato, si non interrupte narrabitur. Sed quando utendum sit, aut non sit narratione, id est consilij: neque enim si nota res est, nec si dubium sit, quid gestum sit, narrari oportet, nec si aduersarius narrauit, nisi si refellemus, ac si quando erit narrandum, ne illa, quæ suspicionem, & crimen efficiunt, contraque nos erunt acriter persequamur, & quid quid poterit, detrahamus, ne illud, quod Crassus si quando fiat, perfidia non stultitia fieri putat, ut causæ noceamus, accidat: nam ad summam totius causæ pertinet caute, an contra demonstrata res sit, quod omnis orationis reliquæ fons est narratio. Sequitur, ut causa ponatur, in quo uidendum est, quid in controuersiam ueniat. Tunc suggerenda sunt firmamenta causæ coniunctæ, & in firmandis contrarijs, & tuis confirmandis: nanque una in causis ratio quædam est eius orationis, quæ ad probandam argumentationem ualet, ea autem & confirmationem, & reprehensionem quaerit, sed quia neque reprehendi, quæ contra dicuntur, possunt, nisi tua confirmes, neque hæc confirmari, nisi illa reprehendas, ideo hæc & natura, et utilitate, & tractatione coniuncta sunt. Omnia autem concludenda plerumque rebus augendis, uel inflammando ius dice, uel mitigando, omniaque cum superioribus orationis locis, tum maxime extremo, ad mentes iudicum quammaxime permouendas, & ad utilitatem nostram uocandas, conferenda sunt. Neque sanè iam causa uidetur esse, cur secernamus ea præcepta, quæ de suasionibus tradenda sunt, aut laudationibus: sunt enim pleraque communia, sed tamè suadere aliquid, aut dissuadere, grauissime mihi uideatur esse personæ, nam & sapientis est consilium explicare suum de maximis rebus, & honesti, & disertis, ut mente providere, auctoritate probare, oratione persuadere possit, atque hæc in senatu minore apparatu agenda sunt: sapiens enim est consilium, multisque alijs dicendi relinquendus locus, uitanda etiam ingenij, ostentationisque suspicio. Concio capit omnem uim orationis, & grauitatem, uarietatemque desiderat. Ergo in suadendo nihil est optabilius, quam dignitas: nam qui utilitatem putat, non quid maxime uelit suaser, sed quid interdum magis sequatur uidet: Nemo est enim presertim in tam clara ciuitate, quin putet, expetendam maxime dignitatem, sed uincit utilitas plerumque, cum subest ille timor, ea neglecta, ne dignitatem quidem posse retineri. Controuersia autem inter hominum sententias, aut in illo est, utrum sit utilius, aut etiam, cum id conuenit, cerrari, utrum honestati potius, an utilitati consulendum sit. Quæ quæ pugnare

sæpe inter se uidentur : qui utilitatem defendit, enumerabit commoda pacis, opum, potentia, pecunia, uectigalium, præsidij, militum, utilitates ceterarum rerum, quarum fructum utilitate metimur, itemq; incommoda cōtrariorum: qui ad dignitatem impellet, maiorum exempla, quæ erunt, uel cum periculo gloriosa colliget, posteritatis immortalē memoriam augebit, utilitatem ex laude nasci defendet, semperq; eam cum dignitate esse coniunctam: Sed quid fieri possit, aut non possit, quidq; etiam sit necesse, aut non sit, in utraque maxime est quærendum: inciditur enim omnis iam deliberatio, si intelligitur nō posse fieri, aut si necessitas affertur, & qui id docuit nō uidentibus alijs, is plurimum uidit. Ad cōsiliū autē de rep. dandum caput est, nosse rēp. ad dicendū uero p̄babilit̄, nosse mores ciuitatis, qui quia crebro mutātur, genus quoq; orōnis est sæpe mutādū, et quāquā una ferē uis est sēpe eloquētiæ, tamē q̄a summa dignitas est populi, grauissima causa reip. maximi motus multitudinis, genus quoq; dicēdi grādius quoddā, et illustrius esse adhibendū uidetur, maximaq; pars orationis ad mouenda est ad animorū motus, nonnunquā aut cohortatione, aut cōmemoratione aliqua, aut in spem, aut in metū, aut ad cupiditatē, aut ad gloriā concitandos, sæpe etiam a temeritate, iracundia, spe, inuidia, crudelitate reuocandos. Fit autem, ut, quia maxima quasi oratoris scena uideatur concio, natura ipsa ad ornatiū dicendi genus excitetur: habet enim multitudo uim quandam talem, ut quemadmodum tibicen sine tibijs canere, sic orator nisi multitudine audiente eloquens esse non possit. Et cum sine populares multi, uarij q; lapsus, uitāda est acclamatio aduersa populi, quæ aut orationis peccato aliquo excitatur, si asperē, si arroganter, si turpiter, si sordide, si quoquo animi uitio dictum esse aliquid uideatur, aut hominum offensio ne, uel inuidia, quæ aut iusta est, aut ex criminatione, atq; fama, aut res si displicet, aut si est in aliquo motu suæ cupiditatis, aut metus multitudo, hisq; quatuor causis totidem medicinæ opponūtur. Tum obiurgatio, si est auctoritas, tum admonitio quasi lenior obiurgatio, tum promissio, si audierint probatos, tum deprecatio, quod est infimum, sed nonnunquam utile. nullo autem loco plus facietis profunt, & celeritas, & breue aliquod dictum, nec sine dignitate, & cum lepore: nihil enim tam facile, quā multitudo a tristitia, & sæpe acerbitate, commode, ac breuiter, & acutē, & hilare dicto deducitur. Expositui ferē, ut potui, uobis in utroque genere causarum, quæ sequi solem, quæ fugere, quæ spectare, quæq; omnino in causis ratione uersari. Nec illud tertium laudationum genus est difficile, quod ego initio quasi a præceptis nostris secreueram, sed & quia multa sunt orationum genera & grauiora, & maioris copiae, de quibus nemo ferē præciperet, & quod nos laudationibus non ita multum uti solemus, totum hunc segregabam locum. Ipsi enim græci magis legendi, & delectationis, aut hominis alicuius ornandi, quā utilitatis huius forensis causa, laudationes scriptitauerunt, quorum sunt libri quibus Themistocles, Aristides, Agesilaus, Epaminondas, Philippus, Alexander, alijq; laudantur. Nostræ laudationes, quibus in foro utimur, aut testimoniū breuitatem habent nudam, atq; inornatam, aut scribuntur ad funebrem conationem, quæ ad orationis laudem minime accommodata est. Sed tamen, quoniam est utendum aliquando, nonnūquam etiam scribendum, uelut P. Tuberoni Africanū auunculū laudanti scripsit C. Lælius, uel ut nosmetipsi ornandi causa

causa græcorum more, si quos uelimus, laudare possimus, sit a nobis quoque tractatus is locus. Perspicuum est igitur alia esse in homine optanda, alia laudanda. Genus, forma, uires, opes, diuitiæ, ceteraque, quæ fortuna det, aut extrinsecus, aut corpori, non habent in se ueram laudem, quæ debere uirtuti uni putatur, sed tamen quod ipsa uirtus in earum rerum usu, ac moderatione maxime cernitur, tractanda etiam in laudationibus hæc sunt naturæ, & fortunæ bona, in quibus est summa laus non extulisse se in potestate, non fuisse insolentem in pecunia, non se prætulisse alijs propter abundantiam fortunæ, ut opes, & copiæ non superbire uideatur, ac libidini, sed bonitati, ac moderationi facultatem, & materiam dedisse. Virtus autem, quæ est per se ipsa laudabilis, & sine qua nihil laudari potest, tamē habet plures partes, quarum alia est ad laudationē aptior: sunt enim aliæ uirtutes, quæ uidentur in moribus hominum, & quadam commitate, ac beneficentiā posite, aliæ quæ in ingenij aliqua facultate, aut animi magnitudine, ac robore: Nam clementia, iustitia, benignitas, fides, fortitudo in periculis communibus, iucunda est auditu in laudationibus. omnes enim hæc uirtutes non tam ipsis, quæ eas in se habent, quam generi hominum fructuosæ putantur. Sapientia, & magnitudo animi, quæ omnes res humanæ geruntur, tenues, & pro nihilo putantur, & in excogitando uis quædam ingenij, & ipsa eloquentia, admirationis habet non minus, iucunditatis minus. ipsos enim magis uidetur, quos laudamus, quam illos apud quos laudamus, ornare, ac tueri, sed tamen in laudando iungenda sunt etiam hæc genera uirtutum: seruiunt enim aures hominum, cum illa, quæ iucunda, & grata, tum etiam illa, quæ mirabilia sunt in uirtute laudari, & quoniam singularum uirtutum sunt certa quædam officia, ac munera, & sua cuique uirtuti laus propria debetur, erit explicandum in laude iustitiæ, quid cum fide, quid cum æquabilitate, quid cum eiusmodi aliquo officio is, qui laudabitur, fecerit: itemque in ceteris res gestæ ad cuius uirtutis genus, & uim, & nomen accommodabuntur. Gratissima autem laus eorum factorum habetur, quæ suscepta uidentur à uiris fortibus sine emolumento, ac præmio: quæ uero etiam cum labore, & periculo ipsorum hæc habent uberrimam copiam ad laudandum, quod & dici ornatissime possunt, & audiri facillime: ea enim denique uirtus esse uidetur præstantis uiri, quæ est fructuosa alijs, ipsi autem laboriosa, aut periculosa, aut certe gratuita. Magna etiam illa laus, & admirabilis uideri solet, tulisse casus sapienter aduersos, non fractum esse fortuna, retinuisse in rebus asperis dignitatem. Neque tamen illa non ornant, habiti honores, decreta uirtutis præmia, res gestæ iudicijs hominum comprobantur, in quibus etiam felicitatem ipsam deorum immortalium iudicio tribui, laudationis est. Sumendæ autem res erunt, aut magnitudine præstabiles, aut nouitate primæ, aut genere ipso singulares: neque enim paruæ, neque usitatæ, neque uulgares, admiratione, aut omnino laude dignæ uideri solent. Est etiam cum ceteris præstantibus uiris comparatio, in laudatione præclara: de quo genere libitum mihi est paulo plura, quam ostenderam dicere, non tam propter usum forensem, qui est à me in omni hoc sermone tractatus, quam ut hoc uideretis, si laudationes essent i oratoris officio, quod nemo negat, oratori uirtutum omnium cognitionem, sine qua laudatio effici non possit, esse necessariam. Iam uituperandi præcepta, contrarijs uitij sumenda esse, perspicuum est. simul est illud ante oculos, nec bonum uirum

proprie, & copiose laudari, sine uirtutum, nec improbum notari, ac uituperari, sine uitiorum cognitione, satis insigniter, atq; asperere posse. Atq; his locis & laudandi, & uituperandi sæpe nobis est utendum in omni genere causarū. Habetis de inueniendis rebus, disponēdisq; quid sentiam: adiungā etiam de memoria, ut labore Crassum leuem: neque ei quidquam aliud, de quo differat, relinquam, nisi ea, quibus rebus hæc exornētur. Perge uero inquit Crassus: libenter enim te cognitum iam artificem, aliquandoq; euolutum illis integumētis dissimulationis tuæ, nudatumq; perspicio, et quod mihi nihil, aut quod nō multum relinquis, percommode facis, estq; mihi gratum. Iam istuc quantū tibi ego reliquerim, inquit Antonius, erit in tua potestate: si enim uere agere uoueris, omnia tibi relinquo, sin dissimulare, tu quemadmodum his satisfacias, uideris. Sed ut ad rem redeam, non sum tanto ego inquit ingenio, quanto Themistocles fuit, ut obliuionis artem, quā memoriae malim, gratiamq; habeo Simonidi illi chio, quem primum serunt artē memoriæ protulisse: Dicūte enim, cum cenaret Cranone in Thessalia Simonides apud Scopam fortunatū hominē, & nobilem, cecinissetq; id carmen, quod in eū scripsisset, in quo multa ornandi causa poetarum more in Castorem scripta, et Pollucem fuissent, nō mis illum sordide Simonidi dixisse, se dimidiū eius ei, quod pactus esset pro illo carmine, daturū, reliquum à suis tyndaridis, quos eque laudasset, peteret si ei uideretur, paulo post esse serūt nuntiatū Simonidi, ut prodiret, iuuenes stare ad ianuam duos quosdam, qui eum magnopere euocarent, surrexisse illum ipsum, prodisse, uidisse neminem: hoc interim spatio conclauē illud, ubi epularetur Scopas, concidisse, ea ruina ipsum oppressum cum suis interisse, quos cū humare uellent sui, neq; possent obtritōs internoscere ullo modo, Simonides dicitur ex eo, quod meminisset, quo eorum loco quisque cubuisset, demonstrator uniuscuiusque sepeliendi fuisse: hac tum re admonitus inuenisse fertur ordinem esse maxime, qui memorię lumen afferret: Itaq; ijs, qui hanc partem ingenij exercerent, locos esse capiendos, & ea, quæ memoria tenere uellent, effingenda ahi mo, atque in his locis collocanda, sic fore, ut ordinem rerum locorū ordo conseruaret, res autem ipsas rerum effigies notaret, atq; ut locis pro cera, simulachris pro literis uteremur. Qui sit autē oratori memoriæ fructus, quanta utilitas, quanta uis, quid me attinet dicere: tenere quæ didiceris in accipiendā causa, quæ ipse cogitaris, omnes fixas esse in animo sententias, omnem descriptum uerborum apparatus, ita audire uel eum unde dicas, uel eum, cui respondendum sit, ut illi non infundere in aures tuas orationem, sed in animo uideantur inscribere. Itaq; soli, qui memoria uigent, sciunt quid, & quatenus, & quomodo dicturi sunt, cui responderint, quid supersit: hīdemq; multa ex alijs causis aliquando à se acta, multa ab alijs audita meminerunt. Quare confiteor equidem huius boni naturam esse principem, sicut earum rerum, de quibus ante locutus sum omnium, sed hæc ars tota dicendi, siue artis imago quædam est, & similitudo, habet hanc uim, non ut totum aliquid, cuius ingenij nostris pars nulla sit, pariat, & procreet, uerum ut ea, quæ sunt orta iam in nobis, & procreata, educet, atq; confirmet. Veruntamen neque tam acri memoria ferē quisquam est, ut, non dispositis, notatisq; rebus, ordinem uerborum, aut sententiarum complectatur, neque uero tam hebeti, ut nihil hac consuetudine, & exercitatione adiunetur. Vidit enī hoc prudenter siue Simonides, siue alius quis inuenit,

inuenit, ea maxime animis effingi nostris, quæ essent à sensu tradita, atque impressa, acerrimum autem ex omnibus nostris sensibus esse sensum uidendi, quare facillime animo teneri posse ea, quæ perciperentur auribus, aut cogitatione, si etiam oculorum commendatione animis traderentur, ut res cecas, & ab aspectus iudicio remotas confirmatio quædam, & imago, & figura ita notaret, ut ea, quæ cogitando complecti uix possemus, intuendo, quasi teneremus. His autem formis, atque corporibus, sicut omnibus, quæ sub aspectum ueniunt, sedes opus est, etenim corpus intelligi sine loco non potest. Quare ne in re nota, & peruulgata multis, & insolens sim, locis est utendum multis, illustribus, explicatis, modicis interuallis. In imaginibus autem agētibus, acribus, insignitis, quæ occurrere, celeriterque percutere animum possint. Quam facultatem & exercitatio dabit, ex qua consuetudo gignitur, similium uerborum conseruata, & immutata casibus, aut traducta ex parte ad genus notatio, & unius uerbi imago ne totius sententiæ informatio pictoris cuiusdam summi ratione, & modo, formarum uarietate locos distinguens. Sed uerborum memoria, quæ minus est nobis necessaria, maiore imaginum uarietate distinguitur: multa enim sunt uerba, quæ quasi articuli connectunt membra orationis, quæ formari similitudine nulla possunt, eorum fingendæ nobis sunt imagines, quibus semper utamur. rerum memoria propria est oratoris: eam singulis personis bene positis notare possumus, ut sententiæ imaginibus, ordinem locis comprehendamus. Neque uerum est, quod ab inertibus dicitur, opprimi memoriæ imaginum pondere, & obscurari etiam id, quod per se natura tenere potuisset. Vidi enim ego summos homines, & diuina prope memoria, Athenis Carneadem, in Asia, quem uiuere hodie aiunt, Sceptium Metrodorum, quorum uterque tamquam literis in cera, sic se aiebat imaginibus in suis locis, quos haberet, quæ meminisse uellet, per scribere. Quare hac exercitatione non eruenta memoria est, si est ulla naturalis, sed certe, si latet, euocanda est. Habetis sermonem bene longum hominis utinam non impudentis, illud quidem certe, non nimis uerecundi, qui quidem cum te Catule, tum etiam L. Crasso audiente de dicendi ratione tam multa dixerim: nam istorum ætas minus me fortasse mouere debuit: sed mihi ignoscetis profecto, si modo quæ causâ me ad hanc insolitam mihi loquacitatem impulerit, acceperitis. Nos uero inquit Catulus, etenim pro me hoc, & pro meo fratre respondeo, non modo tibi ignoscimus, sed te diligimus, magnamque tibi habemus gratiam, & cum humanitatem, & facilitatem agnoscimus tuam, tum admiramur istam scientiam, et copiam. Equidem hoc me affectum puto, quod magno sum leuatus errore, & illa admiratione liberatus, quod multis cum alijs semper admirari solebam, unde esset illa tanta tua in causis diuinitas: nec enim te ista attigisse arbitrabar, quæ diligentissime cognosse, & undique collegisse, usuque doctum partim correxisse uideo, partim comprobasse. Neque eo minus eloquentiam tuam, & multo magis uirtutem, & diligentiam admiror, & simul gaudeo iudiciū animi mei comprobari, quod semper statui, neminem sapientiæ laudem, & eloquentiæ, sine summo studio, & labore, & doctrinâ consequi posse. Sed tamen quidnam est id, quod dixisti, fore ut tibi ignosceremus, si cognossemus, quæ te causâ in sermone impulisset: Quæ est enim alia causâ, nisi quod nobis, & horum adolescentium studio, qui te attentissime audierunt, morem gerere uoluisti? Tum ille, Adimere inquit omnem

recusationem Crasso uolui, quæ ego paulo sciebam uel pudenter, uel inuitus, nolo enim dicere de tã suauis homine fastidiosius, ad hoc genus sermonis accedere. quid enim poterit dicere? consularem se esse hominem, & censorium, eadem nostra causa est: an etatem afferet? quadriennio minor est, an se nescire? quæ ego serò, quæ cursim attipui, quæ subscieiui operis (ut aiunt) iste à puero summo studio, summis doctoribus. Nihil dicā de ingenio, cui par nemo fuit; etenim me dicentem qui audierit, nemo unquam tam sui despicies fuit, quin speraret, aut melius, aut eodem modo se posse dicere, Crasso dicente nemo tam arrogans, qui similiter se unquam dicturum esse consideret. Quamobrem ne frustra hi tales uiri uenerint, te aliquando Crasse audiamus. Tum ille, Ut ita ista esse concedam inquit Antoni, quæ sunt longe secus, quid mihi tu tandem hodie, aut cuiquam homini, quod dici possit, reliquisti? Dicam enim uere amicissimi homines quod sentio, sæpe ego doctos homines, quid dico sæpe? immo nonnunquam, sæpe enim qui potui? qui puer in forum uenerim, neque inde unquam diutius, quàm questor abfuerim: sed tamen audiui, ut heri dicebā, & Athenis cum essem, doctissimos uiros, & in Asia istum ipsum Sceptium Metrodorum, cum de his ipsis rebus disputaret, neque uero mihi quisquam copiosius unquam uisus est, neque subtilius in hoc genere dicendi, quàm iste hodie, esse uersatus, quod si esset aliter, & aliquid intelligerem ab Antonio prætermisum, non essem tam inurbanus, ac penè inhumanus, uti eo grauauerer, quod uos cupere sentirem. Tum Sulpicius, An ergo inquit oblitus es Crasse, Antonium ita partitum esse tecum, ut ipse instrumentum oratoris exponeret, tibi eius distinctionem, atque ornatum relinqueret? Hic ille, Primum quis Antonio permisit inquit, ut & partes faceret, & utram uellet prior ipse sumeret? deinde, si ego recte intellexi, cum ualde libenter audirem, mihi coniuncte est uisus de utraque re dicere. Ille uero inquit Cotta ornamenta orationis non attigit, neque eam laudem, ex qua eloquentia nomen ipsum inuenit. Verba igitur inquit Crassus mihi reliquit Antonius, rem ipse sumpsit.

Tum Cæsar, Si quod difficilius est, id tibi reliquit, est nobis inquit causa, eurate audire cupiamus, si quod facilius, tibi causa non est, cur recuses. Et Catulus, Quid quod dixisti inquit Crasse, si hic hodie apud te maneremus, te morem nobis esse gesturum, nihil ne ad fidem tuam putas pertinere? Tum Cotta ridens, Possem tibi inquit Crasse concedere, sed uide, nequid Catulus attulerit religionis, opus hoc censorium est, id autem committere uide quàm sit homini turpe censorio.

Agite uero ille inquit, ut uultis, sed nunc quidem, quoniam iam id temporis est, surgendum censeo, & requiescendum, post meridiem, si ita uobis est commodum, loquemur aliquid, nisi forte in crastinum differre mauultis. Omnes se uel statim, uel si ipse post meridiem ualeret, quam primū tamen audire uelle dixerunt.

LIBER TERTIVS



INSTITVENTI mihi Q. frater cum sermonem referre, & mandare huic tertio libro, quem post Antoniū disputationem Crassus habuisset, acerba sanè recordatio veterē animi curā, molestiamq; renouauit. Nam illud immortalitate dignum ingenium, illa humanitas, illa uirtus L. Crassi morte extincta subita est, uix diebus decem post eum diem, qui hoc, & superiore libro continetur: ut enim Romam redijt extremo scenicorum ludorum die, uehementer cōmotus ea oratione, quæ ferebatur habita esse in concione à Philippo, quem dixisse constabat, uidendum sibi aliud esse consiliū, illo senatu se remp. gerere non posse, mane idibus Septembris, & ille, & senatus frequens uocatu Drusi in curiam uenit, ibi cum Drusus multa de Philippo questus esset, retulit ad senatum de illo ipso, quod consul in eum ordinem tam grauius in concione esset inuectus. Hic ut sæpe inter homines sapientissimos constare uidi, quanquam hoc Crasso, cum aliquid accuratius dixisset, semper ferè contigisset, ut nunquam dixisse melius puraretur, tamen omnium consensu sic esse tum iudicatum, ceteros à Crasso semper omnes, illo autem die etiam ipsum à se superatum: Deplorauit enim casum, atq; orbitatem senatus, cuius ordinis à cōsule, qui quasi parens bonus, aut tutor fidelis esse deberet, tanquā ab aliquo nefario prædōne diriperetur patrimonium dignitatis, neque uero esse mirandum, si cum suis consilijs remp. profligasset, consiliū senatus à rep. repudiaret. Hic cum homini & uehementi, & disertō, & in primis forti ad resistendum Philippo quasi quædam uerborum faces admouisset, non tulit ille, & grauius exarsit, pignoribusq; ablatis Crassum instituit coercere. Quo qui dem ipso in loco multa à Crasso diuinitus dicta efferebantur, cum sibi illum consulem esse negaret, cui senator ipse non esset. An tu cum omnem auctoritatem uniuersi ordinis propugnare putares, eamq; in conspectu populi R. concideres, me his pignoribus existimas posse terreri? non tibi illa sunt cedenda, si Crassum uis coercere, hæc tibi est excidēda lingua, qua uel euulsa spiritu ipso libidinem tuam libertas mea refutabit. Per multa tum uehementissima contēptione animi, ingenij, uirium, ab eo dicta esse constabat, sententiamq; eā, quam senatus frequens secutus est, ornatissimis, et grauissimis uerbis, ut populo R. satisfieret, nunquam senatus, neque consiliū reip. nec fidem defuisse, ab eo dictam, & eundem id quod in auctoritatibus perscriptis extat, scribēdo assuulso. Illa tanquam cygnea fuit diuini hominis uox, & oratio, quam quasi expectantes post eius interitum ueniebamus in curiam, ut uestigium illud ipsum, in quo ille post remum institisset, contueremur. Namque tum latus ei dicentē condoluisse, sudoremq; multum consecutū esse audiebamus, ex quo cum cohorruisset, cum febris domum redijt, dieq; septimo est lateris dolore consumptus. O fallacem hominum spem fragilemq; fortunam, & inanes nostras contentionē, quæ in medio spatio sæpe franguntur, & corruiunt, & ante in ipso cursu obruuntur, quam portum conspiciere potuerunt: Nam quamdiu Crassi

fuit ambitionis labore uita distracta, tandiu priuatis magis officijs, & ingenij laude floruit, q̃ fructu amplitudinis, aut reip. dignitate, q̃ aut ciannus primus ab honorum perfuntione aditum omniũ cõcessit ad summam auctoritatem dabat, is eius omnem spem, atq; omnia uitæ consilia morte peruertit. Fuit hoc luctuosum suis, acerbum patriæ, graue bonis omnibus, sed ij tamẽ temp. casus secuti sunt, ut mihi non erepta L. Crasso a dijs immortalibus uita, sed donata mors esse uideatur: non uidit flagrantem bello Italiam, nõ ardentem inuidia senatum, non sceleris nefarii principes ciuitatis reos, non luctũ filia, non exilium generi, non acerbissimam C. Marij fugam, non illam post reditum eius cædem omnium crudelissimam, non denique in omni genere deformatã eam ciuitatem, in qua ipse florentissima multum omnibus gloria præstitisset. Sed quoniam attigi cogitatione uim, uarietatemq; fortunæ, non uagabitur oratio mea longius, atq; his ferè ipsius definitur uicis, qui hoc sermone, quem referre cepimus, continentur. Quis enim non iure beatam L. Crassi mortem illam, quæ est a multis sepe deserta, dixerit, cum horum ipsorum sit, qui tum cum illo postremum ferè collocti sunt, euentum recordatus? Tenemus enim memoria Q. Catulum uirum omni laude præstantem, cum sibi non incolumem fortunam, sed exilium, & fugam deprecaretur, esse coactum, ut uita seipse priuaret. Iã M. Antoni in eis ipsis rostris, in quibus ille rēp. constantissime consul defenderat, quæq; celsor imperatorijs manubijs ornat, positum caput illud fuit, a quo erant multorum ciuium capita seruata. Neq; uero longe ab eo C. Iulij caput hospitis etrusci scelere proditum cum L. Iulij fratris capite iacuit, ut ille, qui hæc non uidit, & uixisse cum repu. pariter, & cum illa simul extinctus esse uideatur: Neque enim propinquum suum maximi animi uirum P. Crassum suapte interfectum manu, neque collegæ sui Pontificis Maximi sanguine simulachrum Vestæ respersum esse uidit: cui, mœrori (qua mente ille in patriã fuit) Jetiã C. Carbonis inimicissimi hominis eodem illo die mors nefaria suisset. Non uidit eorum ipsorum, qui tum adolecentes Crasso se dicarant, horribiles, miserosq; casus, ex quibus C. Cotta, quem ille florentem reliquerat, paucis diebus post mortem Crassi depulsus per inuidiam tribunatu, nõ multis ab eo tempore mensibus eiectus est è ciuitate. Sulpicius autem, qui in eadem inuidia flamma fuisset, quibus cum priuatus coniunctissime uixerat, hos in tribu natu spoliare instituit omni dignitate, cui quidem ad summam gloriam eloquentiæ florenti, ferro erepta uita est, & pœna temeritatis non sine magnoreip. malo constituta. Ego uero te Crasse, cum uitæ flore, tum mortis opportunitate, diuino cõsilio & ortum, & extinctũ esse arbitror: nam tibi aut pro uirtute animi, constantiaq; tua ciuilem ferri subeũda fuit crudelitas, aut si qua te fortuna ab atrocitate mortis uendicasset, eadem esse te funerum patriæ spectato rem coegisset, neque solum tibi improborũ dominatus, sed etiã propter admistam ciuium cædem bonorũ uictoria mœrori fuisset. Mihi quidem Q. frater & eorum casus, de quibus ante dixi, & ea, quæ nosmetipsi ob amorem in reip. incredibilem, & singularem pertulimus, ac sensum cogitãti, sententia sæpe tua uera, ac sapiens uideri solet, qui propter tot, tantos, tamq; præcipientes casus clarissimorum hominum, atque optimorum uiroꝝ me semper ab omni contentione, ac dimicatione reuocasti. Sed quoniam hæc iam neque in integro nobis esse possunt, & summi labores nostri magna compensati gloria mitigantur,

tigantur, pergamus ad ea solaria, quæ non modo sedatis molestiis iucunda, sed etiam hereticibus, salutaria nobis esse possunt, sermonemq; L. Crassi reliquū, ac penè postremum memoriæ prodamus, atque ei, & si nequaquam parem illius ingenio, at pro nostro tamen studio meritam gratiam, debitamq; referamus: Neque enim quisquam nostrum, cum libros Platonis mirabiliter scriptos legīt, in quibus serē Socrates exprimitur, nō, quanquam illa scripta sunt diuinitus, tamen maius quiddam de illo, de quo scripta sunt, suspicatur: quod item nos postulamus nō à te quidem, qui nobis summa omnia tribuis, sed à ceteris, qui hæc in manus sument, ut maius quiddam de L. Crasso, quam quantum à nobis exprimeretur, suspicerentur: nos enim, qui ipsi sermoni non interfuisse scimus, & quibus C. Cotta tantummodo locos, ac sententias huius disputationis tradidisset, quo in genere orationis utrūque oratorem cognoueramus, id ipsum sumus in eorum sermone adumbrare conati. Quod si quis erit, qui ductus opinione vulgi, aut Antonium iuniorem, aut Crassum fuisse pleniorē putet, quā quomodo à nobis uterque inductus est, is erit ex ijs, qui aut illos non audierit, aut iudicare nō possit: Nam fuit uterque (ut exposui antea) cum studio atque ingenio, & doctrina præstans omnibus, tum in suo genere perfectus, ut neque in Antonio deesset hic ornatus orationis, neque in Crasso redundaret. Vt igitur ante meridiem discesserunt, paululumq; requierūt, in primis hoc à se Cotta animaduersum esse dicebat omne illud tempus meridianū, Crassum in acerrima, atque attentissima cogitatione posuisse, seseq; qui uultus eius, cum ei dicendum esset, obtutumq; oculorum in cogitando probe nosset, atque in maximis causis sæpe uidisset, cum dedita opera quiescentibus alijs in eam exhedram uenisset, in qua Crassus lectulo posito recubisset, cumq; eum in cogitatione defixum esse sensisset, statim recessisset, atque, in eo silentio duas horas serē esse consumptas. deinde cum omnes inclinatio iam in post meridianum tempus die uenissent ad Crassum. Quid est Crasse inquit Iulius, imus ne sessum? & si admonitum uenimus te, non flagitatū. Tum Crassus, An me tam impudentem esse existimatis, ut uobis, hoc presertim munus, putem diutius posse debere? Quinam igitur inquit ille locus, an in media sylua placet? est enim is maxime & opacus, & frigidus. Sanè inquit Crassus, etenim est in eo loco sedes huic nostro nō inopportuna sermoni. Cum placuisset idem ceteris, in syluam uenitur, & ibi magna cum audiendi expectatione confiditur. Tum Crassus, Cum auctoritas, atq; amicitia uestra, tum Antonij facilitas eripuit inquit mihi in optima mea causa libertatem recusandi, quanquam in paratā disputatione nostra, cū si bi de ijs, quæ dici ab oratore oporteret, sumeret, mihi aut relinqueret, ut explicare, quæ admodum illa ornari oporteret, ea diuisa sit, quæ sciuncta esse non possunt. Nam cum omnis ex re, atque uerbis constet oratio, neq; uerba sedem habere possunt, si rem subtraxeris, neq; res lumen, si uerba semoueris. Ac mihi quidem ueteres illi maius quiddam animo compleri, plus multo etiam uidisse uidetur, quā quātur nostrorum ingeniorum acies intueri potest, qui omnia hæc, quæ supra, & subter, unū esse, & una ui, atq; una consensione naturæ constricta esse dixerunt: Nullum est enim genus rerum, quod aut auulsum à ceteris per seipsum constare, aut quo cetera si careāt, uim suam, atq; æternitatē conseruare possint. Sed hæc maior esse ratio uidetur, quā ut hominum possit sensu, aut cogitatione cōprehendi: Est etiam illa Platonis

uera, & tibi Catule ecce nō inaudita uox, omnem doctrinam harum ingenuarum, et humanarū artium uno quodā societatis uinculo cōtineri: ubi enim per spectata uis est rationis eius, qua causæ rerū, atq; exitus cōgnoscūtur, mirus quidam omnīū quasi cōsensu doctrinarū, concentusq; reperitur. Sed si hoc quod que uidetur esse altius, quā ut id nos humi strati suspicere possimus, illud certe tamen, quod amplexi sumus, quod profitemur, quod suscipimus, nosse, & tenere debemus. Vna est enim, quod & ego hesternā die dixi, et aliquot locis at temeridiano sermone significauit Antonius, eloquentia, quascunq; in oras disputationis, regiones uel delata est: nam siue de cœli natura loquitur, siue de terræ, siue de diuina ui, siue de humana, siue ex inferiore loco, siue ex æquo, siue ex superiore, siue ut impellat homines, siue ut doceat, siue ut deterreat, siue ut cōcitet, siue ut reflectat, siue ut incedat, siue ut leniat, siue ad paucos, siue ad multos, siue inter alienos, siue cū suis, siue secum, riuus est diducta oratio nō fontibus, et quocūq; ingreditur eodē est instructu, ornatuq; comitata. Sed quoniā oppressi iam sumus opinionibus nō modo uulgi, uerum etiā hominum leuiter eruditiorum, qui quæ cōplecti tota nequeunt, hæc facilius diuulsa, & quasi discerpta contrectant, et qui tanquam ab animo corpus, sic a sententijs uerba sciungunt, quorū sine interitu fieri neutrum potest, non suscipiā oratione mea plus, quā mihi imponitur, tantū significabo breui, neq; uerborum ornatū inueniri posse non partitis, expressisq; sententijs, neq; esse ullam sententiam illustrem sine luce uerborū. Sed prius quā illa conor attingere, quibus orationem ornari, atq; illuminari putem, proponam breuiter, quid sentiam de uniuerso genere dicendi. Natura nulla est (ut mihi uidetur) quæ non habeat in suo genere res cōplures dissimiles inter se, quæ tamen consimili laude dignentur. Nam & auribus multa percipimus, quæ & si nos uocibus delectant, tamē ita sunt uaria sepe, ut id, quod proximum audias, iucundissimū esse uideatur, & oculis colliguntur penē innumerabiles uoluptates, quæ nos ita capiunt, ut unum sensum dissimili genere delectēt, & reliquos sensus uoluptates oblectāt dispares, ut sit difficile iudicium excellentis maxime suauitatis. At hoc idem, quod est in naturis rerum, transferri potest etiā ad artes. Vna fingendi est ars, in qua prestantes fuerunt Myro, Polycletus, Lyssippus, qui oēs inter se dissimiles fuerūt, sed ita tamen, ut neminē sui uelis esse dissimilē. Vna est ars, ratioq; picturæ, dissimillimiq; tamen inter se Zevis, Aglaophon, Apelles, neq; corū quisquam est, cui quidquā in arte sua deesse uideatur: & si hoc in his, quasi mutis artibus est mirandum, & tamen uerū, quanto admirabilius in oratione, atq; in lingua, quæ cū in iisdem sententijs, uerbisq; uersetur, summas habet dissimilitudines, nō sic, uel alij uituperādi sint, sed ut ij, quos cōstet esse laudādos, in dispari tamen genere laudētur. Atq; id primū in poetis cernilicet, quibus est proxima eognatio cū oratoribus, quā sint inter se Ennius, Pacruuius, Acciusq; dissimiles, quā apud grecos Eschylus, Sophocles, Euripides, quanq; oibus par penē laus in dissimili scribēdi genere tribuatur. Aspiciē nunc eos homines, atq; intuemini, quorū de facultate quærimus, quid intersit inter oratorū studia, atq; intuemini, quorū tem Iocrates, subtilitatē Lysias, acumē Hyperides, sonitū Aschines, uim Demosthenes habuit, quis corū non egregius? tamē quis cuiusquā nisi sui similis? Grauitatē Africanus, lenitatē Lelius, asperitatē Galba, profluēs quiddam habuit Carbo, & canorū, quis horum nō princeps temporibus illis fuit? & suo

tamen

tamen quisque in genere princeps. Sed quid ego vetera conquiram, cum mihi liceat uti præsentibus exemplis, atque uiuis? Quid iucundius auribus nostris unquam accidit huius oratione Catuli? quæ est pura sic, ut latine loqui penè solus uideatur, sic autem grauis, ut in singulari dignitate omnis tamen adsit humanitas, ac lepos. quid multa? istum audiens equidem sic iudicare soleo, quid quid aut addideris, aut mutaueris, aut detraxeris, uitiosius, & deterius futurum. Quid noster hic Cæsar? non ne nouam quandam rationem attulit orationis, & dicendi genus induxit propè singulare? quis unquam res præter hunc tragicas penè comice, tristes remisit, seueras hilare, forenses scenica propè uenustate tractauit? atque ita, ut neque iocus magnitudine rerum excluderetur, nec grauitas facetijs minueretur. Ecce præsentibus duo propè æquales Sulpicius, & Cotta: quid tam inter se dissimile, quid tam in suo genere præstans? limatus alter, & subtilis, rem explicans proprijs, aptisq; uerbis, heret in causa semper, et quid iudici probandum sit cum acutissime uidit, omissis ceteris argumentis in eo mentem, orationemq; defigit. Sulpicius autè fortissimo quodam animi impetu, plenissima, & maxima uoce, summa contentione corporis, & dignitate motus uerborum quoque ea grauitate, & copia est, ut unus ad dicendum instructissimus à natura esse uideatur. Ad nosmetipsos iam reuertor, quoniam sic sumus semper comparati, ut hominum sermonibus quasi in aliquod contentiosis iudicium uocaremur, quid tam dissimile, quam ego in dicendo, & Antonius? cum ille is sit orator, ut nihil eo possit esse præstantius, ego autem, quam memet mei poenitet, cum hoc maxime tamen in comparatione coniungar. Videris ne genus hoc, quod sit Antonij, forte, uehemens, commotum in agendo, præmunitum, & ex omni parte causæ septum, acre, acutum, enucleatum, in unaquaque re commorans, honeste cedens, acriter insequens, terrens, supplicans, summa orationis uarietate, nulla nostrarum aurium facietate. Nos autè, quicumq; in dicendo sumus (quoniam esse aliquo in numero uobis uidemur) certe tamen ab huius multum genere distamus: quod quale sit, non est meum dicere, propterea quod minime sibi quisq; notus est, et difficillime de se quisq; sentit, sed tamè dissimilitudo intelligi potest, & ex motus mei mediocritate, et ex eo, quod quibus uestigijs primum institi, in ijs serè soleo perorare, & quod aliquanto me maior in uerbis, & in sententijs eligendis, quam eum labor, & cura torquet, uerentè, ne si paulo obsoletior fuerit oratio, non digna expectatio ne, & silètio fuisse uideatur. Quod si in nobis, qui adsumus, tantè dissimilitudines, tam certè res cuiusq; propriæ, & in ea uarietate serè melius à deteriore facultate magis, quam genere, distinguitur, atq; omne laudatur, quod in suo genere perfectum est, qd censes, si oēs, qui ubiq; sunt, aut fuerunt oratores amplecti uoluerimus, nū ne fore, ut quot oratores, totidè penè reperiant genera dicendi? Ex qua mea disputatiōe forsità occurrat illud, si penè innumerabiles sint quasi formæ, figuræq; dicendi, specie dispares, genere laudabiles, non posse ea, quæ inter se discrepant, iisdem præceptis, atque in una institutione formari. Quod non est ita, diligentissimeq; hoc est eis, qui instituunt aliquos, atque erudiunt, uidendum, quo sua quæque natura maxime ferre uideatur. Etenim uidemus ex eodem quasi ludo summorum in suo cuiusque genere artificum, & magistrorum exisse discipulos, dissimiles inter se, attamen laudandos, cum ad cuiusque naturam institutio doctoris accommodaretur. Cuius est uel maxime isigne illud

exemplum (ut ceteras artes omittamus) quod dicebat Iſocrates doctor ſingularis, ſe calcaribus in Ephoro, contra autem in Thepompo frenis uti ſolere: alterum enim exultantem uerborum audacia reprimebat, alterum cunctantem, & quaſi uerecundantem incitabat: Neque eos ſimiles effecit inter ſe, ſed tantum alteri affinxit, de altero limauit, ut id confirmaret in utroque, quod utriuſque natura pateretur. Hæc eo mihi prædicenda fuerunt, ut ſi non omnia, quæ proponerentur à me ad omnium ueſtrum ſtudium, & ad genus id, quod quiſque ueſtrum in dicendo probaret, adhæreſcerent, id à me genus ex primi ſentiretis, quod maxime mihi ipſi probaretur: Ergo hæc & agenda ſunt ab oratore, quæ explicauit Antonius, & dicenda quodammodo. Quis nam igitur dicendi eſt modus melior? (nam de actione poſt uidero) quam ut latine, ut planè, ut ornate, ut ad id, quodcunque agetur, apte, congruenterq; dicamus. Atque eorum quidem, quæ duo prima dixi, rationem non arbitror expectari à me puri, dilucidiq; ſermonis, neq; enim conamur docere eū dicere qui loqui neſciat, nec ſperare qui latine nō poſſit, hūc ornate eſſe dicturū, neq; uero, qui non dicat, quod intelligamus, hunc poſſe, quod admiremur, dicere. Linquamus igitur hæc, quæ cognitionem habent ſacilem, uſum neceſſarium, nam alterum traditur literis, doctrinaq; puerili, alterum adhibetur obſcūſam, ut intelligatur, quid quiſque dicat, quod uidemus ita eſſe neceſſarium, ut tamen eo minus nihil eſſe poſſit. Sed omnis loquendi elegancia, quanquam expolitur ſcientia literarum, tamen augetur legendis oratoribus, & poëtis: ſunt enī illi ucteres, qui ornare nondum poterāt ea, quæ dicebant, omnes prope præclare locuti, quorum ſermone aſſuefacti qui erunt, ne cupientes quiſque poterunt loqui niſi latine, neque tamen erit utendum uerbis ſiſ, quibus iam conſuetudo noſtra non utitur, niſi quando ornandi cauſa parce, quod oſtendam, ſed uſitatis, ita poterit uti, leſtiſſimis ut utatur ſiſ, qui in ueteribus erit ſcriptis ſtudioſe, & multum uolutatus. Atque ut latine loquamur, non ſolum uidendum eſt, ut & uerba efferamus ea, quæ nemo iure reprehendat, & ea ſic, & caſibus, & temporibus, & genere, & numero conſeruemus, ut ne quid perturbatum, ac diſcrepans, aut præpoſterum ſit, ſed etiam lingua, & ſpiritus, & uocis ſonus eſt ipſe moderandus. Nolo exprimi literas putidius, nolo obſcūrari negligentius, nolo uerba exiliter exanimata exire, nolo inflata, & quaſi anhelata grauius: nam de uoce nondum ea dico, quæ ſunt actionis, ſed hoc, quod mihi cum ſermone quaſi coniunctum uidetur. Sunt enim certa uitia, quæ nemo eſt, quin effugere cupiat, mollis uox, ut muliebris, aut quaſi extra modum abſona, atque abſurda. eſt autem uitium, quod nonnulli de induſtria conſectantur: ruſtica uox, & agreſtis quorſdam delectat, quo magis antiquitatem, ſi ita ſonet, eorum ſermo retinere uideatur, ut tuus Caſtule ſodalis L. Cotta gaudere mihi uidetur grauitate linguæ, ſonoq; uocis agreſti, & illud, quod loquitur, priſcum uiſumiri putat, ſi planè fuerit ruſticanum. Me autem tuus ſonus, et ſua uitas iſta delectat, omitto uerborum, quamquam eſt caput, uerum id aſſert ratio, docent literæ, confirmat cōſuetudo & legendi, & loquendi, ſed hanc dico ſua uitatem, quæ exit ex ore, quæ quidem, ut apud græcos atticorū, ſic in latino ſermone huius eſt urbis maxime propria. Athenis iandiu doctrina ipſorū Athenienſium interijt, domicilium tantū in illa urbe remanet ſtudioſorū, quibus uacant ciues, peregrini fruūtur capti quodammodo

dammodo nomine urbis, & auctoritate, tamen eruditissimos homines Asiaticos quibus Atheniensis indoctus, non verbis, sed sono vocis, nectam bene, quam suauiter loquendo facile superabit. Nostri minus student literis, quam latini, tamen ex istis, quos nostis, urbanis, in quibus minimum est literarum, nemo est quin literatissimū togatorum omnium. Q. Valerium Soranum lenitate vocis, atque ipso oris pressu, & sono facile uincat. Quare cum sit quedam certa uox romani generis, urbisq; propria, in qua nihil offendi, nihil displicere, nihil animaduerti possit, nihil sonare, aut olere peregrinum, hanc sequamur, neque solum rusticam asperitatem, sed etiam peregrinā insolentiam fugere dicamus. Equidem cum audio socrum meā Læliam (facilior enim mulieres in corruptam antiquitatem conseruant, quod multorum sermonis expertes, ea tenent semper, quæ prima didicerunt) sed eam sic audio, ut Plautum mihi aut Næuium uidear audire, sono ipso vocis ita recto, & simplici est, ut nihil ostentationis, aut imitationis asferre uideatur, ex quo sic locutum esse eius patrem iudico, sic maiores, non asperere, ut ille, quem dixi, non uaste, non rustice, non hiulce, sed presse & æquabiliter, & leniter, quare Cotta noster, cuius tu illa laus Sulpicii nonnunquam imitaris, ut iotam literam tollas, et e plenissimum di eas, non mihi oratores antiquos, sed messorum uideris imitari. Hic cum arrisisset ipse Sulpicius, sic agam uobiscum inquit Crassus, ut quoniam me loqui uoluistis, aliquid de uestris nitijis audiat. Utinam quidem inquit ille, id enim ipsum uolumus, idq; si feceris, multa (ut arbitror) hic hodie uitia ponemus.

At enim non sine meo periculo Crassus inquit possum Sulpici te reprehendere, quoniam Antiochus mihi te simillimum dixit sibi uideri. Tum ille, tum quod monuit idem ut ea, quæ in quoq; maxima essent, imitaremur: ex quo uereor, ne nihil sim tui nisi suppositionē pedis imitatus, & pauca quedā uerba, & aliquē si forte motum. Ergo ista inquit Crassus, quæ habes à me, non reprehendo, ne meipsum irrideam, sunt autem mea multo, & plura, et maiora quam diis, quæ aut sunt, aut tua planē, aut imitatione ex aliquo expressa, de ijs te, siquis me forte locus admonuerit, cōmonebo. Pretereamus igitur præcepta latine loquēdi, quæ puerilis doctrina tradit, et subtilior cognitio, ac ratio literarū alit, aut consuetudo sermonis cotidiani, ac domestici libri confirmant, et lectio ueterum oratorum, et poetarum. Neq; uero in illo altero diutius cōmoremur, ut disputemus quibus rebus assequi possimus, ut ea, quæ dicamus, intelligantur, latine scilicet dicendo, uerbis uisitat, ac proprie demonstratibus ea, quæ significari, ac declarari uolumus, sine ambiguo uerbo, aut sermone, nō nimis longa continuatione uerborum, non ualde productis ijs, quæ similitudinis causa ex alijs rebus transferuntur, non disceptis sententijs, non præposteris temporibus, non cōfusus psonis, nō perturbato ordine. quid multa? tam facilis est tota res, ut mihi permittū sepe uideatur, cū difficilius intelligat quid patronus uelit dicere, q̃ si ipse ille, qui patronū adhibet, de re sua diceret: isti enī qui ad nos causas dederunt, ita nos plerunq; ipsi docent, ut nō desideres planius dici. Eadem res autem simulac Fufius, aut uester equalis Pomponius agere cœpit, nō eque quid dicat, nisi admodū attendi, intelligo: ita confusa est oratio, ita perturbata, nihil ut sit primum, nihil ut secundum, tantaq; insolentia, ac turba uerborū, ut oratio, quæ lumen adhibere rebus debet, ea obscuritatem & tenebras asferat, atque ut quodammodo ipsi sibi in dicendo obstrepere uideantur. Verum si

placet, quoniam hæc satis spero uobis quidem, certe maioribus molesta, & pœtida uideri, ad reliqua aliquāto odiosiora pergamus. Atqui uidēs inquit Antonius, cum alias res agamus, quā te inuicti audiamus, qui adduci possumus, de me enim conicio, relictis ut rebus omnibus te sectemur, te audiamus, ita de horridis rebus nitida, de ieiunis plena, de peruulgatis noua quædam est oratio tua. Faciles enī inquit Antoni partes eæ fuerunt duæ, quis modo percucurri, uel potius penē præteriri, latine loquendi, planeq; dicendi, reliquæ sunt magnæ, implicatæ, uariæ, graues, quibus omnis admiratio ingenij, omnis laus eloquentiæ continetur: nemo enim unquam est oratorem, quod latine loqueretur, admiratus, si est aliter, irridet, neq; cum oratorem tantummodo, sed hominem non putant: nemo extulit eum uerbis: qui ita dixisset, ut qui adessent intelligerent, quid diceret, sed contempsit eum qui minus id facere potuisset.

In quo igitur homines exhorrescunt: quem stupelacti dicentem intuentur: in quo exclamant: quem deum, ut ita dicam, inter homines putant: qui distincte, qui explicite, qui abundanter, qui illuminate & rebus, & uerbis dicunt, & in ipsa oratione quasi quendam numerum, uersumq; cōficiunt, id est quod dico ornate. qui idem ita moderantur, ut rerum, ut personarum dignitates serunt, hī sunt in eo genere laudandi laudis, quod ego aptum, & congruens nominem: qui ita dicerent, eos negauit adhuc se uidisse Antonius & ijs hoc nomen dixit eloquentiæ solis esse tribuendum. Quare omnes istos me auctore deridete, atque contemnite, qui se horum, qui nunc ita appellantur, rhetorum præceptis omnem oratorum uim complexos esse arbitrantur, neque adhuc quam personam teneant, aut quid profiteantur, intelligere potuerunt. Verum enim oratori quæ sunt in hominum uita, quandoquidē in ea uersatur orator, atque ea est ei subiecta materies, omnia quæ sita, audita, lecta, disputata, tractata, agitata esse debent. Est enim eloquentia una quædam de summis uirtutibus, quanquam sunt omnes uirtutes æquales, & pares, sed tamen est species alia magis alia formosa, & illustis, sicut hæc uis, quæ scientiam complexa rerum, sensa mentis, & consilia sic uerbis explicat, ut eos, qui audiant, quocumque incubuerit, possit impellere, quæ quo maior est uis, hoc est magis probitate iungenda, summaq; prudentia, quarum uirtutum expertibus, si dicēdi copiam tradiderimus, non eos quidem oratores effecerimus, sed furētibz quædam arma dederimus. Hanc inquā cogitandi, pronuntiandiq; rationē, uimq; dicendi ueteres græci sapientiam nominabāt, hinc illi Lycurgi, hinc Pittaci, hinc Solones, atq; ab hac similitudine Coruncanij nostri, Fabricij, Catones, Scipiones fuerunt, nō tam fortasse docti, sed impetu mentis simili, & uoluntate. Eadem aut alij prudentia, sed consilio ad uitæ studia dispari, quietem, atq; otium secuti, ut Pythagoras, Democritus, Anaxagoras, a regēdis ciuitatibus totos se ad cognitionē rerum transulerunt, quæ uita propter tranquillitatem, & propter ipsius scientiæ suauitatē, qua nihil est hominibus iucundius, plures quā utile fuit rebus publicis, delectauit. Itaq; ut ei studio se excellentissimis ingenijs homines dediderunt, ex ea summa facultate uacui, ac liberi temporis, multo plura, q̄ erat necesse, doctissimi homines otio nimio, & ingenijs uberri-
mis affluentes curanda sibi esse, ac quærenda, & inuestiganda duxerūt. Nam uetus quidem illa doctrina eadem uidetur & recte facienda, & benedicendi magistra, neque diiuncti doctores, sed iidem erant uiuendi præceptores,

atque

atque dicendi, ut ille apud Homerum Phœnix, qui se à Peleo patre Achilli iuueni comitem esse datum dicit ad bellum, ut illum efficeret oratorem uerborum, actoremq; rerum. Sed ut homines labore assiduo, & cotidiano assueti, cum tempestatis causa opere prohibentur, ad pilam se, aut ad talos, aut ad reseras conferunt, aut etiam nouum sibi ipsi aliquem excogitant in otio ludum, sic illi à negotijs publicis, tanquam ab opere, aut temporibus exclusi, aut uosuntate sua feriatu rotos se alij ad poëtas, alij ad geometras, alij ad musicos contulerunt, alij etiam, ut dialectici, nouum sibi ipsi studium, ludumq; pepererunt, atque in ijs artibus, quæ repertæ sunt, ut puerorum mentes ad humanitatem fingerentur, atque uirtutem, omne tempus, atque ætates suas consumpserunt. Sed quod erant quidam, ijsq; multi, qui aut in repu. propter ancipitem, quæ non potest esse seiuncta, faciendi, dicendiq; sapientiam florent, ut Themistocles, ut Pericles, ut Theramenes, aut qui minus ipsi i repu. uersarentur, sed ut huius tamen eiusdem sapientiæ doctores essent, ut Gorgias, Trasimachus, Isocrates, inuenti sunt, qui cum ipsi doctrina, & ingenijs abundarent, à re autem ciuili, & à negotijs animi quodam iudicio abhorrent, hanc dicendi exercitationem exagitant, atque contemnerent, quorum princeps Socrates fuit is, qui omnium eruditorum testimonio, totiusq; iudicio Græciæ, cum prudentia, & acumine, & uenustate, & subtilitate, tum uero eloquentia, uarietate, copia, quam se cunque in partem dedisset, omnium fuit facile princeps. Is, qui hæc, quæ nos nunc quærimus, tractarent, agerent, docerent, cum nomine appellarent uno, quod omnis rerum optimarum cognitio, atque in ijs exercitatio philosophia nominaretur, hoc commune nomen eripuit sapienterq; sentiendi, & ornate dicendi scientiam re coherentes, disputationibus suis separauit, cuius ingensum, uariosq; sermones immortalitati scriptis suis Plato tradidit, cum ipse literam Socrates nullam reliquisset. Hinc discidium illud exitit quasi linguæ, atque cordis, absurdum sanè, & inutile, & reprehendendum, ut alij nos sapere, alij dicere docerent. Nam cum essent plures orati ferè à Socrate, quod ex illius uarijs, & diuersis, & in omnem partem diffusis disputationibus alius aliud apprehenderat, profeminatæ sunt, quasi familiaræ dissentientes inter se, & multum diiunctæ, & dispares, cum tamen omnes se philosophi, socraticos & dici uellent, & esse arbitrantur. Ac primo ab ipso Platone Aristoteles, & Xenocrates, quorum alter Peripateticorum, alter Academiæ nomē obtinuit. deinde ab Antisthene, qui patientiam, & duritiam in socratico sermone maxime adamarat, cynici primum, deinde stoici ei, tum ab Aristippo, quem illæ magis uoluptariæ disputationes delectarant, cyrenaica philosophia manauit, quam ille & eius posteri simpliciter defendebant: ij qui nūc uoluptate omnia metiuntur, dum uerecundius id agunt, nec dignitati satis faciunt, quam non aspernantur, nec uoluptatem tuetur, quam amplexari uolunt. Fuerunt etiam alia genera philosophorum, qui se omnes ferè socraticos esse dicebant, Ereticorum, Erilliorum, Megaricorum, Pyrrhonicorum, sed ea horum ui, & disputationibus sunt iandiu fracta, & extincta. Ex illis autem, quæ remanent, ea philosophia, quæ suscepit patrociniū uoluptatis, & licui uera uideatur, procul abest tamen ab eo uiro, quem quærimus, et quem auctorem publici consilij, & regendæ ciuitatis ducem, & sententiæ, atque eloquentiæ principem in senatu, in populo, in causis publicis esse uolumus. nec

ulla tamen ei philosophiæ fiet iniuria à nobis : non enim repelletur inde, quod aggredi cupit, sed in hortulis quiescet suis, ubi uult, ubi etiam recubans molliter, & delicate, nos auocat à rostris, à iudicijs, à curia, fortasse sapienter, ac presertim à repu. uerum ego non quero nunc, quæ sit philosophia uerissima, sed quæ oratori coniuncta maxime. Quare istos sine ulla contumelia dimittamus, sunt enim & boni uiri, & quoniam sibi ita uidentur, beati; tantumq; eos admoneamus, ut illud, etiam si est uerissimum, tacitum tamen tanquam mysterium teneant, quod negant uerari in repu. esse sapientis : nam si hoc nobis, atque optimo cuique persuaferint, non poterunt ipsi esse, id quod maxime cupiunt, otiosi. Stoicos autem, quos minime improbo, dimitto tamē, nec eos iratos uereor, quoniam omnino irasci nesciunt, atque hæc ab ijs habeo gratiam, quod soli ex omnibus, eloquentiam uirtutem, ac sapientiam esse dixerunt: sed utrumque est in his, quod ab hoc, quem instruimus, oratorem ualde abhorreat, uel quod omnes, qui sapientes non sunt, seruos, latrones, hostes, infanos esse dicunt, neque tamen quenquam esse sapientem, ualde autem est absurdum ei concionem, aut senatum, aut ullum cœtum hominum committere, cui nemo, illorum, qui ad sint, sanus, nemo ciuis, nemo liber esse uideatur. Accedit, quod orationis etiā genus habent fortasse subtile, & certe acutum, sed ut in oratore exile, inusitatum, abhorrens ab auribus uulgi, obscurum, inane, icinum, at tamē eiusmodi, quo uti ad uulgus nullo modo possit: Alia enim & bona, & mala uidentur stoicis, & ceteris ciuib; uel potius gentibus, alia uis honoris, ignominia, præmijs, supplicijs, uere, an secus, nihil ad hoc tempus, sed, ea si sequamur, nullam unquam rem dicendo expedire possumus. Reliqui sunt Peripatetici, & Academici, quanquam academicorum nomen est unum, sententiæ duæ: nam Speusippus Platonis sororis filius, & Xenocrates, qui Platonem audierat, & qui Xenocratem Polemo, & Crætor, nihil ab Aristotele, qui una audierat Platonem, magnopere dissensit, copia fortasse, & uarietate dicendi pares non fuerunt. Arcesilas primum, qui Polemonem audierat, ex uarijs Platonis libris, sermonibusq; socraticis hoc maxime arripuit, nihil esse certi, quod aut sensibus, aut animo percipi possit, quem serunt eximio quodam usum lepore dicendi, aspernatum esse omne animi, sensusq; iudicium, primumq; instituisse (quanquam id fuit socraticum maxime) non quid ipse sentiret ostendere, sed contra id, quod quisque se sentire dixisset, disputare. Hinc hæc recentior Academia emanauit, in qua extitit diuina quadam celeritate ingenij, dicendiq; copia Carneades, cuius ego, & si multos auditorum res cognoui Athenis, tamen auctores certissimos laudare possum, & socerum meum Scæuolam, qui cum Romæ audiuit adolescens, & Q. Metellum L. F. familiarem meum clarissimum uirum, qui illum à se adolescente Athenis, iam affectum senectute, multos dies auditum esse dicebat. Hæc autem, ut ex Apennino fluminum, sic ex communi sapientium iugo sunt doctrinarum facta diuortia, ut philosophi tanquam in superum mare ionium defluerent, græcum quiddam, & portuosum, oratores autem in inferum hoc tuscum, & barbarum, scopolosum, atque infestum laberentur, in quo etiam ipse Vlysses errasset. Quare si hac eloquentia, atque hoc oratore contenti sumus, qui sciat, aut negare oportere, quod arguere, aut, si id non possis, tum ostendere, quod is læcerit, qui insimuletur, aut recte factum, aut alterius culpa, aut iniuria, aut

ex lege,

ex lege, aut non contra legem, aut imprudentia, aut necessario, aut non eo nomine usurpandum, quo arguatur, aut non ita agi, ut debuerit, ac licuerit, & si satis esse putatis, ea, quæ isti scriptores artis docent, discere, quæ multo tamen ornatus, quàm ab illis dicuntur, & uberius explicauit Antonius, sed si his contenti estis atque ipsi etiam, quæ dici uoluistis à me, ex ingenti quodam oratorum immensoque campo in exiguum sanè gyrum compellit. Sin ueterem illum Periclem, aut hunc etiam, qui familiarior nobis propter scriptorum multitudinem est, Demosthenem sequi uultis, & si illam præclaram, & eximiam speciem oratoris perfecti, & pulchritudinem adamaistis, aut uobis hæc carnædia, aut illa aristotelia uis comprehendenda est: Nanque (ut ante dixi) ueteres illi usque ad Socratem omnem omnium rerum, quæ ad mores hominum, quæ ad uitam, quæ ad uirtutem, quæ ad remp. pertinebant, cognitionem, & scientiam, cum dicendi ratione iungebant: postea dissociati (ut exposui) à Socrate diserti à doctis, & deinceps à locraticis itè omnibus, philosophi eloquentiam depexerunt, oratores sapientiam, neque quidquam ex alterius parte tetigerunt, nisi quod illi ab his, aut ab illis hi mutuarentur, ex quo promiscue haurirent, si manere in pristina communione uoluissent. sed ut pontifices ueteres propter sacrificiorum multitudinem tres uiros epulones esse uoluerunt, cum essent ipsi à Numa, ut etiam illud ludorum epulare sacrificium facerent, instituti, sic locratici à se causarum actores à communi philosophiæ nomine se parauerunt, cum ueteres, dicendi, & intelligendi mirificam societatem esse uoluissent. Quæ cum ita sint paululum equidem de me deprecabor, & petam à uobis, ut ea, quæ dicam, non de memet ipso, sed de oratore dicere putetis: ego enim sum is, qui cum summo studio patris in pueritia doctus essem, & in forum ingenij tantum, quantum ipse sentio, non tantum quantum ipse foris tan uobis uidear, detulisset, non possim dicere me hæc, quæ nunc complexor, perinde ut dicam discenda esse, didicisse, quippe qui omnium maturissime ad publicas causas accesserim, annosque natus unum, & uiginti nobilissimum hominem, & eloquentissimum in iudicium uocari, cui disciplina fuerit forum, magister usus, & leges, & instituta populi Romani. mosque maiorum: paulum, sitiens istarum artium, de quibus loquor, gustauit quæstor in Asia, cum essem æqualem ferè meum ex Academia rhetorum nactus Metrodorum illum, de cuius memoria commemorauit Antonius, & inde decedens, Athenis, ubi ego diutius essem moratus, nisi Atheniensibus, quod mysteria non referrent, ad quæ biduo serius ueneram, susceuissem. Quare hoc, quod complector, tantam scientiam, uimque doctrinæ, non modo non pro me, sed contra me est potius. non enim quid ego, sed quid orator possit, disputo, atque hos omnes, qui artes rhetoricas exponunt, perridiculos: Scribunt enim de litium genere, & de principijs, & de narrationibus: illa uis autem eloquentiæ tanta est, ut omnium rerum, uirtutum, officiorum, omnisque naturæ, quæ mores hominum, quæ animos, quæ uitam continet, originem, uim, mutationesque teneat. eadem mores, leges, iura describat, remp. regat, omnia, quæ ad quancunque rem pertineant, ornate, copioseque dicat. In quo genere nos quidem uersamur tantum, quantum possumus, quantum ingenio, quantum mediocri doctrina, quantum usu ualemus, neque tamen istis, qui in una philosophia quasi tabernaculum uite sue collocarunt, multum sanè in disputatione concedimus: quid enim

meus familiaris C. Velleius asferre potest, quæ obrem uoluptas sit summum bonum, quod ego non copiosius possim uel tutari, si uelim, uel refellere ex illis locis, quos exposuit Antonius, hac dicendi exercitatione? in qua Velleius est rudis, unusquisque nostrorum uersatus. quid est, quod aut Sex. Pompeius, aut duo Balbi, aut meus amicus, qui cum Panætio uixit, M. Vigellius, de uirtute hominum stoici possint dicere, qua in disputatione ego his debeam, aut uerum quisquam concedere? Non est enim philosophia similis artium reliquarum: nam quid faciet in geometria qui non didicerit? quid in musicis? aut taceat oportebit, aut nescius quidem iudicetur. hæc uero, quæ sunt in philosophia, ingenijs eruntur, ad id, quod in quoque uerisimile est eliciendum, acutis, atque acribus, eaque exercitata oratione poliuntur. Hic hic noster uulgaris orator, si minus erit doctus, atramen in dicendo exercitatus, hac ipsa exercitatione communis, istos quidem nostros uerberabit, neque se ab his contemni, ac despicari sinet. Sin aliquis extiterit aliquando, qui aristotelio more de omnibus rebus in utranque sententiam possit dicere, & in omni causa duas contrarias orationes præceptis illius cognitis, explicare, aut hoc Arcefilæ modo, & Carnadi contra omne, quod propositum sit, disserat, quisque ad eam rationem adiungat hunc rhetoricum usum, moremque, exercitationemque dicendi, is sit uerus, is perfectus, is solus orator: Nam neque sine forensibus necris satis uehemens, & grauis, nec sine uarietate doctrine satis politus, & sapiens esse orator potest. Quare Coracem istum uelutrum patiamur nos quidem pullos suos excludere in iudicio, qui uolent clamatores odiosi, ac molesti, Pamphilumque nescio quem sinamus in insulis tantam rem, tanquam pueriles delicias aliquas depingere, nosque ipsi hac tam exigua disputatione hesterni, & hodierni diei totum oratoris munus explicemus, dummodo illa res tanta sit, ut omnibus philosophorum libris, quos nemo oratorum istorum unquam attigit, comprehensa esse uideatur. Tum Catulus. Haudquaquam hercle inquit Crasse mirandum est, esse in te tantam dicendi uel uim, uel suauitatem, uel copiam, quem quidem antea natura rebar ita dicere, ut mihi non solum orator summus, sed etiam sapientissimus homo uiderere, nunc intelligo illa te semper etiam potiora duxisse, quæ ad sapientiam spectarent, atque ex his hanc dicendi copiam fluxisse, sed tamen, cum omnis gradus ætatis recordor tuæ, cumque uitam tuam, ac studia considero, neque quo tempore ista didiceris, uideo, nec magnopere te istis studiis, hominibus, libris intelligo deditum, neque tamen possum statuere, utrum magis mirer, te illa, quæ mihi persuades maxima esse adiumenta, potuisse in tuis tantis occupationibus perdiscere, an, si non potueris, posse isto modo dicere. Hic Crassus. Hoc tibi inquit Catule primum persuadeas uelim, me non multo secus facere, cum de oratore disputem, ac facerem si esset mihi de histione dicendum: negarem enim posse eum satisfacere in gestu, nisi palæstram, nisi saltare didicisset, neque ea cum dicerem, me esse histionem necesse esset, sed fortasse non stultum alieni artificij existimatorem, similiter nunc de oratore, uestro impulsu loquor, summo scilicet: Semper enim quacumque de arte, aut facultate queritur, de absoluta, et perfecta queri solet. Quare si iam me uultis esse oratorem si etiam sit bonum, si bonum denique, non repugnabo (quid enim nunc sum ineptus? ita me existimari scio) quod si ita est, summus tamen certe non sum: neque enim apud homines res est ulla difficilior, neque maior, neque quæ plura
adiumenta

adiumenta doctrinæ desideret. Attamen quoniam de oratore nobis disputandum est, de summo oratore dicam necesse est: uis enim, & naturæ rei, nisi perfecta ante oculos ponitur, qualis, & quanta sit intelligi non potest. Me autem Catule fateor, neque hodie in istis libris, & cum istis hominibus uiuere, nec uero id, quod tu recte commemorasti, ullum unquam habuisse sepositum tēpus ad discendum, ac tantum tribuisse doctrinæ temporis, quantum mihi puerilis ætas, forenses serię concesserint. At si quæris Catule de doctrina ista quid ego sentiam, non tantum ingenioso homini, et ei qui forum, qui curiam, qui causas, qui remp. spectet, opus esse arbitror temporis, quantum tibi si sumperunt, quos discētes uita defecit: omnes enim artes aliter ab ijs tractantur, qui eas ad usum transferunt, aliter ab ijs, qui ipsarum artium tractatu delectati, nihil in uita sunt aliud acturi. Magister hic Samnitium summa iam senectute est, & cotidie commetatur, nihil enim curat aliud, atque uelocius puer addidicerat, sed quod erat apud ad illud, totumque cognorat, fuit, ut est apud Lucilium.

Quamuis bonus ipse

Samnis in ludo, ac rudibus cuius satis asper, sed plus operæ foro tribuebat, amicis, rei familiari. Valerius cotidie cantabat: erat enim scenicus, quid faceret aliud? at Numerius Furius noster familiaris, cum est commodum, cantat: est enim paterfamilias, est eques R. puer didicit, quod discendum. Eadem ratio est harum artium maximarum, dies, et noctes uirum summa uirtute, & prudentia uidebamus philosopho cum operam daret Q. Tuberonem, at eius auunculum uix intelligeres id agere, cum ageret tamen, Africanum. Ista dicuntur facile, si & tantum sumas, quantum opus sit, & habeas, qui docere fideliter possit, & scias etiam ipse discere. Sed si tota uita nihil uelis aliud agere, ipsa tractatio, & quæstio cotidie ex se gignit aliquid, quod cum desidiola delectatione uestiges: ita fit, ut agitatione rerum sit infinita cognitio, facilis usus doctrinam confirmet, mediocris opera tribuatur, memoria, studiumque permaneat, liber autē semper discere: ut si uelim ego talis optime ludere, aut pilæ studio teneat, etiam fortasse, si asse qui nō possim, at alij, quia præclare faciunt, uehementius, quam causa postulat, delectantur, ut Tityus pila, Brulla talis. Quare nihil est, quod quisquam magnitudinem artium ex eo, quod senes discunt, pertimescat: namque aut senes ad eas accesserunt, aut usque ad senectutem in studijs detinentur, aut sunt tardissimi: res quidem se mea sententia sic habet, ut nisi quod quisque cito potuerit, nunquam omnino possit perdiscere. Iam iam inquit Catulus, intelligo Crasse quid dicas, & hercule assentior, satis uideo tibi homini ad perdiscendum acerrimo, ad ea cognoscenda, quæ dicis, fuisse temporis. Pergis ne inquit Crassus, me quæ dicam, de me non de re putare dicere? Sed iam, si placet, ad instituta redeamus. Mihi uero Catulus inquit, placet. Tum Crassus, Quorsum igitur hæc spectat, inquit, tam longa, & tam alte repetita oratio? hæc duæ partes, quæ mihi supersunt, illustrandæ orationis, ac totius eloquentiæ cumulandę, quarum altera dici postulat ornate, altera apte, hanc habent uim, ut sit quammaxime iucunda, quammaxime in sensus eorum, qui audiunt, insuat, et quamplurimis sit rebus instructa. Instrumentum autem hoc forense, litigiosum, acre, tractum ex uulgi opinionibus, exiguum sanè, atque mendicū est: illud rursus ipsum, quod tradunt isti, qui profitentur se dicendi magistros, non multum est maius, quam

illud vulgare, ac forense. Apparatu nobis opus est, & rebus exquisitis undiq̃, et collectis, arcessitis, cōportatis, ut tibi Cēsar faciendum est ad annum, ut ego in gēdilitate laboravi, quod cotidianis, & vernaculis rebus satisfacere me posse huic populo non putabam. Verborum eligendorum, & collocandorum, & concludendorum facilis est, vel ratio, vel sine ratione ipsa exercitatio. Rerum est silua magna, quam cum grēci iam non teneant, ob eamq̃ causam iuventus nostra dedilceret penē discendo, etiam latini, si dijs placet, hoc biennio magistri dicendi extiterunt, quos ego censor edicto meo iustuleram, nō quod ut ne scio quos dicere aiebant Jacui ingenia adolescentium nollem, sed contra ingenia obtundi nolui, corroborari impudētiam. Nam apud grēcos, qui cuiusmo di essent videbam, tamen esse prāter hanc exercitationem linguę, doctrinam aliquam, & humanitatem dignam scientia, hos vero novos magistrōs, nihil intelligebam posse docere, nisi ut auderent, quod etiam cum bonis rebus coniunctum per seipsum est magnopere fugiendum: hoc cum unum traderetur, & cum impudenti ludus esset, putavi esse censoris, ne longius id serperet, providere, quanquam non hac ita statuo, atque decerno, ut desperem latine ea, de quibus disputauimus, tradi, ac perpoliri: patitur enim & lingua nostra, & natura rerum, veterem illam, excellentemq̃ prudentiam gręcorum ad nostrum usum, moremq̃ transferri, sed hominibus opus est eruditis, qui adhuc in hoc quidem genere nostri nulli fuerunt, sin quando extiterint, etiam gręcis erunt anteponendi. Ornatur igitur oratio genere primum, & quasi colore quodam, & lūco suo: nam ut gravis, ut suavis, ut crudita sit, ut liberalis, ut admirabilis, ut polita, ut sensus, ut dolores habeat, quantum opus sit, non est singulorum articulorum, in toto spectantur hęc corpore. Ut porro conspersa sit quasi uerborum, sententiarumq̃ floribus, id non debet esse sūsum equabiliter per omnem orationem, sed ita distinctum, ut sint quasi in ornatu disposita quędam insignia, & lumina. Genus igitur dicendi est eligendum, quod maxime teneat eos, qui audiant, & quod non solum delectet, sed etiam sine facietate delectet: non enim a me iam expectari puto, ut moneam, ut caveatis, ne exilis, ne inculta sit uestra oratio, ne vulgaris, ne obsoleta, aliud quiddam magis & ingenia me hortantur uestra, & ætates: Difficile enim dictū est, quę nam causa sit, cur ea, quę maxime sensus nostros impellunt, uoluptate, & specie prima acerrime commouent, ab ijs celerrime fastidio quodam, & facietate abalienemur. Quanto colorum pulchritudine, & uarietate floridiora sunt in picturis nouis pleraque, quā in ueteribus? quę tamen, etiam si primo aspectu nos ceperunt, diutius non delectant, cum hīdem nos in antiquis tabulis illo ipso horrido, obsoletoq̃ teneamur. Quanto molliores sunt, & delicates in cantu scriptiones, & falsę uoculę, quā certę, & seuerę: quibus tamen non modo austeri, sed, si sapius sunt, multitudo ipsa reclamationat. Licet hoc uidere in reliquis sensibus, unguentis minus diu nos delectari summa, & acerrima suauitate conditis, quā his moderatis, & magis laudari, quod terram, quā quod crocum olere uideatur: in ipso tactu esse modum & molliutinis, & leuitatis. Quin etiam gustatus, qui est sensus ex omnibus maxime uoluptarius, quicq̃ dulcitudine prāter ceteros sensus commouetur, quamcito id, quod ualde dulce est, aspernatur, ac respuit: quis potione uti, aut cibo dulci diutius potest? Quam utroque in genere ea, quę leuiter sensum uoluptate moueant, facillime fugiant facietatem,

facietatē, sic omnibus in rebus uoluptatibus maximis fastidium finitum est, Quo hoc minus in oratione miremur, in qua uel ex poetis, uel ex oratoribus possumus iudicare, concinnam, distinctam, ornatam, festiuam, sine intermissione, sine reprehensione, sine uarietate, quamuis claris sit coloribus picta uel poetis, uel oratio, non posse in delectatione esse diuturna: atque coctius in oratoris, aut in poetæ cincinnis, ac fūco offenditur, quod sensus in nimia uoluptate natura non mente satiantur, in scriptis, & in dictis non aurium solum, sed animi iudicio etiam magis, infucata uitia noscuntur. Quare: bene, & prælaure: quamuis nobis sæpe dicatur: belle, & festiue. nimium sæpe nolo. quāquam illa ipsa exclamatio: non potest melius: sit uelim crebra, sed habeat tamen illa in dicendo admiratio, ac summa laus umbram aliquam, & recessum, quo magis id, quod erit illuminatum, exare, atque eminere uideatur. Nonquam agit hunc uersum Roscius eo gestu, quo potest,

Nam sapiens uirtuti honorem præmium, haud prædam petit.

sed abiicit prorsus, ut in proximos,

Et quid uideo? serro septus possidet sedes sacras.

incidat, aspiciat, admiretur, stupefeat. Quid ille alter.

Quid peram prædij?

quā leniter, quā remisse, quā non actuose? instat enim.

O pater, o patria, o Priami domus,

in quo tanta commoueri actio non posset; si esset consumpta superiore motu, & exhausta, neque id actores prius uiderunt, quā ipsi poetæ, quā denique illi etiam, qui secerunt modos, à quibus utrisque summittitur aliquid, deinde augetur, extenuatur, inflatur, uariatur, distinguitur. Ita sit nobis igitur ornatus, & suauis orator, nec tamen potest aliter esse, ut suauitatem habeat austeram, et solidam, non dulcem, atque decoctam, nam ipsa ad ornandum præcepta quæ dantur, eiusmodi sunt, ut ea, quamuis uitiolissimus orator, explicare possit. Quare, ut ante dixi, primum sylua rerum, ac sententiarum comparanda est, qua de parte dixit Antonius, hæc formanda à filo ipso, & genere orationis, illuminanda uerbis, uarianda sententijs. Summa autem laus eloquentiæ est amplificare rem ornando, quod ualet non solum ad augendum aliquid, & tollendum alius dicendo, sed etiam ad extenuandum, atque abiiciendum. Id desideratur omnibus ijs in locis, quos ad fidem orationis faciendam adhiberi dixit Antonius, uel cum explanamus aliquid, uel cum conciliamus animos, uel cum conciliamus. Sed in hoc quod postremum dixi, amplificatio potest plurimum, ea quæ una laus oratoris est, & propria maxime, etiam maior est illa exercitatio, quā extremo sermone instruxit Antonius (primo reiciebat) laudandi, & uituperandi: Nihil est enim ad exaggerandam, & amplificandam orationem ac commodatius, quā utrumque horum cumulatissime facere posse. Consequenter etiam illi loci, qui quanquam proprii causarum, & inherentes in eorum neruis esse debent, tamen, quia de uniuersa re tractari solent, communes à ueteribus nominati sunt, quorum partim habent uitiorum, & peccatorum actem quandam cum amplificatione inculpationem, aut querelam, contra quam dici nihil solet, nec potest, ut in depeculatorem, in proditorem, in paricidam, quibus uti confirmatis criminibus oportet, aliter enim ieiuni sunt, atque inanes. Alij autem habent deprecationem, aut miserationem, alij uero an-

capites disputationes, in quibus de uniuerso genere in utraque partem disseri copiose licet. Quæ exercitatio nunc propria duarum philosophiarum, de quibus ante dixi, putatur: apud antiquos erat eorum, à quibus omnis de rebus forensibus dicendi ratio, & copia petebatur. de uirtute enim, de officio, de æquo & bono, de dignitate, honore, ignominia, præmio, pœna similibusq; de rebus in utranque partem dicendi, animos, & uim, & artem habere debemus. Sed quoniam de nostra possessione depulsi in paruo, & eo litigioso prædolo relictī sumus, & aliorum patroni nostra tenere, tueriq; non potuimus, ab ijs (quod indignissimum est) qui in nostrum patrimonium irruerunt, quod opus est nobis, mutuemur. Dicunt igitur nūc quidem illi qui ex particula parua urbis, ac loci nomen habent, & peripatetici philosophi, aut academici nominantur, olim autem propter eximiam rerum maximarum scientiam a grecis politici philosophi appellati, uniuersarum rerum publicarum nomine uocabantur, omnem ciuilem orationem in horum alterutro genere uersari, aut de finita controuersia certis temporibus, ac reis, hoc modo, placeat ne à Carthaginiensibus captiuos nostros redditis suis recuperari, aut infinite de uniuerso genere querentis, quid omnino de captiuo statuendum, ac sentiendum sit. atque horum superius illud genus, causam, aut controuersiam appellant, eamq; tribus, lite, aut deliberatione, aut laudatione definiunt. hæc autem altera questio infinita, et quasi proposita, cōsultatio nominatur, atque hæcenus loquuntur. Etiam hac instituendo diuisione utuntur, sed ita non ut iure, aut iudicio, ut denique recuperare amissam possessionem, sed ut ex iure ciuili furculo defringendo usurpare uideantur. Nam illud alterum genus, quod est temporibus, locis, reis definitum, obtinent, atque id ipsum lacinia: Nunc enim apud Philonem, quem in academia maxime uigere audio, etiam harum iam causarum cognitio, exercitatioq; celebratur. Alium uero tantummodo in prima arte tradenda nominant, & oratoris esse dicunt, sed neque uim, neque naturam eius, nec partes, nec genera proponunt. ut præteriri omnino fuerit latius, quam attentatum de feri: nunc enim inopia reticere intelliguntur, tum iudicio uiderentur. Omnis igitur res eandem habet naturā ambigendi, de qua queri, & disceptari potest, siue in infinitis consultationibus disceptatur, siue in ijs causis, quæ in ciuitate, & in forensi disceptatione uersantur, neque est ulla, quæ non aut ad cognoscendi, aut ad agendi uim, rationemq; referatur: nam aut ipsa cognitio rei, scientiaq; perquiri, ut, uirtus suam ne propter dignitatem, an propter fructus aliquos expetatur? aut agendi consilium exquiritur, ut si ne sapientia percipienda respiciat. Cognitionis autē tres modi, coniectura, definitio, & ut ita dicā, cōsecutio. Nam quid in re sit coniectura, queritur, ut illud. Si ne in humano genere sapientia? Quam autem uim quæq; res habeat, definitio explicat, ut si queratur quid sit sapientia: Consecutio autem tractatur, cum quid quamque rem sequatur, inquiritur, ut illud, si ne aliquando mentiri boni uiri? Redeunt rursus ad cōiecturam, eamq; in quatuor genera dispertiuunt. nam aut quid sit, queritur, hoc modo: natura ne sit ius inter homines, an opinionibus? aut quæ sit origo cuiusq; rei, ut quod sit initium legum, aut rerum publicarum? aut causa, & ratio, ut si queratur, cur doctissimi homines de maximis rebus dissentiant? aut de immutatioe, ut si disputetur: nū interire uirtus in homine, aut, num in uitium possit cōuertere? Definitionis autem sunt disceptationes, ut cum queritur

ritur quid in communi mente quasi impressum sit, ut si differatur, id ne sit ius, quod maxime parti sit utile: aut cum quid cuiusque sit proprium exquiritur, ut ornate dicere proprium ne sit oratoris: an id etiam aliquis præterea possit: aut cum res distribuitur in partes, ut si quaeratur, quot sint genera rerum expectanda, ut si ne tria, corporis, animi, externarumque rerum: aut cum quæ forma, & quasi naturalis nota cuiusque sit, describitur, ut si quaeratur avari species, seditioni, gloriosi. Consecutionis autem duo prima quaestionum genera ponuntur. Nam aut simplex est disceptatio, ut si differatur, expectanda ne sit gloria: aut ex comparatione, laus, an diuitiæ magis expectanda sint: Simplicium autem sunt tres modi, de expectandis fugiendisue rebus, ut expectandi ne honores sint: num fugienda paupertas: de æquo, aut iniquo, æquum ne sit ulcisci iniurias etiam propinquorum: de honesto, aut turpi, ut hoc, si ne honestum gloriæ causa mortem obire: Comparationis autem duo sunt modi, unus, cum idem ne sit, an aliquid intersit quaeritur, ut metueret, & uereri, ut rex, & tyrannus, ut a senator, & amicus: alterum, cum quid præster aliud alij quaeritur, ut illud, optime ne cuiusque sapiens, an populari laude ducatur: Atque hæc quidē disceptationes, quæ ad cognitionē referuntur, sic ferè à doctissimis hominibus describunt. Quæ uero referuntur ad agendum, aut in officij disceptatione uersantur, quo in genere quid rectum, faciendumque sit, quaeritur, cui loco omnis uirtutum, & uitiolorum est sylva subiecta, aut in animorum aliqua permotione, aut gignenda, aut sedanda tollendaue tractantur, huic generi subiectæ sunt cohortationes, obiurgationes, cōsolationes, miserationes, omnisque ad omnem animi motum & impulsio, et, si ita res feret, mitigatio. Explicatis igitur his generibus ac modis disceptationum omnium, nihil sanè ad rē pertinet, si qua in re discrepauit ab Antonij diuisione nostra partitio: eadē enim sunt membra in utrisque disputationibus, sed paulo secus à me, atque ab illo partita, ac distributa. Nunc ad reliqua progrediar, meque ad meum munus, pensumque reuocabo. Nā ex illis locis, quos exposuit Antonius, omnia sunt ad quaque genera quaestionum argumenta sumenda, sed alijs generibus alij loci magis crunt apti: de quo non tam quia longum est, quam quia perspicuum, dici nihil est necesse. Ornatisimæ sunt igitur orationes eæ, quæ latissime uagantur, & à priuata, ac singulari controuersia se ad uniuersi generis uim explicandam conferunt, & conuertunt, ut ij, qui audiant, natura, & genere, & uniuersa re cognita, de singulis rebus, & criminibus, & libus statuere possint. Hanc ad consuetudinem exercitationis uos adolentes est cohortatus Antonius, atque à minutis, angustisque concertationibus ad omnē uim, uarietatemque uos differendi traducendos pertraxit. Quare non est paucorum libellorum hoc munus, ut ij, qui scripserunt de dicendi ratione, arbitrati sunt, neque chusculani, atque huius ambulationis antemeridianæ, aut nostræ pomeridianæ sessionis. Non enim solum acuenda nobis, neque procudenda lingua est, sed onerandum, complendumque pectus maximarum rerum, & plurimarum suauitate, copia, uarietate. Nostra est enim (si modo nos oratores sumus, si in cipiū disceptationibus, si in periculis, si in deliberationibus publicis adhibendi auctores, & principes sumus) nostra est inquam omnis ista prudētiæ, doctrinæque possessio, in qua homines quasi caduca, atque uacua abundantes otio nobis occupatis inuolauerunt, atque etiam aut irridētes oratorem, ut ille in Gorgia Socrates cauillatur, aut alio

quid de oratoris arte paucis præcipiunt libellis, eosq; rhetoricos inscribunt, quasi nō illa sint propria rhetorū, quæ ab iisdē de iustitiā, de officio, de ciuitatibus instituendis, & regendis, de omni uiuendi, deniq; etiā de naturæ ratione dicuntur. Quæ quoniam iam aliunde non possumus, sumenda sunt nobis ab ijs ipsis, à quibus expilati sumus, dūmodo illa ad hanc ciuilem scientiam, quo pertinent, & quam intuentur, transferamus, neque (ut ante dixi) omnem terram in his discendis rebus ætatem, sed cum fontes uiderimus, quos nisi qui celesriter cognorit, nunquam cognosceret omnino, tum quotiescunque opus erit, ex ijs, tantum, quantum res peteret, hauriemus. Nam neque tam est acris acies in naturis hominum, & ingenijs, ut res tantas quisquam, nisi monstratas, possit uidere, neque tanta tamen in rebus obscuritas, ut eas non penitus acri uir ingenio cernat, si modo aspexerit. In hoc igitur tanto, tamq; immenso campo, cum liceat oratori uagari libere, atq; ubicunque constiterit, consistere in suo, facile suppeditat omnis apparatus, ornatusq; dicendi. Rerum enim copia uerborū copiam gignit, & si est honestas in rebus ipsis, de quibus dicitur, existit ex rei natura quidam splendor in uerbis: sit modo is, qui dicit, aut scribet institutus liberaliter educatione, doctrinaq; puerili, & flagret studio, & a natura adiuuetur, & in uniuersorum generū infinitis disceptationibus exercitatus: ornatis simos scriptores, oratoresq; ad cognoscendum, imitandumq; cognorit, nā ille haud sanè, quemadmodum uerba struat, & illuminet à magistris istis requireret. Ita facile in rerum abundantia ad orationis ornamenta sine duce, natura ipsa, si modo est exercitata, labetur. Hic Catulus, Dij immortales inquit, quā tam rerum uarietatem, quantam uim, quantam copiam crasse complexus es, quantisq; ex angustijs oratorem educere ausus es, & in maiorum suorum regno collocare. Nāq; illos ueteres doctores, auctoresq; dicendi nullum genus disputationis à se alienum putasse accepimus, semperq; esse in omni orationis ratione uersatos: ex quibus Helæus Hippias, cum Olympiam uenisset maxima illa quinquennali celebritate ludorum, gloriatus est cuncta penè audiente Græcia, nihil esse ulla in arte rerum omnium, quod ipse nesciret, nec solū has artes, quibus liberales doctrinæ, atq; ingenuæ continerentur, geometriam, musicā, literarū cognitionē, & poetarū, atq; illa, quæ de naturis rerū, quæ de hominū moribus, quæ de rebusp. dicerentur, sed annulum quē haberet, pallium, quo amictus, soccos, quibus indutus esset, se sua manu confecisse. scilicet nimis hic quidē est progressus, sed ex eo ipso est coniectura facilis, quātū sibi illi ipsi oratores de præclarissimis artibus appetierint, qui ne sordidiores quidē repudiarent. Quid de Prodicō Cio? quid de Thrasimacho chalcedonio? de Protagora? Abderita loquar: quorū unusquisq; plurimū tēporibus illis etiam de natura rerū & disseruit, & scripsit. Ipse ille Leontinus Gorgias, quo patrono (ut Plato uoluit) philosopho succubuit orator, qui aut nō est uictus unquā à Socrate, neq; sermo ille Platonis uerus est, aut si est uictus, eloquentior uidelicet fuit, & disertior Socrates, & ut tu appellas, copiosior, & melior orator. Sed hic in illo ipso Platonis libro, de omni re, quæcūq; in disceptationē, quæstionemq; uocaretur, se copiosissime dicturū esse profitetur, isq; princeps ex omnibus ausus est in cōuētu poscere, qua de re quisq; uellet audire, cui tātus honos habitus est à Græcia soli, ut ex omnibus, delphis non inaurata statua, sed aurea statueretur. Atque ij, quos nominaui, multiq; præterea summi dicendi doctores

ctores uno tempore fuerunt, ex quibus intelligi potest, ita se rem habere, ut tu Crasse dicis, oratorisq; nomen apud antiquos in Grecia maiore quadā uel copia uel gloria floruisse. Quo quidē magis dubito, tibi ne plus laudis, an græcis uituperationis esse tribuēdum statuam? cū tu in alia lingua, ac moribus natus occupatissima in ciuitate, uel priuatorum negotijs penē omnibus, uel orbis terræ procuratore, ac summi imperij gubernatione districtus, etiam uim rerum, cognitionemq; comprehenderis, eamq; omnem cum eius, qui cōsilio, & oratione in ciuitate ualeat scientia, atq; exercitatione sociaris, illi nati in literis, ardentē his studijs, otio uero diffuentes non modo nihil acquisierint, sed ne relictum quidē, & traditū & suū conseruauerint. Tum Crassus. Non in hac, inquit, una Catule re, sed in alijs etiam compluribus distributione partium, ac separatione magnitudines sunt artium diminutæ. An tu existimas, cū esset Hippocrates ille cōs, fuisse tum alios medicos, qui morbis, alios, qui uulneribus, alios, qui oculis mederētur: num geometriam Euclide, aut Archimede, num musicam Damone, aut Aristoxeno, num ipsas literas Aristophane, aut Callimacho tractāte tam discerptas fuisse, ut nemo genus uniuersum complecteretur, atq; ut alius aliā sibi partem, in qua elaboraret, se poneret? Equidem scēpe hoc audiui de patre, & de socero meo, nostros quoq; homines, qui excellere sapientie gloria uellent, omnia, quæ quidē tum hæc ciuitas nosset, solitos esse completi, meminerāt illi Sex. Aelium. M. uero Manliū nos etiam uidimus transuerso ambulante foro, quod erat insigne, cum, qui id faceret, facere ciuibz omnibus cōsiliū sui copiā, ad quos olim & ita ambulantes, & in solio sedentes domi, sic adibatur, nō solū, ut de iure ciuili ad eos, uerum etiam de filia collocanda, de fundo emendo, de agro colendo, de omni deniq; aut officio, aut negotio referretur. Hæc fuit P. Crassi illius ueteris, hæc T. Corruconi, hæc proaui generi mei Scipionis prudentissimi hominis sapiētia, qui omnes pōtiffices maximi fuerunt, ut ad eos de omnibus diuinis atq; humanis rebus referretur, iidemq; & in senatu, & apud populum, & in caulis amicorum, & domi, & militiæ cōsiliū suū, fidemq; præstabant. Quid enim M. Catoni præter hanc politicissimam doctrinam transmarinam, atq; aduētitiā desuit: num quia ius ciuile didicerat, causas non dicebat: aut quia poterat dicere, iuris scientiā negligebat: at utroq; in genere & laborauit, & præstitit: num propter hanc ex priuatorum negotijs collectam gratiam tardior in rep. capessenda fuit: nemo apud populum fortior, nemo melior senator, idē facile optimus imperator: deniq; nihil in hac ciuitate temporibus illis sciri, disci, uel potuit, quod ille non cum inuestigarit, & scierit, tum etiam conscripserit. Nunc contra pleriq; ad honores adipiscendos, & ad rep. gerendam nudi ueniūt, atque inermes, nulla cognitione rerum, nulla scientia ornati. Sin aliquis excellat unus ē multis, effert se, si unum aliquid affert, ut bellicam uirtutē, aut usum aliquem militarem, quæ sanē nunc quidem obsoleuerunt, aut iuris scientiam, ne eius quidem uniuersi, nam pōtifficium, quod est coniunctum, nemo discit, aut eloquentiam, quam in clamore, & in uerborum cursu positam putāt. omnium uero bonarum artium, deniq; uirtutum ipsarum societatem, cognitionemq; non norunt. Sed ut ad græcos referam orationem, quibus carere in hoc quidem sermonis genere non possumus, nam ut uirtutis a nostris, sic doctrinæ sunt ab illis exempla repetenda, septē fuisse dicuntur uno tempore, qui

sapientes & haberentur, & uocarentur, hi omnes præter miledium Thalē ei⁹ uiribus suis præfuerunt: quis doctior iisdem illis temporibus, aut cuius eloquentia literis instructior fuisse traditur, q̃ Pīlūstratī⁹ qui primus Homeri libros cōfusus antea sic disposuisse dicitur, ut nunc habemus. Non fuit ille quidē ciuib⁹ suis utilis, sed ita eloquentia floruit, ut literis, doctrināq; præstaret. Quid Pericles⁹ de cuius dicēdi copia sic accepimus, ut cū contra uoluntatem Atheniensī ū loqueretur pro salute patriæ, seuerius tamen id ipsum, quod ille cōtra populares homines diceret, populare omnibus, & iucundū uideretur, cuius in labris ueteres comici etiā cū illi maledicerēt (quod tum Athenis fieri licebat) lepore habitasse dixerunt, tātamq; in eo uim fuisse, ut in eorū mentibus, qui audissent, quasi aculeos quosdā relinqueret. At hunc non declamator aliq; ad clepsydrā latrare docuerat, sed, ut accepimus, Clazomenius ille Anaxagoras uir summus in maximarum rerū scientia. Itaque hic doctrina, consilio, eloquentia excellens quadraginta annos præfuit Athenis, & urbanis eodē tēpore, & bellicis rebus. Quid Critias⁹? Quid Alcibiades⁹? ciuitatibus suis quidem non boni, sed certe docti, atque eloquētes, nōne socraticis erāt disputationibus eruditi? Quis Dionē Syracusium doctrinis omnibus expoliuit? non Plato? atque cū idem ille nō linguae solū, uerum etiam animi, ac uirtutis magister ad liberandā patriā impulit, instruxit, armauit. alijs ne igitur artibus hunc Dionem instruit Plato? alijs Iocrates clarissimū uirum Timotheum Cononīs præstantissimi imperatoris filiū summum ipsum imperatōrē, hominemq; doctissimū? aut alijs pythagorcus ille Lysias Thebanum Epaminondam, haud scio an summū uirū unū omnis Græci⁹? aut Xenophon Agesilaum? aut Philolaum Architas tarentinus? aut ipse Pythagoras totam illā ueterem Italianē Græciā, quē quondā magna uocitata est: Equidem nō arbitror. Sic enim uideo, unā quandā omnium rerū, quę essent homine erudito dignę, atque eo, qui in rep. uellet excellere, fuisse doctrinā, quam qui accepissent, si ūdem ingenio ad pronuntiādum ualuisent, & se ad dicendum quoque nō repugnante natura dedissent, eloquentia præstitisse. Itaq; ipse Aristoteles, cum florere Isocratem nobilitate discipulorum uideret, quod ipse suas disputationes à causis forēnsibus, & ciuilibus ad inanem sermonis elegantiam transulisset, mutauit repēte totā formam propē disciplinæ suæ, uerūmq; quendam de Philocteta paulo secus dixit: ille enim turpe sibi ait esse tacere cum barbaris. Hic autē cū Iocrates pateretur dicere. itaq; ornauit, & illustrauit doctrinā illam omnem, rerūq; cognitionem cū orationis exercitatione coniunxit. Neque uero hoc fugit sapientissimum regē Philippū, qui hunc Alexandro filio doctorem accierit, à quo eodem ille & agendi acciperet præcepta, & loquendi. Nunc siue qui uolet, cū philosophum, qui copiam nobis rerū, orationisq; tradat, per me appellet oratorem licet, siue hunc oratorem, quem ego dico sapientiam iūctā habere eloquentiæ, philosophum appellare malit, non impediam, dum modo hoc constet, neque infantiam eius, qui rem norit, sed eam explicare dicēdo nō queat, neque inficitiam illius, cui res non suppetit, uerba non desint, esse laudādam: quorum si alterum sit optandum, malim equidem indifertam prudentiam, quā stultitiā loquacem: si nō querimus quid unum excellat ex omnibus, docto oratori palma danda est, quem si patiuntur eundem esse philosophum sublata controuersia est: si nō eos disiungent, hoc erūt inferiores, quod

in oratore perfecto inest illorum omnis scientia, in philosophorum autem cognitione non continuo inest eloquentia, quæ quævis continetur ab eis, necesse est tamen aliquem cumulum illorum artibus asferre uideatur. Hæc cum Crassus dixisset, parumper & ipse conticuit, & ceteris silentium fuit. Tum Cotta, Equidem inquit Crasse non possum queri, quod mihi uideare aliud quiddam, & non id, quod susceperis, disputasse: plus enim aliquando attulisti, quam tibi esset tributum à nobis, ac denunciatum. Sed certe hæc partes fuerunt tuæ, de illustranda oratione ut diceres, & eras ipse iam ingressus, atque in quatuor partes omnem orationis laudem descripseras, cumque de duabus primis nobis quidem satis, sed ut ipse dicebas, celeriter, exigueque dixisses, duas tibi reliquas feceras, quemadmodum primum ornate, deinde etiam apte diceremus, quo cum ingressus esses, repere te quasi quidam estus ingenij tui procul à terra abripuit, atque in altum à conspectu penè omnium abstraxit, omnemque rerum scientiam complexus non tu quidem eam nobis tradidisti: neque enim fuit tam exigui temporis, sed apud hos quid profeceris nescio, me quidem in academiam totum compulisti, in qua uelim sit illud, quod sepe posuisti, ut non necesse sit consumere etatem, atque ut possit is illa omnia cernere, qui tantummodo aspererit, sed etiam, si est aliquanto spissius, aut si ego sum tardior, profecto nunquam conquirecam, neque defatigabor ante quam illorum accipites uias, rationesque, & pro omnibus, & contra omnia disputandi percepero. Tum Cæsar, Vnum inquit me ex tuo sermone maxime Crasse commouit, quod eum negasti, qui non cito quid didicisset, unquam omnino posse perdiscere, ut mihi non sit difficile periclitari, & aut statim percipere ista quæ tu uerbis ad cælum extulisti, aut si non potuerim, tempus non perdere, cum tamen his nostris possim esse contentus. Hic Sulpicius, Ego uero inquit Crasse, neque Aristotelem istum, neque Carneadem, nec philosophorum quæquam desidero, uel me licet existimes desperare posse ista perdiscere, uel, id quod facio, continere: mihi rerum forsium, & communium uulgaris hæc cognitio satis magna est ad eam, quam spectroloquentiam, ex qua ipsa tamen permulta nescio, quæ tamen denique, cum causa aliqua, quæ à me dicenda est, desiderat, quero. Quamobrem nisi forte es iam defessus, & si tibi non graues sumus, refer ad illa te, quæ ad ipsius orationis laudem, splendoremque pertinent, quæ ego ex te audire uolui, non ut desperarem me eloquentiam consequi posse, sed ut aliquid addicerem. Tum Crassus, per uulgatas res requiris inquit, & tibi, non incognitas Sulpici, quis enim de isto genere non docuit, non instituit, non etiam scriptum reliquit: sed geram morem, & ea duxat, quæ mihi nota sunt, breuiter exponam tibi: censeo tamen ad eos, qui auctores, & inuectores sunt harum sanè minutarum rerum reuertendum. Omnis igitur oratio conficitur ex uerbis, quorum primum nobis ratio simpliciter uideatur, deinde coniuncte: nam est quidam ornatus orationis, qui ex singulis uerbis est, alius, qui ex coniunctis, coniunctisque constat. Ergo utemur uerbis aut istis, quæ propria sunt, & certa quasi uocabula rerum penè unà nata cum rebus ipsis, aut istis, quæ transferuntur, & quasi alieno in loco collocantur, aut istis, quæ nouamus, & facimus ipsi. In propriis est igitur uerbis illa laus oratoris, ut abiecta, atque obsoleta fugiat, lectis, atque illustribus utatur, in quibus plenum quiddam, & sonans inesse uideatur. Sed in hoc uerborum genere proprio delectus est quidam habendus, atque is aurium quodam iudicio ponderandus, in

quo consuetudo etiam bene loquendi ualet plurimum. Etiam hoc, quod uulgo de oratoribus ab imperitis dici solet: bonis is uerbis, aut aliquis nō bonis utitur: nō arte aliqua perpenditur, sed quodam quasi naturali sensu iudicatur, in quo nō magna laus est uitare uitium, quāquam id est magnum, uerum hoc quasi solum quoddam, atq; fundamentum est, uerborum ulus, & copia bonorum, sed quid ipse ædificet orator, & in quo adiungat artē, id est à nobis quærendum, atq; explicandum uidetur. Tria sunt igitur in uerbo simplici, quæ orator asserat ad illustrandam, atq; exornandam orationem, aut inusitatum uerbum, aut nouatum, aut translatum. Inusitata sunt prisca serè, ac uetusta, & ab usu cotidiani sermonis iandiu intermissa, quæ sunt poetarum licentiæ liberiora, q̃ nostra, sed tamen raro habet etiam in oratione poeticum aliquod uerbum dignitatem: neq; enim illud fugerim dicere, ut Coelius, qua tempestate pœnus in Italiam uenit, nec prolem, aut sobolem, aut effari, aut nūcupari, aut, ut tu soles Carule, non rebar, aut opinabar, & alia multa, quibus loco positis grādiōr, atq; antiquior oratio sepe uideri solet. Nouantur autem uerba, quæ ab eo, qui dicit, ipso gignuntur, ac fiunt, uel coniungendis uerbis, ut hæc. Tum pavor sapientiam mihi omnem ex animo expectorat.

Num non uis huius me uersutiloquas malitias.

Videris enim & uersutiloquas, & expectorat ex coniunctione facta esse uerba non nata: uel sæpe sine coniunctione uerba nouantur * ut ille sensus discretus indigenitalis ut

Bacarum ubertate incuruescere.

Tertius ille modus transferendi uerbi, late patet, quem necessitas genuit inopia coacta, & angustis, post autem delectatio, iucunditasq; celebrauit: nam ut uestis frigoris depellendi causa reperta primo, post adhiberi corpora est ad ornatum etiam corporis, & dignitatem, sic uerbi translatio instituta est inopia causa, frequentata delectationis. nam gemmare uites, luxuriam esse in herbis, lætas segetes etiam rustici dicunt. quod enim declarari uix uerbo proprio potest, id translato, cū est dictum, illustrat id, quod intelligi uolumus eius rei, quam alieno uerbo posuimus, similitudo. Ergo hæ translationes quasi mutationes sunt, cum quod non habeas, aliunde sumas. Ille paulo audaciores, quæ non inopiam indicant, sed orationi splendoris aliquid accersunt, quarum ego quid uobis aut inueniēdi rationem, aut genera ponam? Similitudinis est ad uerbum unum contracta breuitas, quod uerbum in alieno loco tãquam in suo positum, si agnosceretur, delectat, si simile nihil habet, repudiatur. Sed ea trans ferri oportet, quæ aut clariorem faciunt rem, ut illa omnia.

inhorrescit mare

Tenebræ conduplicantur, noctisq; & nimbium occecat nigror,

Flamma inter nubes coruscat, cœlum tonitru contremitt,

Grando mista imbri largifluo subita præcipitans cadit,

Vndiq; omnes uenti erumpunt, sequi existunt turbines,

seruet æstu pelagus

omnia serè quo essent clariora, translatis per similitudinem uerbis dicta sunt.

Aut quo significetur magis res tota siue facti alicuius, siue consilij, ut ille, qui occultatem consulto, ne id, quod ageretur, intelligi posset, duobus translatis uerbis similitudine ipsa indicat,

Quandoquidem

Quandoquidem iste circunuestit dictis, sepi sedulo.

Nonnunquam etiam breuitas translatione conficitur, ut illud. si telum manu fugit. imprudentia teli emissi breuius proprijs uerbis exprimi non potuit, q̄ est uno significata translato. Atq; hoc in genere persepe mihi admirandum uidetur, quid sit, quod omnes translatis, & alienis magis delectantur uerbis q̄ proprijs, & suis: nam si res suum nomen, & proprium uocabulum non habet, ut pes in naui, ut nexum, quod per libram agitur, ut in uxore diuortium, necessitas cogit, quod non habeas, aliunde sumere, sed in suorum uerborū maxima copia, tamen homines aliena multo magis, si sunt ratione translata, delectant. Id accidere credo, uel quod ingenij specimen est quoddam transilire ante pedes posita, & alia lōge repetita lumere: uel quod is, qui audit, alio ducitur cogitatione, neq; tamen aberrat, quæ maxima est delectatio, uel quod singulis uerbis res, ac totum simile conficitur: uel quod omnis translatio, quæ quidem sumpta ratione est, ad sensus ipsos admouetur, maxime oculorum, qui est sensus acerrimus. Nā & odor urbanitatis, & mollitudo humanitatis, & murmur maris, & dulcedo orationis, sunt ducta à ceteris sensibus. Illa uero oculorum multo acriora, quæ ponunt penè in conspectu animi, quæ cernere, & uidere non possumus. Nihil est enim in rerum natura, cuius nos non in alijs rebus possumus uti uocabulo, & nomine: unde enim simile duci potest, potest autē ex omnibus, indidem uerbum unum, quod similitudinem cōtinet translatū, lumen affert orationi. Quo in genere primū fugienda est dissimilitudo. Cœli ingentes fornices.

Quamuis sphaeram in scenam (ut dicitur) attulerit Ennius, tamen in sphaera forniciis similitudo non potest inesse.

Viue Vlysses dum licet,

Oculis postremum lumen radiatum rape.

Non dixit cape, non pete: haberet enim moram sperantis diutius esse sese uideturum, sed rape, hoc uerbum est ad id aptatum, quod ante dixerat, dum licet. Deinde uidendum est, ne longe simile sit ductum, sicut patrimonij, scopolū libentius dixerim, charybdim bonorum, uoraginem potius. facilius enim ad ea, quæ uisa, q̄ ad illa, quæ audita sunt, mentis oculi feruntur. Et quoniam hæc uel lumina laus est uerbi trāsferēdi, ut sensum feriat id, quod translatum sit, fugienda est omnis turpitudine earum rerū, ad quas eorum animos, qui audiūt, trahet similitudo. Nolo morte dici Africani castratam esse remp. nolo sterus curie dici Glauciam, quāuis sit simile, tamen est in utroq; deformis cogitatio similitudinis. Nolo esse aut maius, q̄ res postulet, tempestas comelationis, aut minus comelatio tempestatis, nolo esse uerbum angustius id, quod translatum sit, q̄ fuisset illud proprium, ac suum.

Quidnam est obsecro? quid te adiri abnutas? melius esset, uetas, prohibes, absterres, quoniam ille dixerat, illico istic

Ne contagio mea bonis, umbræ ue obsit.

Atq; etiam si uerere, ne paulo durior translatio esse uideatur, mollienda est præposito sæpe uerbo, ut si olim M. Catone mortuo pupillum senatum quis relictum diceret, paulo durius, sin, ut ita dicam, pupillum, aliquāto mitius est. Etenim uerecunda debet esse translatio, ut deducta esse in alienum locum, nō

irruisse, atque ut precario, non ui uenisse uideatur. Modus autem nullus est florentior in singulis uerbis, nec qui plus luminis afferat orationi. Nam illud quod ex hoc genere profluit, non est in uno uerbo translato, sed ex pluribus continuatis connectitur, ut aliud dicatur, aliud intelligendum sit.

Necque me patior,

Iterum ad unum scopulum, & telum classem achiuum offendere.

Atque illud,

Erras, erras: nam exultantem te, & præidentem tibi

Reprimunt ualide legum habent, atque imperij insistent iugo.

Sumpta re simili, uerba eius rei propria deinceps in rem aliam (ut dixi) trāsferuntur. Est hoc magnum ornamentum orationis, in quo obsecritas fugienda est, etenim ex hoc genere fiunt ea, quæ dicuntur ænigmata: non est autem in uerbo modus hic, sed in oratione, id est in continuatione uerborum. Ne illa quidem traductio, atque immutatio in uerbo quandam fabricationem habet, sed in oratione.

Africa terribili tremis horrida terra tumultu.

Pro afris est sumpta Africa, neque factum uerbum est, ut

Mare saxi fragis undis,

necque translatum, ut

Mollitur mare,

sed ornandi causa proprium

proprio commutatum,

Define Roma tuos hostis,

Testes sunt campi magni.

Gratis est modus in ornatu orationis, & sepe sumendus, ex quo genere hæc sunt, Martem belli esse communem, Cererem pro frugibus, Liberum appellare pro uino, Neptunum pro mari, curiam pro senatu, campum pro comitijs, togam pro pace, arma, ac tela pro bello. Quo item in genere & uirtutes, & uirtutia pro ipis, in quibus illa sunt, appellatur, luxuries quam in domum irrupit, & quo avaritia penetrauit, aut fides ualuit, iustitia cōfecit. Videtis profecto genus hoc totum cum inflexo, commutatoque uerbo res eadem enuntiatur ornatius, cui sunt finitima illa minus ornata, sed tamen non ignoranda, cum intelligi uolumus aliquid aut ex parte totum, ut pro ædificijs, cum parietes, aut testas dicimus, aut ex toto partem, ut cum unam turmam equitatum populi R. dicimus, aut ex uno plures.

At romanus homo, tamen, & si res bene gesta est,

Corde suo trepidat aut cum ex pluribus intelligitur unum.

Nos sumus romani, qui sumus rutuli.

aut quocumque modo non ut dictum est, in eo genere intelligitur, sed ut sensum est. Abutimur sepe etiam uerbo, non tam eleganter, quā in transferendo, sed etiam si licentius, tamen interdum non impudenter, ut cum gradem orationem pro magna, minutum animum pro paruo dicimus. Verum illa uidetis ne esse non uerbi, sed orationis, quæ ex pluribus, ut exposui, translationibus connecta sunt, hæc autem, quæ aut immutata esse dixi, aut aliter intelligenda, ac dicentur, sunt translata quodam modo. Ita fit, ut omnis singulorum uerborum uirtus, atque laus tribus existat ex rebus, si aut uetustum uerbum sit, quod tamen consuetudo ferre possit, aut factum, uel coniunctione, uel nouitate, quo item est auribus, consuetudinique parcendum, aut translatum, quod maxime

tanquam

tanquam stellis quibusdam notat, & illuminat orationem. Sequitur conuatio uerborum, quæ duas res maxime, collocationem primum, deinde modum quendam, formamq; desiderat. Collocationis est componere, & struere uerba sic, ut neue asper eorum concursus, neue hiucus sit, sed quodam modo coagmentatus, & leuis: in quo lepide fœceri mei persona ludit is, qui elegantissime id facere potuit, Lucilius.

Quam lepide lexeis compoſtat, ut tessellæ omnes

Arte pauimento, atq; emblemate uermiculato.

quæ cum dixisset in Albutium illudens, ne à me quidem abstinuit.

Craſſum habeo generum, ne retoricotero' tu sis.

Quid ergo iste Craſſus, quoniam eius a buteris nomine, quid efficit? idem illud scilicet, ut ille uoluit, & ego uellem, melius aliquanto, q̃ Albutius: uerum in me quidem ludit ille, ut solet. Sed est tamen collocatio conseruanda uerborum, de qua loquor, quæ iunctam orationem efficit, quæ coherentem, quæ lenem, quæ equabiliter fluentem, id assequimini, si uerba extrema cum consequentibus primis ita iungetis, ut neue aspere concurrant, neue uastius deducantur. Hanc diligentiam subsequitur modus etiam, & forma uerborum, quod iã ueroor, ne huic Catulo uideatur esse puerile. Versus enim ueteres illi in hac soluta oratione propemodum, hoc est numeros quosdam nobis esse adhibendos putauerunt, interſpirationis enim, non defatigationis nostræ, neq; liberiorum notis, sed uerborum, & sententiarum modo, inter punctas clausulas i orationibus esse uoluerunt, idq; princeps Iſocrates inſtituiſſe fertur, ut inconditam antiquorum dicendi conſuetudinem delectationis, atque aurium cauſa (quemadmodũ scribit diſcipulus eius Naucrates) numeris aſtringeret. Nãq; hæc duo muſici, qui erant quondam iſdem poetæ, machinati ad uoluptatem ſunt, uerſum, atq; cantum, ut & uerborum numero, & uocum modo, delectatione uincerent aurium ſatietatem. Hęc igitur duo, uocis dico moderationem, & uerborum cõcluſionem, quo ad orationis ſeueritas pati poſſit, à poetica ad eloquentiam traducenda duxerunt, in quo illud eſt uel maximum, quod uerſus in oratione ſi efficitur coniunctione uerborum, uitium eſt, & tamen eã cõiunctionem, ſicuti uerſum numeroſe cadere, & quadrare, & perſici uolumus, neq; eſt ex multis res una, quæ magis oratorem ab imperito dicendĩ, ab ignaroq; diſtinguat, q̃ quod ille rudis incõdite fundit, quãtum poteſt, & id, quod dicit, ſpiritu, non arte determinat: orator autem ſic illigat ſententiam uerbis, ut eam numero quodam complectatur, & aſtricto, & ſoluto: nam cum uinxit modis, forma & relaxat, & liberat immutatione ordinis, ut uerba neque alligata ſint, quaſi certa aliqua lege uerſus, neq; ita ſoluta, ut uagentur. Quoniam igitur modo tantum munus inſiſtemus, ut arbitremur nos hanc uim numeroſe dicendi conſequi poſſe: Non eſt res tam difficilis, q̃ neceſſaria: nihil enim tam tenerum, neq; tam flexibile, neque quod tã facile ſequatur, quocũq; ducas, q̃ oratio, ex hac uerſus, ex eadẽ diſpares numeri conſiciuntur, ex hac hæc etiam ſoluta uarijs modis, multorumq; generum oratio: non enim ſunt alia ſermonis, alia contentionis uerba, neque ex alio genere ad uſum cotidianum, alio ad ſcenam, pompamq; ſumuntur, ſed ea nos cum iacetiã ſuſtulimus è medio, ſicut molliſſimam ceram ad noſtrum arbitrium formamus, & fingimus: itaque tum graues ſumus, tum ſubtiles, tum medium quiddam tenemus, ſic in

ficturam nostram sententiam sequitur orationis genus, idque ad omnem ratio-
 nem, & aurium uoluptatem, & animorum motum mutatur, & uertitur. Sed
 ut in plerisque rebus incredibiliter hoc natura est ipsa fabricata, sic in oratione,
 ut ea, quæ maximam utilitatem in se continerent, eadem haberent plurimum
 uel dignitatis, uel sepe etiam uenustatis. Incolumitatis, ac salutis omnium cau-
 sa uidemus hunc statum esse huius totius mundi, atque naturæ, rotundum, ut cœ-
 lum, terraque; ut media sit, eaque sua ui, nuncque teneatur, sol ut circumferatur, ut ac-
 cedat ad brumale signum, & inde sensim ascendat in diuersam partem, ut lus-
 na accessu, & recessu suo solis lumen accipiat, ut eadem spacia quinque stellæ dis-
 pares motu, cursuque conficiant, hæc tantam habent uim, ut paulum immutata
 coherere non possint, tantam pulchritudinem, ut nulla species ne excogitari
 quidem possit ornatio. Referte nunc animum ad hominum, uel etiam cetera-
 rum animantium formam, & figuram, nullam partem corporis sine aliqua ne-
 cessitate assectam, totamque formam quasi perfectam repetietis arte, non casu.
 Quid in arboribus? in quibus non truncus, non rami, non folia sunt denique,
 nisi ad suam retinendam, conseruandamque naturam, nusquam tamen est ulla
 pars, nisi uenusta. Linguamus naturam, artesque uidemus: quid tam in nauis
 gío necessarium, quam latera, quam carinæ, quam prora, quam puppis, quam antennæ, quam uela, quam ma-
 li: quam reliqua? quæ tamen hanc habent in specie uenustatem, ut non solum salu-
 tis, sed etiam uoluptatis causa inuenta esse uideantur. Columnæ & templa, &
 porticus sustinent, tamen habent non plus utilitatis, quam dignitatis. Capitolij fa-
 stigium illud, & ceterarum ædium, non uenustas, sed necessitas ipsa fabricata
 est: nam cum esset habita ratio, quæadmodum ex utraque parte tecti aqua des-
 laberetur, utilitatem templi fastigij dignitas consecuta est, ut etiam si in cœlo
 capitolium statueretur, ubi imber esse non posset, nullam sine fastigio dignita-
 tem habiturum fuisse uideatur. Hoc in omnibus item partibus orationis eue-
 nit, ut utilitatem, ac propè necessitatem, suauitas quædam, & lepos consequa-
 tur: clausulas enim, atque interpuncta uerborum, animæ interclusio, atque angus-
 tiæ spiritus attulerunt: id inuentum est ita suauis, ut sicut sit infinitus spiritus da-
 rus, tamen eum perpetuare uerba nolimus: id enim auribus nostris gratum est
 inuentum, quod hominum lateribus non tolerabile solum, sed etiam facile esse
 possit. Longissima est igitur complexio uerborum, que uolui uno spiritu po-
 test, sed hic naturæ modus est, artis alius: nam cum sint numeri plures, iambus,
 & trochæum frequentem segregat ab oratore Aristoteles. Catule uester, qui
 natura tamen incurrunt ipsi in orationem, sermonemque nostrum, sed sunt insi-
 gnes percussiones eorum numerorum, & minuti pedes. Quare primū ad he-
 roum nos dactyli, & anapæsti, & spondei pedem inuitat, in quo impune pro-
 gredi licet duos duntaxat pedes, aut paulo plus, ne planè in uersum, aut simili-
 tudinem uersuum incidamus: aliæ sunt geminæ, quibus hi tres heroi pedes in
 principia continuandorum uerborum satis decore cadunt, probatur autem, ab
 eodem illo maxime pæan, qui est duplex: nam aut à longa oritur, quam tres
 breues consequuntur, ut hæc uerba, desinite, incipite, comprimate, aut à breui-
 bus deinceps tribus extrema producta, atque longa, sicut illa sunt, domuerant,
 soni pedes, atque illi philosopho ordiri placet à superiore pæane, posteriori fini-
 re. est autem pæan hic posterior non syllabarum numero, sed aurium mensu-
 ra, quod est acrius iudicium, & certius, par serè cretico, qui est ex longa, &
 breui,

breui, & longa, ut

Quid petam praesidiū, aut exequar? quodue nunc.

A quo numero exorsus est Fannius. Si quirites minas illius. hunc ille clausulis aptiorē putat, quas uult longa plerūq; syllaba terminari. Neq; uero haec tam acrem curam, diligentiamq; desiderant, q̄ est illa poetarum, quos necessitas cogit, & ipsi numeri, ac modi, sic uerba uersu includere, ut nihil sit, ne sp̄s ritu quidem minimo breuius, aut longius, q̄ necesse est. Liberior est oratio, & planē, ut dicitur, sic & est uere soluta, non ut fugiat tamen, aut erret, sed ut si ne uiculis sibūpla moderetur. Nāq; ego illud assentior Theophrasto, qui putat orationem, quā quidem sit polita, atq; facta quodammodo, non astrictē; sed remissius numerosam esse oportere. Etenim sicut ille suspicatur, ex illis modis, quibus hic usitatus uersus efficitur, post anapaestus procerior quidam numerus effloruit, inde ille licentior, & diuitior fluxit dichyrābus, cuius mēbra, & pedes, ut ait idem, sunt in omni locupleti oratione diffusa: & si numerosum est id in omnibus sonis, atque uocibus, quod habet quasdam impressiones, & quod metiri possumus interuallis aequalibus, recte genus hoc numerorū, dū modo ne continuum sit, in orationis laude ponitur. Nam si rudis, & indocta putanda est illa sine interuallis loquacitas perennis, & profluens, quid est aliud causae, cur repudietur? nisi quod hominum aures uocem naturae modulatur ipsae, quod fieri, nisi inest numerus in uoce, non potest: numerus autem in continuatione nullus est, distinctio, & equalium, & spe uariorum interuallo, rum percussio, numerum conficit, quem in cadentibus guttis, quod interuallis distinguatur notare possumus, in amni praecipitante non possumus. Quod si continuatio uerborum haec soluta multo est aptior, atque iucundior, si est articulis, membrisq; distincta, q̄ si continuata, ac producta, uerba illa modificata esse debebunt, quae si in extremo breuiora sunt, infringitur ille quasi uerborum ambitus: sic enim has orationis cōuersiones graeci nominant. Quare aut paria esse debēt posteriora superioribus, extrema primis, aut, quod etiam est melius, & iucundius, longiora. Atque haec quidem ab ijs philosophis, quos tu maxime diligis Catule, dicta sunt, quod eo saepius testificor, ut auctoribus laudandis ineptiarum crimen effugiam. Quarum tādē inquit Catulus? aut quid disputatione ista asserri potest elegantius? aut omnino dici subtilius? At enī uereor, inquit Crassus, ne haec aut difficiliora istis ad persequendum esse uideantur, aut quia non traduntur in uulgari ista disciplina, nos ea maiora, ac difficiliora uideri uelle uideamur. Tum Catulus, erras, inquit Crasse, si aut me, aut horū quēquam putas à te haec opera quotidiana, & peruagata expectare: ista quae dicis, dici uolumus, neque tam dici, q̄ isto dici modo, neque tibi hoc pro me solum, sed pro his omnibus sine ulla dubitatione respōdeo. Ego uero inquit Antonius, inueni tandem quem negaram in eo, quem scripsi, libello me inuenisse, eloquentem, sed eō te ne laudādi quidem causa interpellauī, nequid de hoc tam exiguo sermonis tui tempore uerbo uno meo diminueretur. Hāc igitur Crassus inquit ad legem cum exercitatione, tum stylo, qui & alia, & hoc maxime ornat, ac limat, formanda uobis oratio est, neque tamen hoc tanti laboris est, quanti uidetur, nec sūt haec rhythmicorum, ac musicorum acerrima norma dirigenda, & efficiendum est illud modo uobis, ne fluat oratio, ne uagetur, ne inistat interius, ne excurrat longius, ut membris distinguatur, ut

conuerſiones habeat abſolutas. Neque ſemper utendum eſt perpetuitate, & quali conuerſione uerborum, ſed ſæpe capienda membris minutioribus oratio eſt, quæ tamen ipſa membra ſunt numeris uincienda. Neque uos præan, aut herous ille conturbet, ipſi occurrent orationi, ipſi inquam ſe offerent, & reſpō debent non uocati, conſuetudo modo illa ſit ſcribendi, atque dicendi, ut ſententiæ uerbis ſiniantur, eorumq; uerborum iunctio naſcatur à proceris numeris, ac liberis, maxime heroo, & præane priore, aut cretico, ſed uarie, diſtincteq; cōſidat. Notatur enim maxime ſimilitudo in conqueſcendo, & ſi primi, & poſtremi illi pedes ſunt hac ratione ſeruati, mediꝝ poſſunt latere, modo ne circuiſtus ipſe uerborum ſit aut breuior, q̃ aures expectent, aut longior, q̃ uires, atq; anima patiat. Clauſulas autem diligentius etiam ſeruandas eſſe arbitror, quam luperiora, quod in his maxime perfectio, atq; abſolutio iudicatur. nam uerſus æque prima, & media, & extrema pars attenditur, qui debilitatur in quacunq; ſit parte titubatum. in oratione autem prima pauci cernunt, poſtrema pleriq; quæ quoniam apparent, & intelliguntur, uarianda ſunt, ne aut animorum iudicijs repudientur, aut aurium ſatieta. Duo enim, aut tres ſunt ſerē extremi ſeruandi, & notandi pedes, ſi modo non breuiora, & præciſa erunt ſuſpectiora, quos aut chorios, aut heroos, aut alternos eſſe oportebit, aut in præane illo poſteriore, quem Ariſtoteles probat, aut ei pari cretico. Horum uiciſſitudines efficiant, ut neque h̃ ſatietur, q̃ audient, ſaſtidio ſimilitudinis, nec nos id, quod faciemus, opera dediſſa facere uideamur. Quod ſi Antipater ille ſido nius, ille, quē tu probe Catule meministi, ſolitus ē uerſus hexametros, aliosq; uarijs modis, atq; numeris fundere extempore, tantumq; hominis ingenioli, ac memoris ualuit exercitatio, ut cū ſe mente, ac uoluntate conieciſſet in uerſu, uerba ſequerentur, quanto id facilius in oratione exercitatione, & conſuetudine adhibita conſequemur. Illud autem nequis admiretur quoniam modo hæc uulguſ imperitorum in audiendo notet, cum in omni genere, tum in hoc ipſo magna quædam eſt uis, incredibilisq; naturæ, omnes enim tacito quodā lenſu ſine ulla arte, aut ratione quæ ſint in artibus, ac rationibus recta, ac praua diiudicant, idq; cum faciunt in picturis & in ſignis, & in alijs operibus, ad quorum intelligentiam à natura minus habent inſtrumentū, tum multo oſtendū magis in uerborum, numerorum, uocumq; iudicio, quod ea ſunt in communibus inſixa ſenſibus, necq; earū rerum quęquam funditus natura uoluit eſſe expetere. Itaque non ſolum uerbis arte poſitis mouentur omnes, uerum etiam numeris ac uocibus. Quotus enim quiſq; ē, qui teneat artem numerorum, ac modorum: at in his ſi paulum modo offenſum eſt, ut aut contractione breuius fieret, aut productione longius, theatra rota redamant. Quid hoc, non idē ſit in uocibus: ut à multitudine, & populo, non modo cateruæ, atq; cōuentus, ſed etiam ipſi ſibi ſinguli diſcrepantes ericiantur. Mirabile eſt, cum plurimum in faciendo interſit inter doctum, & rudem, quam non multum diſſerāt in iudicādo: Ars enim, cum à natura proſecta ſit, niſi naturam moueat, ac delectet, nihil ſanē egiſſe uideatur: nihil eſt autē tam cognatum mentibus noſtris, quā numeri, atque uoces, quibus & excitamur, & incendimur, & lenimur, & lanqueſcimus, & ad hilaritatem, & ad triſtitiā ſæpe deducimur: quorum illa ſūma uis carminibus eſt aptior, & cantibus, non neglecta, ut mihi uidetur à Numarege doctiſſimo, maioribusq; noſtris, ut epularum ſolemnium fides, ac

tribjæ,

tibiæ, saliorumq; uersus indicant, maxime autē à Græcia uetere celebrata, quibus utinam, similibusq; de rebus disputari, quam de puerilibus his uerborum translationibus maluissetis. Verum ut in uersu uulgus, si est peccatum, uidet, sic siquid in nostra oratione claudicat, sentit, sed poëte non ignoscit, nobis concedit, tacite tamen omnes non esse illud, quod diximus, aptum, perfectumq; cernunt. Itaq; illi ueteres, sicut hodie etiam nonnullos uidemus, cum circueunt, & quasi orbem uerborum conficere non possent (nam id quidem nuper uel posse, uel audere cecepimus) terna, aut bina, aut nonnulli singula etiam uerba dicebant, qui in illa infantia naturali illud, quod aures hominum flagitabant, tenebant tamen, ut & illa essent paria, quæ dicerent, & æqualibus interspirationibus uterentur. Exposui ferē, ut potui, quæ maxime ad ornatum orationis pertinere arbitrabar, dixi enim de singulorum laude uerborum, dixi de coniunctione eorum, dixi de numero, atque forma. Sed si habitum etiam orationis, & quasi colorem aliquem requiritis, est plena quædam, & tamen tæres, & tenuis, & non sine neruis, ac uiribus, & ea, quæ particeps utriusque generis quadam mediocritate laudatur. His tribus figuris insidere quidam uenustatis non fuco illitus, sed sanguine diffusus debet color. Tum denique nobis hic orator ita conformandus est & uerbis, et sententijs, ut quemadmodum qui utuntur armis, aut palæstra, non solum sibi uitandi, aut feriendi rationem esse habendam putant, sed etiam ut cum uenustate moueantur, sic uerbis quidem ad aptam compositionem, & condecentiam, sententijs uero ad grauitatē orationis utatur, ut si, qui in armorum tractatione uersantur. Formantur autem & uerba, & sententiæ penē innumerabiles, quod satis scio notum esse uobis, sed inter conformationem uerborum, & sententiarum hoc interest, quod uerborum tollitur, si uerba mutaris, sententiarū permanet, quibuscumque uerbis uti uelis. Quod quidem uos & si facitis, tamen admonendos puto, nequid esse aliud oratoris putetis, quod quidem sit egregium, atq; mirabile, nisi in singulis uerbis illa tria tenere, ut trāslatis utamur frequenter, interdumq; factis, raro autem etiam peruetustis, in perpetua autem oratione, cum et coniunctionis lenitatem, & numerorum, quam dixi rationem tenuerimus, tum est quasi luminibus distinguenda, & frequentanda omnis oratio sententiarum, atque uerborum. Nam & commoratio una in re permultum mouet, & illustris explanatio, rerumq; quasi gerantur, sub aspectum penē subiectio, quæ & in exponenda re plurimum ualet, & ad illustrandum id, quod exponitur, & ad amplificandum, ut ijs, qui audient, illud quod augebimus, quantum efficere oratio poterit, tantum esse uideatur, & huic contraria sæpe præcisio est, et plus ad intelligendum, quàm dixeris, significatio, & distincte concila breuitas, & extenuatio, & huic adiuncta illutio à præceptis Cæsaris non abhorrens, & ab re non longa digressio, in qua cum fueris delectatio, tum reditus ad rem aptus, & cōcinnus esse debet, propositioq; quid sis dicturus, & ab eo, quod est dictum, seiunctio, & reditus ad propositum, & iteratio, & rationis apta cōclusio, tum augendi, minuendiue causa ueritatis superlatio, atque traiectio, & rogatio, atque huic finitima quasi percunctatio, expositioq; sententię suæ, tum illa, quæ maxime quasi irrepit in hominum mentes alia dicentis, ac significantis dissimulatio, quæ est periucunda, cum in oratione, non contentione, sed sermone tractatur, deinde dubitatio, tum distributio, tū correctio, uel ante, uel

postquam dixeris, uel cū aliquid à te ipso reijcias, præmunio est etiam ad id, quod aggrediare, & reiectio in alium, communicatio, quæ est quasi cum ijs ipsis, apud quos dicas, deliberatio, morum, ac uitæ imitatio uel in personis, uel si ne illis, magnum quoddam ornamentum orationis, & aptum ad animos conciliandos uel maxime, sæpe autem etiam ad commouendos. Personarum si cetera inductio, uel grauiissimum lumen augendi, descriptio, erroris inductio, & in hilaritatem impulsio, ante occupatio, tum duo illa, quæ maxime mouent, si militudo, & exemplum, digestio, interpellatio, contentio, reticentia, commendatio, uox quædam libera, atque etiam effrenatio augendi causa. iracundia, obiurgatio, promissio, deprecatio, obsecratio, declinatio breuis à proposito, non ut superior illa digressio, purgatio, conciliatio, læsio, optatio, atque execratio. His ferè luminibus illustrant orationem sententiæ. Orationis autem ipsius tanquam armorum est, uel ad usum comminatio, & quasi petitio, uel ad uenustatem ipsa tractatio: Nam & geminatio uerborum habet interdū uim, leporem aliàs. & paulum immutatum uerbum, atque deflexum, & eiusdem uerbi crebra tum à primo repetitio, tum in extremum conuersio, & in eadem uerba impetus, & concursio, & adiunctio, & progressio, & eiusdem uerbi crebrius positi quædam distinctio, & reuocatio uerbi, & illa, quæ similiter desinunt, aut quæ cadunt similiter, aut quæ paribus paria referuntur, aut quæ sunt inter se similia. Est etiam gradatio quædam, & conuersio, & uerborum concinna transgressio, & contrarium, & dissolutum, & declinatio, & reprehensio, & exclamatio, & imminutio, & quod in multis casibus ponitur, & quod de singulis rebus propositis ductum, refertur ad singula, & ad propositum subiecta ratio, & item in distributis supposita ratio, & permissio, & rursum alia dubitatio, & improuisum quiddam, & dinumeratio, & alia correctio, & disputatio, & quod continuatum, & interruptum, & imago, & si biipsi responsio, & immutatio, & disiunctio, & ordo, & relatio, & digressio, & circumscriptio. Hæc enim sunt ferè, atque horum similia uel plura etiā esse possunt, quæ sententijs orationem, uerborumq; conformationibus illuminant. Quæ quidem te Crasse uideo inquit Cotta, quod nota esse nobis putes sine definitionibus, & sine exemplis effudisse. Ego uero inquit Crassus, ne illa quidem, quæ supra dixi, noua uobis esse arbitrabar, sed uoluntati uestrum omnium parui. His autem de rebus sol me ille admonuit, ut breuior essem, qui ipse iam præcipitans me quoque hæc præcipitem penè euoluere coegit. Sed tamen huius generis demonstratio est, & doctrina ipsa uulgaris, usus autem grauiissimus, & in hoc toto dicendi studio difficillimus. Quamobrem, quoniam de ornatu omni orationis, si non sunt omnes patefacti, ac certe commostrati loci, nunc quid aptum sit, hoc est, quod maxime deceat in oratione, uideamus, quamquam id quidem perspicuum est, non omni causæ, nec auditori, neque personæ, neque temporis congruere orationis unum genus: Nam & causæ capitis alium quendam uerborum sonum requirunt, alium rerum priuararum, atque paruarum, & aliud dicendi genus deliberationes, aliud lationes, aliud iudicia, aliud sermones, aliud cōsolatio, aliud obiurgatio, aliud disputatio, aliud historia desiderat. Refert etiam qui audiant senatus, an populus, an iudices, frequentes, an pauci, an singuli, & quales ipsi quoque oratores, qua sint ætate, honore, auctoritate, debent uideri, tempus pacis, an belli,

belli, festinationis; an otij. Itaque hoc loco nihil sanè est, quod præcipi pos-
se uideatur, nisi ut figuram orationis, plenioris, & tenuioris, & item illius me-
diocris ad id, quod agimus, accommodatam deligamus, ornamentis ipsam
uti serè licebit, aliàs contentius, aliàs summissius, omniq; in re posse, quod de-
ceat facere, artis, & naturæ est, scire quid quandoq; deceat, prudentiæ. Sed
hæc ipsa omnia perinde sunt, ut aguntur, actio inquam in dicendo una domi-
natur, sine hac summus orator esse in numero nullo potest, mediocris hac in-
structus summos sepe superare. Huic primas dedisse Demosthenes dicitur, cū
rogaretur quid in dicendo esset primū, huic secundas, huic tertias. Quo mihi
melius etiam illud ab Æschine dictū uideri solet, qui, cum propter ignominia-
m iudicij celsisset Athenis, & se Rhodum contulisset, rogatus à Rhodijs le-
gisse fertur orationem illam egregiā, quam in Ctesiphontem contra Demo-
sthenem dixerat, quæ perfecta, penitū est ab eo postmodum, ut legeret illā etiam,
quæ erat cōtra à Demosthene pro Ctesiphonte edita, quam cum suauissima,
& maxima uoce legisset, admirantibus omnibus, quanto inquit magis admi-
raremini, si audisset ipsū, ex quo satis significauit, quantum esset in actione,
qui orationem eandem aliam esse putaret auctore mutato. Quid fuit in Græco-
cho? quæ tu Catule melius meministi, quod me puero tæropere ferretur? Quid
me miser conferant? quod uertam? in capitolium ne? at fratris sanguine redūdar.
an domum? matrem ne ut miserā, lamentantemq; uidcam, & abiectam? quæ
sic ab illo acta esse constabat oculis, uoce, gestu, inimici ut lacrimas tenere non
possent. Hæc eo dico pluribus, quod genus hoc totum oratoris, qui sunt ueri-
tatis ipsius actores, reliquerunt, imitatores autem ueritatis histriones occupa-
uerunt. Ac sine dubio in omni re uincit imitationem ueritas, sed ea si satis in
actione efficeret ipsa per sese, arte profecto nō egeremus. uerū quia animi per-
motio, quæ maxime aut declaranda, aut imitanda est actione, perturbata sepe
ita est, ut obscuratur, atque penè obruatur, discutienda sunt ea, quæ obscurant,
& ea, quæ sunt eminentia, & prompta sumēda: Omnis enim motus animi, su-
um quendam à natura habet uultū, & sonum, & gestum, totumq; corpus ho-
minis, & eius omnis uultus, omnesq; uoces, ut nerui in fidibus ita sonant, ut
à motu animi quoque sunt pulsæ. Nam uoces, ut chordæ sunt intentæ, quæ ad
quenque tactum respondeant, acuta, grauis, cita, tarda, magna, parua, quas ta-
men inter omnes est suo quæque in genere mediocris. Atque etiam illa sunt ab
his delapsa plura genera, lene, asperum, contractum, diffusum, cōtinēti spiritu,
intermisso, fractum, scissum, flexo sono, attenuatum, inflatum. Nullū est enim
horum similium generum, quod non arte, ac moderatione tractetur, hi sunt
actori, ut pictori expositi ad uariandum colores. Aliud enim uocis genus ira-
cūdia sibi sumat, acutum, incitatum, crebro incidens.

Impius hortatur me frater, ut meos malis miser

Manderem natos.

& ea, quæ tu dudum Antoni protulisti.

Segregare abs te ausus, &

Equis hoc animaduertit? uincite.

& Atreus serè totus. Aliud miseratio, ac moeror, flexibile, plenum, interruptum, flebili uoce.

Quo nunc me uertam? quod iter incipiam ingredi?

Domum paternam? ne? an ne ad Pelia filias? & illa.

M. T. Rhe.

X z

O pater, o patria, o Priami domus, & quæ sequuntur.

Hæc omnia uidi inflammari,

Priamo ui uitam cuitari.

Aliud metus, demissum, & hæsitans, & abiectum.

Multi modis sum circūuentus, morbo, exilio, atque inopia;

Tum pavor sapientiam mihi omnem ex animo expectorat,

Alter terribilem minitatur uitæ cruciatum, & necem,

Quæ nemo est tam firmo ingenio, & tanta confidentia;

Quin refugiat timido sanguen, atque exalbescat metu,

Aliud uis, contentum, uehemēs, imminens, quadam incitatione grauitatis.

Iterum Thyestes Atreum attractum aduenit,

Iterum iam aggreditur me, & quietum exulscitat,

Maior mihi moles, maius miscendum est malum,

Qui illius acerbum cor contundam, & comprimam.

Aliud uoluptas, effusum, lene, tenerum, hilaratum, ac remissum.

Sed mihi cum tetulit coronam ob collocandas nuptias,

Tibi ferebat, cum simulabat sese alteri dare,

Tum ad te ludibunda docte, & delicate detulit.

Aliud molestia, sine commiseratione graue quiddam, & uno pressu, ac for-
no obductum,

Qua tempestate Paris Helenam innuptis iunxit nuptijs,

Ego tum grauida expletis iam ferè ad pariendum mensibus,

Per idem tempus Polydorum Hecuba partu postremo parit.

Omnis autē hos motus sublequi debet gestus non hic uerba exprimens sceni-
cus, sed uniuersam rem, et sententiā non demonstratione, sed significatione, de-
clarans, laterū inflexione, hac fortī, ac tirili nō ab scena, & histrionibus, sed ab
armis, aut etiā a palæstra. Manus autem minus arguta, digitis subsequēs uerba
nō exprimens, brachium procerius proiectum quasi quoddam telum oratio-
nis, supposito pedis in contentionibus aut incipiēdis, aut finiendis. Sed in ore
sunt oia. In eo autem ipso dominatus est omnis oculorū, quo melius nostri illi
senes, qui personatum, ne Roscium quidē, magnopere laudabant: Animi est
enim omnis actio, & imago animi uultus est, indices oculi, nā hæc est una pars
corporis, quæ quot animi motus sunt, tot significationes, & cōmutationes pos-
sit efficere. necp̄ uero est quisquam, qui eadem contuēs efficiat. Theophrastus
quidem Tauriscū quendam dixit actorem auersum solitum esse dicere, qui in
agēdo contuens aliquid, pronūtiaret. Quare oculorū est magna moderatio:
nam oris non est nimiū mutanda species, ne aut ad ineptias, aut ad prauitatem
aliquā deferamur. Oculi sunt, quorū tum intentione, tum remissione, tum con-
iectu, tum hilaritate, motus animorum significemus apte cum genere ipso ora-
tionis: est enim actio quasi sermo corporis, quo magis menti cōgruens esse de-
bet. Oculos autē natura nobis, ut equo, & leoni setas, caudam, aures, ad motus
animorū declarandos dedit. Quare in hac nostra actione secundū uocē uultus
ualet, is autē oculis gubernatur. Atq̄ in ijs omnibus, quæ sunt actionis, test quæ
dam uis à natura data: quare etiā hac imperiti, hac uulgi, hac deniq̄ barbari
maxime cōmouentur: uerba enim neminem mouent, nisi eum, qui eiusdem lin-
guæ societate coniunctus est, sentētięq̄ sepe acutę, non acutorū hominū sene-

lus,

sus præteruolant, actio, quæ præse motum animi fert, omneis mouet: ipsæ enim
 omniū animi motibus concitātur, & eos ipsædem notis, & in alijs agnoscunt, &
 in seipſi iudicant: Ad actionis aut usum, atq; laudē, maximam sine dubio par-
 tem uox obinet, quæ primū est optanda nobis, deinde, quæcūq; erit, ea tuēda,
 de quo illud iam nihil ad hoc præcipiendi genus quemadmodū uoci seruiatur,
 equidē magnopere cenſeo seruiendū. Sed illud uidetur ab huius nostri sermo-
 nis officio nō abhorre, quod, ut dixi paulo ante occurreret, plurimis i rebus,
 quod maxime est utile, id nescio quo pacto etiā decet maxime: nā ad uocē in di-
 cendo obtinendā nihil est utilius, q̄ crebra mutatio, nihil perniciosius, q̄ effusa
 sine intermissione cōtentio, quid: ad aures nostras, & actionis suauitatē, quid
 est uicissitudine, et uarietate, et cōmutatione aptius? Itaq; idē Gracchus, quod
 potes audire Catule ex Licinio cliente tuo literato homine, quē seruū sibi ille
 habuit ad manum, cū eburneola solitus est habere fistula, q̄ staret occulte post
 ipsum, cū concionaretur, peritum hominē, qui inflaret celeriter eū sonum, quo
 illum aut remissum excitaret, aut à cōtentione reuocaret. Audiui mehercule
 inquit Catulus, & sepe sum admiratus hominis cum diligentia, tum ēt doctri-
 nā, & scientiā. Ego uero inquit Crassus, ac doleo quidē illos uiros in eā frau-
 dem in rep. esse delapsos, quāq; ea tela textitur, & ea incitatur in ciuitate ratio ui-
 uendi, ac posteritatis ostenditur, ut eorū ciuiū, quos nostri patres nō tulerunt,
 iam similes habere cupiamus. Mitte obsecro inquit Crasse Iulius sermonem
 istū, et te ad Gracchi fistulā refer, cuius ego nō dū planē rationē intelligo. In
 omni uoce inqt Crassus, est quiddā mediū, sed suū cuiq; uoci, hic gradatī ascē-
 dere uocē utile, & suauē est: nam à principio clamare agreste quiddā est, & il-
 lud idem ad firmandū est uocē salutare. deinde est quiddā contentionis extre-
 mū, quod tamē inferius est, q̄ acutissimus clamor, quō te fistula progredi non
 sinet, & tamē ab ipsa cōtentione reuocabit. Est itē cōtra qddam in remissione
 grauissimū, quoq; tanq̄ sonorū gradibus descenditur. Hęc uarietas, & hic per
 oēs sonos uocis cursus, & se tuebitur, & actioni afferet suauitatē, sed fistulatorē
 domi relinquetis, sensum huius cōsuetudinis uobiscū ad forū deferetis. Edidī
 quæ potui, nō ut uoluī, sed ut me tēporis angustiaē coegerunt: scitum est enim
 causam conferre in tēpus, cū afferre plura si cupias, nō queas. Tu uero inqt Ca-
 tulus, collegisti oīa, quantū ego possum iudicare, ita diuinitus, ut non à græcis
 didicisse, sed eos ipsos hęc docere posse uideare. Me quidē istius sermonis par-
 ticipē factum esse gaudeo, ac uellē ut meus gener sodalis tuus Hortensius assui-
 set, quē quidē ego confido omnibus istis laudibus, quas tu oratione cōplexus
 es, excellentem fore. Et Crassus fore dicis inquit: ego uero esse iam iudico, &
 tum iudicauī, cū me consule in senatu causam defendit Africæ, nuperq; etiā ma-
 gis cum pro Bithyniæ rege dixit. Quamobrem recte uides Catule, nihil enim
 istī adoleſcenti neq; à natura, neq; à doctrina deesse sentio, quo magis est tibi
 Cotta, et tibi Sulpici uigilandū, ac laborandū: non enim ille mediocris orator
 uestre quasi succreſcit etati, sed & ingenio peracri, & studio flagrāti, & doctri-
 na eximia, & memoria singulari: cui quanquam faueo, tamen illum arati suæ
 præstare cupio, uobis uero illum tanto minorem præcurrere uix honestū est.
 Sed iam surgamus inquit, nosq; curemus, & aliquando ab hac contentione di-
 sputationis animos nostros, curamq; laxemus.

M. T. C I C E R O N I S

B R V T V S



V M E Cilicia decedens Rhodum uenissem, & eo mihi de Q. Hortensij morte esset allatum, opinione omnium maiorem animo cepi dolorem: nam & amico amisso, cum consuetudine iucunda, tum multorum officiorum coniunctione me priuatum uidebam, et interitu talis auguris dignitatem nostri collegij diminutam dolebam, qua in cogitatione, & cooptatum me ab eo in collegium recordabar, in quo iuratus iudicium dignitatis meae fecerat, & in auguratum ab eodem, ex quo augurum institutis in parentis cum loco colere debebam. Augebam etiam molestiam, quod magna sapietium ciuium, bonorumque penuria, uir egregius, coniunctissimusque mecum consiliorum omnium societate, alienissimo reip. tempore extinctus, & auctoritatis, & prudentiae sugillate nobis desiderium reliquerat: dolebamque, quod, non ut plerique putabant, aduersarium, aut obrectatorem laudum mearum, sed socium potius, & consortem gloriosi laboris amiseram: Etenim si in leuiorum artium studio memoriae proditum est, poetas nobilis poetarum aequalium morte doluisse, quo eadem animo eius interitum ferre debui: cum quo certare erat gloriosius, quam omnino aduersarium non habere, cum praesertim non modo nunquam sit, aut illius a me cursus impeditus, aut ab illo meus, sed contra semper alter ab altero adiutus, & communicando, & monendo, & fauendo. Sed quoniam perpetua quaedam felicitate usus ille cessit e uita suo magis, quam suorum ciuium tempore, & tum occidit, cum lugere facilius rem. posset, si uiueret, quam iuuare, uixitque tantum diu, quam licuit in ciuitate bene, beateque uiuere, nostro incommodo, detrimentoque, si est ita necesse, doleamus, illius uero mortis opportunitate beneuolentia potius, quam misericordia prosequamur, ut quotiescunque de clarissimo, et beatissimo uiro cogitemus, illum potius, quam nosmetipsos diligere uideamur: nam si id dolemus, quod eo iam frui nobis non licet, nostrum est id malum, quod modice feramus, ne id non ad amicitiam, sed ad domesticam utilitatem referre uideamur: sin tanquam illi ipsi acerbitatis aliquid acciderit angimur, summam eius felicitatem non satis grato animo interpretamur. Etenim si uiueret Q. Hortensius, cetera fortasse desideraret una cum reliquis bonis, & fortibus ciuibus, hunc autem, & praeter ceteros, aut cum paucis sustineret dolorem, cum forum populi R. quod fuisset quasi theatrum illius ingenij, quae erudita, & romanis, graecisque auribus digna, spoliatum, atque orbatum uideret. Equidem angor animo, non consilij, non ingenij, non auctoritatis armis egere rem. quae didiceram tractare, quibusque me assuescebam, quaeque erant propria, cum praestantis in rep. uiri, tum bene moratae, et bene constitutae ciuitatis. quod si fuit in rep. tempus ullum, cum extorquere arma posset e manibus iratorum ciuium bonae ciuis auctoritas, et oratio, tum profecto fuit, cum patrocinium pacis exclusum est aut errore hominum, aut timore. Ita nobismetipsis accidit, ut quanquam essent multo magis alia lugenda, tamen hoc doleremus, quod quo tempore aetas nostra perfuncta rebus amplissimis tanquam in portum confugere deberet, non inertis,

inertis, neque desidit, sed otij moderati, acque honesti, cumq; ipsa oratio iam nostra canceleret, haberetq; suam quādam maturitatem, & quasi senectutem, sum arma sunt ea sumpta, quibus illi ipsi, qui didicerāt eis uti gloriose, quem admodum salutariter uterentur, non reperiēbant. Itaq; ij mihi videntur fortunati, beateq; uixisse, cum in ceteris ciuitatibus, tum maxime in nostra, quibus, cum auctoritate, rerumq; gestarum gloria, tum etiam sapientiae laude perfrui liquit: quorum memoria, & recordatio in maximis nostris, grauissimisq; curis iucunda sanē fuit, cum in eam nuper ex sermone quodam incidissemus: Nā cum inambularem in xisto, & essem otiosus domi, M. ad me Brutus, ut cōsueuerat, cum T. Pomponio uenerat, homines cum inter se coniuncti, tum mihi ita cari, itaq; iucundi, ut eorum aspectu omnis, quæ me angebat, de reip. cura confederit, quos postquam salutauī, quid uos inquam Brute, & Attice nunc? quid tandem noui? Nihil sanē inquit Brutus, quod quidem, aut tu audire uelis, aut ego pro certo dicere audeam. Tum Atticus, eo inquit ad te animo uenimus, ut de rep. esset silentiū, & aliquid audiremus potius ex te, quā te assideremus ulla molestia. Vos uero inquam Attice, & præsente me cura leuatis, & absenti magna solatia dedistis, nam uestris primum literis recreatus, me ad pristina studia reuocaui. Tum ille, legi inquit perlubenter epistolā, quam ad te Brutus misit ex Asia, qua mihi uisus est & monere te prudenter, & consolari amicissime. Recte inquam est uisus, nam me istis scito literis, ex diuturna perturbatione totius ualitudinis, tanquam ad aspiciendam lucem esse reuocatum: acque ut post Cānensem illam calamitatem primum Marcelli ad Noīam praelio populus se romanus erexit, posteaq; prospere res deinceps multæ consecutæ sunt, sic post rerum nostrarum, & communium grauissimos casus, nihil ante epistolam Bruti mihi accidit, quod uellem, aut quod aliqua ex parte solitudines alleuaret meas. Tum Brutus, uolui id quidem efficere certe, & capio magnum fructum, siquidem quod uolui, tanta in re consecutus sum: sed scire cupio quæ te Attici literæ delectauerint? Istæ uero inquā Brute non modo delectationem mihi, sed etiam, ut spero, salutem attulerūt. Salutem inquit ille: quodnam tandem genus istuc tam præclarum literarū fuit? An mihi potuit inquam esse aut gratior ulla saluti, aut ad hoc tempus aptior, quā illius libri, quo me hic affatus, quasi iacētē excitauit? Tum ille, nempe eum dicis inquit, quo iste omnem rerum memoriam breuiter, & ut mihi quidem uisum est, per diligenter complexus est. Istum ipsum inquam Brute dico librum mihi saluti fuisse. Tum atticus, Oportatissimum mihi quidem est, quod dicis, sed quid tandem habuit liber iste, quod tibi aut nouū, aut tanto uisui posset esse? Ille uero, & noua inquā mihi quidem multa, et eam utilitatem, quam requirebam, ut explicatis ordinibus temporum, uno in conspectu omnia uiderem, quæ cum studiose tractare coepissem, ipsa mihi tractatio literarum salutaris fuit, admonuitq; Pomponi, ut à te ipso sumerem aliquid ad me reficiendum, teq; remunerandum, si non parī, at grato tamen munere, quanquā illud Hesiodium laudatur à doctis, quod eadem mensura reddere iubet, qua accepis, aut etiam cumulatiore, si possis. Ego autem uoluntatem tibi profecto emittar, sed rem ipsam non dum posse uideor, idq; ut ignoscas à te peto: nec enim ex nouis (ut agricolæ solent) fructibus est, unde tibi reddam, quod accepi, sic omnis sortis repressus, exustusq; flos siti ueteris ubertatis exaruit, nec ex con-

ditis, qui iacent in tenebris, & ad quos omnis nobis aditus, qui penè solis patuit, obstructus est. Seremus igitur aliquid tãquam in inculto, & derelicto solo, quod ita diligenter colemus, ut impendijs etiam augere possimus largitatẽ tui muneris, modo idem noster animus efficere possit, quod ager, qui, cũ multis annos quieuit, uberiorẽ efferre fruges solet. Tum ille, Ego uero et expectabo ea, quæ polliceris, nec exigam, nisi tuo commodo, & erunt mihi pergrata, si solueris. Mihi quoq; inquit Brutus, & expectanda sunt ea, quæ Attico polliceris, & si fortasse ego atc huius uoluntarius procurator petam, quod ipse, cui debes, incommodo exacturum negat. At uero inquam tibi ego Brute non soluam, nisi prius à te cauero, amplius eo nomine neminem, cuius petitio sit, petiturum. Non mehercule inquit tibi repromittere istuc quidem ausus sum, nam hunc, qui negat, uideo flagitatorem, non illum quidem tibi molestum, sed assiduum tamen, & acrem, fore. Tum pomponius, ego uero inquit Brutum nihil mentiri puto. uideo enim iam te ausurus esse appellare, quoniã longo intervallo modo primum animaduerti paulo te hilariorẽ. Itaq; quoniã hic quod mihi deberetur se exacturum professus est, quod huic debes, ego à te peto. Quidnam id inquam? Vt scribas inquit aliquid, iam pridem enim conticuerunt tuæ literæ. Nam, ut illos de rep. libros edidisti, nihil à te sanè postea accepimus, eisq; nosmetipsi ad rerum memoriam cõprehendẽdã impulsĩ, atq; incensi sumus: Sed illa cum poteris, atq; ut possis rogo. Nunc uero iquit, si es animo uacuo, expone nobis, quod quærimus. Quidnam est id inquam? Quod mihi nuper in Thufculano inchoauisti de oratoribus, quãdo esse cõpissent, qui etiam, et quales fuissent. Quem ego sermonem cum ad Brutum tuum, uel nostrũ potius, derulisset, magnopere hic audire se uelle dixit: itaque hunc elegimus diem, cum te sciremus esse uacũ. Quare, si tibi est commodum, ede illa, quæ cõperas, & Bruto, et mihi. Ego uero inquam, si potuerõ, faciam uobis satis. Poteris inquit, relaxa modo paulum animum, aut sanè (si potes) libera. Nempe igitur hinc tum Pomponi ductus est sermo, quod erat à me mentio facta, causam Deiotari fidelissimĩ, atque optimi regis ornatissimẽ, & copiosissimẽ à Bruto me audisse defensam. Scio inquit ab isto initio tractum esse sermonem, teq; Bruti dolentem uicem, quasi defleuisse iudiciorum uastitatem, & fori. Feci inquam istuc quidem, & sæpe facio: nam mihi Brute in te inuenti crebro in mentem uenit uereri, ecquodnam curriculum aliquando sit habitura tua, & natura admirabilis, & exquisita doctrina, & singularis industria: cum enim in maximis causis uersatus esses, & cum tibi ætas nostra iam cederet, fascisq; summitteret, subito in ciuitate cum alia cederunt, tum etiam ea ipsa, de qua disputare ordimur, eloquentia obmutuit.

Tum ille ceterarum rerum causã inquit istuc & doleo, & dolendum puto, dicendi autem me, non tam fructus, & gloria, quàm studium ipsum, exercitatioq; delectat, quod mihi nulla res eripiet, te presertim tam studioso: Et dicere enim bene nemo potest, nisi qui prudenter intelligit. quare qui eloquentiæ ueræ dat operam, dat prudentiæ, qua ne maximis quidem in bellis æquo animo carere quisquã potest. Præclare inquam Brute dicis, eoq; magis ista dicẽdi laude delector, quod cetera, quæ sunt quodã habitã in ciuitate pulcherrima, nemo est tam humilis, qui se non aut posse adipisci, aut adeptum putet. Eloquentem neminẽ uideo factum esse uictoria: sed quo facilius sermo expli-

cur,

cetur, sedētes, si uidetur, agamus. Cū idem placuisset illis, tum in pratulo pro-
 pter Platonis statuam confedimus. H I C ego: laudari igitur eloquentiam,
 & quanta uis sit eius expromere, quātamq; ijs, qui sint eam consecuti, dignita-
 tem afferat, neq; propositum nobis est hoc loco, neque necessarium. Hoc uero
 sine ulla dubitatione confirmauerim, siue illa arte pariatu aliqua, siue exercita-
 tione quadam, siue natura, rem unam esse omnium difficillimā: quibus enim
 ex quinque rebus constare dicitur, earum unaqueq; est ars ipsa magna per se
 se. Quare quinque artium concursus maximarum, quantā uim, quātamq; diffi-
 cultatem habeant, existimari potest. Testis est Græcia, quæ cū eloquentiæ stu-
 dio sit incensa, iamdiuq; excellat in ea, præstetq; ceteris, tamen omnis artes ue-
 rustiores habet, & multo ante, non inuētas solum, sed etiā perfectas, quā hęc
 est à græcis elaborata dicēdi uis, atq; copia: In quam cum intueor, maxime mi-
 hi occurrunt Atticæ, & quasi lucent Athenæ tuæ, qua in urbe primum se ora-
 tor extulit, primumq; etiā monumentis, & literis oratio est cepta mandari,
 tamen ante Periclen, cuius scripta quædam seruntur, & Thucydidē, qui non
 nascentibus Athenis, sed iam adultis fuerunt, litera nulla est, quæ quidem or-
 natum aliquem habeat, & oratoris esse uideatur. Quanquam opinio est, &
 eum, qui multis annis ante hos fuerit, Pisi stratū, & paulo seniore etiam Solo-
 nē, posteaq; Clithenē multum ut temporibus illis ualuisse dicendo. Post hęc
 etatē aliquot annis, ut ex Attici monimētis potest perspicui, Themistocles fuit
 quæ constar cum prudentia, tum etiā eloquentia præstinisse: post Pericles, qui
 cum floreret omni genere uirtutis, hac tamen fuit laude clarissimus: Cleonem
 etiam temporibus illis turbulentū illum quidem ciuē, sed tamen eloquentem
 cōstat fuisse, huic etati suppare Alcibiades, Critias, Theramenes, quibus tē-
 poribus, quod dicēdi genus uiguerit, ex Thucydidi scriptis, qui ipse tum fuit,
 intelligi maxime potest: grandes erant uerbis, crebri sententijs, compressione
 rerum breues, et ob eam ipsam causam interdum subobscuri. Sed, ut intellectū
 est, quantā uim habebat accurata, & facta quodam modo oratio, tum etiā ma-
 gistri dicēdi multi subito extiterūt, tum Leontinus Gorgias, Thrasymachus
 Chalcedonius, Protagoras Abderites, Prodicus Cius, Hippias Eleus, in ho-
 nore magno fuit, aliq; multi temporibus eisdem docere se profitebātur, arro-
 gantibus sanē uerbis, quemadmodū causa inferior (ita enim loquebātur) di-
 cendo fieri superior posset: his opposuit sese Socrates, qui subtilitate quādā di-
 sputandi refellere eorum instituta solebat uerbis. Huius ex uberrimis sermoni-
 bus extiterunt doctissimi uiri, primumq; tum philosophia, non illa de natura,
 quæ fuerat antiquior, sed hæc, in qua de bonis rebus, & malis, deq; hominum
 uita, & moribus disputatur, inuenta dicitur, quod quoniā genus ab hoc, quod
 proposuimus, abhorret, philosophos aliud in tempus reſiciamus, ad oratores
 à quibus digressi sumus, reuertamur. Exiit igitur iam senibus illis, quos
 paulo ante diximus, Isocrates, cuius domus cunctæ Græciæ quasi ludus qui-
 dam patuit, atq; officina dicendi, magnus orator, et perfectus magister, quan-
 quam forensi luce caruit, intraq; parietes aluit eam gloriam, quam nemo meo
 quidem iudicio, est postea consecutus: is & ipse scripsit multa præclare, & do-
 cuit alios, & cum cætera melius, quā superiores, tum primus intellexit, etiam
 in soluta oratione, dum uersum effugeres, modum tamen, & numerum quen-
 dam oportere seruari: ante hunc enim uerborum quasi structura, & quædam

ad numerū conclusio nulla erat, aut si quādo erat, non apparebat, eam dedica-
opera esse quæsitam, quæ forsitan laus sit, ueruntamen natura magis, tum casus
nonnunquam, quā aut ratione aliqua, aut obseruatione fiebat: ipsa enim na-
tura circumscriptione quadam uerborum comprehendit, concluditq; senten-
tiam: quæ cum aptis constricta uerbis est, cadit etiā plerūque numeroſe: nam
& aures ipse quid plenum, quid inane sit, iudicant, & spiritu quasi necessitate
aliqua uerborum comprehensio terminatur, in quo non modo defici, sed etiā
laborare turpe est. Tum fuit Lyſias ipse quidem in causis forensibus non uerē
satus, sed egregie subtilis scriptor, atque elegans, quem iam propē audeas ora-
torem perfectum dicere, nam planē quidem perfectum, et cui nihil admodum
deſit, Demosthenem facile dixeris, nihil acutē inueniri potuit i eis causis, quas
scripsit, nihil (ut ita dicam) subdole, nihil uersutē, quod ille non uiderit, nihil
subtiliter dici, nihil pressē, nihil enucleatē, quo fieri possit aliquid limatius, ni-
hil contra grande, nihil incitatum, nihil ornatum, uel uerborum grauitate, uel
sententiæ, quo quidquam esset elatius. Huic Hyperides proximus, & Ælchi-
nes fuit, & Lycurgus, & Dinarchus, & is, cuius nulla extant scripta, Demas-
des, alijq; plures, hæc enim ætas effudit hanc copiam, & ut opinio mea fert, su-
cus ille, & sanguis incorruptus usque ad hanc ætatem oratorum fuit, in qua na-
turalis inſeſſet, non fucatus nitor: Phalereus enim successit eis senibus adole-
ſcens, eruditissimus ille quidem horum omnium, sed non tam armis institutus,
quā palæstra, itaque delectabat magis Athenienses, quā inflammabat:
processerat enim in solem, & puluerem, non ut ē militari tabernaculo, sed
ut ē Theophrastido cœtissimi hominis umbraculis. Hic primus inflexit oratio-
nem, & eam mollem, teneramq; reddidit, & suauis, sicut fuit, uideri maluit,
quā grauis, sed suauitate ea, qua perfunderet animos, non qua perfringeret,
& tantum ut memoriā concinnitatis suæ, non quemadmodum de Pericle
scripsit Eupolis, cum delectatione aculeos etiam relinqueret in animis eorum,
a quibus esset auditus, Vides ne igitur, ut in ea ipsa urbe, in qua, & nata, & al-
ta sit eloquentia, quam ea sero prodierit in lucem: siquidem ante Solonis æta-
tem, & Pisistrati, de nullo, ut diserto memoriæ proditum est. At hi quidem,
ut populi R. ætas est, senes, ut Atheniensium scēla numerantur, adoleſcentes
debent uideri: nam & si Ser. Tullo regnante uiguerunt, tamen multo diutius
Athenæ iam erant, quā est Roma ad hodiernum diem, nec tamen dubito,
quin habuerit uim magnam semper oratio: neque enim iam Troicis tempo-
ribus tantum laudis in dicendo Vlyſsi tribuiſſet Homerus, & Nestori, quo-
rum alterum uim habere uoluit, alterum suauitatem, nisi iam tum esset honos
eloquentia: neque ipse poëta hic tam idem ornatus in dicendo, ac planē ora-
tor fuiſſet, cuius & si incerta sunt tempora, tamen annis multis fuit ante Ro-
mulum, siquidem non infra superiorem Lycurgum fuit, a quo est disciplina
Lacedæmoniorū astricta legibus: Sed studiū eius generis, maiorq; uis agno-
ſcitur in Pisistraro: Denique hunc proximo sæculo Themistocles inſecutus
est, ut apud nos perantiquus, ut apud Athenienses nō ita sanē uetus: fuit enim
regnante iam Græcia, nostra autem ciuitate non ita pridem dominatu regio
liberata, nam bellum Volſcorum illud grauissimum, cui Coriolanus exul in-
terfuit, eodem ferē tempore, quo Perſarum bellum fuit, similisq; fortuna cla-
rorum uiro-
pulsus

pulsus iniuria, se ad hostes contulit, conatumq; iracundiæ suæ, morte sedauit, nam & si aliter apud te est Attice de Coriolano, concede tamen, ut huic generi mortis potius assentiar. At ille ridens, tuo uero inquit Arbitratu, quoniam quidem concessum est rhetoribus ementiri in historijs, ut aliquid dicere possint argutius, ut enim tu nunc de Coriolano, sic Clitarchus, sic Stratocles de Themistocle finxit: Nam quæ Thucydides, qui & Atheniensis erat, & summo loco natus, summusq; uir, & paulo ætate posterior, tantum mortuum scripsit, & in Attica clam humatum, addidit fuisse suspicionem ueneno sibi cõsciuisse mortem, hunc isti aiunt, cum taurum immolauisset, excepsisse sanguinem patera, & eo potio, mortuū concidisse: hanc enim mortem rhetorice, et tragice ornare potuerūt, illa mors uulgaris nullam præbebat materiem ad ornatum: quare quoniā tibi quadrat, omnia fuisse in Themistocle paria, & Coriolano, pateram quoque à me sumas licet, præbebo etiam hostiam, ut Coriolanus sit planè alter Themistocles. Sit sanè inquā, ut lubet de isto, & ego cautius post hac historiam attingam te audiente, quem rerum romanarum auctorem laudare possum religiosissimum. Sed tum ferè Pericles Xantippi filius, de quo ante dixi, primus adhibuit doctrinam, quæ quanquam tum nulla erat dicendi tamen ab Anaxagora physico eruditus exercitationē mentis à reconditis, abstrusisq; rebus, ad causas forenses, popularesq; facile traduxerat: huius suauitate maxime hilaratæ Athenę sunt, huius ubertatem, & copiam admiratę, eiusdem uim dicendi, terroremq; timuerunt. Hęc igitur ætas prima Athenis oratorem propè perfectum tulit: nec enim in constituentibus tempore. nec in bella gerentibus, nec in impeditis, ac regum dominatione deuinctis, nasci cupiditas dicendi solet: pacis est comes, otijq; socia, et iam bene constitutę ciuitatis, quasi alumna quædam eloquentia. Itaque ait Aristoteles, cum sublatis in Sicilia tyrannis res priuatæ longo intervallo iudicijs repeterentur, tum primum, quod esset acuta illa gens, & controuersia natura, artem, & præcepta siculos Coracem, & Tisiam conscripsisse, nam antea neminem solitum uia, nec arte, sed accurate tamē, & de scripto plerosque dicere, scriptasq; fuisse, & paratas à Protagora rerum illustrium disputationes, quę nunc communes appellantur loci. Quod idem fecisse Gorgiam, cum singularum rerum laudes, uituperationesq; conscripsisset, quod iudicaret hoc oratoris esse maxime proprium, rem augere posse laudando, uituperandoq; rursus affligere. Huic antiphonem Rhamnusiū similia quædam habuisse conscripta, quo neminem unquā melius ullam orauisse capitis causam, cum se ipse defenderet, se audiente locuplex auctor scripsit Thucydides: nam Lysiam primo profiteri solitum artem esse dicendi, deinde quod Theodorus esset in arte subtilior, in orationibus autem ieiunior, orationes cum scribere alijs cepisset, artem remouisse. Similiter Ilocratem primo artem dicendi esse negauisse, scribere autē alijs solitum orationes, quibus in iudicijs uterentur, sed cum ex eo, quia quasi committeret contra legem, quo quis iudicio circumueneretur, sepe ipse in iudiciū uocaretur, orationes alijs destituisse scribere, totumq; se ad artes componendas transulisse. Et Græciæ quidem oratorum partus, atq; fontis uides ad nostrorum annaliū rationem ueteres, ad ipsorum sanè recētes: nam ante quā delectata est Atheniensium ciuitas hac laude dicendi, multa iam memorabilia & in domesticis, & in bellicis rebus effecerat. Hoc autem studium non erat commune Græciæ,

sed proprium Athenarum: quis enim aut Argium oratorem, aut Corinthi-
um, aut Thebanum scit fuisse temporibus illis: nisi quid de Epaminonda do-
cto homine suspicari libet. Lacedæmonium uero usque ad hoc tempus audi-
ui fuisse neminem, Menelaum ipsum, dulcem illum quidem tradit Homerus,
sed pauca dicentem: breuitas autem laus est interdum in aliqua parte dicendi,
in uniuersa eloquentia laudem non habet. At uero extra Græciam magna di-
cendi studia fuerunt, maximèq; huic laudi habiti honores illustre oratorū no-
men reddiderūt: nam, ut semel è Peirego eloquētia euecta est omnes peragra-
uit insulas, atque ita peregrinata tota Asia est, ut se externis oblineret mori-
bus, omnemq; illam salubritatem Atticæ dictionis, quasi sanitatem perderet,
ac loqui penè dediceret. Hinc Asiatici oratores non contēnendi quidem, nec
celeritate, nec copia, sed parum pressi, & nimis redundantes, Rhodij saniores,
& Atticorum similiōres, sed de Græcis hætenus, etenim hæc ipsa forsitan fue-
rint non necessaria. Tum Brutus, ista uero inquit, quā necessaria fuerint,
non facile dixerim, iucunda certe mihi fuerunt, neq; solum non longa, sed etiā
breuiora, quā uellem. Optime inquam, sed ueniamus ad nostros, de quibus
difficile est plus intelligere, quā quantum ex monumentis suspicari licet: Quis
enim putet aut celeritatem ingenij L. Bruto illi nobilitatis uestre principi de-
fuisse: qui de matre suauanda ex oraculo Apollinis tam acute, arguteq; conie-
cerit, qui summā prudentiam simulatione stultitiæ texerit, qui potentissimum
regem, clarissimi regis filiū, expulerit, ciuitatēq; perpetuo dominatu liberatā,
magistratibus annuis, legibus, iudicijsq; deuinxerit, qui collegæ suo imperiū
abrogauerit, ut è ciuitate regalis nominis memoriā tolleret, quod certe effici
nō potuisset, nisi esset oratione persuasum. Videmus itē paucis annis post re-
ges exactos, cū plebes propè ripam Anienis ad tertium miliariū consedisset,
eumq; montē, qui facer appellatus est occupauisset, M. Valerium dictatorem
dicendo sedauisse discordias, etiā ob eam rem honores amplissimos habitos,
& eū primum ob eam ipsam causam maximum esse appellatum. Ne L. Vale-
rium quidē potitum, arbitror non aliquid potuisse dicendo, qui post decem-
uiralem inuidiā plebem in patres incitata, legibus, & concionibus suis mici-
gauit. Possumus Appiū Claudiū suspicari disertū, quia senatū iam iam incli-
natum, à Pyrrhi pace reuocauerit. Possumus C. Fabriciū, quia sit ad Pyrrhū
de captiuis recuperandis missus orator. T. Corūcanium, quod ex pōnificū cō-
mentarijs longe plurimū ingenio ualuisse uideatur. M. Curiū, quod is Trib.
pl. interrege Appio Cæco diserto homine comitia cōtra leges habēte, cum de
plebe consulem nō accipiebat, patres ante auctores fieri coegerit, quod fuerit
permagnū nō dū lege Menia lata. Licet aliquid etiā de M. Popilij ingenio su-
spicari, qui cū Cos. esset, eodēq; tēpore sacrificiū publicū cū lēna faceret, quod
erat flamē carmentalis, plebei cōtra patres cōcitatione, & seditione nuntiata,
ut erat lēna amictus, ita uenit in cōcionem, seditionemq; cum auctoritate, tum
oratione sedauit. Sed eos oratores habitos esse, aut omnino tum ullū eloquen-
tiæ præmiū fuisse, nihil sanè mihi legisse uideor, tantummodo coniectura du-
cor ad suspiciandum. Dicitur etiā C. Flaminius is, qui Trib. pl. legem de agro
gallico, et piceno uiritim diuidendo tulerit, qui Cos. apud Trasimenum sit in-
terfectus, ad populum ualuisse dicendo. Quæ iam Maximus Verrucosus ora-
tor habitus est temporibus illis, & Q. Metellus is, qui bello punico secundo
cum

cum L. Veturio Philone Cos. fuit. Quem uero extet, & de quo sit memoriae proditum eloquentem fuisse, & ita esse habitum, primus est M. Cornelius Cethegus, cuius eloquentiae est auctor, & idoneus quidem mea sententia Q. Ennius, praesertim cum & ipse eum audiuerit, & scribat de mortuo, ex quo nulla suspicio est, amicitiae causa esse mentitum: est igitur sic apud illum in nono (ut opinor) Annali.

- Additur orator Cornelius suauiloquenti.
- Ore Cethegus Veturio collega Philoni,
- Filius, & orator appellat, & suauiloquentiam tribuit, quae nunc quidem non tam est in plerisque: latrant enim iam quidam oratores, non loquuntur, sed est ea laus eloquentiae certe maxima,
- Is dictus ollis popularibus olim.
- Qui tum uiuebant homines, atque aeuum agitabant,
- Flos delibatus populi. Probe uero, ut enim hominis decus ingenium, sic ingenij ipsius lumen est eloquentia, qua uirum excellentem praecclare tum illi homines florem populi esse dixerunt.

• Suadæq; medulla,

nam quam uocant graeci, cuius effectus est orator, hanc suadam appellauit Ennius, eius autem Cethegum medullam fuisse uult, ut quam deam in Pericli labris scripsit Eupolis feceratuisse, huius hic medullam nostrum oratorem fuisse dixerit. At hic Cethegus Cos. cum P. Tuditano fuit bello punico secundo, quæstorq; his Coss. M. Cato, modo plane, annis. CXXX. ante me consulem, & id ipsum nisi unius esset Ennij testimonio cognitum, hunc uetustas, ut alios fortasse multos, obliuione obruisset. Illius autem ætatis, qui sermo fuerit ex Næuianis scriptis intelligi potest: his enim Coss. ut in ueteribus commensariis scriptum est, Næuius est mortuus quanq; Varro noster diligentissimus inuestigator antiquitatis, putat in hoc erratum, uita mę Næuij producit longius: nam Plautus P. Claudio L. Portio. XX. annis post illos, quos ante dixi, Coss. mortuus est Catone censore. Hunc igitur Cethegum consecutus est ætate Cato, qui annis. VIII. post eum fuit Cos. eum nos, ut peruerterem habemus, q L. Marcio. M. Manilio Coss. mortuus est annis. LXXXIII. ipsis ante me consulem. Nec uero habeo quæquam antiquiorem, cuius quidem scripta proferenda putem, nisi quem Appij Cæci oratio hæc ipsa de Pyrrho, & nonnullæ mortuorum laudationes forte delectant, & hercules hæc quidem extant: ipse enim familiae sua quasi ornamenta, ac monimenta seruabant, & ad usum, siquis eiusdem generis occidisset, & ad memoriam laudum domesticarum, & ad illustandum nobilitatem suam, q; his laudationibus historia rerum nostrarum est facta mendosior: multa enim scripta sunt in eis, quæ facta non sunt, falsi triumphi, plures consulatus, genera etiam falsa, & ad plebem transitiones, cum homines humiliores in alienum eiusdem nominis infunderetur genus, ut si ego me à M. Tullio esse dicerem, qui Patricius cum Ser. Sulpicio Cos. anno. X. post exactos reges fuit. Catonis autem orationes non minus multæ ferè sunt, quæ Attici Lysiae, cuius arbitror plurimas esse: est enim Atticus, quoniam certe Athenis est & natus, & mortuus, & sanctus omni ciuium munere, quanquam Timæus cum, quasi Licinia, & Mucia lege repetit Syracusas: & quodammodo nonnulla in ijs etiam inter ipsos similitudo, acuti sunt, elegantes, saceti, breues. Sed

ille græcus ab omni laude felicior: habet enim certos sui studiosos, qui non tã habitus corporis opimos, quã gracilitates cõfescuntur, quos, ualẽdo modo bona sit, tenuitas ipsa delectat, quanquam in Lysia sunt sæpe etiam lacerti, sic, ut & fieri nihil possit ualentius, uerũ est certe genere toto strigosior, sed habet tamen suos laudatores, qui hac ipsa eius subtilitate admodũ gaudeant. Catonẽ uero quis nostrorũ oratorum, qui quidẽ nunc sunt, legit: aut quis nouit omni no: At quẽ uirum (dij boni) mitto ciuem, aut senatorẽ, aut imperatorẽ: oratorẽ enim hoc loco quærimus, quis illo grauior in laudãdo, acerbior in uituperãdo: in sententijs argutior: in docendo, edisserendoq; subtilior. Refertæ sunt orationes amplius cẽtum quinquaginta, quas quidem adhuc inuenerim, & legerim, & uerbis, & rebus illustribus, licet ex his eligant ea, quæ notatione, & laude digna sint, omnes oratoriæ uirtutes in eis reperiuntur. Iã uero origines eius quẽ florẽ, aut quod lumen eloquentiẽ nō habet: amatores huic defunt, sicuti multis iam ante sæclis, & Philisto Siracusio, & ipsi Thucydidi: nã, ut horũ concilis sententijs, interdum etiam non satis apertis cũ breuitate, tum nimio acumine, officit Theopõpus elatione, atq; altitudine orationis suæ, quod idẽ Lysia Demosthenes, sic Catonis luminibus obstruxit hæc posteriorũ quasi exaggerata altius oratio. Sed & i nostris incitia est, quod ñ ipsi q i Græcis antiquitate delectantur, eaq; subtilitate, quã Atticam appellant, hanc in Catone nō nouerunt quidem, Hyperidæ uolunt esse, & Lysia, laudo, sed cur nolunt Catonis: Attico genere dicẽdi se gaudere dicunt, sapiẽter id quidẽ, atq; utinã imitarentur, nec ossa solum, sed etiam sanguinem, gratum est tamen quod uolunt, cur igitur Lysias, & Hyperides amatur, cũ penitus ignoretur Cato: anti quior est huius sermo, & quædam horridiora uerba, ita enim tum loquebatur, id multum, quod tũ ille nō potuit, & adde numeros, & aptior sit oratio, ipsa uerba cõpone, & quasi cogmenta, quod ne græci quidẽ ueteres factitauerunt, iam neminem antepones Catoni. Ornari orationẽ Græci putant, si uerborum immutationibus utantur, quos appellat *τροπῶν*, & sententiãrũ, orationisq; formis, quæ uocant *ῥήματα*, nō uerisimile est, q̃ sit in utroq; genere & creber, & distinctus Cato. Nec uero ignoro nō dum esse satis politum hunc oratorem, & quærendum esse aliquid perfectius, quippe cum ita sit ad nostrorum temporum rationem uetus, ut nullius scriptum extet dignũ quidem lectione, quod sit antiquius, sed maiore honore in omnibus artibus, quã in hac una dicendi, uersatur antiquitas: quis enim eorum, qui hæc minora animaduertunt, nō intelligit Canachi signa rigidiora esse, quã ut imitentur ueritatẽ: Calamidis dura illa quidem, sed tamen molliora, q̃ Canachi: nō dum Myronis satis ad ueritatem adducta, iam tamen quæ non dubites pulchra dicere: pulchriora etiam Policleti, & iam planẽ perfectã, ut mihi quidem uideri solent. Similis in pictura ratio est in qua Zeulim, & Polygnotum, & Timantem, & eorum, qui nō sunt usi plus quàm quatuor coloribus, formas & liniamenta laudamus. At in Aetione, Nicomacho, Protogene, Apelle iam perfectã sunt omnia, & nescio an reliquis in rebus omnibus idem eueniat: nihil est enim simul & inuentum, & perfectum. Nec dubitari debet, quin fuerint ante Homerum poetæ, quod ex eis carminibus intelligi potest, quæ apud illum, & in phæacum, & in procorum epulis canuntur. Quid nostri ueteres uersus ubi sunt?

» Quos olim Fauni, uatesq; canebant,

Cum

Cum neq; musarum scopulos quisquam superarat
Nec dicti studiosus erat

Ante hunc:

ait ipse de se, nec mentitur in gloriando, sic enim sese res habet, nam & odyſſea latina est, sic, tanquam opus aliquod Dædali, & Liuianae fabulae nō satis dignae, quæ iterū legantur. Atq; hic Liuius, qui primus fabulam C. Clodio Cæci F. & M. Tuditano Coss. docuit anno ipſo ante q̄ natus est Ennius; post Romam conditam autē quartodecimo & quingētesimo, ut hic ait, quem nos sequimur: est enim inter scriptores de numero annorū cōtrouersia. Accius autē à Q. Maximo quintum Cos. captum Tarento scripsit Liuium annis XXX. post quā eum fabulam docuisse, & Atticus scribit, & nos in antiquis cōmētarijs inuenimus. Docuisse autem fabulam annis post. XI. C. Cornelio Q. Minucio Coss. ludis Iuuetatis, quos Salinator Senensis prælio uouerit, in quo tātus error Accij fuit, ut his Coss. XXXX. ānos natus Ennius fuerit, cui cū equalis fuerit Liuius, minor fuit aliquāto is, qui primus fabulā dedit, quā n̄ q̄ multas docuerant ante hos Coss. & Plautus, & Nuius. Hæc si minus apta uidentur huic sermoni Brute Attico assigna, qui me inflāmauit studio illustri um hominum ætates, & tēpora persequēdi. Ego uero inquit Brutus, & delector ista quasi notatione temporū, & ad id, quod instituiſti oratorum genera distinguere ætatibus, istam diligentia esse accōmodatam puto. Recte in quā Brute intelligis, atq; utinam extarent illa carmina, quæ multis sæclis ante suā ætatem in epulis esse cantitata à singulis cōiuijs de clarorum uirorū laudibus in originibus scriptum reliquit Cato, tamen illius, quem in uatibus, & faunis enumerat Ennius, bellū punicū, quasi Myronis opus delectat. Sit Ennius sanē, ut est certe, perfectior, qui si illū, ut simulat, cōtēneret, nō omnia bella persequēs primū illud punicū acerrimū bellum reliquisset. Sed ipse dicit, cur id faciat, Scripsere (inquit) alij rē uersibus, & luculente quidem scripserunt, etiā si minus, q̄ tu, polite. Nec uero tibi aliter uideri debet, qui à Næuio, uel sumpsiſti multa, si fateris, uel si negas, surripuisti. Cum hoc Catone grandiores nati fuerunt C. Flaminius. C. Varro. Q. Maximus. Q. Metellus. P. Lentulus. P. Crassus, qui cum superiore Africano Cos. fuit. Ipsum Scipionem accepimus nō infantem fuisse, filius quidem eius, is qui hunc minorem Scipionem à Paulo adoptauit, si corpore ualuisse in primis habitus esset disertus, indicant cū oratiunculae, tum historia quædam græca, scripta dulcissime. Numeroq; eodem fuit Sex. Aelius, iuris quidē ciuilis omniū peritissimus, sed etiam ad dicēdum paratus. De minoribus autem C. Sulpicius Gallus, qui maxime omniū nobiliū græcis literis studuit, isq; & oratorum in numero est habitus, & fuit reliquis rebus ornatus, atq; elegās: iam enim erat unctior quædam, splendidi orq; consuetudo loquendi: nā hoc prætor ludos Apollini faciente, cū Thyestem fabulam docuisset Q. Marcio. Gn. Seruilio Coss. mortem obiit Ennius. Erat iisdem temporibus Ti. Gracchus. P. F. qui bis Cos. & censor fuit, cuius est oratio græca apud Rhodios, quem ciuem cum grauem, tum etiam eloquētem cōstat fuisse. P. etiam Scipionem Nasicam, qui est Corculum appellatus, qui item bis Cos. & censor fuit, habitum eloquentem, M. alium illius, qui sacra acceperit filium, dicunt etiā L. Lentulū, qui cū C. Figulo Cos. fuit Q. Nobiliorem M. Filium. iam patrio iſtituto deditum studio literarum, qui etiam

M. T. R. he.

Y z

Q. Ennium, qui cum patre eius in Actolia militauerat ciuitate donauit; cum III. uir coloniam deduxisset, & T. Annium Luscum huius Q. Fuluij collegā non indifertum dicunt fuisse. Atq; etiam L. Paulus Africani pater, personam principis ciuis facile dicendo tuebatur. At uero etiam tum Catone uiuo, qui annos. V. &. LXXX. natus excessit ē uita, cum quidem eo ipso anno contra Ser. Galbam, ad populum summa contentione dixisset, quam etiam orationē scripam reliquit, sed uiuo Catone minores natu multi uno tempore oratores floruerunt: nam & A. Albinus is, qui græce scripsit historiam, qui Cos. cū L. Lucullo fuit, & literatus, & disertus fuit, & tenuit cum hoc locū quendā, etiam Ser. Fuluius, & unā Ser. Fabius pictor, & iuris, & literarū, & antiquitatis bene peritus. Q. q; Fabius Labeo fuit ornatus iisdem ferē laudibus: nam Q. Metellus, is, cuius quatuor filij consulares fuerunt, in primis est habitus eloquens, qui pro L. Cotta dixit, accusante Africano, cuius & aliæ sunt orationes, & contra Ti. Gracchum exposita est in C. Fannij annalibus, tum ipse L. Cotta ueterator habitus, sed C. Lælius, & P. Africanus in primis eloquentes, quorum extant orationes, ex quibus existimari de ingenijs oratorum potest. Sed inter hos ætate paulum his antecedens sine controverfia Ser. Galba eloquentia præstitit, & nimirum is princeps ex latinis, illa oratorum propria, & quasi legitima opera tractauit, ut egrederetur à proposito ornandi causa, ut delectaret animos, aut permoueret, ut augeret rem, ut miserationibus, ut communibus locis uteretur, sed nescio quomodo huius, quem constar eloquentia præstitisse, exiliores orationes sunt, & redolentes magis antiquitatem, quā aut Lælij, Scipionis, aut etiam ipsius Catonis. Itaq; exaruerunt, uix iam ut appareant. De ipsius Lælij, & Scipionis ingenio, quanquam ea est iam, ut plurimum tribuatur ambobus, dicendi tamen laus est in Lælio illustrior. At oratio Lælij de collegis non melior, q̃ de multis, q̃ uoles Scipionis, non quo illa Lælij quidquā sit dulcius, aut quod de religione dici possit augustius, sed multo tamen uetustior, & horridior ille, q̃ Scipio, & cum sint in dicendo uariæ uoluntates, delectari mihi magis antiquitate uidetur, & lubenter uerbis etiam uti paulo magis prisca Lælius. Sed est mos hominum, ut nolint eundem pluribus rebus excellere: nam ut ex bellica laude aspirare ad Africanum nemo potest, in qua ipsa, egregium Viriati bello reperimus fuisse Lælium, sic ingenij, literarum, eloquentiæ, sapientiæ deniq; & si utriq; primas, prioris tamen libenter deferunt Lælio. Nec mihi ceterorum iudicio solum uidetur, sed etiam ipsorum inter ipsos concessu, ita tributum fuisse. Erat omnino tum mos, ut in reliquis rebus melior, sic in hoc ipso humanior, ut faciles essent in suum cuiq; tribuendo, memoria teneo Smyrnæ me ex P. Rutilio Rufo audisse, cum diceret adolescentulo se accidisse, ut ex S. C. P. Scipio, & D. Brutus (ut opinor) Coss. de re atroci, magna q; quærerent. Nam cum in Sylua sua facta cædes esset, notiq; homines interfecti, insinularetur q; familia, partim etiam liberi, societatis eius, quæ picarias de P. Cornelio. L. Mummio censoribus redemisset, decreuisse senatum, ut de ea re cognoscerent, & statuerent Coss. causam pro publicanis accurate, ut semper solitus esset, eleganter q; dixisse Lælium, cum Coss. re audita, amplius de consilij sententia pronuntiauisent, paucis interpositis diebus iterum Lælium multo diligentius, melius q; dixisse, iterum q; eodem modo à Coss. rem esse prolatam, tum Lælium, cum cum socij domum reduxissent,

duxissent, egissentq; gratias, & ne delatigaretur orauissent, locutum esse, ita se quæ fecisset honoris eorū causa, studiose, accurateq; fecisse, sed se arbitrari causam illā a Ser. Galba, quod is in dicēdo fortior, acriorq; esset, grauius, & uehemētius posse defendi, itaq; auctoritate C. Lælij publicanos causam detulisse ad Galbā: illū autē, quod ei uiro succedēdum esset, uerecunde, & dubitāter receperisse, unum, quasi cōperendinatus, mediū diem fuisse, quem totum Galbam i considerāda causa, cōponendāq; posuisse, & cū cognitionis dies esset, & ipse Rutilius rogatu sociorū domum ad Galbā mane uenisset, ut eum admoneret, & ad dicendū tēpus adduceret, usq; illū quoad ei nunciatum esset Coss. descendisse, omnibus exclusis cōmentatum in quadam testudine cum seruis literatis *fuisse, quorū aliud dictare eodem a tempore solitus esset, interim cum esset ei nuntiātū tēpus esse, exisse in edis eo colore, & ijs oculis, ut egisse causam non cōmentatum putares. Addebat etiam, idēq; ad rem pertinere putabat, scripto res illos male mulcatos exisse cū Galba. Ex quo significabat illum nō in agendo solū, sed etiam in meditando uehementem atq; incensum fuisse. Quid multa: magna expectatione, plurimis audientibus coram ipso Lælio, sic illam causam, tanta uis, tantaq; grauitate dixisse Galbam, ut nulla serē pars orationis silentio præteriretur. Itaq; multis querelis, multaq; miseratione adhibita, socios, omnibus approbatibus, illa die quæstione liberatos esse. Ex hac Rutiliana narratione suspicari licet, cum duæ summæ sint in oratore laudes, una subtiliter disputandi ad docendū, altera grauius agendi ad animos audientium per mouendos, multoq; plus proficiat is, qui inflāmet iudicem, q̃ ille, qui doceat, elegantiam in Lælio, uim in Galba fuisse: quæ quidem uis tum maxime cognita est, cum Lusitanis a Ser. Galba prætorē, contra interpositam, ut existimabatur, fidem, interfectis. T. Libone Tr. pl. populum incitante, & rogationē in Galbam priuilegij similem ferente, summa senectute (ut antea dixi) M. Cato legem suadēs in Galbam multa dixit, quam orationem in origines suas retulit, paucis ante, q̃ mortuus est, an diebus, an mensibus. Tum igitur recusans Galba pro se, & populi R. fidem implorans, cum suos pueros, tum. C. Gallī etiam filiū flens commendabat, cuius orbitas, & fletus mirē miserabilis fuit, propter recentem memoriam clarissimi patris, isq; se tum eripuit flāma propter pueros misericordia populi commota, sicut idem scriptū reliquit Cato. Atq; etiam ipsum Libonem non infantem uideo fuisse, ut ex orationibus eius intelligi potest. Cum hæc dixissem, & paulum interquieuissem. Quid igitur inquit est causæ Brutus, si tanta uirtus in oratore Galba fuit cur ea nulla i orationibus eius apparet: quod mirari non possum in eis, qui nihil omnino scripti reliquerunt. Nec enim est eadem inquam Brute causā non scribendi, & non tam bene scribendi, q̃ dixerint: nā uidemus alios oratores inertia nihil scripsisse, ne domesticus etiam labor accederet ad forensē, plerq; enim scribuntur orationes habitæ iam, non ut habeantur: alios non laborare, ut meliores fiant: nulla enim res tantum ad dicendum proficit, quantum scriptio: memoriam autem in posterum ingenij sui nō desiderant, cum se putant satis magnam adeptos esse dicendi gloriam, eamq; etiam maiorem uisumiri si i existis mantium arbitrium sua scripta non uenerint. Alios quod melius putent dicere se posse, q̃ scribere, quod per ingeniosos hominibus, neq; satis doctis plerūq; contingit, ut ipsi Galbæ, quem fortasse uis non ingenij solum, sed etiā animi, &

naturalis quidā dolor dicentem incendebat, efficiebatq̃, ut & incitata, & gra-
uis, & uehemens esset oratio, dein cum otiosus stylum prehenderat, motusq̃
omnis animi, tanquā uetus hominem defecerat, flaccescebat oratio, quod is,
qui limatius dicendi cōsecratur genus, accidere nō solet, propterea quod pru-
dentia nunquā deficit oratorem, qua ille utens eodem modo possit & dicere,
& scribere, ardor animi nō semper adest, isq̃ cum confedit, omnis illa uis, &
quali flāma oratoris extinguitur: hāc igitur ob causam uidetur Lælij mēs spi-
rare etiā in scriptis, Galbæ autē uis occidisse. Fuerūt etiam in oratorum nume-
ro mediocrium L. & SP. Mummiij fratres, quorum extant amborum oratio-
nes: simplex quidē Lucius, & antiquus, Spurius autē nihilo ille quidem orna-
rior, sed tamen astrictior, fuit enim doctus ex disciplina stoicorū. Multæ sunt
SP. Albini orationes. Sunt etiam L. & C. Aureliorum, orestarum, quos ali-
quo uideo in numero oratorum fuisse. P. etiam Popilius, cum cuius cregius,
rum nō indifertus fuit. C. uero filius eius disertus. C. q̃ Tuditanus cū omni ui-
ta atq̃ uictu excultus, atq̃ expolitus, tū eius elegās est habitū etiā orationis ge-
nus. Eodēq̃ i genere est habitus is, qui iniuria accepta fregit Ti. Gracchū pa-
tientia, cuius i rebus optimis cōstantissimus M. Octavius. At uero M. Aemi-
lius Lepidus, qui est Porcina dictus, hīdem temporibus serē, quibus Galba,
sed paulo minor natus, & summus orator est habitus, & fuit, ut apparet ex ora-
tionibus, scriptor sanē bonus. Hoc in oratore latino primū mihi uidetur & le-
nitas apparuisse illa græcorum, & uerborum comprehensio, etiam artifex, ut
ita dicā, stylus. Hunc studiose duo adolecentes ingeniosissimi & propē aqua-
les C. Carbo, & Ti. Gracchus audire soliti sunt, de quibus iam dicendi locus
erit, cum de senioribus pauca dixerō. Q. enim Pompeius non cōtemptus ora-
tor temporibus illis fuit, qui summos honores, homo per se cognitus, sine uis-
la cōmendatione maiorum, est adeptus. Tum L. Calpurnius, multum potuit, nō
eloquentia, sed dicendo tamen, homo nō liberalitate, ut alij, sed ipsa tristitia,
& seueritate popularis, cuius quidem legi tabellariæ M. Antius Briso Tr. pl.
diu restitit, M. Lepido Cos. adiuuante. Eaq̃ res P. Africano uituperationi su-
it, quod eius auctoritate de sententiā deductus Briso putabatur. Tum duo
Cæpiones multum clientes consilio, & lingua, plus auctoritate tamen, & gra-
tia subleuabant. Sed Pompeij sunt scripta, nec nimis extenuata, quanquam ue-
rerum est similis, & plena prudentiæ. P. Crassum ualde probatum oratorem
hīdem serē temporibus accepimus, qui & ingenio ualuit, & studio, & habuit
quasdam etiam domesticas disciplinas: nam & cum summo illo oratore Ser.
Galba, cuius C. filio filiam suam collocauerat, affinitate sese deuixerat, & cum
esset P. Mucij F. fratremq̃ haberet P. Scæuolam domi ius ciuile cognouerat,
in eo industriam constat summā fuisse, maximamq̃ gratiam, cum & consuleretur
plurimum, & diceret. Horum ætatibus adiuncti duo C. Fannij C. M. fir-
lij fuerunt, quorum C. Filius, qui Cos. cum Domitio fuit, unam orationem de
socijs, & nomine latino, contra Gracchum reliquit, sanē & bonam, & nobi-
lem. Tum Atticus, quid ergo? est ne ista Fannij? nam uaria opinio pueris no-
bis erat, alij a C. Persio literato homine scriptam esse aiebant illo, quem signi-
ficat ualde doctum esse Lucilius, alij multos nobiles, quod quisq̃ potuisset in
illam orationē contulisse. Tum ego, audiui equidem ista inquam de maioribus
natus, sed nunquā sum adductus, ut crederem, eamq̃ suspicionem propter
hanc

hanc causam credo fuisse, quod Fānius in mediocribus oratoribus habitus esset, oratio autem uel optima esset illo quidem tempore orationum omnium, sed nec eiusmodi est, ut à pluribus confusa uideatur: unus enim sonus est totius orationis, & idem stylus, nec de Persio reticuiisset Gracchus, cum & Fānius de Menelao Maratheno, & de ceteris obiecisset, presertim cum Fānius nunquam sit habitus elinguis, nam & causas defensitauit, & tribunatus eius, arbitrio, & auctoritate P. Africani gestus, non obscurus fuit. Alter autem C. Fānius M. F. C. Lælij gener, & moribus, & ipso genere dicendi durior, is soceri instituto, quem quia coopatus in augurum collegium nō erat, non admodū diligebat, presertim cum ille Q. Scaeuolam sibi, minorem natu generum, prætulisset, cui tamen Lælius se excusans non genero minori dixit se illud, sed maiori filij detulisse: is tamen instituto Lælij Panætium audiuerat: eius omnis ī dicendo facultas, ex historia ipsius nō ineleganter scripta perspicī potest, quæ neq; nimis est infans, neq; perfecte disertā. Mutius autem augur, quod pro se opus erat, ipse dicebat, ut de pecunijs repetundis cōtra T. Albucium, is oratorū in numero non fuit, iuris ciuillis intelligētia, atq; omni prudentiæ genere præstitit. L. Coelius antipater scriptor, quemadmodum uidetis, fuit, ut temporibus illis, luculentus, iuris ualde peritus, multorum etiam, ut L. Crassi magister. Utinam in Ti. Graccho C. q; Carbone talis mens ad remp. bene gerendam fuisset, quale ingenium ad bene dicendum fuit: profecto nemo his uiris gloria præstitisset, sed eorum alter propter turbulentissimum tribunatum, ad quem ex inuidia soderis Numātini bonis iratus accesserat, ab ipsa rep. est interfectus: alter propter perpetuam in populari ratione leuitatem morte uoluntaria se à seueritate iudiciū uindicauit: sed fuit uterq; summus orator, atq; hoc memoria patrum teste dicimus: nam & Carbonis, & Gracchi habemus orationes non dum satis splendidas uerbis, sed acutas, prudentiæq; plenissimas. Fuit Gracchus diligētia Cornelie matris à puero doctus, & græcis literis eruditus: nam semper habuit exquisitos ē Græcia magistros. In eis iam adolecēti Diophanem Mithyleneum Græciæ temporibus illis disertissimum, sed & breue tempus ingenij augendi, & declarandi fuit. Carbo, quod uita suppedi-tauit, est in multis iudicijs, causisq; cognitus. Hunc qui audierant prudentes homines, in quibus familiaris noster L. Gellius, qui se illi contubernalem in consulatu fuisse narrabat, canorum oratorem, & uolubilem, & satis acrem, atq; eundem & uehementem, & ualde dulcem, & perfacetum fuisse dicebat: addebat industrium etiam, & diligentem, & in exercitationibus, commentationibusq; multum operæ solitum esse ponere. Hic optimus illis temporibus est patronus habitus, eoq; forum tenente plura fieri iudicia coeperūt: nam & quæstiones perpetuæ, hoc adolecente constitutæ sunt, quæ antea nullæ fuerūt. L. enim Piso Tr. pl. legē primus de pecunijs repetundis Censorino, & Manilio coss. tulit. Ipse etiā Piso & causas egit, & multarū legum aut auctor: aut dissuasor fuit: isq; & orationes reliquit, quæ in euanuerunt, & annalis sanē exi-liter scriptos, & iudicia populi, quibus aderat Carbo, iam magis patronum desiderabant, tabella data, quam legem L. Cassius Lepido, & Mācino coss. tulit. Vester etiam D. Brutus M. F. ut ex familiari eius L. Accio poeta sum audire solitus, & dicere non inculte solebat, & erat cum literis latinis, tum etiam græcis, ut temporibus illis, eruditus. Quæ tribuerat idem Accius etiam

Q. Maximo L. Pauli nepoti, & uero ante Maximum illum Scipionem, quo duce priuato T. Gracchus occisus esset, cum omnibus in rebus uehementē, rē acrem aiebat in dicendo fuisse. Tum etiam P. Lentulus ille princeps, ad rēp. dūtaxat quod opus esset, satis habuisse eloquētiæ dicitur, ijdemq; temporibus L. Furius Pilus perbenē latine loqui putabatur, literatiusq; quā ceteri P. Scquola ualde prudenter, & acutē, paulo etiam copiosius, nec multo minus prudenter M. Manilius, Appij Claudij uolubilis, sed paulo feruidior oratio erat. In aliquo numero etiam M. Fuluius Flaccus, & C. Cato Africani fororis F. mediocres oratores, etsi Flacci scripta sunt, sed ut studiosi literarū, Flacci autem æmulus P. Decius fuit, non infans ille quidem, sed ut uita, sic oratione etiam turbulentius M. Drusus C. F. qui in tribunatu C. Gracchum collegā iterum tri. fecit uir & oratione grauis, & auctoritate, eiq; proxime adiunctus C. Drusus frater fuit, tuus etiam gentilis Brute M. Pennus facile agitauit in tribunatu paulum C. Gracchum ætate antecedēs: fuit enim M. Lepido, & L. Oreste cos. questor Gracchus, tr. Pennus illius M. F. qui cum Q. Aelio cos. fuit, sed is omnia summa sperans, ædificius est mortuus: nam de T. Flaminiū quem ipse uidit, nihil accepit, nisi latine diligenter locutum. Is adiuncti sunt C. Curio M. Scaurus. P. Rutilius. C. Gracchus. De Scauro, & Rutilio breuiter licet dicere, quorum neuter summi oratoris habuit laudem, & uterq; in multis causis uersatus erat in quibusdam laudandis uiris etiam si maximi ingenij nō essent, probabilis tamen industria, quāquam ijs quidem non omnino ingenium, sed oratorium ingenium defuit: neq; enim refert uidere, quid dicendum sit, nisi id queas solute, & suauiter dicere, ne id quidē satis est, nisi id, quod dicitur, sit uoce, uultu, motuq; conditius. quid dicam opus esse doctrina: sine qua etiam si quid bene dicitur adiuuante natura, tamen id, quia fortuito fit, semper paratum esse nō potest. In Scauri oratione sapientis hominis, & recti grauitas summa, & naturalis quedam inerat auctoritas, non ut causam, sed ut testimonium dicere putares, cum pro reo diceret. hoc dicendi genus ad patrocina mediocriter aptum uidebatur, ad senatoriam uero sententiam, cuius erat ille princeps, uel maxime, significabat enim non prudentiam solum, sed quod maxime rem continebat, fidem: habebat hoc à natura ipsa, quod a doctrina non facile posset, quāquam huius quoq; ipsius rei, quēamodum scis, præcepta sunt. Huius & orationes sunt, & tres ad L. Fufidium libri scripti de uita ipsius acta, sanē utiles, quos nemo legit, at Cyri uitam, & disciplinam legunt, præclara illam quidē, sed neq; tam nostris rebus aptam, nec tamen Scauri laudibus anteponendam. Ipse etiā Fufidius, in aliquo patronorum numero fuit. Rutilius autem in quodam tristi, & seuerō genere dicendi uersatus est, & uterq; natura uehemens, & acer. Itaq; cum unā consulatum petiuisent, non ille solum, qui repulsam tulerat, accusauit ambitus designatum cōpetitorem, sed Scaurus etiā ab solutus, Rutiliū in iudiciū uocauit, multaq; opera, multaq; industria Rutilius fuit, quæ erat propterea gratior, quod idem magnum munus de iure respondēdi, sustinebat, sunt eius orationes ieiunæ, multa præclara de iure, doctus uir, & græcis literis eruditus, Panætij auditor, propē perfectus in stoicis, quorū peracutū, & artis plenū orationis genus, sed tamen exile, nec satis populari assensionī accōmodatum. Itaq; illa, quæ propria est huius disciplinæ, philosophorum de se ipsorum opinio, firma in hoc uiro, & stabilis inuēta est,

qui

qui quum innocentissimus in iudicium uocatus esset, quo iudicio conuulsam penitus scimus esse remp. cum essent eo tempore eloquentissimi uiri L. Crassus, & M. Antonius cōsulares, eorum adhibere neutrum uoluit, dixit ipse pro se, & pauca C. Cotta, quod sororis erat filius, & is quidem tamen ut orator, quanquam erat admodum adolescēs. Sed Q. Mucius enucleatē ille quidem, & politē, ut solebat, nequaquam autem ea uia, atq; eopia, quam genus illud iudicij, & magnitudo causę postulabat. Habemus igitur in stoicis oratoribus Rutilium, Scaurum in antiquis, utrunq; tamen laudemus, quoniam per illos, ne hęc quidem in ciuitate genera, hac oratoria laude caruerunt: uolo enim ut in scena, sic etiam in foro, nō eos modo laudari, qui celeri motu, & difficili utatur, sed eos etiam, quos statarios appellant, quorum sit illa simplex in agendo ueritas non molesta. Et quoniam stoicorum est facta mentio, Q. Aelius Tuberō fuit illo tempore L. Pauli nepos, nullo in oratorum numero, sed uita seuerus, & congruens cum ea disciplina, quam colebat, paulo etiam durior, qui quidem in triumphatu iudicauerit contra P. Africani auūculi sui testimoniū, uacationem augures, quo minus iudicijs operam darent, non habere, sed ut uita, sic oratione durus, incultus, horridus, itaq; honoribus maiorum respondere non potuit: fuit autem constans ciuis, & fortis, & in primis Gracchomolestus, quod indicat Gracchi in eum oratio. Sunt etiam in Gracchum Tuberōnis. Is fuit mediocrius in dicendo, doctissimus in disputando. Tum Brutus, quam hoc idem in nostris contingere intelligo, quod in gręcis: ut omnes ferē stoici prudentissimi in differendo sint, & id arte faciant, si neq; archiecti pene uerborum. Iidem traducti à disputando ad dicendum inopes reperiuntur. Vnum excipio Catonem, in quo perfectissimo stoico summam eloquentiam non desiderem, quam exiguam in Fannio, ne in Rutilio quidem magnam, in Tuberone nullam uideo fuisse. Et ego non in quā Brute sine causā, propter ea quod istorum in dialecticis omnis cura cōsumitur: uagum illud orationis, & fufum, & multiplex, nō adhibetur genus. Tuus autem auunculus, quemadmodum scis, habet à stoicis id, quod ab illis petendum fuit, sed dicere didicic à dicendi magistris, eorumq; more se exercuit, quod si omnia à philosophis essent petenda, Peripateticorum institutis commodius fingeretur oratio, quo magis tuū Brute iudiciū probō, qui eorum id est ex uetere Academia philosophorū sectā secutus es, quorum in doctrina, atq; pceptis differendi ratio cōiungitur cum suauitate dicendi, & copia, quanq; ea ipsa Peripateticorum, Academicorumq; consuetudo in ratione dicendi talis est, ut nec perficere oratorē possit ipsa per se, nec sine ea orator esse perfectus. Nam ut stoicorū restrictior est oratio, aliquātoq; contractior, quam aures populi requirunt, sic illorum liberior, & latior q̄ patitur consuetudo iudiciorum, & fori: quis enim uberior in dicendo Platone? Iocum sic, ut aiunt Philosophi, si gręce loquatur, loqui, quis Aristotele neruosiore? Theophrasto dulciore? Ictura uisse Platonem studiōse, audiuisse etiam Demosthenes dicitur: idq; apparet ex genere, & granditate uerborum. Dicit etiam in quadam epistola hoc ipse de se, sed & huius oratio in philosophiam traslata pugnatior (ut ita dicam) uidetur, & illorum in iudicia pacatior. Nūc reliquorū oratorum aetates, si placet, & gradus persequamur. Nobis uero inquit Atticus, & uehementer quidem, ut pro Bruto etiam respōdeam. Curio fuit igitur eiusdem ætatis ferē, sanē illustris orator,

cuius de ingenio ex orationibus eius existimari potest: sunt enim & aliæ, & pro Ser. Fulvio de incestu nobilis oratio. Nobis quidē pueris hæc omnium optima putabatur, quæ uix iam comparet in hac turba nouorum uoluntinū.

Præclare inquit Brutus teneo, qui istam turbam uoluminum effecerit. Ec ego inquam itelligo Brute, quem dicas, certe enim & boni aliquid attulimus iuuentuti, magnificentius, q̄ fuerat genus dicendi, & ornatus, & nocuius fortasse, quod ueteres orationes post nostras, non à me quidem, meis enim illas antepono, sed à plerisq; legi sunt desitæ. Enumera inquit me in plerisq; q̄q; ui deo mihi multa legenda iam te auctore, quæ antea cōtemnebam. Atq; hæc inquā de incestu laudatā oratio puerilis est locis multis, de amore, de tormentis, de rumore, loci sanē inanes, uerūtamen nondum tritis nostrorum hominū auribus, nec erudita ciuitate, tolerabiles. Scripsit etiā aliā nō nulla, & multa dixit, & illustria, & in numero patronorū fuit, ut eū mirer, cū & uita suppedita uisset, & splendor ei non defuisset, consulem non fuisse. Sed ecce in manibus uir, & præstantissimo ingenio, & flagrantī studio, & doctus à puero C. Gracchus: noli enim putare quenquam Brute pleniorē, aut uberiorē ad dicendum fuisse. Er ille, sic prorsus inquit existimo, atque istum de superioribus penē solum lego. Immo planē inquam Brute legas censeo: damnum enim illius immaturo interitu res Romanæ, latinæq; literæ fecerunt, utinam non tam fratri pietatem, quā patriæ, præstare uoluisset, quam ille facile tali ingenio, diutius, si uixisset, uel paternā esset, uel auitam gloriā consecutus. Eloquentia quidē necio an habuisset parem neminem, grandis est uerbis, sapiens sententijs, genere toto grauis, manus extrema nō accessit operibus eius, præclare inchoata multa, perfectā nō planē, legendus inquam est hic orator Brute, si quisquā alius iuuentuti: nō enim solū acuerē, sed etiā alere ingeniū potest. Huic successit ætati, P. Galba Ser. illius eloquentissimi uiri F. P. Crassi eloquentis, & iuris periti gener. Laudabant hunc patres nostri, fauebant etiā propter patris memoriam, sed cecidit in cursu: nā rogatione Mamilia, Iugurthinæ coniurationis inuidia, cū pro se ipse dixisset, oppressus est. extat eius peroratio, qui epilogus dicitur, qui tãto in honore pueris nobis erat, ut eum etiam ediceremus: hic, qui in collegio sacerdotum esset, primus post Romā conditam iudicio publico est condēnatus. P. Scipio, qui est in cōsulatu mortuus, nō multū ille quidē, nec sæpe dicebat, sed & latinē loquēdo, cuius erat par, & omnes sale, facitq; superabat. Eius collega L. Bestia bonis iuitijs orsus tribunatus: nam P. Popiliū ui. C. Gracchi expulsum sua rogatione restituit, uir & acer, & nō indifertus, tristis exitus habuit cōsulatus: nā inuidiosa lege manilia questio C. Galbam sacerdotem, & quatuor cōsulares L. Bestiam. C. Catonem. SP. Albinū, ciuemq; præstantissimū L. Opimium Gracchi interfectorem à populo absolutū, cū is contra populi studium stetisset, gracchani iudices sustulerūt. Huius dissimilis in tribunatu, reliquaq; omni uita, cuius improbus C. Licinius Nero uā nō indifertus fuit. C. Fimbriā tēporibus iisdem ferē, sed lōgius ætate prouectus, habitus est sanē (ut ita dicā) luculentus patronus, asper, maledicus, genere toto paulo feruidior, atq; cōmotior, diligentia tamen, & uirtute animi, atq; uita bonus auctor in senatu. Idem tolerabilis patronus, nec rudis in fure ciuili, & cum uirtute, tum etiā ipso orationis genere liber, cuius orationis puerile gebamus, quas iā reperire uix possumus. Atq; etiā ingenio, & sermōe eleganti, ualitudine

ualetudine incommoda C. Sextius Caluinus fuit, qui, & si cū remiserant dolores pedū, nō deerat in causis, tamen id non sepe faciebat: itaq; consilio eius, cū uolebāt, homines utebātur, patrociniū, cum licebat. Iisdem tēporibus M. Brutus, in quo magnum fuit Brute dedecus generi uestro, qui cū tanto nomine esset, patremq; optimū uirum habuisset, & iuris peritissimū, accusationē factio tauerit, ut Athenis Lycurgus, is magistratus non petiuit, sed fuit accusator uehemens, & molestus, ut facile cernebas naturale quoddā stirpis bonum, degenerauisse uitio deprauatæ uoluntatis. Atq; eodē tēpore accusator de plebe L. Cæfulenus fuit, quē ego audiui iā senem, cum ab L. Sabello multā lege Aquilia de iustitia petiuisset. Non fecissem hominis penē infimi mētionem, nisi iudicarem qui suspiciosus, aut criminosis diceret, audiuisse me neminem. Dōctus etiā græcis T. Albucius, uel potius penē græcus (loquor, ut opinor) sed licet ex orationibus iudicare. Fuit autē Athenis adolefcens, perfectus Epicurius euaserat, minime aptum ad dicendū genus. Iam Q. Catulus nō antiquo illo more, sed hoc nostro, nisi quid fieri potest perfectius, eruditus, multæ literæ, summa, nō uitæ solū, atq; naturæ, sed orationis etiam comitas, incorrupta quædā latini sermonis integritas, quæ perspicī cū ex orationibus eius potest, tum facillime ex eo libro, quē de cōsulatu, & de rebus gestis suis conscriptum molli, et Xenophōteio genere sermonis misit ad A. Furium poetam familiarem suū, qui liber nihilo notior ē, q̄ illi tres, de quibus ante dixi, Scauri libri. Tum Brutus, mihi quidem inquit nec iste notus est, nec illi, sed hæc mea culpa est; nunquā enim in manus inciderunt: nunc autē & à te sumā, & conquiram ista posthac curiosus. Fuit igitur in Catulo sermo latinus, quæ laus dicendi non mediocris ab oratoribus plerisq; neglecta est: nā de sono uocis, & suauitate appellandarū literarū, quoniā filium cognouisti, noli expectare quid dicam, quāquam filius quidem non fuit in oratorum numero, sed non deerat et tamen in sententia dicenda cum prudentia, tum elegans quoddam, & eruditū orationis genus. Nec habitus est tamen pater ipse Catulus princeps in numero patronorum, sed erat talis, ut cum quosdam audires, qui tum erant præfates, uideretur esse inferior: cum autem ipsum audires sine comparisonē, non modo contentus esses, sed melius non quærerēs. Q. Metellus Numidicus, & eius collega M. Silanus dicebant de Re. P. quod esset illis uiris, & consulari dignitati latis, M. Aurelius Scaurus, non sepe dicebat, sed polite, latine uero in primis est eleganter locutus, quæ laus eadem in A. Albino bene loquendi fuit: nam flamē Albinus etiam in numero est habitus disertorum. Q. etiam Cæpio uir acer, & fortis, cui fortuna belli, crimini, inuidia populi, calamitati fuit. Tum etiam C. L. Memmij fuerunt oratores mediocres, accusatores acres, atque acerbi: itaque in iudiciū capitis multos uocauerunt, pro reis non saepe dixerunt, SP. Torius satis ualuit in populari genere dicendi, is, qui agrum publicum uitiosa, & inutili lege, uectigale leuauit. M. Marcellus Afernini pater non ille quidem in patronis, sed & in promptis tamen, & non inexercitatis ad dicendum fuit, ut filius eius P. Lentulus. L. etiam Cotta prætorius in mediocrium oratorū numero, dicendi nō ita multum laus de processerat, sed de industria, cum uerbis, tum etiam ipso sono quasi subrustico prosequabatur, atq; imitabatur antiquitatem. Atque ego & in hoc ipso Cotta & in alijs pluribus intelligo me nō ita disertos homines & retulisse in

oratorum numerum, & relaturum. Est enim propositū colligere eos, qui hoc munere in ciuitate functi sint, ut tenerent oratorum locum, quorum quidem quæ fuerit ascēsis, & quam in omnibus rebus difficilis optimi perfectio, atq; absolutio, ex eo, quod dicam, existimari potest. Quam multi enim iam oratores commemorati sunt, & quādiu in eorum enumeratione uersamur, cum tamē spisse, atq; uix, ut dudum ad Demosthenē, & Hyperiden, sic nunc ad Antonium, Crassumq; peruenimus: nam ego sic existimo hos oratores fuisse maximos, & in his primum cum græcorum gloria, latine dicendi copiam æquatam. Omnia ueniebāt Antonio in mentem, eaq; suo quaq; loco, ubi plurimū proficere, & ualere possent, ut ab imperatore equites, pedites, leuis armatura, sic ab illo in maxime opportunis orationis partibus collocabantur. Erat memoria summa, nulla meditationis suspicio, imparatus semper aggredia dicē dum uidebatur, sed ita erat paratus, ut iudices illo dicente nonnunquā uideretur non satis parati ad cauendum fuisse. Verba ipsa, non illa quidem elegantissimo sermone, itaq; diligenter loquendi laude caruit, neq; tamen est admodū inquinatē locutus, sed illa, quæ proprie laus oratoris est in uerbis, nam ipsum latine loqui est illud quidem (ut paulo ante dixi) in magna laude ponendum, sed non tam sua sponte, q̄ quod est a plerisq; neglectum, non enim tam præclarum est scire latine, quam turpe nescire, neq; tam id mihi oratoris boni, q̄ ciuis romani proprium uidetur, sed tamen Antonius in uerbis & eligendis, neque id ipsum tam leporis causa, q̄ ponderis, & collocandis, & compressione deuinciendis, nihil non ad rationem, & tanquam ad artem dirigebat, nerū multo magis hoc idem in sententiarum ornamentis, & conformationibus, quo genere quia præstat omnibus Demosthenes, iccirco a doctis oratorum est princeps iudicatus, ~~et~~ ^{quæ} uerū enim quæ uocant græci, ea maxime ornant oratorem, eaq; non tam in uerbis pingendis habent pondus, q̄ in illuminandis sententijs, sed cum hæc magna in Antonio, tum actio singularis, quæ si partiē da est in gestum, atq; uocem, gestus erat non uerba exprimens, sed cum sententijs congruēs, manus, humeri, latera, supplotio pedis, status, incessus, omnisq; motus cum uerbis, sententijsq; consentiens, uox permanens, uerum subrauca natura, sed hoc uitium huic uni in bonum conuertebat, habebat enim flebile quiddam in quæstionibus, aptumq; cum ad fidem faciendam, tum ad misericordiam commouendam, ut uerum uideretur in hoc illud, quod Demosthenem ferunt, ei, qui, quæsiuisset, quid primum esset in dicendo, actionem, quid secundum, idem, & idem tertium respondiisse. Nulla res magis penetrat in animos, eosq; fingit, format, flectit, talisq; oratores uideri facit, quales ipsi se uideri uolunt. Huic alij parem esse dicebant, alij anteponebant. L. Crassum, illud quidem certe omnes ita iudicabant, neminem esse, qui horum altero utro patrone, cuiusq; ingenium requireret. Equidem quanq̄ Antonio tantum tribuo, quātum supra dixi, tamen Crasso nihil statuo fieri potuisse perfectius, erat sūma grauitas, erat cum grauitate iunctus facetiarum, & urbanitatis oratorius, non scurrilis lepos, latine loquendi accurata, & sine molestia diligens elegantia, in disserendo mira explicatio, cum de iure ciuili, cum de æquo, & bono disputaretur, argumentorum, & similitudinum copia. Nam ut Antonius coniectura mouenda, aut sedanda suspicione, aut excitanda, incredibilem uim habebat, sic in interpretando, in definiendo, in explicanda ægrotate, nihil erat Crasso copiosius,

copiosius, idēq; cum saepe aliās, tum apud G. V. in M. Curij causa cognitū est: ita enim multa tum contra scriptum, pro quo, & bono dixit, ut hominem acutissimū. Q. Scæuolā, & in iure, in quo illa causa uertebatur, paratissimū, obreueret argumentorū, exēplorumq; copia, atq; ita tum ab his patronis æqualibus, etiam consularibus causa illa dicta est, cū uterq; ex contraria parte ius civile defenderet, ut eloquentium iuris peritissimus Crassus, iurisperitorum eloquentissimus Scæuola putaretur, qui quidē cum peracutus esset ad excogitandum quid in iure, aut in quo, uerum, aut esset, aut nō esset, tum uerbis erat ad rem cū summa breuitate mirabiliter aptus. Quare sit nobis orator in hoc interpretandi; explanandi, differendi genere mirabilis, sic ut simile nihil uiderim. In augendo, in ornando, in refellendo magis existimator metuendus, quā admirandus orator. Verum ad Crassum reuertamur. Tum Brutus, et si satis inquit mihi uidebar haberi cognitum Scæuolā ex his rebus, quas audiebam sepe ex C. Rutilio, quo utebatur propter familiaritatē Scæuolæ nostri, tamen ista mihi eius dicēdi tanta laus nota nō erat. Itaque cepi uoluptatē tam ornatū uirum, tamq; excellens ingenū fuisse in nostra rep. Hic ego, noli inquam, Brute existimare his duobus quidquam fuisse in nostra ciuitate præstantius. Nam (ut paulo ante dixi) consulum alterum disertissimum, disertorum alterum consultissimum fuisse, sic in reliquis rebus ita dissimiles erant inter sese, statuere ut tamē non posses, utrius te malle similiorem. Crassus erat elegantium parcissimus, Scæuola parcorum elegantissimus. Crassus in summa comitate habebat etiam seueritatis satis, Scæuolæ multa in seueritate non deerat tamen comitas, licet omnia hoc modo, sed uereor, ne fingi uideātur hec, ut dicātur à me quodāmodo, res se tamē sic habet, cum omnis uirtus sit, ut uestra Brute uetus Academia dixit, mediocritas, uterq; horum medium quiddam uolebat sequi, sed ita cadebat, ut alter ex alterius laude partem, uterq; autē suam totam haberet. Tum Brutus, cū ex tua oratione mihi uideor inquit bene Crassum, & Scæuolam cognouisse, tum de te, et de Ser. Sulpicio cogitās esse quandā uobis cum illis similitudinē iudico. Quonā in quā istuc modo? Quia mihi & tu uideris inquit tantum iuris ciuiliis scire uoluisse, quantum satis esset oratori, & Seruius eloquentiæ tantum assumpsisse, ut ius civile facile possit ueri, ætatesq; uestre, ut illorum, nihil, aut non ferē multum, differūt. Et ego de me inquam dicere nihil est necesse, de Seruio autem et tu probe dicis, et ego dicam quod sentio: nō enim facile quem dixerim plus studiū, quā illum, & ad dicendum, & ad omnis bonarum rerum disciplinas adhibuisse, nam & in iisdem exercitationibus incunte ætate fuimus, & postea una Rhodum ille etiam profectus est, quo melior esset, & doctior, & inde ut rediit, uidetur mihi in secunda arte primus esse maluisse, quā in prima secūdus: atque haud scio an par principibus esse potuisset, sed fortasse maluit, id quod est adeptus, longe omniū non eiusdem modo ætatis, sed eorum etiam, qui fuissent, in iure ciuili esse princeps. Hic Brutus ain' tu inquit: etiam' ne Q. Scæuolę Seruium nostrum anteponis? licenim inquam Brute existimo, iuris ciuiliis magnum usum & apud Scæuolam, & apud multos fuisse, artem in hoc uno, quod nunquam effecisset ipsius iuris scientia, nisi eam præterea didicisset artem, quæ doceret rem uniuersā tribuere in partes, latentem explicare definiendo, obscuram explanare interpretando, ambiguum primum uidere, deinde distinguere, postremo habere regulā,

qua uera, & falsa iudicarentur, et quæ quibus propositis essent, quæque non essent, cōsequētia: hic enī attulit hanc artē oīum artū maximā, quasi lucē, ad ea, quæ cōfuse ab alijs aut respondebātur, aut agebantur. Dialecticā mihi uideris dicere inquit. Recte inquā intelligis, sed adiūxit etiā et literarū sciētīā, et loquēdi elegantīā, quæ ex scriptis eius, quorū similia nulla sunt, facillime p̄spici potest: Cumque dicendi causa duobus peritissimis operā dedisset. L. Lucilio Balbo C. Aquilio Gallo, Galli hominis acuti, et exercitati, prōptam, & paratā in agendo, et in respōdendo celeritatē subtilitate, diligentiaque superauit: Balbi docti, & eruditi hominis in utraque re cōsideratam tarditatem uicit, expediendis, cōficiendisque rebus, sic & habet, quod uterque eorum habuit, & expleuit, quod utrique defuit: Itaque ut Crassus mihi uidetur sapientius fecisse, quā Sequola, hic enim causas studiōse recipiebat, in quibus à Crasso superabatur, ille se cōsuli solebat, nequa in re inferior esset, quā Sequola, sic Seruius sapientissime, cum duo ciuiles artes, ac forenses plurimum & laudis haberent, & gratiæ, perfecit, ut altera præstaret omnibus, ex altera tantum assumeret, quantum esset et ad tuendum ius ciuile, & ad obtinendam consularē dignitatē satis. Tum Brutus, ita prorsus inquit & antea putabam: audiui enī nuper eum studiōse, & frequenter Sami, cum ex eo ius nostrum pontificium, qua ex parte, cum iure ciuili coniunctum esset, uellem cognoscere, & nunc meum iudicium multo magis cōfirmo testimonio, & iudicio tuo, simul illud gaudeo, quod et æqualitas uestra, & pares honorum gradus, & artium, studiorumque quasi finitima uicinitas, tantum abest ab obtrectatione inuidiæ, quæ solet lacerare plerosque, uti ea non modo non exulcerare uestram gratiam, sed etiam conciliare uideatur, quali enim te erga illum perspicio, tali illum in te uoluntate, iudicioque cognoui. Itaque doleo & illius consilio, & tua uoce Populum R. carere tantū diu, quod cum per se dolendum est, tum multo magis cōsideranti ad quos ista non tralata sint, sed nescio quo pacto deuerint. Hic Atticus, dixeram, inquit, à principio de repu. ut sileremus, itaque faciamus: nam si isto modo uolumus singulas res desiderare, non modo querendi, sed ne lugendi quidem finem reperiemus. Pergamus ergo, inquam, ad reliqua & institutum ordinē persequamur. Paratus igitur ueniebat Crassus, expectabatur, audiebatur à principio statim, quod erata pud eum semper accuratum, expectatiōe dignus uidebatur, non multa iactatio corporis, non inclinatio uocis, nulla inambulatorio, non crebra suppositio pedis, uehemens & interdum irata, & plena iusti doloris oratio, multæ & cum gravitate facetiæ, quodque difficile est, idem & peroratus, & perbreuis. Iam in altercando inuenit parem neminem: uersatus est in omni fere genere causarum: mature in locum principum oratorū uenit. Accusauit C. Carbonem eloquentissimum hominē admodum adolecens, summā ingenij non laudem modo, sed etiā admirationem est consecutus: defendit postea Liciniā uirginē, cum annos. XXVI. natus esset, in ea ipsa causa fuit eloquentissimus, orationisque eius scriptas quasdam partis reliquit. Voluit adolecens in colonia Narbonensi causæ popularis aliquid attingere, eamque coloniam ut fecit, ipse deducere. Extat in eam legē senior (ut ita dicā) quam ætas illa ferebat oratio. Multæ deinde causæ, sed ita tacitus tribunatus, ut nisi in eo magistratu cenauisset apud præconem Granium, idque nobis bis narrauisset Lucilius, Tribunū pl. nesciremus fuisse. Ita prius inquit Brutus, Sed ne de Scæuolæ quidem

quidē tribunatu quidquā auduisse uideor, & cum collegā Crassi credo fuisse.

Omnibus quidem alijs inquā in magistratibus, sed tribunus anno post fui, eoq; in rostris sedente suasis Seruiliam legem Crassus: nam censuram sine Scē uola gessit, cum enim magistratum nemo unquam Scē uolarū petiuit, sed hęc Crassi cum edita oratio est, quam te sępe legisse certo scio, quatuor, & triginta tum habebat annos, totidemq; annis mihi ætate præstabat: his enim confusilibus eam legem suasis, quibus nati sumus, cum ipse esset. Q. Cępione Cos. natus, & C. Lælio, triennio ipso minor, quā Antonius, quod scircō posui, ut dicendi latine, prima maturitas, in qua ætate extitisset, posset notari, et intelligeretur iam ad summum penē esse perductam, ut eo nihil fermē quisquam addere posset, nisi qui à philosophia, à iure ciuili, ab historia fuisset instructior. Erit inquit M. Brutus, aut iam est iste, quē expectas. Nescio inquam, Sed est etiam L. Crassi in consulatu, pro Q. Cępione defensione iūcta, non breuis, ut laudatio, ut oratio autem, breuis, postrema censoris oratio, qua anno duodeo quinquagesimo usus est. In his omnibus inest quidam sine ullo fūco ueritatis color, qui etiam comprehēso, & ambitus ille uerborum (si sic periodum appellari placet) erat apud illum cōtractus & breuis, & in membra quēdā, quę καλὰ græci uocāt, dispertiebat orationem lubentius. Hoc loco Brutus, Quādoquidem tu istos oratores, inquit tantopere laudas, uellem aliquid Antonio præter illum de ratione dicendi, sanē exilem libellum, plura Crasso libuisset scribere, cum enim omnibus memoriā sui, tum etiam disciplinā dicendi nobis reliquissent: nam Scē uolæ dicendi elegātiā satis ex ijs orationibus, quas reliquit, habemus cognitā. Et ego mihi quidem à pueritiā quasi magistra fuit inquam illa in legem Cępionis oratio, in qua & auctoritas ornatur senatus, quo pro ordine illa dicuntur, & inuidia concitatur in iudicium, & in accusatorum factionem, contra quorum potentiam populariter tum dicendū fuit, multa in illa oratione grauiter, multa leniter, multa asperere, multa facere dicta sunt, plura etiam dicta, quā scripta, quod ex quibusdam capitibus expositis, nec explicatis intelligi potest. Ipsa illa censoria contra Cn. Domitium collegā non est oratio, sed quasi capita rerum, & orationis commentarium paulo plenius: nulla est enim altercatio clamoribus unquam habita maioribus: & uero fuit in hoc etiā popularis dictio excellens: Antonij genus dicendi multo aptius iudicijs, quā concionibus: hoc loco ipsum Domitium non relinquo, nam & si non fuit in oratorum numero, tamen pono satis in eo fuisse orationis, atque ingenij, quo & magistratus personam, & consularem dignitatem tuetur, quod idem de C. Cœlio dixerim, industriā in eo summā fuisse, summasq; uirtutes, eloquentię tantū, quod esset in rebus priuatis amicis eius, in rep. ipsius dignitati satis. Eodem tēpore M. Herennius in mediocribus oratoribus latine, & diligētē loquentibus numeratus est, qui tamen summa nobilitate hominem cognatione, sodalitate, collegio, summa etiā eloquentia L. Philippū in cōsulatus petitiōe superauit. Eodem tēpore C. Clodius, & si propter summā nobilitatē, & singulārē potentiā magnus erat, tamen etiā eloquentiæ quandā mediocritatē afferebat. Eiusdem serē temporis fuit eques romanus. C. Ticius, qui meo iudicio, eo peruenisse uidetur, quo potuit serē latinus orator sine gręcis literis, & sine multo usu puenire. Huius orationes tantum argutiarū, tantū exēplorum, tantū urbanitatis habēt ut penē attico stylo scriptę esse uideātur.

M. T. Rhe,

Z z

Eadem argutias in tragicædiis, satis ille quidem acutè, sed parum tragicè tran-
stulit, quem studebat imitari L. Afranius poëta, homo perargutus, in fabulis
quidem etiam, ut scitis, disertus. Fuit etiam Q. Rubrius Varro, qui à senatu
hostis, cum C. Mario iudicatus est, acer, & uehemens accusator. In eo genere
sanè probabilis, doctus autem græcis literis, propinquus noster, factus ad di-
cendum M. Gratidius M. Antonij per familiaris, cuius præfectus, cum esset in
Cilicia, est interfectus, qui accusauit C. Fimbriam M. Marij Gratidiani patrè
atque etià apud socios, & latinos oratores habiti sunt, Q. Vectius Vectianus
& Marfis, quem ipse cognoui, prudens uir, & in dicendo breuis. Q. D. Valerij
Sorani uicini, & familiares mei, nō tam in dicendo admirabiles, quàm docti &
græcis literis, & latinis. C. Rusticellus Bononiensis, is quidem & exercitatus,
et natura uolubilis. Omniū autem eloquentissimus extra hanc urbem T. Betu-
cius Barrus Alculanus, cuius sunt aliquot orationes Alculi habite. Illa Romæ
contra Cæpionem, nobilis sanè, cui orationi Cæpionis ore respōdit Ælius, qui
scriptitauit orationes multis, orator ipse nunquam fuit. Apud maiores autem
nostros uideo disertissimum habitum ex Latio L. Papyrium fregellanum T.
Gracchi P. F. ferè ætate, eius etiam oratio est pro Fregellanis, Colonisq; lati-
nis habita in senatu. Tum Brutus, Quid tu igitur inquit tribus istis externis
quasi oratoribus? Quid censes inquam? nisi idem quod urbanis, præter unū,
quod non est eorum urbanitate quadam, quasi colorata oratio. Et Brutus,
qui est inquit, iste eadem urbanitatis color? Nescio inquā, tantum esse quē-
dam scio. Id tu Brute iam intelliges, cum in Galliam ueneris, audies tu quidē
etiam uerba quadam non trita Romæ, sed hæc mutari, dedisciq; possunt. Il-
lud est maius, quod in uocibus nostrorum oratorum recinit quiddam, & reso-
nat urbanus: nec hoc in oratoribus modo apparet, sed etiā in ceteris. Ego me-
mini T. Tincam placentinum hominem facetissimum, cū familiari nostro Q.
Granio præcone dicacitate certare. Bon' inquit Brutus, de quo multa Lucili-
us? Isto ipso, sed Tincam non minus multa ridicule dicentē Granius obrue-
bat nescio quo sapore uernaculo, ut ego iam nō mirer, illud Theophrasto ac-
cidisse, quod dicitur, cum percunctaretur ex anicula quadam, quanti aliquid
uenderet, & respondisset illa, atque addidisset, hospes non potè minoris, tulisse
se eum moleste, se non effugere hospitis speciem, quum etatem ageret Athenis
optimeq; loqueretur. Omnium (sicut opinor) in nostris est quidam urbanor-
um, sicut ille Atticorum sonus, sed domum redeamus, id est ad nostros reuer-
tamur. Duobus igitur summis Crasso, & Antonio L. Philippus p̄ximus acce-
debat, sed longo intervallo tamen proximus. Itaq; eum, & si nemo intercede-
bat, qui se illi anteferebat, neque secundū tamen, neq; tertium dixerim: nec enim
in quadrigis eum secundum numerauerim, aut tertiū, qui uix è carceribus exie-
rit, cum palmam iam primus acceperit, nec in oratoribus, qui tātum absit à pri-
mo, uix ut in eodem curriculo esse uideatur, sed tamen erant ea in Philippo,
quæ qui sine comparisone illorū spectaret, satis magna diceret, summa liber-
tas in oratione, multæ facetiæ, satis creber in reperiendis, solutus in explican-
dis sententijs, erat etiam in primis, ut temporibus illis, græcis doctrinis insti-
tutus, in altercando cum aliquo aculeo, & maledictio facetus. Horum etati pro-
pè coniunctus L. Gellius non tam uendibilis orator, quàm ut nescires quid ei
deesset, nec enim erat indoctus, nec tardus ad excogitandum, nec romanarum

rerum

rerum immemor, & uerbis solutus satis, sed in magnos oratores inciderat eius ætas, multam tamen operam amicis, & utilem præbuit, atque ita diu uixit, ut multarū atatum oratoribus implicaretur, multum etiam in causis uersareretur. Iisdem ferè temporibus D. Brutus is, qui Cos. cum Mamerco fuit, homo & græcis doctus literis, & latinis. Dicebat etiam L. Scipio non imperite, Cn. q̃ Pompeius Sex. F. aliquem numerum obinebat, nam Sex. frater eius præstantissimum ingenium contulerat ad summam iuris ciuilib, & ad perfectam geometriæ, rerum stoicarum scientiam. Item in iure, & ante hos M. Brutus, & paulo post C. Bilienus homo per se magnus propè simili ratione, summus euaserat, qui Cos. factus esset nisi in Marianos consulatus, & in eas petitionis angustias incidisset. Cn. autem Octauij eloquentia, quæ fuerat ante consulatum ignorata, in consulatu multis concionibus est uehementer probata, sed ab eis, qui tantum in dicentium numero non in oratorum fuerunt: iam ad oratores reuertamur. Censeo inquit Atticus, eloquentis enim uidebare, non sedulos uelle conquirere. Festiuitate igitur, & facetijs inquam C. Iulius. L. F. & superioribus, & æqualibus suis omnibus præstitit, orator q̃ fuit, mini me ille quidem uehemens, sed nemo unquam urbanitate, nemo lepore, nemo suauitate conditor. Sunt eius aliquot orationes, ex quibus, sicut ex eiusdē tragicædis, lenitas eius sine neruis perspicui potest. Eius æqualis P. Cethegus, cui de rep. satis suppeditabat oratio, totam enim tenebat eam, penitusq̃ cognouerat. Itaq̃ in senatu consularium auctoritatem assequabatur, sed in causis publicis nihil priuatis satis ueterator uidebatur. Erant in priuatis causis. Q. Lucretius Vispillo & acutus, & iuris peritus, nam Aphilia cōcionibus aptior, quàm iudicijs. prudens etiam T. Annius Velina, & in eius generis causis orator sanè tolerabilis. In eodem genere causarum multum erat T. Iuuentius, nimis ille quidem lentus in dicendo, & penè frigidus, sed & callidus, & in capiendis uersario uersutus, & præterea nec indoctus, & magna cum iuris ciuilib intelligētiā, cuius auditor P. Orbius meus ferè æqualis, in dicendo non nimis excruciat, in iure autem ciuili non inferior, quàm magister fuit: nam T. Aufidius, qui uixit ad summam senectutem, uolebat esse similis horum, eratq̃ & bonus uir, & innocēs, sed dicebat parum. Nec sanè plus frater eius M. Virgilius, qui tribunus pl. L. Sullæ imperatori diem dixit. Eius collega P. Magius, in dicendo paulo tamen copiosior. Sed omnium oratorum, siue tabularum, qui & planè indocti, aut inurbani, aut rustici etiam fuerunt, quos quidem ego cognouerim, solutissimum in dicendo, & acutissimum iudico nostri ordinis. Q. Sertorium, equestris C. Gorgonium fuit etiam facilis, & expeditus ad dicendum, & uitæ splendore multo, & ingenio sanè probabili T. Iunius L. filius tribunicius, quo accusante P. Sextius Præf. damnatus est ambitus, is processisset honoribus longius, nisi semper infirma, atq̃ etiam ægra ualitudine fuisset. Atq̃ ego præclare intelligo, me in eorum commemoratione uersari, qui nec habiti sint oratores, neq̃ fuerit, præteririq̃ à me aliquot ex ueteribus cōmemoratione, aut laude dignos, sed hoc quidē ignorance, quid enim est superioris ætatis, quod scribi possit de ijs, de quibus nulla monimēta loquuntur, nec aliorum, nec ipsorum: de ijs autem, quos ipsi uidimus, neminem ferè prætermittimus eorum, quos aliquando dicentes uidimus. uolo enim sciri in tanta, & tam uetere repu. maximis præmij eloquentiæ propositis, omnis cupisse dicere, non

M. T. Rhe.

Z

plurimos aulos esse, potuisse paucos. Ego tamē ita de unoquoque dicam ut intelligi possit, quem existimem clamatorem, quem oratorem fuisse. Iisdem ferè temporibus, ætate inferiores paulo, quàm Iulius, sed æquales propemodū fuerunt C. Cotta. P. Sulpicius. Q. Varius. Cn. Pomponius. C. Curio. L. Fufius. M. Drusus Patistius, nec ulla ætate uberior oratorū sortus fuit. Ex his Cotta, & Sulpicius cū meo iudicio, tum omnium, facile primas tulerūt. Hic Atticus quomodo istuc dicis inquit, cum tuo iudicio, tum omnium? semper ne in oratore probando, aut improbando vulgi iudicium, cum intelligentium iudicio congruit? an alij probantur multitudine, alij autem ab ijs, qui intelligunt?

Recte requiris inquam Attice, sed audies ex me sortasse, quod non omnes probent. An tu inquit adlaborasse huic modo Bruto probaturus es? Plane inquam Attice disputationem hanc de oratore probando, aut improbando multo malim tibi, & Bruto placere, eloquentiā autem meam populo probari uelim: Etenim necesse est, qui ita dicat, ut à multitudine probetur, eundē doctis probari: nam quid in dicendo rectum sit, aut prauum ego iudicabo, si modo is sum, qui id possim, aut scia iudicare, qualis uero sit orator, ex eo, quod is dicendo efficiet, poterit intelligi: Tria sunt enim, ut quidem ego sentio, quæ sint efficienda dicendo, ut doceatur is, apud quem dicetur, ut delectetur, ut moueatur uehementius, quibus uirtutibus oratoris, quidquid efficiatur, aut quibus uitijs orator aut non assequatur hæc, aut etiam in his labatur, & cadat, artifex aliquis iudicabit. Efficiatur autem ab oratore, necne, ut ij, qui audiunt, ita assiciantur, ut orator uelit, vulgi assensu, & populari approbatione iudicari solet: itaque nunquam de bono oratore, aut non bono doctis hominibus cum populo dissensio fuit. An censes, dum illi uiuerunt, quos ante dixi, non eosdē gradus oratorum vulgi iudicio, & doctorum fuisse? De populo siquem ita rogauisses, quis est in hac ciuitate eloquentissimus? in Antonio, et Crasso aut dubitaret, aut hunc alius, illum alius diceret, nemo ne Philippum tam suauem oratorem, tam grauem, tam facetum his anteferret? quem nosmetipsi, qui hæc arte aliqua uolumus expendere, proximum illis fuisse diximus: nemo profecto: id enim ipsum est summum oratoris, summum oratorem populo uideri. Quare, tibi cen Antigenidas dixerit discipulo sanè frigenti ad populum, mihi cane, & musis, Ego huic Bruto dicenti, ut solet, apud multitudinem, mihi cane, & populo mi Brute dixerim, ut qui audient, quid efficiatur, ego etiam cur id efficiatur, intelligam. Credit ijs, quæ dicuntur, qui audit oratorem, uera putat, assentitur, probat, fidem facit oratio. Tu artifex, quid quæris amplius? delectatur audiens multitudo, & ducitur oratione, & quasi uoluptate quadam perfunditur, quid habes, quod disputes? gaudet, dolet, ridet, plorat, fauet, odit, contemnit, inuidet, ad misericordiam inducitur, ad pudendum, ad pigendū, irascitur, miratur, sperat, timet, hæc perinde accidunt, ut eorum, qui ad sunt, mentes, uerbis, & sententijs, et actione tractantur. Quid est, quod expectetur docti alicuius sententia? quod enim probat multitudo, hoc idem doctis probandum est. denique hoc specimen est popularis iudicii, in quo nunquam fuit populo cum doctis, intelligentibusque dissensio. Cum multi essent oratores in uario genere dicendi, quis unquam ex his excellere iudicatus est vulgi iudicio, qui nō idem à doctis probaretur? Quando autem dubium fuisset apud patres nostros eligendi, cui patroni daretur optio, quin aut Antonium optaret, aut Crassum.

Aderant

Aderant multi alij, tamen utrum de his potius, dubitasset aliquis, quin alterū, nemo. Quid adoleſcētibus nobis, cum eſſet Cotta, & Hortenſius, num quis, cui quidem eligendi poteſtas eſſet, quenquam his anteponeret? Tum Brutus, Quid tu inquit queris alios? de te ipſo, nonne quid optarent rei, quid ipſe Hortenſius iudicaret, uidebamus? qui cum partiretur tecum cauſas (ſæpe enim interſui) perorandi locum, ubi plurimum pollet oratio, ſemper tibi relinquebat. Faciebat ille quidem inquam, & mihi beneuolentia credo ductus tribuebat omnia: ſed ego quæ de me populi ſit opinio, neſcio, de reliquis hoc affirmo, qui uulgi opinione diſertiffimi habiti ſint, eoſdem intelligentium quoq; iudicio fuiſſe probatiſſimos: Nec enī poſſet idem Demotheſenes dicere, quod dixiſſe Antimachum Clarium poētam ferunt, qui, cum conuocatis auditoribus legeret, eis magnum illud, quod nouiſtis, uolumen ſuum, et cum legentem omnes præter Platonem reliquiſſent, legam inquit nihilo minus, Plato enim * mihi unus inſtar eſt omnium, me illum, & recte: Poēma enim recōditum pau-
eorum approbatione, oratio popularis ad ſenſum uulgi debet moueri. Aſſi-
eundem hunc Platonem unum auditorem haberet Demotheſenes, cum eſſet
relictus à ceteris, uerbum facere non poſſet. Quid tu Brute poſſes? ſi te ut Cu-
rionem quōdam eoncio reliquiſſet? Ego uero inquit ille, ut me tibi indicem,
in eis etiam cauſis, in quibus omnis res nobis cum iudiciis eſt, non cum po-
pulo, tamen ſi à corona relictus ſim, non quam dicere. Ira ſe inquam res hæ-
bet, ut ſi tibiæ inflatæ nō referant ſonum, abijciendas eas ſibi tibiſcen putet: ſic
oratori populi aures tanquam tibiæ ſunt, eæ ſi inflatum non recipiunt, aut ſi
auditor omnino tanquam equus non facit, agitandi ſinis faciendus eſt. Hoc ta-
men intereſt, quod uulguſ interdum non probandum oratorem probat, ſed
probat ſine comparatione, cum à mediocri, aut etiam à malo delectatur, eo eſt
contentus, eſſe melius non ſentit, illud quod eſt, qualecunq; eſt, probat: tenet
enim aures uel mediocris orator, ſit modo aliquid in eo, nec res ulla plus apud
animos hominum, quàm ordo, & ornatus orationis ualet. Quare quis ex po-
pulo cum Q. Seguolam pro M. Coponio dicentem audiret in ea cauſa, de qua
ante dixi, quidquā politius, aut elegantius, aut omnino melius aut expectaret,
aut poſſe fieri putaret? Cum is hoc probare uellet M. Curiū, cum ita hæres in-
ſtitutus eſſet, ſi pupillus ante mortuus eſſet, quā in ſuam tutelam ueniſſet, pu-
pillo non nato heredem eſſe non poſſe. Quid ille nō dixit de teſtamentorum
iure, de antiquis formulis? quēadmodum ſcribi oportuiſſet, ſi etiam filio non
nato heres inſtitueretur. Quā captioſum eſſe populo, quod ſcriptū eſſet neſ-
gigi, & opinione queri uoluntates, & interpretatione diſertorum ſcripta ſim-
plicium hominū peruertere. quā ille multa de auctoritate patris ſui, qui ſem-
per ius illud eſſe defenderat? quā omnino multa de conſeruando iure ciuili,
quæ quidem omnia cum perire, & ſcinter, tum ita breuiter, & preſſe, & ſatis
ornate, et pereleganter diceret, quis eſſet in populo, qui aut expectaret, aut fieri
poſſe quidquam melius putaret? At uero ut contra Craſſus ab adoleſcente de-
licato, qui in litore ambulans ſcalmum reperiſſet, ob eamq; rem ædificare na-
uem cōcupiuiſſet, exorſus eſt, ſimiliter Seguolam ex uno ſcalmo captionis cen-
tumirale iudicium hæreditatis eſſe ciſſe, hoc in illo initio conſecutus, multis
eiſdem generis ſententijs delectauit, animosq; omnium, qui aderant, in hila-
ritatem à ſeueritate traduxit, quod eſt unū ex tribus, quæ dixi ab oratore effici

posset, nec omnino eo genere diceret, tractando tamen impellebat, ut idem facerent à se commoti, quod à Sulpicio cōcitati: fuit enim Sulpicius uel maxime omnium, quos quidem ego audiuerim, grandis, & ut ita dicam, tragicus orator. Vox cum magna, tum suavis, & splendida, gestus, & motus corporis ita uenustus, ut tamen ad forū, non ad scenam institutus uideretur. Incitata, & uolubilis, nec ea redundans tamen, nec circumfluens oratio. Crassum hic uolebat imitari, Cotta malebat Antoniū, sed ab hoc uis aberat Antoni. Crassi ab illo lepos. Magnā inquit artem Brutus, siquidem istis, cum summi essent oratores, duæ res maximæ altera alteri defuit. Atq; in his oratoribus illud animaduertendum est, posse esse summos, qui inter se sint dissimiles. nihil enim tã dissimile, quàm Cotta Sulpicio, & uterq; æqualibus suis plurimum præstitit. Quare hoc doctōris intelligentis est, uidere quod ferat natura sua quęq; & ea duce utentem sic instituere, ut Iocratem in acerrimo ingenio Theopompī, & lenissimo Ephori dixisse traditum est, alteri se calcaria adhibere, alteri frenos. Sulpicij orationes quæ feruntur, eas post mortē eius scripsisse P. Canutius putatur æqualis meus, homo extra nostrum ordinem, meo iudicio disertissimus. Ipsiū Sulpicij nulla oratio est, sæpeq; ex eo audiui, cum se scribere, neque con fuisse, neque posse diceret. Cottæ pro se lege Varia, quæ inscribitur, eam L. Ælius scripsit Cottæ rogatu. Fuit is omnino uir egregius, & eques R. cum pri mis honestis, idemq; eruditissimus & græcis literis, & latinis, antiquitatisq; nostræ, & in inuentis rebus & in actis, scriptorumq; ueterum literatē peritus, quā scientiam Varro noster acceptā ab illo, auctamq; per sese uir ingenio præstans, omniq; doctrina, pluribus, & illustrioribus literis explicauit, sed idem Ælius stoicus uoluit, orator autē nec studuit unquam, nec fuit, scribebat tamē orationes, quas alij dicerēt, ut Q. Metello. F. ut Q. Cæpioni, ut Q. Pompeio Rufo, quāquam is etiā ipse scripsit eas, quibus pro se est usus, sed nō sine Ælio. his enim scriptis etiā ipse interfui, cum essem apud Ælium adolescens, cumq; audire perstudiosē solem. Cottam autem miror summum ipsū oratorem, minimeq; ineptū, ælianas leuis oratiūculas, uoluisse existimari suas. His duobus eiusdem ætatis annumerabatur nemo tertius, sed mihi placebat Pōponius maxime, uel dicam minime displicebat. locus erat omnino in maximis causis præter eos, de quibus supra dixi, nemini, propterea quod Antonius, qui maxime expetebatur, facilis in causis recipiēdis erat, fastidiosior Crassus, sed tamē recipiebat, horum qui neutrum habebat, confugiebat ad Philippum ferē, aut ad Cæsarem, Cotta, Sulpicius expetebantur, ita ab ijs sex patronis causæ illustres agebantur, neq; tam multa, quàm nostra ætate iudicia fiebant, neq; hoc, quod nunc fit, ut causæ singulæ defenderentur à pluribus, quo nihil est uitiosius. Respondemus ijs, quos non audiuius, in quo primum sæpe aliter est dictum, aliter ad nos relatum, deinde magni interest coram uidere me, quem admodum aduersarius de qua que re asseueret, maxime autē quemadmodum quæque res audiatur, sed nihil uitiosius, quàm cū unum corpus debeat esse defensionis, na sci de integro causam, cum sit ab altero perorata; omnium enim causarum, unum est naturale principium, una peroratio, reliquæ partes, quasi membra suo quæque loco locata, suam & uim, & dignitatem tenent. Cum autem difficile sit in longa oratione non aliquando aliquid ita dicere, ut sibi ipse nō conueniat, quanto difficilius cauere, nequid dicas, quod nō conueniat eius

orationi, qui ante te dixerit: sed quia & labor multo maior est totam causam, quam partem dicere, & quia plures inveniuntur grati, si uno tempore dicas pro pluribus, ideo hanc consuetudinem lubenter a sciuimus. Erant tamē quibus uideretur illius etatis tertius Curio, quia splēdidiōribus fortasse uerbis utebatur, & quia latine non pessime loquebatur, uisū credo aliquo domestico, nam literarum admodum nihil sciebat: sed magni interest, quos quisque audiat cotidie domi, quibus cū loquatur à puero, quē admodum patres, pedagogi, magistri etiam loquantur. Legimus epistolas Cornelie matris Gracchorum, apparet filios nō tam in gremio educatos, quam in sermone matris. Auditus est nobis Lælie C. filie sepe sermo, ergo illam patris elegantia tinctam uidimus, & filias eius Mucias ambas, quarum sermo mihi fuit notus, & neptes Licinias, quas nos quidem ambas, hanc uero Scipionis etiam tu Brute credo aliquādo audisti loquentem. Ego uero ac lubenter quidem inquit Brutus, & eo lubētius, quod L. Crassi erat filia. Quid Crassum inquam illum censēs istius Licinie filium, Crassi testamento qui fuit adoptatus? Summo iste quidem dicitur ingenio fuisse inquit. Et uero hic Scipio collega meus, mihi sanē bene & loqui uidetur, & dicere. Recte inquam iudicas Brute: etenim istius genus est ex ipsius sapientie stirpe generatum: nam & de duobus uis iam diximus, Scipione, & Crasso, & de tribus proauis, Q. Metello, cuius quatuor filij, P. Scipione, qui ex dominatu Gracchi priuatus in libertatem tempus uindicauit, Q. Scaeuola augure, qui peritissimus iuris, idemq; percomis est habitus. Iam duorum ab uorum quam est illustre nomen P. Scipionis, qui bis Cos. fuit qui est Corculum dictus, alterius omnium sapientissimi C. Lælij. O generosam inquit stirpem, & tanquam in unam arborem plura genera, sic in istam domum multorum insitam, atq; illuminatam sapientiam. Similiter igitur suspicor (ut cōferamus parua magnis) Curionis, & si pupillus relictus est patrio fuisse insti- tuto puro sermone assuetam domum, & eo magis hoc iudico, quod nemi- nem ex ijs quidē, qui aliquo in numero fuerūt, cognoui in omni genere honestarum artium tam indoctum, tam rudem. Nullum ille poetam nouerat, nullum legerat oratorem, nullam memoriā antiquitatis collegerat, non publicū ius, non priuātū, & ciuile cognouerat, quanquā id quidem fuit etiam in alijs, & magnis quidē oratoribus, quos parum his instructos artibus uidimus, ut Sulpiciū, ut Antoniū: Sed ij tamen unum illud habebāt dicēdi opus elaboratū, idēq; cū cōstaret ex quinque notissimis partibus, nemo in aliqua parte earū omnino nihil poterat. In quacūq; enim una planē claudicaret, orator esse non posset, sed tamē alius in alia excellebat, magis reperiebat quid dici opus esset, & quo- modo præparare, & quo loco locari, memoriaq; ea comprehendebat Antonius, excellebat autem actione, erantq; ei quedā ex his paria cum Crasso, quedā etiam superiora: at Crassi magis enitebat oratio. Nec uero Sulpicio, neq; Cotta dicere possumus, neq; cuiquā bono oratori rem ullā ex illis quinque partibus planē, atq; oīno defuisse: Itaque in Curione hoc uerissime iudicari potest, nulla re una magis oratorē cōmendari, quā uerborū splendore, & copia: nam cum tardus in cogitādo, tum in struēdo dissipatus fuit. Reliqua duo sunt, agere, & meminisse, in utroq; cachinnos irridentiū commouebat. Motus erat is, quē & C. Iulius in perpetuū notauit, cum ex eo in urrantē partē toto corpore uacillāte quæsiuit, quis loqueretur ē lintre. & Cn. Sicinius homo impurus, sed admodum

admodū ridiculus, neq; aliud in eo oratoris simile quidquā: Is, cum T. tribunus pl. Curionē, et Octaviū Coss. produxisset, Curioq; multa dixisset sedēte Cn. Octavio collega, qui deinctus erat fascijs, & multis medicamētis propter do-
lorem artuum delibutus, nunquam inquit Octavi collegę tuo gratiam referes
qui nisi se suo more iactauisset, hodie te istic muleq; comedisent. Memoria au-
tem ita fuit nulla, ut aliquoties, tria cum proposuisset, aut quartum adderet, aut
tertium quzeret. qui in iudicio privato, uel maximo, cum ego pro Titinia
Cottę perorauissem, ille contra me pro Seruio Nāuio diceret, subito totam
causam oblitus est, idq; ueneficijs, & cantionibus Titinię factum esse dicebat.
Magna hæc immemoris ingenij signa, sed nihil turpius, quā quod etiam in
scriptis obliuiscatur, quid paulo ante posuisset, ut in eo libro, ubi se exeuntē
ē senatu, & cum Panfa nostro, & cum Curione F. colloquentem facit, cum se-
natum Cęsar Cos. habuisset, omnisq; ille sermo ductus ē percunctatione filij,
quid in senatu esset actum. In quo multis uerbis cum inuheretur in Cęsarem
Curio, disputatioq; esset inter eos, ut est consuetudo dialogorum, cum sermo
esset institutus senatu misso, quem senatum Cęsar Cos. habuisset, reprehendit
eas res, quas idē Cęsar anno post, & deinceps reliquis annis administrauisset
in Gallia. Tum Brutus admirans, tantam ne fuisse obliuionem inquit in scri-
pto presertim, ut ne legens quidem unquam senserit, quantum flagitij commi-
sisset: Quid autem inquā Brute stultius, q̄ si ea uituperare uolebat, quę uitepe-
rauit, nō eo tēpore instituere sermonē, cum illarum rerū iam tēpora pręterijssē
sent. Sed ita totus errat, ut in eodem sermone dicat in senatu se Cęsare Cos. nō
accedere, sed id dicat ipso Cos. exiens ē senatu. Iam qui hac parte animi, quę cu-
stos est ceterarū ingenij partiū, tam debilis esset, ut ne in scripto quidē memi-
nisset quid paulo ante posuisset, huic minime mirum est, ex tempore dicenti so-
litam effluere mentem. Itaq; cū ei nec officium deesset, & flagraret studio dicē-
di, perpauce ad eum causę deferebantur: orator autē uiuis eius ēqualibus pro-
ximus optimis numerabatur, propter uerborum bonitatē, ut ante dixi, & ex-
peditam, ac profluentem quodā modo celeritatem: itaq; eius orationes aspiciē-
das tamen censeo, sunt illę quidem languidiores, uerūtamen possunt augere,
& quasi alere id bonum, quod in illo mediocriter fuisse concedimus, quod ha-
bet tantam uim, ut solum sine alijs in Curione speciem oratoris alicuius effece-
rit. Sed ad instituta redeamus. In eodem igitur numero eiusdem etatis C. Caro-
bo fuit illius eloquentissimi uiri filius, nō satis acutus orator, sed tamen orator
numeratus est. Erat in uerbis grauitas, & facile dicebat, & auctoritatem natu-
ralem quandā habebat oratio. Acutior Q. Varius rebus inueniendis, nec mi-
nus uerbis expeditus, fortis uero actor, & uehemens, & uerbis nec inops, nec
abiectus, et quę planē oratorem dicere auderes Cn. Pomponius lateribus pu-
gnans, incitans animos, acer, acerbus, criminosus. Multū ab ijs aberat L. Fufius,
tamen ex accusatione M. Aquilij diligentię fructū ceperat: nam M. Drus-
sum tuum magnū auunculum, grauē oratorem, ita dumtaxat cum de rep. dice-
ret. L. autem Lucullū etiam acutū, patremq; tuū Brute, iuris quoq; et publici,
& priuati sanē peritum M. Lucullum, M. Octaviū Cn. filios, qui tantum au-
ctoritate, dicēdoq; ualuit, ut legem semproniam frumentariā populi frequen-
tis suffragijs abrogauerit, M. Octaviū M. Filium, M. Catonem patrē, Q. etiā
Catulum filium abducamus ex acie, id est à iudicijs, et in pręsidij reip. cui facile

fatisfacere possint, collocemus. Eodē Q. Cēpionem referrem, nisi nimis eque-
stri ordini deditus, à senatu dissedisset. Cn. Carbonem, M. Mariū, & ex eodē
genere compluris minime dignos elegantis conuentus auribus, aptissimos co-
gnoui turbulentis concionibus. quo in genere Cui in ijs perturbem gratū ordi-
nem) nuper L. Quinctius fuit, aptior autem etiam Palicanus auribus imperito-
rum. Et quoniā huius generis facta mentio est, seditioforum omniū post Grae-
chos L. Apuleius Saturninus eloquentissimus uisus est, magis specie tamē, &
motu, atq; ipso amictu capiebat homines, quā aut dicendi copia, aut medio-
critate prudentiē. Longe autem post natos homines improbissimus C. Scru-
lius Glaucia, sed peracutus, & callidus, cum primisq; ridiculus: Is ex summis
& fortunæ, & uitæ sordibus in prætura Cos. factus esset, si rationem eius habe-
ri licere iudicatum esset: nam & plebem tenebat, & equestrem ordinem bene-
ficio legis deuinxerat. Is prætore eodem die, quo Saturninus Trib. pl. Mario,
& Flacco Coss. publice est interfectus, homo simillimus Atheniēsis Hyper-
boli, cuius improbitatem ueteres Atticorū comœdiæ notauerunt. Quos Sex.
Titius consecutus, homo loquax sanē, & satis acutus, sed tam solutus, et mollis
in gestu, ut saltatio quēdā nasceretur, cui saltationi Titius nomē esset: Ita eadē
dum est, nequid in agendo, dicendo uē facias, cuius imitatio rideatur. Sed ad
paulo superioriē ætatē reuēcti sumus, nūc ad eā, de qua aliquantū sumus locuti,
reueramur. Cōiunctus igitur Sulpicij ætati P. Antistius fuit rabula sanē pro-
babilis, qui multos cum tacuisset annos, neq; contemni solum, sed irrideri etiā
solitus esset, in tribunatu primum contra C. Iulij illam consulationis petitionem
extra ordinariam, ueram causam agens est probatus, & eo magis, quod ean-
dem causam cum ageret, eius collega ille ipse Sulpicius, hic plura, & acutiora
dicebat. Itaq; post tribunatum primo multæ ad eum causæ, deinde omnes, ma-
ximæ quæcunq; erant, deferrebantur. Rem uidebat acute, componebat diligē-
ter, memoria ualebat, uerbis non ille quidem ornatis utebatur, sed tamen non
abiectis: expedita autem erat, & perfacile currens oratio, & erat eius quidem
tanquā habitus nō inurbanus: actio paulum cum uitio uocis, tum etiam iuep-
tius claudicabat. Hic temporibus floruit ijs, quibus inter professionem, redi-
tumq; L. Syllæ sine iure fuit, & sine ulla dignitate resp. hoc etiam autem magis
probabatur, quod erat ab oratoribus quēdam in foro solitudo, Sulpicius occi-
derat, Cotta aberat, & Curio, uiuebat e reliquis patronis eius gratis nemo præ-
ter Carbonem, & Pomponium, quorum utrunque facile superabat. Inferio-
ris autem ætatis erat proximus L. Sisenna doctus uir, & studijs optimis dedi-
tus, bene latine loquens, gnarus reip. non sine facetijs, sed neque laboris multi,
nec satis uersatus in causis, interiectusq; inter duas ætates Hortensij, & Sulpi-
cij, nec maioris consequi poterat, & minori necesse erat cedere. Huius omnis
facultas ex historia ipsius perspicere potest, quæ cum facile omnis uincat superio-
ris, tum indicat tamen quantum absit à summo, quamq; genus hoc scriptio is
non dum sit satis latinis literis illustratum: nam Q. Hortensij admodum ado-
lescentis ingenium, ut Phidias signum, simul aspectum, & probatum est. Is L.
Crasso, Q. Scauola Coss. primū in foro dixit, & apud hos ipsos quidē Coss.
& cum eorū, qui affuerūt, tum ipsorum consulum, qui omnis intelligentia an-
tebant, iudicio discessit probatus, unde uiginti annos natus erat eo tempore.
Est autem L. Paulo, C. Marcello Coss. mortuus, ex quo uidemus eū in patro-
notum

norum numero annos quatuor, & XL. fuisse: hoc de oratore, paulo post plura dicemus: hoc autem loco uoluimus ætatem in disparem oratorum ætatem includere, quamquam id quidem omnibus usu uenire necesse fuit, quibus paulo longior uita contigit, ut & cum multo maioribus natu, quam essent ipsi, & cum aliquanto minoribus compararentur: ut Accius isdem ædilibus ait se, & Pacuium docuisse fabulam, cū ille octuagita, ipse triginta annos natus esset. Sic Hortensius non cum suis æqualibus solum, sed & mea cum ætate, & cū tua Brute, & cum aliquanto superiore coniungitur. Siquidē & Crasso uisus dice re solebat, & magis iam etiā uigebat Antonio, & cum Philippo iam senē pro Cn. Pompeij bonis dicente, in illa causa adolescens cum esset, princeps fuit, & in eorum, quos in Sulpicij ætate posui, numerū facile peruenerat, & suos inter æquales. M. Pisonem. M. Crassum. Cn. Lentulum. P. Lentulum firam longe prestitit, & me adolescentem nactus octo annis minorem, quā erat ipse, multos annos in studio eiusdem laudis exercuit, & tecum simul, sicut ego pro multis, sic ille pro Appio Claudio dixit, paulo ante mortem. Vides igitur, ut ad te oratorem Brute peruenerimus, tam multis inter nostrum, tuumq; initium dicēdi interpositis oratoribus, ex quibus quoniam in hoc sermone nostro statui neminem eorū, qui uiuerent, nominare, ne uos curiosius eligeretis ex me quid quoq; iudicarem, eos, qui iam sunt mortui, nominabo. Tum Brutus, non est inquit ista causa, quam dicis, quam obrem de ijs, qui uiuunt, nihil uelis dicere.

Quanam igitur inquam esset? Vererite inquit arbitror, ne per nos hic sermo tuus emanet, & ij tibi suscenseant, quos præterieris. Quid uos inquam tacere nō poteritis? Nos quidem inquit facillime, sed tamen te arbitror malle ipsum tacere, quā taciturnitatem nostram experiri. Tum ego, uere tibi inquam Brute dicā, non me existimaui in hoc sermone usque ad hanc ætatem esse uenturum, sed ita traxit ordo ætatum orationem, ut iam ad minoris etiā peruenirē. Interpone igitur inquit, si quos uidetur, deinde redeamus ad te, & ad Hortensium. Immo uero inquam ad Hortensium, de me alij dicent, si qui uolēt. Minime uero inquit, nam et si me facile omni tuo sermone tenuisti, tamē is mihi longior uidetur, quod propere audire de te, nec uero tam de uirtutibus dicēdi tuis, quæ cum omnibus, tum certe mihi notissimæ sunt, quā quod gradus tuos, et quasi processum dicendi studeo cognoscere. Geretur inquam tibi mos, quoniā me non ingenij prædicatorem esse uis, sed laboris mei: uerum interponam, ut placet, alios, et a M. Crasso, qui fuit æqualis Hortensij exordiar. Is igitur mediocriter a doctrina instructus, angustius etiā a natura, labore, & industria, & quod adhibebat ad obtinendas causas, curam etiā, & gratiā, in principibus patronis aliquot annos fuit. In huius oratione sermo latinus erat, uerba non abiecta, res compositæ diligenter, nullus flos tamen, neque lumen ullū, animi magna, uocis parua contentio, omnia serē ut similiter, atque uno modo dicerentur: nam huius æqualis, & inimicus C. Fimbria non ita diu iactare se potuit, qui omnia magna uoce dicēs, uerborum sanē bonorum cursū quodam incitato, ita furebat tamen, ut mirarere tam alias res agere populū, ut esset in sano inter dispersos locus. Cn. autem Lentulus multo maiorem opinionem dicēdi, actione faciebat, quā quanta in eo facultas erat, quicquid esset nec peracutus, quāquam ex facie, & ex uultu uidebatur, nec abūdans uerbis, & si fallebat in eo ipso, sic interuallis, exclamationibus, uoce suauī, & canora, admirando;

irridebat, calebat in agendo, ut ea, quæ deerant, non desiderarētur. Ita tanquā Curio copia nonnulla uerborum, nullo alio bono tenuit oratorum locum, sic Lentulus ceterarum uirtutum dicendi mediocritatem, actione occultauit, in qua excellens fuit. Neque multo secus P. Lentulus, cuius & excogitandi, & loquendi tarditatem tegebat formę dignitas, corporis motus plenus & artis, & uenustatis, uocis, & suauitas, & magnitudo, sic in hoc nihil præter actionem fuit: cetera etiam minora, quā in superiore. M. Piso quidquid habuit, habuit ex disciplina, maximeque ex omnibus, qui ante fuerunt, græcis doctrinis eruditus fuit: habuit à natura genus quoddam acuminis, quod etiam arte limauebat, quod erat in reprehendendis uerbis uersutum, & solers, sed sepe sto machosum, nonnunquam frigidum, interdum etiam facetum. Is laborem quā si cursum forensem diutius non tulit, quod & corpore erat infirmo, & hominum ineptias, ac stultitias, quæ deuorandæ nobis sunt, non ferebat, iracundiusque respuebat, siue morose, ut putabatur, siue ingenuo, liberoque fastidio. Is, cum satis floruisse adolescentem, minor haberi est ceptus postea, deinde ex uirginum iudicio magnam laudem est adeptus, & ex eo tempore, quasi reuocatus in cursum, tenuit locum tandiu, quā ferre potuit laborem, postea quantum detraxit ex studio, tantum amisit ex gloria. P. Murena mediocri ingenio, sed magno studio rerum, ueterum literarum & studiosus, & non imperitus, multę industrię, & magni laboris fuit. C. Cætorinus græcis literis satis doctus, quod proposuerat explicās expedite, non inuenustus actor, sed iners, & inimicus fori. L. Tullius paruo ingenio, sed multo labore quoquo modo poterat, sepe dicebat: itaque ei pauca centuriæ ad consulatum defuerunt. C. Macer auctoritate semper egiit, sed fuit patronus propemodum diligentissimus, huius si uita, si mores, si uultus denique non omnem commendationem ingenij euerteret, maius nomen in patronis fuisset, non erat abundans, non inops tamen, non ualde nitens, non planè horrida oratio, uox, gestus, & omnis actio sine lepore, at inueniendis, componendisque rebus mira accuratio, ut non facile in ullo diligentiore, maioremque cognouerim, sed eam ut citius ueteratoriam, quā oratoriam diceret hic si etiā in publicis causis probabatur, tamen in priuatis illustriorem obtinebat locū. C. deinde Piso, statarius, & sermonis plenus orator, minime ille quidem tardus in excogitando, uerum tamen uulnus, & simulatione, multo etiam acutior, quā erat, uidebatur: nam eius æqualē M. Glabronē bene institutū aut Scæuolę diligentia, socors ipsius natura, negligensque tardauerat. Etiam L. Torquatus elegans in dicendo, in existimando admodum prudens, toto genere perurbanus. Meus autem æqualis, Cn. Pompeius uir ad omnia summa natus, maiorem dicendi gloriā habuisset, nisi cum maioris glorię cupiditas ad bellicas laudes abstraxisset, erat oratione satis amplus, rem prudenter uidebat, actio uero eius habebat & in uoce magnum splendorem, & in motu summam dignitatem. Noster item æqualis D. Silanus uiricus tuus, studij ille quidem habuit non multum, sed acuminis, & orationis satis. Q. Pompeius. A. F. qui Bitynicus dictus est, biennio quā nos fortasse maior, summo studio dicendi, multaque doctrina, incredibili labore, atque industria, quod scire possum, fuit enim mecum, & cum M. Pisonē, cum amicitia, tum studijs, exercitationibusque coniunctus, huius actio non satis commendabat orationem, in hac enim satis erat copię, in illa autem leporis parum. Erat eius æqualis P.

Antronius

Antronius uoce peracuta, atque magna, nec alia re ulla probabilis. Et L. Octavius Reatinus, qui, cum multas iam causas diceret, adolefcens est mortuus, is tamen ad dicendum ueniebat magis audacter, quam parate. Et C. Staienus, qui se ipse adopauerat, & de Staieno Ælium fecerat, seruido quodam, & petulantiori, & luforio genere dicendi, quod quia multis grati erat, et probabatur, ascensu differt ad honores, nisi in facinore manifesto deprehensus, poenas legibus, & iudicio dedisset. Eodem tempore C. L. Cepasij fratres fuerunt, qui multa opera ignoti homines & repentini, quæstores celeriter facti sunt, oppidano quodam, & incondito genere dicendi. Addamus huic etiam, nequem uocalem præterit se uideamur, C. Cokoniū Calidianum, qui nullo acumine, eam tamen uerborum copiam, si quam habebat, præbebat populo cum multa concursatione, magnoque clamore. Quod idem faciebat Q. Arrius, qui fuit M. Crassi quasi secundarius. Is omnibus exëplo debet esse, quantum in hac urbe polleat multorum obedire tēpori, multorumque uel honori, uel periculo seruire: is enim rebus infimo loco natus, & honores, & pecuniam, & gratiam consecutus, etiam in patronorum, sine doctrina, sine ingenio, aliquem numerum peruenierat, sed ut pugiles in exercitatu etiam si pugnos, & plagas olympiorum cupidi ferre possunt, solem tamen sæpe ferre non possunt, sic ille, cum omni iam fortuna prospere functus labores etiam magnos excepisset, illius iudicialis anni seueritatem quasi solem non tulit. Tum Atticus, tu quidem de sece inquit hauris, idque iandum, sed tacebam, hoc uero non putabam te usque ad Staienos, & Antronios esse uenturum. Non puto inquam existimare te ambitione me labi, quippe de mortuis, sed ordinem sequens in memoriam notam, & æqualem necessario incurro. Volo autem hoc perspicere, omnibus conquisitis, qui in multitudine dicere ausi sint, memoria quidem dignos perpaucos, uerum qui omnino nomen habuerint, non ita multos fuisse, sed ad sermonem institutum reuertamur. T. Torquatus T. F. & doctus uir ex Rhodia disciplina Molonis, & a natura ad dicendum facis solutus, atque expeditus, cui si uita suppeditauisset, sublato ambitu consul factus esset, plus facultatis habuit ad dicendum, quam uolueratis. Itaque studio huic non satisfecit, officio uero nec in suorum necessariorum causis, nec in sententia senatoria defuit. Etiam M. Pontidius municeps noster multas priuatas causas astitauit, celeriter sane uerba uoluens, nec hebes in causis, uel dicam plus etiam, quam non hebes, sed effereuens in dicendo stomacho sæpe, iracundiaque uehementius, ut non cum a duersario solum, sed etiam quod mirabile esset cum iudice ipso, cuius delinitor esse debet orator, iurgio sæpe contendere. M. Messala minor natu quam nos nullo modo inops, sed non nimis ornatus genere uerborum, prudens, acutus, minime incautus, patronus in causis componendis, componendisque diligens, magni laboris, multe operæ, multarumque causarum. Duo etiam Metelli Celer, & Nepos nihil in causis uersati, nec sine ingenio, nec indocti, hoc erant popolare dicendi genus assecuti. C. autem Lentulus Marcellinus, nec unquam indifertus, & in consilatu pereloquens uisus est, non tardus sententijs, non inops uerbis, uoce canora, facetus facis. C. Memmius L. F. perfectus literis, sed grecis, fastidiosus sane latinarum, argutus orator uerbisque dulcis, sed fugiens non modo dicendi, uerumetiam cogitandi laborem, tantum sibi de facultate detraxit, quantum imminuit industriae. Hoc loco Brutus, quam uellem inquit de his etiam oratoribus, qui hodie sunt, tibi dicere

M. T. R. he.

AA z

luberet, & si de alijs minus, de duobus tamen, quos à te scio laudari solere, Cæsare, & Marcello, audirē non minus lubenter, quàm audiui de ijs, qui fuerunt.

Cur tandē inquit: an expectas quid ego iudicē de istis, qui tibi sunt æque notī, ac mihi? Mihi mehercule inquit, Marcellus satis est notus, Cæsar autē parum, illum enim sæpe audiui, hic, cum ego iudicare iam aliquid possem, absuit.

Quid igitur de illo iudicas, quē sæpe audiuisti? Quid censes inquit, nisi id, quod habiturus es similem tui? Næ ego inquit, si ita est, uelim tibi eum place re quāmaxime. Atq; & ita est inquit, & uehemēter placet, nec uero sine causa, nam & didicit, & omiſſis ceteris studijs, unum id egit, seſeꝑ coridianis cōmentationibus acerrime exercuit: itaq; & lectis utitur uerbis, & frequentibus & splendore uocis, dignitate motus sit speciosum, & illustre quod dicitur: omniāq; sic suppetunt, ut ei nullā deesse uirtutem oratoris putem, maxī meꝑ laudandus est, qui hoc tempore ipso cum liceat in hoc communi nostro, & quasi fatali malo conſoletur ſe, cū conſcientia optimæ mentis, tum etiā uſurpatione, & renouatione doctrinæ: uidi enim Mitylenis nuper uirū, atq; (ut dixi) uidi planē uirum. Itaq; cū eum antea tui ſimilem in dicēdo uiderim, tum uero nunc à doctiſſimo uiro, tibiꝑ ut intellexi, amiciffimo Cratippo inſtructū omni corpia, multo uidebam ſimiliorē. Hic ego, & ſi inquam de optimi uiri, nobisꝑ amiciffimi laudibus lubēter audio, tamen incurro in memoriā communiū miſeriarū, quarum obliuionem quærens hūc ipſum ſermonem produxi longius. Sed de Cæsare cupio audire, quid tandem Atticus iudicet? Et ille, præclare inquit tibi cōſtas, ut de ijs, qui nunc ſint, nihil uelis ipſe dicere, & hercle ſi ſic ages, ut de ijs egisti, qui iam mortui ſunt, neminem ut præmitteres næ tu in multos Antronios, & Staienos incurreres. Quare ſiue hanc turbam eſſugere uoluisti, ſiue ueritus nequis ſe aut præteritum, aut nō ſatis laudatum queri poſſit, de Cæsare tamen potuiſti dicere, præſertim cū & tuum de illius ingenio notiffimum iudiciū eſſet, nec illius de tuo obſcurum: Sed tamē Brute inquit Atticus de Cæsare, & ipſe ita iudico, & de hoc huius generis acerrimo exiſtimatore ſepiſſime audio, illū omnium ſerē oratorū latine loqui elegantiffime, nec id ſolum domeſtica cōſuetudine ut dudum de Læliorū, & Muciorū familijs audiebamus, ſed q̄q̄ id quoꝑ credo fuiſſe, tamen ut eſſet perfectā illa bene loquēdi laus, multis literis, & ijs quidē reconditis, & exquisitis, ſummoꝑ ſtudio & diligentia eſt conſecutus, quin etiā in maximis occupationibus, cū ad te ipſum inquit in me intūēs de ratione latine loquēdi accuratiſſime ſcripſerit, primōꝑ in libro dixerit uerborum delectum originem eſſe eloquentiæ, tribueritꝑ mi Brute huic noſtro, qui me de illo maluit, quàm ſe dicere, laudem ſingularem. Nam ſcripſit his uerbis, cum hunc nomine eſſet affatus. ac ſi cogitata præclare eloqui poſſent, nonnulli ſtudio, & uſu elaborauerunt, cuius te penē principem copiæ, atque inuentorem bene de nomine, ac dignitate populi R. meritum eſſe exiſtimare debemus, hunc facile & coridianum nouiſſe ſermonem, nunc pro relicto eſt habendum. Tum Brutus, amice hercule inquit, & magnifice te laudatum puto, quem non ſolum principem, atque inuentorem copiæ dixerit, quæ erat magna laus, ſed etiam benemeritum de populi Ro. nomine, & dignitate, quo enim uno uincebāmur à uicta Græciā, id aut ereptum illis eſt, aut certe nobis cum Græcis communicatum. Hanc autem inquit gloriā, teſtimoniumꝑ Cæſaris tuę quidem ſupplicationi non ſolum, ſed triūphorum multorum

multorum antepono. Et recte quidem inquam Brute, modo sit hoc Cæsaris iudicij, non benevolentiae testimoniū, plus enim certe attulit huic populo dignitatis, quisquis est ille, si modo est aliquis, qui non illustrauit modo, sed etiā uerunt, ex quibus multi sunt, ut scitis, triumphos. Verum quidem si audire uolumus, omissis illis diuinis cōsilijs, quibus sepe constituta est imperatorū sapientia salus ciuitatis, aut belli, aut domi, multo magnus orator pręstat minutis imperatoribus: at prodest plus imperator, quis negat? sed tamen, non metuo ne mihi acclametis, est autē quod sentias dicendi liber locus. Malim mihi L. Crassum unam pro M. Curio dictionem, quā castellanos triumphos duo. At plus interfuit reip. castellum capi Ligurum, quā bene defendi causam M. Curi. credo. Sed Atheniensium quoque plus interfuit firma tecta in domicilijs habere, quā Mineruę signum ex ebore pulcherrimum, tamen ego me Phidiam esse malle, quā uel optimum fabrum tignarium. Quare non quantum quisque proficit, sed quanti quisque sit, ponderandum est, presertim cum pauci pingere egregie possint, aut fingere, operarij autem, aut baiuli decisse non possint. Sed perge Pomponi de Cæsare, & redde quę restant. Solum quidē inquit ille, & quasi fundamentum oratoris uides locutionem emendatam, & latinam, cuius penes quos laus adhuc fuit, non fuit rationis, aut scientię, sed quę si bonę consuetudinis. Mitto C. Lælium. P. Scipionem, ætatis illius ista fuisse laus, tanquam innocentię, sic latine loquendi, nec omnium tamen, nam illorum æquales Cęcilium, & Pacuuium male locutos uidemus, sed omnes, tum se res, qui nec extra urbem hanc uixerant, neque eos aliqua barbaries domestica infuscauerat, recte loquebantur: sed hanc certe rem deteriore uetustas fecit, & Romę, & in Gręcia: confluxerunt enim & Athenas, & in hanc urbem multę in quinate loquentes ex diuersis locis, quo magis expurgandus est sermo, & adhibenda quam obtrusā ratio, quę mutari non potest, nec utendum prauissima consuetudinis regula. T. Flaminium, qui cum Q. Metello Cos. fuit, pueri uidimus: existimabatur bene latine, sed literas nesciebat. Catulus erat ille quidem minime indoctus, ut à te paulo est ante dictum, sed tamen suauitas uocis, & lenis appellatio literarum bene loquendi famam confecerat. Cotta, quia se ualde dilatandis literis à similitudine gręcę locutionis abstinerat, sonabatque contrarium Catulo subagreste quiddam, planeque subrusticū, alia quidem quę si inculta, & syluestri uia ad eandem laudem peruenerat. Sisenna autem quasi emendator sermonis usitati cum esse uellet, ne à C. Rudio quidem accusatore deterreretur, quo minus inusitatis uerbis uteretur. Quidnam istuc est inquit Brutus? aut quis est iste C. Rutilus? Et ille, fuit accusator iquit uetus, quo accusante Chritilium, Sisenna defendens dixit quędam eius sputatilia esse crimina, Tum C. Rutilus circumuenior, inquit iudices, nisi subuenitis. Sisenna quid dicas nescio. metuo insidias. sputatilia. quid est hoc? sputa quid sit scio, cilia nescio. maximi risus, sed ille tamen familiaris meus recte loqui putabat esse, inusitate loqui: Cæsar autem rationem adhibens, consuetudinem uitiosam, & corruptam, purā, & incorrupta consuetudine emendat. Ita quę cum ad hanc elegantiam uerborum latinorum, quę etiam si orator non sis, & sis ingenuus ciuis Ro. tamen necessaria est, adiungit illa oratoria ornamenta dicendi, cum uidetur tanquam tabulas bene pictas collocare in bono lumine

hanc cum habeat præcipuam laudem in communibus, non uideo, cui debeat cedere, splēdidam quandam, minimeq; ueteratoriam rationem dicendi tenet, uoce, motu, forma & magnifica, & generosa quodammodo. Tum Brutus, Orationes quidem eius mihi uehementer probantur, compluris autem legi: atq; etiam commentarios quosdam scripsit rerū suarū, ualde quidem inquam probandos, nudi enim sunt, recti, & uenusti, omni ornatu orationis, tanquam ueste detracta, sed dum uoluit alios habere parata, unde sumerent, qui uellent scribere historiam, ineptis gratum fortasse fecit, qui uolunt illa calamistris inuere, sanos quidem homines à scribendo deterruit: nihil enim est in historia, pura, & illustri breuitate dulcius. sed ad eos, si placet, qui uita excesserunt, reuertamur. C. Sicinius igitur Q. Pompeij illius, qui censor fuit, ex filia nepos, quæstorius mortuus est, probabilis orator, iam uero etiā probatus ex hac inopi ad ornandum, sed ad inueniendū expedita Hermagoræ disciplina: ea dat rationes certas, & præcepta dicendi, quæ si minorem habēt apparatus (sunt enim exilia) tamen habent ordinem, & quasdam errare in dicendo non patietes uias: has ille tenens, & paratus ad causas ueniens, uerborum non egens, ipsa illa comparatione, disciplinaq; dicēdi iam in patronorum numerum perueniat. Erat etiam uir doctus in primis C. Visellius Varro consobrinus meus, qui fuit cum Sicinio ætate coniunctus: is cum post curulem ædilitatem iudex quæstionis esset, est mortuus, in quo fateor uulgi iudiciū à iudicio meo dissenfisse, nam populo non erat satis uendibilis, præceptis quædam, & cū iccirco obscura, quia peracuta, tum rapida, & celeritate cæcata oratio, sed neq; uerbis apriorē cito alium dixerim, neq; sententijs crebriorem, præterea perfectus in literis, iurisq; civilis iam à patre Aculeone traditā reuēni disciplinam. Reliqui sunt, qui mortui sint, L. Torquatus, quem tu nō tam cito rhetorem dixisses, et si nō deerat oratio, quā, ut græci dicunt, *ωλυτικόν*. Erant in eo plurimę literę, nec ex uulgares, sed interiores quædam, & reconditę, diuina memoria, summa uerborū & grauitas, & elegancia, atque hæc omnia uitę decorabat grauitas, & integritas: me quidem ad modum delectabat, etiam Triarij in illa ætate plena literatę senectutis oratio, quanta seueritas in uultu, quantum pondus in uerbis, quā nihil nō consideratū exibat ex ore. Tum Brutus, Torquati, & Triarij mentione commotus (utrūque enim eorum admodum dilexerat) nunc ego inquit, ut omittam cetera, quæ sunt innumerabilia, de istis duobus cum cogito, doleo nihil tuam perpetuam auctoritatē de pace ualuisse, nam nec istos excellentis uiros, nec multos alios præstantis ciues resp. perdidisset. Sileamus inquam Brute de istis, ne augeamus dolorem, nam & præteritorum recordatio est acerba, & acerbior expectatio reliquorum: itaque omittamus lugere, & tantum quid quisque dicēdo potuerit, quoniam id quærimus, prædicemus. Sunt etiam ex ijs, qui eodem bello occiderunt, M. Bibulus, qui & scriptitauit accurate, cum præsertim non esset orator, & egit multa constanter. Appius Claudius socer tuus, collega, & familiaris meus, hic iam & satis studiosus, & ualde cum doctus, tum etiam exercitatus orator, & cum auguralis, tum omnis plubici iuris, antiquitatisq; nostræ bene peritus fuit. L. Domitius nulla ille quidem arte, sed latinē tamen, & multa cum libertate dicebat. Duo præterea Lentuli consulares quorū Publius ille nostrarum iniuriarū ultor, auctor salutis, quidquid habuit, quantūcūq; fuit, illud totum habuit ē disciplina: instru

meata

menta naturæ deerant, sed tantus animi splendor, & tanta magnitudo, ut sibi omnia, quæ clarorum uirorum essent, nō dubitaret accipere, eaq̃ omni dignitate obtrineret. L. autem Lentulus satis erat fortis orator si modo orator, sed cogitandi non ferebat laborem, uox canora, uerba non horrida sanè, ut plena esset animi, & terroris oratio: quæres in iudicijs fortasse melius, in rep. quod erat, esse iudicares satis. Ne T. quidem posthumius contemnendus in dicendo, de rep. uero nō minus uchemens orator, quàm bellator fuit, effrenatus, & acer nimis, sed bene iuris publici leges, atque instituta cognouerat. Hoc loco Atticus, Putare te inquit ambitiosum esse, si (ut dixisti) ijs, quos iamdiu colligis, uiuerent. Omnis enim commemoras, qui ausi aliquando sunt stantes loqui, ut mihi imprudens M. Seruilius præterisse uideare. Non inquam ego istuc ignoro Pomponi multos fuisse, qui uerbum nunquam in publico fecissent cū melius aliquāto possent, quàm isti oratores, quos colligo, dicere: sed his commemorandis etiam illud assequor, ut intelligatis primum ex omni numero, quàm nō multi ausi sint dicere: deinde ex ijs ipsis quàm pauci fuerint laude digni: Itaque ne hos quidem Equites R. amicos nostros, qui nuper mortui sunt P. Cominium Spoletinum, quo accusante defendi C. Cornelium, in quo et cōpositum dicendi genus, & acre, & expeditum fuit. T. Accium Pisaurensem, cuius accusationi respondi pro A. Cluentio, qui & accurate dicebat, & satis copiose, eratq̃ præterea doctus Hærmagoræ præceptis, quibus & si ornamenta non satis opima dicendi, tamen, ut hastæ uelutibus amentatæ, sic apta quædam, & parata singulis causarum generibus argumenta traduntur. studio autem neminē, nec industria maiore cognoui, quāquam ne ingenio quidem qui præstiterit, facile dixerim C. Pisoni genero meo, nullū tempus illi unquam uacabat aut à forensi dictione, aut à cōmentatione domestica, aut à scribēdo, aut à cogitando, itaq̃ tantos processus efficiebat, ut euolare, nō excurrere uideretur: eratq̃ uerborū & delectus elegans, & apta, & quasi rotunda cōstructio, cumq̃ argumēta excogitabantur ab eo multa, & firma ad probandū, tum cōcinnæ, acutæq̃ sententiæ, gestusq̃ natura ita uenustus, ut ars etiā quæ non erat, et eī disciplina motus quidam uideretur accedere. Vereor ne amore uidear plura, quàm fuerint in illo, dicere, quod non ita est, alia enim de illo maiora dici possunt, nam nec continentia, nec pietate, nec ullo genere uirtutis quenquam eiusdem ætatis, cum illo conferendum puto. Nec uero M. Caelium prætereundum arbitror, quæcunq̃ eius in exitu uel fortuna, uel mens fuit, qui quandiu auctoritati meæ paruit, talis Trib. pl. fuit, ut nemo contra ciuium perditorum populum, turbulentamq̃ dementia à senatu, & à bonorum causa steterit constans, quàm eius actionem, multum tamen & splendida, & grandis, & eadem in primis faceta, & perurbana commendabat oratio. Graues eius conciones aliquot fuerunt, acres accusationes tres, eaq̃ omnes ex reip. contentione susceptæ, defensiones & si illa erant in eo meliora, quæ dixi, non contemnendæ tamen, sanèq̃ tolerabiles. hic cum summa uoluntate bonorum edilis curulis factus esset, nescio quomodo discessu meo discessit à sese, ceciditq̃ postea, cum eos imitari cepit, quos ipse peruerterat. Sed de M. Calidio dicamus aliquid, qui nō fuit orator unus & multis, potius inter multos propè singularis fuit: ita reconditas, exquisitasq̃ sententias mollis, & pellucens uelutiebat oratio, nihil tam tenebrum, quàm illius comprehensio uerborum, nihil tam flexibile, nihil

quod magis ipsius arbitrio fingeretur, ut nullius oratoris æque in potestate fuerit, quæ primum ita pura erat, ut nihil liquidius, ita libere fluebat, ut nusquam adheresceret, nullum nisi loco positum, & tanquam in uermiculato emblemate, ut ait Lucilius, structum uerbum uideres, nec uero ullum aut durum, aut insolens, aut humile, aut in longius ductum, ac non propria uerba rerum, sed pleraque tralata, sic tamen, ut ea non irruisse in alienum locum, sed immigralle in suum diceres, nec uero hæc soluta, nec diffluentia, sed astricta numeris, non aperte, nec eodem modo semper, sed uarie, dissimulanterque conclusis. Erant autem & uerborum, & sententiarum illa lumina, quæ uocant græci *μῆτρας*, quibus tanquam insignibus in ornatu distinguebatur omnis oratio, quæ de re agitur autem, illud quod multis locis in iuriconsultorum includitur formulis, et ubi esset, uidebat. Accedebat ordo rerum plenus artis, actio liberalis, eorumque dicendi placidum, & sanum genus. Quod si est optimum suauiter dicere, nihil est, quod melius hoc querendum putes. Sed cum à nobis paulo ante dictum sit, tria uideri esse, quæ orator efficere deberet, ut doceret, ut delectaret, ut moueret, duo summe tenuit, ut & rem illustraret disserendo, & animos eorum, qui audirent, deuinciret uoluptate: aberat tertia illa laus, qua permoueret, atque incitaret animos, quam plurimum pollere diximus, nec erat ulla uis, atque contentio, siue consilio, quod eos, quorum altior oratio, actioque esset ardentior, furere, & bæchari arbitraretur, siue quod natura non esset ita factus, siue quod non consuesset, siue quod non posset, hoc unum illi, si nihil utilitatis haberet, absuit, si opus erat, defuit. Quinetiam memini, cum in accusatione sua Q. Gallio crimini dedisset, sibi eum uenenum parauisse, idque à se esse deprehensum, seque chirographa, testificationes, indicia, questiones, manifestam rem, deferre diceret, de quo eo crimine accurare, & exquisitè disputauisset, me in respondendo, cum essem argumentatus, quantum res ferebat, hoc ipsum etiam posuisse pro argumento, quod ille, cum pestem capitis sui, cum indicia mortis se comperisse manifestò, & manutene, diceret, tam solute egisset, tam leniter, tam oscitanter. Tu istuc M. Calidi, nisi fingeres, sic ageres? presertim cum ista eloquentia aliorum hominum pericula defendere acerrime soleas, tuum negligeres? ubi dolor? ubi ardor animi? qui etiam ex infantium ingentis elicere uoces, & querelas solet, nulla perturbatio animi, nulla corporis, frons non percussa, non semur, pedes (quod minimum est) nulla suppositio: itaque tantum absuit, ut inflammaret nostros animos, somnum isto loco uix tenebamus. sic nos summi oratoris, uel sanitatè, uel uitio pro argumento ad diluendum crimen usi sumus. Tum Brutus, Atque dubitamus inquit, utrum ista sanitas fuerit, an uitium? quis enim non fateatur: cum ex omnibus oratoris laudibus longe ista sit maxima, inflammare animos audientium: et quocunque res postulet modo flectere: qui hac uirtute caruerit, id ei, quod maximum fuerit, defuisse? Sit sanè ita inquam, sed redeamus ad eum, qui iam unus restat, Hortensium, tum de nobismetipsis, quoniam id etiam Brute postulas, pauca dicemus, quanquam facienda mentio est, ut quidem mihi uidetur, duorum adolescentium, qui si diutius uiuissent, magnam essent eloquentiæ laudem consecuti. C. Curionem te inquit Brutus, et C. Licinium Calpurnium arbitror dicere. Recte inquam arbitraris, quorum quidem alter, quod uerisimile dixisset, ita facile, soluteque uerbis uolebat, satis iterdum acutus, et utbras quidem certe sententias, ut nihil posset ornatius esse, nihil expeditius: atque

hic à

hic parum à magistris institutus naturam habuit admirabile ad dicendum, industriam non sum expertus, studium certe fuit, qui si me audire uoluisset, ut coeperat, honores, quam opes consequi maluisset. Quidnam est inquit istuc? & quemadmodum distinguis? Hoc modo inquam. Cum honos sit præmium uirtutis iudicio, & studioque ciuium delatum ad aliquem, qui cum sententijs, qui susfragijs adeptus est, is mihi & honestus, & honoratus uidetur. Qui autem occasione aliqua etiam inuitis suis ciuibz nactus est imperium, ut ille cupiebat, hunc nomen honoris adeptum, non honorem puto, quæ si ille audire uoluisset, maxima cum gratia, et gloria ad summam amplitudinem peruenisset, ascendens gradibus magistratu, ut pater eius fecerat, ut reliqui clariore uiri. Quæ quidem etiam cum P. Crasso M. F. cum initio ætatis ad amicitiam se meam contulisset sæpe egisse me arbitror, cum cum uehementer hortarer, ut eam laudis uiam rectissimam esse duceret, quam maiores eius citratam reliquissent: erat enim cum institutus optime, tum etiam perfecte, planeque eruditus: ineratque & ingenium satis acre, & orationis non inelegans copia, prætereaque sine arrogantiâ grauis esse uidebatur, & sine segnitia uerecundus, sed hunc quoque ablorbuit æstus quidam insolitæ adolescentibus gloriæ, qui quia nauarat miles operam imperatori, imperatorem se statim esse cupiebat, cui muneri mos maiorum ætatem certam, sortem incertam reliquit: Ita grauissimo suo casu dum Cyri, & Alexandri similis esse uoluit, qui suum cursum transcurrerant, & L. Crassi, & multorum Crassorum inuentus est dissimillimus. Sed ad Caluum, is enim nobis erat propositus, reuertamur, qui orator fuisset, cum literis eruditior, quam Curio, tum etiam accuratius quoddam dicendi, & exquisitius asterebat genus, quod quanquam scienter, eleganterque tractabar, nimium tamen inquirens in se, atque ipse se obseruans, metuensque ne uitiosum colligeret, etiam uerum sanguinem dependebat. Itaque eius oratio nimia religione attenuata, doctis, et attente audientibus erat illustris, à multitudine autem, & à foro, cui nata eloquentia est, deuorabatur. Tum Brutus, Atticum se inquit Caluus noster dici oratorem uolebat, inde erat ista exilitas, quam ille de industria consequebatur. Dicebat inquam ita, sed & ipse errabar, & alios etiam errare cogebat: nam si quis eos, qui nec inepte dicunt, nec odiose, nec putide, attice putat dicere, is recte, nisi Atticum, probat neminem: insulsiatatem enim, & insolentiam tanquam insaniam quandam orationis odit, sanitatē autem, & integritatem quasi religionem, & uerecundiam oratoris probat, hæc omnium debet oratorum eadem esse sententia: Sin autem iciunitatem, & siccitatem, & inopiam dummodo sit polita, dum urbana, dum elegans, in attico genere ponit, hoc recte duntaxat, sed quia sunt in atticis alia meliora, uideat, ne ignoret & gradus, & dissimilitudines, & uim, & uarietatem atticorum. Atticos inquit uolo imitari, quos? nec enim est unum genus, nam quid est tam dissimile, quam Demosthenes, & Lyfias? quam idem, & Hyperides, quam horum omnium Æschines? quem igitur imitaris? Si aliquem, ceteri ergo attice non dicebant: si omnis, qui potest cum sint ipsi dissimillimi inter se. In quo illud etiam quaero, Phalereus ille Demetrius attice? ne dixerit: mihi quid ex illius orationibus redolere ipse Atheæ uidentur. At est floridior, ut ita dicam, quam Hyperides, quam Lyfias: natura quædam, aut uoluntas ita dicendi fuit. Et quidem duo fuerunt per idem tempus dissimiles inter se, sed attici tamen, quorum Charisius multarum orationum,

quas scribebat alijs, cum cupere uideretur imitari Lyſiam: Demochares autē, qui fuit Demotheſeni ſororis filius, & orationes ſcripſit aliquot, & earū rerum hiftoriam, quæ erant Athenis ipſius ætate geſtæ, non tam hiftorico, quàm oratorio genere perſcripſit. At Charifijs uult Hegeſias eſſe ſimilis, iſq; ſe ita putat atticum, ut ueros illos præ ſe penè agreſtis puer. At quid eſt tam fractum, tam minutum, tam in ipſa, quam tamen conſequitur, concinnitate puerile? Atticorum ſimiles eſſe uolumus, optime. Sunt ne igitur ij attici oratores: quis negare poteſt: hos imitamur. quo modo? qui ſunt et inter ſe diſſimiles, et aliorum. Thucydidem inquit imitamur, optime. ſi hiftoriam ſcribere, non ſi cauſas dicere cogitatis: Thucydides enim rerum geſtarum pronuntiator ſincerus, & grandis etiā fuit, hoc ſorenſe concertatorium iudiciale non tractauit genus. Orationes autem, quas interpolauit (multæ enim ſunt) eas ego laudare ſoleo, imitari neq; poſſim, ſi uelim: nec uelim fortasſe, ſi poſſim, ut ſiquis ſalerno uino delectetur, ſed eo nec ita nouo, ut proximis conſulibus natum uelit, nec rursus ita uetere, ut Opimiū, aut Anicium conſulem quærat. Atqui eæ notæ ſunt optimæ: credo, ſed nimia uetuſtas nec habet eam, quam quærimus, ſua uita, nec eſt iam ſanè tolerabilis. Num igitur, qui hoc ſentiat, ſi is potare uelit, de dolio ſibi hauriendum putet: minime, ſed quandam ſequatur ætatem, ſic ego iſtis cenſuerim, & nouam iſtam quaſi de muſto, ac lacu ſeruידam orationem fugiendam, nec illam præclaram Thucydidī nimis ueterem tanquam Anicianam notam perſequendam: ipſe enim Thucydides ſi poſterius fuiſſet, multo maturior fuiſſet, & mitior. Demotheſenem igitur imitemur. O dii boni quid quaſi nos aliud agimus, aut quid aliud optamus? at non aſſequimur: iſti enim uidelicet Attici noſtri, quod uolunt, aſſequuntur: ne illud quidem intellegunt, non modo ita memoriæ proditum eſſe, ſed ita neceſſe fuiſſe, cum Demotheſenes dicturus eſſet, ut concurſus, audiendi cauſa, ex tota Græciā fierent. At cum iſti attici dicunt, non modo à corona (quod eſt ipſum miſerabile) ſed etiam ab aduocatis relinquuntur. Quare ſi anguſte, & exiliter dicere eſt Atticorum, ſint ſanè attici, ſed in comitium ueniant, ad ſtancem iudicem dicant: ſubſellia grandiores, & pleniorē uocem deſiderant. Volo hoc oratori contingat, ut cum auditum ſit eum eſſe dicturum, locus in ſubſellijs occupetur, cōpleatur tribunal, gratioſi ſcribæ ſint in dando, & cedendo loco, corona multiplex, iudex erectus, cū ſurgit is, qui dicturus ſit ſignificetur à corona ſilentiū, deinde crebræ aſſenſiones, multæ admirationes, riſus cum uelit, cum uelit fleſtus, ut qui hæc procul uideat, etiā ſiquid agatur, neſciat, at placere tamen, & in ſcena eſſe Roſcium intelligat. Hæc cui contingant, eum ſcito attice dicere, ut de Pericle audiuiſus, ut de Hyperide, Æſchine, de ipſo quidem Demotheſene maxime. Sin autem acutum, prudens, & idem ſincrum, & ſolidum, & exiccatum genus orationis probant, nec illo grauiore ornatu oratorio utuntur, & hoc proprium eſſe atticorū uolunt, recte laudant: eſt enim in arte tanta, tamq; uaria, etiā huic minutæ ſubtilitati locus, ita fiet, ut non omnes, qui atticē, ijdem benè, ſed ut omnes, qui benè, ijdem etiā atticē dicant. Sed redeamus rursus ad Hortenſium. Sanè quidem inquit Brutus, quāquam iſta mihi tua ſunt periuicunda à propoſita oratione digreſſio. Tum Atticus, Aliquoties ſum inquit conatus, ſed interpellare nolui. Nunc quoniam ad perorandum ſpectare uidetur ſermo tuus, dicam, opinor, quod ſentio. Tu uero inquam Tice.

Tum

Tum ille, Ego inquit ironiam illam, quam in Socrate dicunt fuisse, qua ille in Platonis, & Xenophontis, & Æschini libris utitur, facietam, & elegantem putato: est enim & minime inepti hominis, & eiusdem etiam faceti, cum de sapientia disceretur, hanc sibi ipsum detrahente: eis tribuere illudentem, qui eam sibi arrogant: ut apud Platonem Socrates in cœlum effert laudibus Protagorā, Hippium, Prodicum, Gorgiam, ceteros: se autem omnium rerum inficium fingit, & rudem. decet hoc nescio quomodo illum: nec Epicuro, qui id reprehendit, assentior: sed in historia, qua tu es usus in omni sermone, cum qualis quisque orator fuisset, exponeres: uide quæso inquit, ne tam reprehendenda sit ironia, quam in testimonio. Quorsus inquā istuc? nō enim intelligo. Quia primum inquit ita laudauisti quosdam oratores, ut imperitos posses in errorem inducere. Equidem in quibusdam risum uix tenebam, cum Attico Lysiae Catonem nostrum comparabas, magnū mehercule hominem, uel potius sum mum, & singularem uirum, nemo dicet secus, sed oratorem, sed etiam Lysie similem, quo nihil potest esse pictius, bella ironia si iocaremur: sin assueueramus, uide, ne religio nobis tam adhibēda sit, quā si testimonium diceremus. Ego enim Catonem tuum, ut ciuem, ut senatorem, ut imperatorem, ut uirum denique cum prudentia, & diligentia, tum omni uirtute excellentem probō: orationes autem eius, ut illis temporibus, ualde laudo: significant enim formam quandam ingenij, sed admodum impolitam, & planē rudem. Origines uero cum omnibus oratoris laudibus refertas diceres, & Catonem cum Philisto, et Thucydide comparares: Bruto ne te id censebas, an mihi probaturum? quos enim ne ē græcis quidem quisquam imitari potest, ijs tu comparas hominem thusculanum, non dum suspicantem quale esset copiose, & ornate dicere. Galbam laudas: si ut illius ætatis principem, assentior: sic enim accepimus: sin ut oratorem, cedo quæso orationes (sunt enim) & dic hunc, quem tu plus, quā te amas Brutum, uelle te illo modo dicere. Probas Lepidi orationes: paulum hic tibi assentior, modo ita laudes, ut antiquas: quod item de Africano, de Lælio, cuius tu oratione negas fieri quidquam posse dulcius: addis etiam nescio quid angustius, nomine nos capi summi uiri, uitæq; elegantissimæ uerissimis laudibus: remoue hæc, nā ista dulcis oratio ita sit abiecta, ut eam aspicere nemo uelit. Carbonem in summis oratoribus habitum scio: sed cum in ceteris rebus, tum in dicendo semper, quoniam nihil est melius, id laudari, qualecunque est, solet. Dico idem de Gracchiis: et si de eis ea sunt a te dicta, quibus ego assentior: omitto ceteros, uenis ad eos, in quibus iam perfectam putas esse eloquentiam, quos ego audiui sine controuersia magnos oratores, Crassum, & Antonium: de horum laudibus tibi prorsus assentior, sed tamen non isto modo: ut Polycleti Doryphorum sibi Lysippus aiebat, sic tu suasionem legis seruiliæ tibi magistratam fuisse: hæc germana ironia est: cur ita sentiam non dicam, ne me tibi assentari putes. Omitto igitur, quæ de ijs ipsis, quæ de Cotta, quæ de Sulpicio, quæ modo de Cœlio dixeris: ij enim fuerunt certe oratores: quantū autem, & quales, tu uideris: nam illud minus curo, quod congestisti operarios omnis, ut mihi uideantur mori uoluisse nonnulli, ut a te in oratorum numerum referrentur. Hac cum ille dixisset: longi sermonis initium depulisti inquam Attice, remq; commouisti noua disputatione dignam, quam in aliud tempus differamus: uolendi enim sunt libri, cum aliorum, tum in primis Ca-

tonis, intelliges nihil illius lineamentis, nisi corp pigmentorum, quæ inuēta nō dum erant, florem, & colorem defuisse: nam de Crassi oratione sic existimo, ipsum fortasse melius potuisse scribere, aliū, ut arbitror, neminem: nec in hoc ironiam duxeris esse, quod eam orationem mihi magistratū fuisse dixerim: nam & si tu melius existimare uideris, de ea si quam nunc habemus, facultate, tamen adolescentes, quid in latinis potius imitemur, non habebamus: quod autem plures à nobis nominati sunt, eo pertinuit (ut paulo ante dixi) quod intelligi uolui in eo, cuius omnes cupidissimi essent, quàm pauci digni nomine euaderent. Quare *ἀπαυξάνω*, me, ne, si Africanus quidem fuit (ut ait in historia sua C. Fannius) existimari uelim. Ut uoles inquit Atticus: ego enim non alienū à te putabam, quod et in Africano fuisset, & in Socrate. Tum Brutus de isto postea, sed tu inquit me intuens orationes nobis ueteres explicabis? Vero inquam Brute, sed in Cumano, aut in Tusculano aliquando, si modo licebit, quoniam utroque in loco uicini sumus: sed iam ad id, unde digressi sumus, reuertamur. Hortensius igitur cum admodum adolescens orsus esset in foro dicere, celeriter ad maiores causas adhiberi ceptus est, quanquam inciderat in Cottæ, & Sulpicij ætatem, qui annis decem maiores, excellentem tum Crasso, et Antonio, deinde Philippo, post Iulio, cum ijs ipsis dicendi gloria comparabatur. Primum memoria tanta, quanta in uiro cognouisse me arbitror, ut quæ secum commentatus esset, ea sine scripto uerbis eisdem redderet, quibus cogitauisset, hoc adiumento ille tanto, sic utebatur, ut sua & cōmentata, & scripta, & nullo referente, omnia aduersariorum dicta meminisset. Ardebat autem cupiditate sic, ut in nullo unquā flagrantius studium uiderim, nullum enim pariebatur esse diem, quin aut in foro diceret, aut meditaretur extra forum: Sepis sime autem eodem die utrūque faciebat, attuleratq; minime uulgare genus dicendi, duas quidem res, quas nemo alius, partitiones quibus de rebus dicturus esset, & collectiones, memor & quæ essent dicta contra, quæq; ipse dixisset. Erat in uerborum splendore elegans, compositione aptus, facultate copiosus, eaq; erat cum summo ingenio, cum exercitationibus maximis consecutus, reu complectebatur memoriter, diuidebat acute, nec prætermittebat serè quidquam, quod esset in causa, aut ad confirmandum, aut ad refellendum, uox canora, & suavis, motus, & gestus etiam plus artis habebat, quàm erat oratori satis. Hoc igitur florescente Crassus est mortuus, Cotta pulsus, iudicia intermissa bello, nos in forum uenimus. Erat Hortensius in bello primo anno miles, altero Trib. militum, Sulpicius legatus aberat, etiam M. Antonius, exercebatur una lege iudicium Varia, ceteris propter bellum intermissis: qui frequentes aderant, quanquam pro se ipsi dicebant, oratores non illi quidem principes L. Memmius, & Q. Pompeius, sed oratores tamen, teste disertio uterque Philippo, cuius in testimonio contentio, & uim accusatoris habebat, & copiam. Reliqui, qui tum principes numerabatur, in magistratibus erant, cotidieq; serè à nobis in concionibus audiebantur: erat enim Trib. pl. tum C. Curio, quanquam is quidem silebat, ut erat semel à cōcione uniuersa relictus. Q. Metellus celer non ille quidem orator, sed tamen infans, disertus autem Q. Varius C. Carbo. Cn. Pomponius, & ij quidem habitant in rostris. C. etiam Iulius, Æd. Cur. cotidie serè accuratas conciones habebat, sed me cupidissimum audiendi primus dolor percussit, Cotta cum expulsus: reliquos frequenter audiens acerrimo

acerrimo studio tenebar, cotidieq; & scribens, & legens, & commētans, oratorijs tantum exercitationibus contentus non eram. Iam conſequentē anno Q. Varius ſua lege damnatus exceſſerat: ego autem iuris ciuilis ſtudio multū operæ dabam Q. Scæuolę P. F. qui quanquam nemini ſe ad docēdum dabat, tamen conſulentiſſus reſpondendo, ſtudioſos audiendi docebat. Atque huic anno proximus Sulla Cos. & Pompeio ſui, tum P. Sulpicij in tribunatu cotiē die concionantis totum genus dicendi penitus cognouimus, eodemq; tempore cum princeps Academię Philo cum Athenienſium optimatibus Mithridatico bello domo profuſiſſet, Romamq; ueniſſet, totum ei me tradidi admirabili quodam ad philoſophiam ſtudio concitatus, in quo etiam commorabar attentius, & ſi rerum ipſarum uarietas, & magnitudo ſumma me delectatione retinebat, ſed tamen ſublata iam eſſe in perpetuum ratio iudiciorum uiſe debatur. Occiderat Sulpicius illo anno, treſq; proximo trium ætatum oratores erant crudeliſſime interfecti, Q. Catulus. M. Antonius. C. Iulius. Eodem anno etiam Moloni Rhodio Romę dedimus operam, & actori ſummo cauſarum, & magiſtro. Hęc & ſi uidentur eſſe à propoſita ratione diuerſa, tamen iccirco à me proferuntur, ut noſtrum curſum perſpicere, quoniam uoluisti, Brute poſſis, nam Attico hęc nota ſunt, & uidere quemadmodum ſimus in ſpatio Q. Hortenſiū ipſius ueſtigijs perſecuti. Triennium ſerē ſuit urbs ſine armis, ſed oratorum aut interitu, aut diſceſſu, aut fuga (nam aberant etiam adoleſcentes M. Crallius, & Lentuli duo) primas in cauſis agebat Hortenſius, magis, magisq; cotidie probabatur. Antiftius Piſo ſæpe dicebat, minus ſæpe Pomponius, raro Carbo, ſemel aut iterum Philippus. At uero ego hoc tempore omni, noctes & dies, in omnium doctrinarum meditatione uerſabar. Eram cum ſtoico Diodoto, qui, cum habitauiffet apud me, cumq; uixiſſet, nuper eſt domi meę mortuus, à quo cum in alijs rebus, tum ſtudioſiſſime in dialēctica exercebar. quę quaſi contracta, & aſtricta eloquentia putanda eſt, ſine qua etiam tu Brute iudicauisti, te illam iuſtam eloquentiam, quam dialēcticam eſſe dilatata putant, conſequi non poſſe. Huic ego doctori, & eius artibus uarijs, atque multis ita eram tamen deditus, ut ab exercitationibus oratorijs nullus dies uacuus eſſet. Commentabar declamitans (ſic enim nunc loquuntur) ſæpe cum M. Piſone, & cum Q. Pompeio, aut cum aliquo cotiē die, idq; faciebam multum etiam latine, ſed græcē ſæpius, uel quod græca oratio plura ornamenta ſuppeditans conſuetudinem ſimiliter latine dicendi aſſerebat, uel quod à græcis ſummis doctores, niſi græcē dicerem, neque corrigi poſſim, neque doceri. Tumultus interim pro recuperanda repu. & crudelis interitus oratorum trium, Scæuolę, Carbonis Antiftij, reſedit Cotta, Curionis, Cralli, Lentulorum, Pompeij, leges, & iudicia conſtituta, recuperata reſpu. ex numero autem oratorum Pomponius, Cenſorinus, Munerena ſublati, tum primum nos ad cauſas & priuatas, & publicas adire cepimus, non ut in foro diſceremus, quod plerique fecerunt, ſed ut quantum nos efficere poſuiſſemus, docti in forum ueniremus. Eodem tempore Moloni dedimus operam, dictatore enim Sulla legatus ad ſenatum de Rhodiorum præmijs uenerat. Itaque prima cauſa publica pro Sex. Roſcio dicta tantum comēdationis habui, ut non ulla eſſet, quę non digna noſtro patrocinio uideretur, deinceps inde multę, quas nos diligenter elaboratas, etiam quam elucubratas

afferebamus. nunc, quoniam totum me non nœuo aliquo, aut crepundijs, sed corpore omni uideris uelle cognoscere, complectar nonnulla etiam, quæ fortasse uideantur minus necessaria. Erat eo tempore in nobis summa gracilitas, & infirmitas corporis, procerum, & tenue collum, qui habitus, & quæ figura non procul abesse putatur à uitæ periculo, si accedit labor, & lacerum magna contentio. Eoq; magis hoc eos, quibus eram carus, commouebat, quod omnia sine remissione, sine uarietate, ui summa uocis, & totius corporis contentione dicebam. Itaque cum me & amici, & medici hortarentur, ut causas agere desisterem, quoduis potius periculum mihi adeundum, quàm à sperata dicendi gloria discedendum putauì. Sed cum censerem remissione & moderatione uocis, & commutato genere dicendi me & periculum uitare posse, & temperatius dicere, ut consuetudinem dicendi mutarem, ea causa mihi in Asiam proficiscendi fuit. Itaque cum essem biennium uersatus in causis, & iam in foro celebratum meum nomen esset, Roma sum profectus. Cum uenissem Athenas sex menses cum Antiocho ueteris academix nobilissimo, & prudentissimo philosopho fui, studiumq; philosophix nunquam intermissum, à primaq; adolescentia cultum, & semper auctum, hoc rursus summo auctore, & doctore renouauì. Eodem tamen tempore Athenis apud Demetrium Syrum ueterem, & non ignobilem dicendi magistrum, studiose exerceri solebam, post à me Asia tota peragrata est, cum summis quidem oratoribus, quibus cum exercebar ipsis lubentibus, quorum erat princeps Menippus stratonicensis, meo iudicio tota Asia illis temporibus disertissimus, & si nihil habere molestiarum, nec ineptiarum atticorum est, hic orator in illis numerari recte potest. Assiduissime autem mecum fuit Dionysius Magnes, erat etiam Æschilus Gnidius. Adramyttenus Xenocles, hi tum in Asia rhetorum principes numerabantur, quibus non contentus Rhodum ueni, meq; ad eundem, quem Romæ audiueram, Molonem applicauì, cum actorem in ueris causis, scriptoremq; præstantem, tum in notandis, animaduertendisq; uitijs, & instituendo, docendoq; prudentissimum. Is dedit operam, si modo id consequi potuit, ut nimis redundantes nos, & superfluentes iuuenili quadam dicendi impunitate, & licentia, reprimeret, & quasi extra ripas fluentem coherceret. Ita recepi me biennio post non modo exercitior, sed propè mutatus: nam & contentio nimia uocis reciderat, et quasi reseruata oratio, lateribusq; uires, & corporis mediocris habitus accesserat, duo tum excelebant oratores, qui me imitandi cupiditate incitarent, Cotta, & Hortensius, quorum alter remissus, & lenis, & proprijs uerbis comprehendens solute, & facile sententiam, alter ornatus, acer, & non talis, qualem tu cum Brute iam de flore scētem cognouisti, sed uerborum, & actionis genere commotior. Itaq; cū Hortensio mihi magis arbitrabar rem esse, quod & dicendi ardore erā propior, & ætate coniunctior. Etenim uideram in iisdem causis, ut pro M. Canuleio, pro Cn. Dolobella consulari, cum Cotta princeps adhibitus esset, priores tamē agere partis Hortensium, acrem enim oratorē, incensum, & agentem, & canorum, concursus hominum, soriq; strepitus desiderat. Vnum igitur annum cum rediissemus ex Asia causas nobilis egimus, cum quæsturam nos, consulatum Cotta, edilicem petiret Hortensius: interim me quæstorē Siciliensis excepit annus. Cotta ex consulari profectus in Galliam: princeps & erat, & habebatur Hortensius.

Cum

Cum autē anno post ē Sicilia me recepissē, iam uidebatur illud in me, quid quid esset, esse perfectum, & habere maturitatem quandam suam. Nimis multa uideor de me, ipse prefertim, sed omni huic sermoni propositum est, non ut ingenium, & eloquentiam meam perspicias, unde longe ab sum, sed ut laborē, & industriam. Cū igitur essem in plurimis causis, & in principibus patronis quinquennium ferē uersatus, tum in patrocinio Siciliensi maxime in certamē ueni designatus ēdilis cum designato consule Hortensio. Sed quoniam omnis hic sermo noster nō solum enumerationem oratoriam, uerumetiam pręcepta quędam desiderat, quid tanquam notādum, & animaduertendum sit in Hortensio, breuiter licet dicere: nam is post cōsulatum (credo quod uideret ex cōsularibus neminem esse secum comparandum, negligeret autem eos, qui cōsules non fuissent) summum illud suum studium remisit, quo à puero fuerat incēsus, atque in omnium rerum abundantia uoluit beatus, ut ipse putabat, remisissus certe uiuere. primus, & secundus annus, & tertius tantum quasi de picture ueteris colore detraxerat, quantū non quiuis unus ex populo, sed existimator doctus, & intelligens posset cognoscere. Longius autem procedens, & in ceteris eloquentię partibus, tum maxime in celeritate, & continuatione uerborum adhærescens sui dissimilior uidebatur fieri cotidie. Nos autem non desistebamus, cum omni gentē re exercitationis, tum maxime stylo nostrum illud quod erat, augere, quantūcunque erat. Atque (ut multa omittam) in hoc spatio, & in ijs post ædilitatem annis, & prætor primus, & incredibili populari uoluntate sum factus: nam, cum propter assiduitatem in causis, & industriam, tum propter exquisitius, & minime uulgare orationis genus, animos hominum ad me dicēdi nouitate conuerterā. Nihil de me dicā: dicam de ceteris, quorum nemo erat, qui uideretur exquisitius, quā uulgus hominū studuisse literis, quibus sons perfectę eloquentię continetur: nemo, qui philosophiam cōplexus esset, matrem omnium benefactorum, beneq; dictorum: nemo, qui ius ciuile didicisset, rem ad priuatas causas, & ad oratoris prudentiam maxime necessariam: nemo, qui memoriam rerum romanarum teneret, ex qua si quando opus esset, ab inferis locupletissimos testes excitaret: nemo, qui breuiter, arguteq; incluso aduersario laxaret iudicū animos, atq; à seueritate paulisper ad hilaritatē, risumq; traduceret: nemo, qui dilatare posset, atq; à propria, ac definita disputatione hominis, ac temporis, ad cōmunem quæstionē uniuersi generis orationem traduceret: nemo, qui delectādi gratia digredi parumper à causā: nemo, qui ad iracundiam magno opere iudicem: nemo, qui ad fletum posset adducere: nemo, qui animum eius (quod unū est oratoris maxime propriū) quocūq; res postularēt, impelleret. Itaque cū iam penē euauissēt Hortensius, & ego anno meo, sexto autem post illum consulem cōsul factus essem, reuocare se ad industriam cōcepit, ne cum pares honore essemus, aliqua re superiores uideremur. Sic duodecim post meum cōsulatū annos in maximis causis, cū ego mihi illum, sibi me ille anteferebat, consuetissime uersati sumus, cōsulatusq; meus, qui illū primo leuiter perstrinxerat, idem nos rerū mearum gestarum, quas ille admirabatur, laude cōiunxerat. Maxime uero perspecta est utriusq; nostrū exercitatio, paulo ante quā perterritum armis hoc studium Brute nostrū contigit subito, & obmutuit, cū lege Pompeia ternis horis ad dicēdū datis ad causas simillimas inter se, uel potius easdem noui ueniebamus

cotidie, quibus quidem causis tu etiam Brute præsto fuisti, compluribusq; & nobiscum, & solus egisti: ut qui non satis diu uixerit Hortensius, tamen hunc cursum consecrerit, annis ante decem causas agere coepit, quam tu es natus, idem quartosexagesimo anno per paucis ante mortem diebus una tecum socerum tuum defendit Appium. Dicendi autem genus quod fuerit in utroque orationes utriusque etiam posteris nostris indicabunt: Sed si querimus, cur a adolescens magis floruerit dicendo, quam senior Hortensius, causas reperiemus uerissimas duas primū quod genus erat orationis asiaticum, adolescentiæ magis concessum, quam senectuti: Genera autem asiaticę dictionis duo sunt: Vnū sententiosum, & argutum, sententijs nō tam grauib; & seueris, quam cōcinnis, & uenustis, qualis in historia Timæus, in dicendo autem pueris nobis Hierocles Alabandeus, magis etiā Meneclēs frater eius fuit, quorū utriusque orationes sunt in primis, ut asiatico in genere laudabiles. Aliud autem genus est non tam sententijs frequentatum, quam uerbis uolucris, atque incitatu, quale est nunc Asia tota, nec flumine solū orationis, sed etiam exornato, & faceto genere uerborū, in quo fuit Æschylus Gnidius, & meus æqualis Milesius Æschines. In ijs erat admirabilis orationis cursus, ornata sententiarū concinnitas nō erat: Hęc autem (ut dixi) genera dicendi aptiora sunt adolescentibus, in senibus grauitatē non habent. Itaq; Hortensius utroq; genere florens, clamores faciebat adolescentis: habebat enim & Menecliū illud studium crebrarū, uenustarumq; sententiarum: in quibus ut in illo græco, sic in hoc erant quædā magis uenustæ, dulcesq; sententię, quam aut necessaria, aut interdum utiles: & erat oratio cum incitata, & uiibrans, tum etiam accurata, & polita. Non probantur hæc senibus, sæpe uidebam cum iridentem, tum etiam irascentem, & stomachantem Philippum, sed mirabantur adolescentes, multitudo mouebatur. Erat excellens iudicio uulgi, & facile primas tenebat adolescens: & si enim genus illud dicendi auctoritatis habebat parum, tamen aptum esse ætati uidebatur, & certè quod & ingenij quędam forma lucebat, & exercitatione perfecta erat, uerborumq; astricta comprehensio, summam hominū admirationem excitabat: Sed cum iam honores, et illa senior auctoritas grauius quiddam requireret, remanebat idem, nec decebat idem, quodq; exercitationē, studiumq; dimiserat, quod in eo fuerat acerrimum, concinnitas illa, crebritasq; sententiarum pristina manebat, sed ea uestitu illo orationis, quo cōsueuerat, ornata nō erat. Hoc tibi ille Brute minus sortasse placuit, quam placuisset, si illum flagrantem studio, & florentem facultate audire potuisses. Tum Brutus, Ego uero, inquit et ista, quę dicis uideo qualia sint, et Hortensium magnum oratorem semper putaui, maximeq; probaui pro Messalla dicentem, cum tu absuisti. Sic ferunt inquam: idq; declarat totidem, quot dixit (ut aiunt) scripta uerbis oratio. Ergo ille à Crasso Cos. & Scauola usque ad Paulum, & Marcellum Coss. floruit, nos in eodem cursu fuimus à Sulla dictatore, ad eosdem ferè Coss. Sic Q. Hortensij uox extincta fato suo est, nostra publico. Melius quæso ominare inquit Brutus. Sit sanè, ut uis inquam, & id non tam mea causa, quam tua, sed fortunatus illius exitus, qui ea non uidit, cum fierent, quę prouidit futura: sæpe enim inter nos impendentes casus defleuimus, cum belli ciuilis causas in primorum cupiditatibus inclusas, pacis spem à publico consilio esse exclusam uideremus: sed illum uidetur felicitas ipsius, qua semper est usus, ab eis miseris,

quæ

quæ consecutæ sunt, morte vindicauisse: Nos autem Brute, quoniã post Hortensij clarissimi oratoris mortem orbe eloquentiæ quasi tutores relictî sumus, domi teneamus eã septimã liberali custodiã, & hos ignotos, atque impudentes procos repudiemus, tueamurq; ut adultam uirginem caste, & ab armatorum impetu quantum possumus, prohibeamus. Equidem, & si doleo, me in uitam paulo serius tanquam in uiam ingressum priusquam confectum iter sit, in hæc reip. noctem incidisse, tamen ea consolatione sustentor, quam tu mihi Brute adhibuisti tuis suauissimis literis, quibus me forti animo esse oportere censebas, quod ea gessissem, quæ de me etiã me tacente ipsa loquerentur, mortuoq; uiuerent. Quæ, si recte esset, saluti reip. sin secus, interitu ipso testimonium meorum de rep. consiliorum darent: sed in te intuens Brute doleo, cuius in adolescentiam per medias laudes, quasi quadrigis uehementem transuersa incurrit misera fortuna reip. hic me dolor tangit, hæc cura sollicitat, & hunc mecum socium elusum & amoris, & iudicij. Tibi fauimus, te tua frui uirtute cupimus, tibi optamus eam rempu. in qua duorum generum amplissimorum renouare memoriam, atq; augere possis: tuum enim forum, tuum erat illud curriculum, tu illuc ueneras unus, qui non linguam modo acuisisses exercitatione dicendi, sed & ipsam eloquentiam locupletauisses grauiorum artium instrumento, & isdem artibus decus omne uirtutis cum summa eloquentiæ laude iunxisses: ex te duplex nos afficit sollicitudo, quod & ipse rep. careas, & illa te. Tu tamen, & si cursum ingenij tui Brute premit hæc importuna clades ciuitatis, contine te in tuis perennibus studijs, & effice id, quod iam propemodum, uel planè potius effeceris, ut te eripias ex ea, quam ego congesti in hunc sermonem, turba patronorum: nec enim decet te ornatum uberrimis artibus, quas cum domo haurire non posses, arcessiueris ex urbe ea, quæ domus est semper habita doctring, numerari in uulgo patronorum: Nam quid te exercuit Pammenes uir longe eloquentissimus Græciæ? quid illa uetus Academiã, atque eius hæres Aristus hospes, & familiaris meus, siquidem similes maioris partis oratorum futuri sumus? non ne cernimus uix singulis ætatibus binos oratores laudabilis constituisse? Galba fuit inter tot æquales unus excellens, cui, quemadmodum accepimus, & Cato cedebat senior, & qui temporibus illis ætate inferioriores fuerunt, Lepidus postea, deinde Carbo: nam Gracchi in concionibus multo faciliore, & liberiore genere dicendi, quorum tamen ipsorum ad ætatem laus eloquentiæ perfecta non dum fuit, Antonius, Crassus, post Corra, Sulpicius, Hortensius, nihil dico amplius, tantum dico, si mihi accidisset, ut numerarer in multis,

* si operosa est concurratio magis opportunorum.



VTRUM difficilius, aut maius esset negare tibi sapius idē rogāti, an efficere id, quod rogares, diu, multumq; Brute dubitavi: Nā & negare ei, quem unice diligere, cuiq; me carissimū esse sentirem, presertim et iusta petenti, & praeclara cupiēti, durum admodum mihi uidebatur, & suscipere tantam rem, quātam nō modo facultate cōsequi difficile esset, sed etiam cogitatione complecti, uix arbitrabar esse eius, qui ueretur reprehensionem doctōrum, atque prudentium. Quid enim est maius, quā cum tanta sit inter oratores bonos dissimilitudo, iudicare, quē sit optima species, & quasi figura dicēdi: Quod quoniam me sapius rogas, aggrediar, non tam perficiū di spe, quā experiundi uoluntate: malo enim cum studio tuo sim obsecutus, desiderari à te prudentiam meam, quā si id non fecerim, beneuolentiam. Quæris igitur, idq; iam sapius, quod eloquentiæ genus probem maxime, & quale mihi uideatur illud, cui nihil addi possit, quod ego summum et perfectissimum iudicem. In quo uereor, ne, si id, quod uis, effecero, eumq; oratorem, quem quæris, expressero, tardem studia multorum, qui desperatione debilitati, experiri id nolent, quod se assequi posse diffidant. Sed par est omnia experiri, qui res magnas, et magno opere expectēdas cōcupiuerunt. Quod si quem aut natura sua, aut illa præstantis ingenij uis, forte deficiet, aut minus instructus erit magnarum artium disciplinis, teneat tamē eum cursum, quem poterit: prima enim sequentem, honestum est in secundis, tertijsq; consistere. An in poētis, non Homero soli locus est (ut de grecis loquar) aut Archiloco, aut Sophocli, aut Pindaro, sed horum uel secundis, uel etiam infra secundos. Nec uero Aristotelem in philosophia deterruit à scribendo amplitudo Platonis: nec ipse Aristoteles admirabili quadam scientia, & copia ceterorum studia restinxit: nec solum ab optimis studijs excellentes uiri deterriti non sunt, sed ne opifices quidem se artibus suis remouerunt, qui aut Ialysi, quem Rhodi uidimus, non potuerunt, aut Coæ Veneris pulchritudinem imitari: nec simi Iachro Iouis olympij, aut Doryphori statua deterriti, reliqui minus experti sunt, quid efficere, aut quō progredi possent. Quorum tanta multitudo fuit, tanta in suo cuiusque genere laus, ut cum summa miraremur, inferiora tamē probaremus. In oratoribus uero, grecis quidem, admirabile est, quantum inter omnes unus excellat. Attamen, cum esset Demosthenes, multi oratores magni, & clari fuerunt, & antea fuerant, nec postea defecerunt: Quare non est, eorum, qui se studio eloquentiæ dediderunt, spes infringatur, aut languet sciat industria: nam neque illud ipsum, quod est optimum, desperandum est, et in presentibus rebus magna sunt ea, quæ sunt optimis proxima. Atque ego in summo oratore fingēdo talem informabo, qualis fortasse nemo fuit: nō enim quero quis fuerit, sed quid sit illud, quo nihil esse possit præstantius, quod in perpetuitate dicendi non sæpe, atque haud scio, an unquam, in aliqua autem parte, eluceat aliquando, idem apud alios densius, apud alios fortasse rarius.

Sed ego

Sed ego sic statuo, nihil esse in ullo genere tam pulchrum, quo non pulchrius id sit, unde illud, ut ex ore aliquo quasi imago, exprimatur, quod neque oculis, neque auribus, neque ullo sensu percipi potest, cogitatione tantum, & mente complectimur. Itaque & Phidiae simulachris, quibus nihil in illo genere perfectius uidemus, & his picturis, quas nominavi, cogitare tamen possumus pulchriora. Nec uero ille artifex, cum faceret Iouis formam, aut Mineræ, contemplantur aliquem, è quo similitudinem duceret, sed ipsius in mente insidebat species pulchritudinis eximia quedam, quam intus, in eaque defixus, ad illius similitudinem artem, & manum dirigebat. Ut igitur in formis, & figuris est aliquid perfectum, & excellens, cuius ad cogitam speciem imitando referuntur ea, quæ sub oculis ipsa non cadunt, sic perfectæ eloquentiæ speciem animo uidemus, effigiem auribus querimus. Has rerum formas appellat ideas ille non intelligendi solum, sed etiam dicendi grauissimus author, & magister Plato, easque gigni negat, & ait semper esse, ac ratione, & intelligentia contineri, cetera nasci, occidere, fluere, labi, nec diutius esse uno, & eodem statu. Quidquid est igitur, de quo ratione, & uia dispuretur, id est ad ultimam sui generis formam, speciemque redigendum. Ac uideo hanc primam ingressionem meam non ex oratoris disputationibus ductam, sed è media philosophia repetitam, & eam quidem, cum antiquam, tum subobscuram, aut reprehensionis aliquid, aut certe admirationis habituram: Nam aut mirabuntur, quid hæc pertineant ad ea, quæ querimus, quibus satisfaciet res ipsa cognita, ut non sine causa alte repetita uideatur: aut reprehendent, quod inusitatas uias indagemus, tritas relinquamus. Ego autem & me sæpe noua uideri dicere intelligo, cum per uetera dicam, sed inaudita plerisque, et fateor me oratorem, si modo sim, aut etiam quicumque sim, non ex rhetorum officinis, sed ex academici spatij extitisse: illa enim sunt curricula multiplicium, uariorumque sermonum, in quibus Platonis primum sunt impressa uestigia, sed & huius, & aliorum philosophorum disputationibus & exagritus maxime orator est, & adiutus: omnis enim ubertas, & quasi sylua dicendi ducta ab illis est, nec satis tamen instructa ad forenses causas, quas, ut illi ipsi dicere solebant, agrestioribus musis reliquerunt, sic eloquentia hæc forensis, sperata à philosophis, & repudiata, multis quidem illa adiumentis, magnisque caruit, sed tamen ornata uerbis, atque sententijs iactationem habuit in populo, nec paucorum iudicium, reprehensionemque pertinuit. Ita & doctis eloquentia popularis, & disertis elegans doctrina defuit. Post eum sit igitur in primis, quod post magis intelligetur, sine philosophia non posse effici, quem querimus eloquentem: Non ut in ea tamen omnia sint, sed ut sic adiuet, ut palæstra histrionem, parua enim magnis sæpe rectissime conferuntur: nam nec latius, nec copiosius de magnis, uariisque rebus sine philosophia potest quicquam dicere, siquidem etiam in Phædro Platonis hoc Periclem prestitisse ceteris dicit oratoribus Socrates, quod is Anaxagoræ physici fuerit auditor, à quo censet eum, cum alia præclara quedam, & magnifica didicisset, uberem, & fecundum fuisse, gnarumque (quod est eloquentiæ maximū) quibus orationis modis quæque animorum partes pellerentur: quod idem de Demosthene existimari potest, cuius ex epistolis intelligi licet, quam frequens fuerit Platonis auditor. Nec uero sine philosophorum disciplina genus, & speciem cuiusque rei cernere, neque eam definiendo explicare, nec tribuere in partes

possumus, nec iudicare quæ uera, quæ falsa sint, neque cernere consequentia, re pugnancia uidere, ambigua distinguere. Quid dicam de natura rerum? cuius cognitio magnam orationis suppeditat copiam, de uita, de officijs, de uirtute, de moribus, sine multa earũ ipsarum rerum disciplina aut dici, aut intelligi posset: ad has tot, tantasq; res adhibenda sunt ornamenta innumerabilia, quæ sola tum quidem trangebantur ab ijs, qui dicendi numerabatur magistri. Quo fit, ut ueram illam, & absolutam eloquentiam nemo consequatur, quod alia intellegendi, alia dicendi disciplina est, & ab alijs rerũ, ab alijs uerborum doctrina quæritur. Itaq; M. Antonius, cui uel primas eloquentiæ patrum nostrorũ tribuebat ætas, uir natura peracutus, & prudens, in eo libro, quem unũ reliquit, difertos ait se uidisse multos, eloquentem omnino neminem: Insidebat uidelicet in eius mente species eloquentiæ, quam cernebat animo, re ipsa non uidebat. Vir autem acerrimo ingenio (sic enim fuit) multa & in se, & in alijs desiderans, neminem planè, qui recte appellari eloquens posset, uidebat. Quod si ille nec se, nec L. Crassum eloquentem putauit, habuit profecto comprehensam animo quandam formam eloquentiæ, cui quoniam nihil deerat, eos quibus aliquid, aut plura deerant, in eam formam non poterat includere. Inuestigamus hunc igitur Brute, si possumus, quæ nunquam uidit Antonius, aut qui omnino nullus unquam fuit, quem si imitari, atque exprimere non possumus, quod idem ille uix deo concessum esse dicebat, at qualis esse debeat, poterimus fortasse dicere. Tria sunt omnino genera dicendi, quibus in singulis quidam floruerunt, peræque autè, id quod uolumus, perpauca in omnibus: Nam & grandiloqui, ut ita dicam, fuerunt cum ampla & sententiarum grauitate, & maiestate uerborum, uehementes, uarij, copiosi, graues, ad permouendos, & conuertendos animos iustruati, & parati, quod ipsum alij aspera, tristi, horrida oratione, neque perfecta, neque conclusa: Alij leui, & instructa, & terminata: Et contra tenues, acuti, omnia docentes, & dilucidiora, non ampliora facientes, subtili quadam, & pressa oratione limati: in eodemq; genere alij callidi, sed impoliti, & consulto rudium similes, & imperitorum, alij in eadem ieiunitate coccinniores, id est faceti, florètes etiam, & leuiter ornati. Est autem quidam interiectus intermedius, & quasi temperatus, nec acuminè posteriorum, nec fulmine utens superiorum, ut cinnus amborum, in neutro excellens, utriusque particeps, uel utriusque, si uerum quærimus, potius expers: isq; uno tenore, ut aiunt, in dicendo fluit, nihil afferens præter facultatem, & æqualitatem, aut addit aliquos, ut in corona, toros, omnemq; orationem ornamentis modicis uerborum, sententiarumq; distinguit. Horum singulorum generum quicumque uim singulis consecuti sunt, magnum in oratoribus nomen habuerunt. Sed quærendum est, satisne id, quod uolumus, effecerint: uidemus enim fuisse quosdam, qui iisdem ornate, ac grauius, iisdem uersute, & subtiliter dicerent: Atque utinam in latinis talis oratoris simulachrum reperire possemus, effectus egregium non quærere externa, domesticis esse contentos. Sed ego idem, qui in illo sermone nostro, qui est expositus in Bruto, multũ tribuerim latinis, uel ut hortarer alios, uel quod amarem meos, recorder longe omnibus unum antefere Demosthenem, qui uim accommodarit ad eam, quam sentiam, eloquentiam, non ad eam, quam in aliquo ipse cognouerim. Hoc nec grauior extitit quisquam, nec callidior, nec temperator: Itaq; nobis monendi sunt ij, quorũ sermo

sermo imperitus increbuit, qui aut dici se desiderant atticos, aut ipsi attice uolunt dicere, ut mirentur hūc maxime, quo Athenas quidem ipsas magis credo fuisse atticas, quid enim sit atticum, discant, eloquentiamq; ipsius uiribus non imbecillitate sua metiantur: Nunc enim tantum quisque laudat, quantum se posse sperat imitari: sed tamen eos studio optimo, iudicio minus firmo præditos, docere, quæ sit propria laus atticorum, nō alienum puto. Semper oratorum eloquentiæ moderatrix fuit auditorum prudentia: omnes enim, qui probari uolunt, uoluntatem eorum, qui audiunt, intuentur, ad eamq; et ad eorum arbitrium, & nutum totos se fingunt, & accommodant. Itaq; Caria, & Phrygia, & Mysia, quod minime politæ, minimeq; elegantes sunt, ac scierunt aptum suis auribus opimum quoddam, & tanquam adipatæ dictionis genus, quod eorum uicini, non ita lato interiecto mari, Rhodij nunquam probauerunt: Græci autem multo minus, Athenienses uero funditus repudiauerunt, quorum semper fuit prudens, sincerumq; iudicium, nihil ut possent, nisi incorruptum audire, & elegans. Eorum religioni cum seruiret orator, nullum uerbum insolens, nullum odiosum ponere audebat. Itaque hic, quem præstitisse diximus ceteris, in illa pro Ctesiphonte oratione lōge optima summissus à primo, deinde, dum de legibus disputat, pressius, post sensim incēdens, iudices ut uidit ardentes, in reliquis exultauit audacius. Ac tamen in hoc ipso diligenter examināte uerborum omnium pondera, reprehendit Æschines quædam, & exagitat, illudensq;, dura, odiosa, intolerabilia esse dicit: quin etiam querit ab ipso, cum quidem eum beluam appelleret, utrum illa uerba, an portenta sint, ut Æschini, ne Demosthenes quidem uideatur attice dicere: facile est enim uerbum aliquod ardens (ut ita dicam) notare, idq; restinctis iam animorum incendijs, irridere. Itaque se purgans iocatur Demosthenes, negat in eo positas esse fortunas Græciæ, in hoc in eum, huc, an illuc manū porrexerit. Quonā igitur modo audiretur Mysius, aut Phryx Athenis, cum etiam Demosthenes exagitetur ut putidus? Cū uero inclinata, ululantiq; uoce more asiatico canere cœpisset, quis eum ferret? aut potius quis non iuberet auferri? Ad Atticorum igitur aures teretes, & religiosas qui se accommodant, si sunt existimandi attice dicere. Quorum genera plura sunt, hi unum modo quale sit, suspicantur: putant enim qui horride, inculteque dicat, modo id eleganter, enucleateque faciat, eum solum attice dicere. Errant, quod solum, quod attice, non falluntur: istorum enim iudicio si solum illud est atticum, ne Pericles quidem dixit attice, cui primæ sine controversia deferebantur: qui si tenui genere uteretur, nunquam ab Aristophane poeta fulgere, tonare, permiscere Græciā dictus esset. Dicit igitur attice uenustissimus ille scriptor, ac politissimus Lysias: quæ enim id possit negare? dum intelligamus, hoc esse atticum in Lysia, non quod tenuis sit, atque inornatus, sed quod nihil habeat insolens, aut ineptum. Ornate uero, & grauitate, & copiose dicere, aut atticorum sit, aut ne sit Æschines, neue Demosthenes atticus. Ecce autem aliqui se thucydidos esse profitentur, nouum quoddam, imperitorum, & inauditum genus: Nam qui Lysiam sequuntur, causidicum quendam sequuntur non illum quidem amplum, atque grandem, subtilem, & elegantem tamen, & qui in forensibus causis possit præclare consistere. Thucydides autem res gestas, & bella narrat, & prælia, grauitate sanè, & probe, sed nihil ab eo transferri potest ad forensem usum, & publicum. Ipse illæ conciones

ita multas habet obscuras, abditasque sententias, uix ut intelligantur, quod est in oratione ciuili uitium uel maximum. Quæ est autem in hominibus tanta peruersitas, ut inuentis frugibus, glande uescantur: an uictus hominum atheniensium beneficio excoli potuit, oratio non potuit? Quis porro unquam grecorum rhetorum à Thucydide quidquam duxit? At laudatus est ab omnibus, fateor, sed ita, ut rerum explicator prudens, seuerus, grauis, non ut in iudicijs uersaret causas, sed ut in historijs bella narraret: itaque nunquam est numeratus orator: nec uero si historiam non scripisset, nomen eius extaret, cum præsertim fuisset honoratus, & nobilis: Huius tamen nemo neque uerborum, neque sententiarum grauitatem imitatur, sed cum mutila quedam, & hiantia locuti sunt, quæ uel sine inagistro facere potuerunt, germanos se putant esse Thucydidas. Nactus sum etiam, qui Xenophontis similem esse se cuperet, cuius sermo est ille quidem melle dulcior, sed à forensi strepitu remotissimus. Referamus igitur nos ad eum, quem uolumus inchoandum, & eadem eloquentia informandū, quam in nullo cognouit Antonius. Magnum opus omnino, & arduum Brete conamur, sed nihil difficile amanti puto: amo autem, & semper amaui ingenium, studia, mores tuos: incendor porro quotidie magis, non desiderio solum quo quidē conficior, congressus nostros, consuetudinē uictus, doctissimos sermones requirēs tuos, sed etiam admirabili fama uirtutum incredibilibus, quæ specie dispares prudentia coniunguntur: Quid enim tam distans, quam à leuerritate comitas? Quis tamen unquam te aut sanctior est habitus, aut dulcior? Quid tam difficile, quam in plurimorum controuersijs diiudicandis ab omnibus diligere, consequeris tamen, ut eos ipsos, quos contra statuas, æquos, placatosque dimittas: Itaque efficis, ut cum gratiæ causa nihil facias, omnia tamen sint grata, quæ facis. Ergo omnibus terris, una Gallia communi non ardet incendio, in qua frueris ipse te, cum in Italiæ luce cognosceris, uersarisque in optimorum ciuium uel flore, uel robore. Iam quantum illud est, quod in maximis occupationibus nunquam intermittis studia doctrine, semper aut ipse scribis aliquid, aut me uocas ad scribendum. Itaque hoc sum aggressus statim Catone absolutum, quem ipsum nunquam attigissem, tempora timens inimica uirtuti, nisi tibi hortanti, & illius memoriam mihi caram excitanti, non parere nefas esse duxissem, sed testificor me à te rogatum, & recusantem hæc scribere esse ausum: uolo enim mihi tecum commune esse crimen, ut si sustinere tantam questionem non potuero, iniusti oneris impositi tua culpa sit, mea recepti: in quo tamen iudicij nostri errorem, laus tibi dati muneris compensabit. SED in omni re difficillimum est formam, quod *χαρμεν* græce dicitur, exponere optimi, quod aliud alijs uidetur optimum. Ennio delector ait quispiam, quod non discedit à communi more uerborum. Pacuius inquit alius, omnes apud hunc ornati, elaborati que sunt uersus, multa apud alterum negligentius: fac alium Accio, uaria enim sunt iudicia, ut in græcis, nec facilis explicatio, quæ forma maxime excellat. In picturis alios horrida, inculta, abditæ, & opaca, contra alios nitida, læta, collustrata delectat. Quid est, quo prescriptum aliquod, aut formulam exprimas cum in suo quodque genere præstet, & genera plura sint? Hæc ego religione non sum ab hoc conatu repulsus, existimauique in omnibus rebus esse aliquid optimū, etiam si lateret, idque ab eo posse, qui eius reiggnarus esset iudicari. Sed quoniam plura sunt orationum genera, ea que diuerla,

verſa, neque in unam formam cadunt omnia: laudationum, ſcriptionum, & hiſtoriarum, et talium ſuaſionum, qualem Iſocrates fecit Panegyricum, multique alij, qui ſunt nominati ſophiſtæ, reliquarumque rerum formam, quæ abſunt ab forenſi contentione, eiusque totius generis, quod græce *ῥητορικὴ* nominatur quod quaſi ad inſpiciendum, delectationis cauſa comparatum eſt, non com-
 plectar hoc tempore, non quo negligenda ſit, eſt enim illa quaſi nutritrix eius oratoris, quem informare uolumus, & de quo molimur aliquid exquiliſitius dicere. Ab hac & uerborum copia alitur, & eorum conſtructio, & numerus li-
 beriore quadam fruitur licentia: datur etiam uenia concinnitati ſententiarum, & arguti, certi-
 que, & circunſcripti uerborum ambitus conceduntur, de indu-
 ſtriaque non ex inſidijs, ſed aperte, ac palam elaboratur, ut uerba uerbis quaſi demenſa, & paria reſpondeant, ut crebro conſerant pugnantia, comparentque contraria, & ut pariter extrema terminentur, eundemque referant in cadendo ſonum, quæ in ueritate cauſarum, & rarius multo facimus, & certe occultius.
 In panathenaico autem Iſocrates ea ſtudioſe conſectatum fatetur: non enim ad iudiciorum certamen, ſed ad uoluptatem aurium ſcripſerat. Hæc tractaſſe Thraſimachum Chalcedonium primum, & Leontinum ſerunt Gorgiam, Theodorum inde byzantium, multosque alios, quos *λογομαχέας* appellat in Phædro Socrates, quorum ſatis arguta multa, ſed ut modo, primumque na-
 ſcentia, minuta, & uerſiculorum ſimilia quædam, nimiumque depiſta. quo ma-
 gis ſunt Herodotus, Thucydidesque mirabiles, quorum ætas cum in eorum tempora, quos nominaui, incidiſſet, longiſſime tamen ipſi à talibus delicijs, uel potius ineptijs abſuerunt: Alter enim ſine ullis ſalebria, quaſi ſedatus ame-
 nis fuit, alter incitator fertur, & de bellicis rebus canit etiam quodammo-
 do bellicum, primisque ab his (ut ait Theophrastus) hiſtoria commota eſt, ut auderet uberius, quam ſuperiores, & ornatus dicere. Horum ætati ſucceſſit Iſocrates, qui præter ceteros eiufdem generis laudatur ſemper à nobis, non-
 nunquam Brute, leuiter, & erudite repugnante te. Sed credas mihi ſortariſſe, ſi, quid in eo laudè, cognoueris: Nam cum cōciſus ei Thraſimachus minutis nu-
 meris uideretur, & Gorgias, qui tamen primi traduntur arte quadam uerba iunxiſſe: Thucydides autem præfractior, nec ſatis (ut ita dicam) rotundus, pri-
 mus inſtituit dilatare uerbis, et mollioribus numeris explere ſententijs. In quo cum doceret eos, qui partim in dicendo, partim in ſcribendo principes extite-
 runt, domus eius officina habita eloquentiæ eſt. Ita que, ut ego, cū à noſtro Ca-
 tone laudabar, uel reprehendi me à ceteris facile patiebar, ſic Iſocrates uidetur teſtimonio Platonis aliorum iudicia debere continere: eſt enim (ut ſcis) qua-
 ſi in extrema pagina Phædri his ipſis uerbis loquens Socrates. Adoleſcens etia-
 am nunc o Phædre Iſocrates eſt: ſed quid de illo augurer, lubet dicere. Quid tandem inquit ille: Maiore mihi ingenio uidetur eſſe, quam ut cum orationi-
 bus Lyſiæ comparetur, præterea ad uirtutem maior indoles, ut minime mirū futurum ſit, ſi cum ætate proceſſerit, aut in hoc orationum genere, cui nunc ſtu-
 det, tantum, quantum pueris reliquis præſtet omnibus, qui unquam oratio-
 nes attingerunt, aut, ſi contentus his non fuerit, diuino aliquo animi motu ma-
 iora concupiſcat: ineſt enim natura philoſophia in huius uiri mente quædam.
 Hæc de adoleſcente Socrates auguratur: at ea de ſeniore ſcribit Plato, & ſcri-
 bit æqualis, & quidem exagitator omnium rhetorum hunc miratur unum, me-

autem, qui Iſocratem non diligunt, unà cum Socrate, & cum Platone errare pariantur. Dulce igitur orationis genus, & ſolutum, & effluens, ſententijs argutum, verbis ſonans eſt in illo epidiſtico genere, quod diximus proprium ſophiſtarum, pompæ, quàm pugnæ aptius, gymnafijs, & paleſtre dicarum, ſpretum, & pullum foro. Sed quod educata huius nutrimentis eloquentia eſt, ipſa ſe poſtea colorat, & roborat, nō alienum fuit de oratoris quaſi incunabulis dicere. Verum hæc ludorum, atque pompæ, nos autem iam in aciem, dimiſſio nemq; ueniamus. Quoniam tria uidēda ſunt oratori, quid dicat, & quo quidque loco, & quomodo, dicendum omnino eſt, quid ſit optimum in ſingulis, ſed aliquanto ſecus, atque in tradenda arte dici ſolet, nulla præcepta ponemus, neque enim id ſuſcepimus, ſed excellentis eloquentiæ ſpeciem, & formã adumbrabimus, nec quibus rebus ea paretur, exponemus, ſed qualis nobis eſſe uideatur: ac duo breuiter prima, ſunt enim non tam inſignia ad maximam laudem, quàm neceſſaria, & tamen cum multis penè communia: nam & inuenire, & iudicare quid dicas, magna illa quidem ſunt, & tanquam animi inſtar in corpore, ſed propria magis prudentiæ, quàm eloquentiæ, qua tamen in cauſa eſt uacua prudentia. Nouerit igitur hic quidem orator, quē ſummum eſſe uolumus, argumentorum, & rationum locos: nam quoniam quidquid eſt, quod in controuerſia, aut in cōtentione uerſetur, in eo aut ſit ne, aut quid ſit, aut quale ſit, quæritur ſit ne? ſignis. quid ſit? definitionibus. quale ſit? recti, prauiq; partibus: quibus ut uti poſſit orator, non ille uulgaris, ſed hic excellens à proprijs perſonis, & temporibus ſemper, ſi poteſt, auocar controuerſiam: latius enim de genere, quam de parte diſceptare licet, ut quod in uniuerso ſit probatum, id in parte ſit probari neceſſe. Hæc igitur quæſtio à proprijs perſonis, & temporibus, ad uniuerſi generis orationem traduſta, appellatur theſis. In hac Ariſtoteles adoleſcentes, nō ad philoſophorū morem tenuiter diſſerendi, ſed ad copiam rhetorum in utranque partem, ut ornatus, & ubertius dici poſſit, exercuit: Idemq; locos, ſic enim appellat, quaſi argumentorum notas tradidit, unde omnis in utranque partem traheretur oratio. Facile igitur hic noſter (non enim declamatorem aliquem de ludo, aut rabulam de foro, ſed doctiſſimum, & perfectiſſimum quærimus) quoniam loci certi traduntur, percurreret omnes, utetur aptis generatim, diſcet ex quo emanant etiã qui communes appellantur loci, nec uero utetur imprudenter hac copia, ſed omnia expendet, & ſeleget. Non enim ſemper, nec in omnibus cauſis, ex iſſdem, argumentorum momenta ſunt, iudicium igitur adhibebit, nec inueniet ſolum quid dicat, ſed etiam expendet: nihil enim eſt ſeracius ingenijs, his præſertim, quæ diſciplinis exulta ſunt. Sed ut ſeges ſecundæ, & uberes non ſolum fruges, uerum herbas etiam effundūt inimiciſſimas frugibus, ſic interdum ex illis locis aut leuia quædam, aut cauſis aliena, aut non utilia gignuntur: quorum ab oratoris iudicio delectus magnus adhibebitur. Quoniam modo ille in bonis hærebit, & habitabit ſuis: ut molliet dura: aut occultabit, quæ dilui non poterunt, atque omnino opprimeret, ſi licebit, aut abducat animos, aut aliud afferet, quod oppoſitum probabilius ſit, quàm illud, quod obſtat: Iam uero ea, quæ inuenerit, qua diligentia collocabit? quoniam id ſecundum erat de tribus. Veſtibula nimirum honeſta, aditusq; ad cauſam faciet illuſtres, cumq; animos prima aggreſſione occupauerit, inſirmabit, excludetq; contraria, de ſirmiſſimis alia

prima

prima ponet, alia postrema, inculcabitq; leuiores. Atq; in primis duabus dicēdi partibus qualis esset, summatim breuiterq; descripsimus: sed, ut ante dictū est, in his partibus, & si graues, atq; magnę sunt, minus & artis est, & laboris. Cum autem & quid, & quo loco dicat, inuenierit, illud est longe maximū, uiderere quo nam modo: scitum est enim quod Carneades noster dicere solebat, Clithomachum eadem dicere, Charmadam autem eodem etiā modo dicere. Quod si in philosophia tantū interest, quemadmodum dicas, ubi res spectatur, non uerba penduntur, quid tandē in causis existimandum est, quibus totis moderatur oratio? Quod quidē ego Brute ex tuis literis sentiebā, non te id scitari qualē ego in inueniendo, & in collocando summū esse oratorem uellē, sed id mihi querere uidebare, quod genus ipsius orationis optimū iudicārē, rem difficilem (dij immortales) atq; omniū difficillimam: nam cū est oratio molis, & tenera, & ita flexibilis, ut sequatur quocunq; torqueas, tum & naturę uarię, & uoluntates, multum inter se distantia effecerunt genera dicēdi. Flumen alijs uerborum, uolubilitasq; cordi est, qui ponunt in orationis celeritate eloquentiā: Distincta alios, & interpuncta, interualla, morę, respiracionesq; delectant. Quid potest esse tam diuersum: tamen est in utroq; aliquid excellens. Elaborant alijs lenitate, & æquabilitate, & puro quasi quodam, & candido genere dicendi. Ecce aliqui duritatē, & seueritatem quandā uerbis, & orationis quasi moestitiam sequuntur, quodq; paulo ante diuimus, ut alijs graues, alijs tenues, alijs temperati uellent uideri, quot orationum genera esse diximus, totidem oratorum reperiuntur. Et quoniam cœpi tam cumulatius hoc munus augere, quā a te postulatum est, tibi enim tantū de orationis genere querenti, respondietiam breuiter de inueniendo, & collocando, ne nunc quidem solum de orationis modo dicam, sed etiam de actiōis, ita prætermissa pars nulla erit, quando quidem de memoria nihil est hoc loco dicendum, quæ communis est multarum artium. Quomodo autem dicatur, id est in duobus, in agendo, & in eloquendo: est enim actiō quasi corporis quædam eloquentia, cum constet ē uoce, atq; motu. Vocis mutationes rotidem sunt, quot animorū, qui maxime uoce commouentur. Itaq; ille perfectus, quem sandudū nostra indicat oratio, ut cunq; se affectum uideri, & animū audientis moueri uolet, ita certum uocis admovebit sonū, de quo plura dicerē, si hoc præcipiendi tempus esset, aut si tu hoc quæreres: dicerem etiā de gestu, cū quo iunctus est uultus, quibus omnibus dici uix potest, quantum intersit quemadmodum utatur orator: nā & infantes actiōis dignitate eloquentiæ sæpe fructum tulerunt, & disertis deformitate agendi multi infantes putati sunt: ut iam non sine causa Demosthenes triobuerit, & primas, & secundas, & tertias actiōis: si enim eloquentia nulla sine hac, hæc autē sine eloquentia tanta est, certe plurimum in dicendo potest. Voleat igitur ille, qui eloquentiæ principatum petet, & contenta uoce atrociter dicere, & summissa leniter, & inclinata uideri grauis, & inflexa miserabilis: mira est enim quædā natura uocis, cuius quidem ē tribus omnino sonis, inflexo, acuto, graui, tanta sit, & tam suauis uarietas perfecta in cantibus. Est autem etiam in dicendo quidam cantus obscurior, non hic ē Phrygia, & Caria rhetorum epilogus penē canticum, sed ille, quē significat Demosthenes, & Æschines, cum alter alteri obijcit uocis flexiones. Dicit plura etiam Demosthenes, illūq; sæpe dicit uoce dulci, & clara fuisse: In quo illud etiā notandum mihi

uidetur ad studium persequende suauitatis in uocibus, ipsa enim natura quasi modularetur hominum orationem, in omni uerbo posuit acutam uocem, nec una plus, nec à postrema syllaba citra tertiam, quo magis naturam ducem ad aurium uoluptatem sequatur industria. Ac uocis quidem bonitas optada est (non est enim in nobis) sed tractatio, atque usus in nobis: ergo ille princeps uariabit, & mutabit, omnis sonorum tum intendens, tum remittens persequetur gradus, idemque motu sic utetur, nihil ut superfit in gestu. Status erectus, & cellus, rarus incessus, nec ita longus, excursio moderata, eaque rara, nulla mollitia ceruicum, nullae argutiae digitorum, non ad numerum articulus cadens, trunco magis toto se ipse moderans, & uirili laterum flexione, brachij projectio: ne in contentionibus, contractione in remissis. Vultus uero, qui secundum uocem plurimum potest, quantam affert tum dignitatem, tum uenustatem, in quo cum effeceris, nequid ineptum, aut uultuosum sit, tum oculorum est quaedam magna moderatio: nam ut imago est animi uultus, sic indices oculi, quorum & hilaritatis, & uicissim tristitiae modum, res ipsae, de quibus agetur, temperabunt.

Sed iam illius perfecti oratoris, & summæ eloquentiae, species exprimenda est, quem hoc uno excellere idest oratione, cetera in eo latere, indicat nomen ipsum: non enim inuentor, aut compositor, aut actor, hæc complexus est omnia, sed & græce ab eloquendo rhetor, & latine eloquens dictus est: ceterarum enim rerum, quæ sunt in oratore, partem aliquam sibi quisque uendicat, dicendi autem idest eloquendi maxima uis soli huic conceditur. Quanquam enim & philosophi quidam ornate locuti sunt, siquidem & Theophrastus diuinitate loquendi nomen inuenit, & Aristoteles Iſocratem ipsum lacessiuit: & Xenophontis uoce musas quasi locutas ferunt, & longe omnium, quicumque scripserunt, aut locuti sunt extitit, & grauitate princeps Plato, tamen horum oratio neque nervos, neque aculeos oratorios, ac forenses habet. Loquuntur cum doctis, quorum sedare animos malunt, quam incitare, sic de rebus placatis, ac minime turbulentis docendi causa, non capiendi loquuntur, ut in eo ipso quod delectationem aliquam dicendo aucupentur, plus nonnullis, quam necesse sit, facere uideantur. Ergo ab hoc genere non difficile est hanc eloquentiam, de qua nunc agitur, secernere. mollis est enim oratio philosophorum, & umbratilis, nec sententijs, nec uerbis instructa popularibus, nec iuncta numeris, sed soluta liberius, nihil iratum habet, nihil inuidum, nihil atrox, nihil mirabile, nihil astutum, casta, uerecunda, uirgo incorrupta quodammodo, itaque sermo potius, quam oratio dicitur: quanquam enim omnis locutio oratio est, tamen unius oratoris locutio hoc proprio signata nomine est. Sophistarum, de quibus supra dixi, magis distinguenda similitudo uidetur, qui omnes eisdem uolunt flores, quos adhibet orator in causis persequi. Sed hoc differunt, quod cum sit his propositum non perturbare animos, sed placare potius, nec tam persuadere, quam delectare, & apertius id faciunt, quam nos, & crebrius, concinnas magis sententias exquirunt, quam probabiles, à se sæpe discedunt, intextunt fabulas, uerba apertius transferunt, eaque ita disponunt, ut pictores uarietatem colorum, paria paribus referunt, aduersa contrarijs, sapientissimeque similiter extrema definiunt. Huic generi historia finitima est, in qua & narratur ornate, & regio serpe, aut pugna describitur, interponuntur etiam conciones, & hortationes, sed in his tracta quædam, & fluens expetitur, non hæc contorta, & acris oratio.

Ab his

Ab his non multo secus, quàm à poëtis hæc eloquentia, quam quærimus, se-
uocanda est: nam etiam poëtæ quæstionem attulerunt, quidnam esset illud,
quo ipsi differrent ab oratoribus, numero maxime uidebantur antea & uer-
su, nunc apud oratores iam ipse numerus increbuit: Quid quid est enim, quod
sub aurium mensuram aliquam cadit, etiam si abest à uersu (nam id quidem
orationis est uirtutum) numerus uocatur, qui græce *μετρον* dicitur. Itaque uideo
uisum esse nonnullis, Platonis, & Democriti locutionem, & si abest à uersu, ta-
men quod incitatus seratur, et clarissimis uerborum luminibus utatur, potius
poëma putandum, quàm comicorum poëtarum, apud quos, nisi quod uersifici-
li sunt, nihil est aliud quotidiani dissimile sermonis, nec tamē id est poëtæ ma-
ximū, & si est, eo laudabilius, quod uirtutes oratoris persequitur, cū uersu sic
altrictior. Ego autē etiam si quorūdam grandis, & ornata uox est poëtarum,
tamen in ea cum licentiam statuo maiorem esse, quàm in nobis faciendorum,
iungendorumq; uerborū, tum etiā nonnullorum uoluptati uocibus magis, q̃
rebus inserviūt. Nec uero siquid est unum inter eos simile (id autem est iudici-
um, electioq; uerborum) propterea ceterarum rerū dissimilitudo intelligi nō
potest, sed id nec dubium est, & siquid habeat quæstionis, hoc tamen ipsum ad
id, quod propositum est, nō est necessariū. Seiunctus igitur orator à philoso-
phorum eloquentia, à sophistarum, ab historicorum, à poëtarum, explicandus
est nobis, qualis futurus sit. Erit igitur eloquens (hunc enim auctore Anto-
nio quærimus) is, qui in foro, causisq; ciuilibus ita dicet, ut probe, ut delectet,
ut flectat. probare necessitatis est, delectare suauitatis, flectere uictoriæ: nam
id unum ex omnibus ad obtinendas causas potest plurimum: Sed quorū offi-
cia oratoris, tot sunt genera dicendi. Subtile in probando, modicum in de-
lectando, uchemens in flectendo, in quo uno uis omnis oratoris est. Magni
igitur iudicij, summę etiam facultatis esse debebit moderator ille, & quasi tem-
perator huius tripartitæ uarietatis: nam & iudicabit quid cuique opus sit, &
poterit, quocunque modo postulabit causa, dicere, Sed est eloquentiæ, sicut re-
liquarum rerum fundamentum sapientia, Vt enim in uita, sic in oratione ni-
hil est difficilius, quàm quid deceat uidere. *πρόνοια* appellant hoc græci, nos di-
camus sanē decorum, de quo præclare, & multa præcipiuntur, & res est cogni-
tione dignissima. Huius ignoratione nō modo in uita, sed sæpissime & in poë-
matis, & in oratione peccatur: est autem quid deceat oratori uidentium, non
in sententijs solum, sed etiam in uerbis: non enim omnis fortuna, non omnis
honos, non omnis auctoritas, non omnis ætas, nec uero locus, aut tempus, aut
auditor omnis, eodem aut uerborum genere transiendus est, aut sententiarū,
semperq; in omni parte orationis, ut uitæ, quid deceat, est considerandum,
quod & in re, de qua agitur, positum est, & in personis, & eorū, qui dicunt, &
eorum, qui audiunt. Itaq; hunc locum longe, & late patentem philosophi so-
lent in officijs tractare, non cum de recto ipso disputāt, nam id quidem unum
est, Grammatici in poëtis, Eloquentes in omni & genere, & parte causarum:
quàm enim indecorum est, de stillicidijs, cum apud unum iudicem dicas, amo-
plissimis uerbis, & locis uti communibus: de maiestate populi Ro. summis-
& subtiliter: hic genere toto: at persona alij peccāt, aut sua, aut iudicum, aut
etiam aduersariorum, nec re solum, sed sæpe uerbo, & sine re nulla uis uerbi
est, tamen eadem res sæpe aut probatur, aut rejicitur alio, atque alio elata

uerbo: in omnibusq; rebus uidendum est quatenus, & si enim suus cuique mo-
 dus est, tamen magis offendit nimium, quam parum: In quo Apelles pictor
 res quoque eos peccare dicebat, qui non sentirent, quid esset satis. Magnus es-
 set locus hic Brute, quod te non fugit, & magnum uolumen aliud desiderat,
 Sed ad id, quod agitur, illud satis: cum hoc decere, quod semper usurpamus in
 omnibus dictis, & factis minimis, & maximis, cum hoc inquam decere dici-
 mus, illud non decere, & id usquequaque quantum sit, appareat, in aliisq; po-
 natur, aliudq; totum sit, utrum decere, an oportere dicas, oportere enim perfe-
 ctionem declarat officij, quo & semper utendum est, et omnibus. decere, quasi
 aptum esse cōsentaneumq; tempori, & personę, quod cum in factis sepiissime,
 tum in dictis ualet, in uultu deniq;, & gestu, & incessu, cōtraq; item dedecere.
 Quod si poeta fugit, ut maximū uitium, qui peccat etiam cū probam oratio-
 nem affingit improbo, stulto uē sapiētis. Si deniq; pictor ille uidit, cū immo-
 landa Iphigenia tristis Chalcas esset, mœstior Vlysses, mœreret Menelaus;
 obuolūdem caput Agamemnonis esse, quoniam summum illum luctum pe-
 nicillo non possit imitari. Si deniq; histrio quid deceat, querit, quid faciendū
 oratori putemus: sed cum hoc tantum sit, quid in causis, earumq; quasi memo-
 ris faciat orator uiderit. Illud quidem perspicuū est, non modo partis oratio-
 nis, sed etiā causas totas, alias alia forma dicendi esse tractandas. Sequitur, ut
 cui usq; generis nota queratur & formula, magnum opus, & arduum (ut sepe
 iam diximus) sed ingredientibus considerandum fuit, quid ageremus. Nunc
 quidem iam quocunq; feremur, danda nimirum uela sunt: Ac primum infor-
 mandus est ille nobis, quem solum quidam uocant atticum. Summissus est, &
 humilis, consuetudinem imitans, ab indifertis re, plusquam opinione differēs.
 Itaque cum qui audiunt, quamuis ipsi infantes sint, tamen illo modo confidū-
 se posse dicere: nam orationis subtilitas imitabilis illa quidem uidetur esse ex-
 stimanti, sed nihil est experiēti minus: & si enim non plurimi sanguinis est,
 habeat tamen sucum aliquem oportet, ut etiam si illis maximis uiribus careat,
 sit (ut ita dicam) integra ualetudine. Primum igitur eum tanquam ē uinculis
 numerorum eximamus: sunt enim quidam (ut icis) oratori numeri, de quib;
 bus mox agemus, obseruandi ratione quadam, sed alio in genere orationis, in
 hoc omnino relinquendi, solum quiddam sit, nec uagum tamen, ut ingredi
 libere, non ut licenter uideatur errare: Verba etiam uerbis quasi coagmenta-
 re negligat, habet enim ille tanquā hiatus concursu uocalium molle quiddam,
 & quod indicet non ingratam negligentiam, de re hominis, magis quam de
 uerbis laborantis. Sed erit uidendum de reliquis, cum hæc duo ei liberiora
 fuerint, circuitus, conglutinatioq; uerborum: illa enim ipsa contracta, & mē-
 muta non negligenter tractanda sunt, sed quedam etiam negligentia est dili-
 gens. Nam ut mulieres esse dicuntur nonnullę inornatę, quas id ipsum deo-
 ceat, sic hæc subtilis oratio etiā incomperta delectat, sit enim quiddam in utroq;
 quo sit uenustius, sed nō, ut appareat: tum remouebitur omnis insignis orna-
 tus, quasi margaritarum, ne calamistris quidem adhibebuntur: fucati uero mē-
 dicamenta candoris, & ruboris, omnia repellentur, elegantia modo, & mun-
 ditia remanebit. Sermo purus erit, & latinus, dilucide, planeq; dicetur, quid
 deceat circumspectetur. Vnum aderit, quod quantum numerat Theophras-
 tus in orationis laudibus, ornatum illud suauē, & affluens, acutę crebręq;
 sententię

sententię ponitur, & nescio unde ex abdito eruat, atque in hoc oratore domi-
nabitur. Verecundus erit usus oratorię quasi suppellectilis, suppellex est enim
quodammodo nostra, quę est in ornamentis, alia rerum, alia verborum. Or-
natus autem verborum duplex, unus simplicium, alter collocatorum. Simplex
probat in proprijs usitatissimę verbis, quod aut optime sonat, aut rem maxime
explanat. In alienis, aut translatum, aut factum aliunde, ut mutuo, aut factum
ab ipso, aut nouum, aut priscum, & inusitatum: sed etiā inusitata, ac prisca sunt
in proprijs, nisi quod raro utimur. Collocata autem verba habent ornatum, si
aliquid concinnitatis efficiunt, quod verbis mutatis non maneat manente sen-
tentia: nam sententiarum ornamenta, quę permanent etiā si verba mutaueris,
sunt illa quidem permulta, sed quę emineant pauciora. Ergo ille tenuis orator
modo sit elegans, nec in faciendis verbis erit audax, & in transferendis verecū-
dus, & parcus, & in priscis reliquisq; ornamentis, & verborum, & sententia-
rum demissior, translatione fortasse crebrior, quę frequēissime sermo omnis
utitur, non modo urbanorum, sed etiā rusticorum: Siquidem est eorū geni-
mare uites, sitire agros, lęras esse segetes, luxuriosa frumenta, Nihil horum pa-
rum audacter, sed aut simile est illi, unde transferas, aut si res suum nullum ha-
bet nomen, docendi causa sumptum, non ludendi uidetur. Hoc ornamento li-
berius paulo, quā ceteris utetur hic summissus, nec tam licenter tamē, quā
si genere dicēdi uteretur amplissimo. Itaque illud indecorum, quod quale sit,
ex decore debet intelligi, hic quoq; apparet, cum uerbum aliquod altius trās-
fertur, idq; in oratione humili ponitur, quod idem in alia deceret: Illam autē
concinnitatem, quę uerborum collocationem illuminat his luminibus, quę
gręci quasi aliquis gestus orationis *ἀλφειαν* appellant, quod idem uerbum ab
his etiā in sententiarum ornamenta transfertur, adhibet quidem hic subtilis,
quem nisi quod solum ceteroquin recte quidam uocat atticum, sed paulo par-
cius: nam si, ut in epularum apparatu à magnificentiā recedens, non se paruum
solum, sed etiā elegantem uideri uolet, eliget quibus utatur: sunt enim plerę
quę aptę huius ipsius oratoris, de quo loquor, parsimonię: nam illa, de quibus
ante dixi, huic acuto fugienda sunt, paria paribus relata, & similiter conclusa,
eodemq; pacto cadentia, et immutatione literę quasi quęsitę uenustates, ne ela-
borata cōcinnitas, & quoddam aucupium delectationis manifesto deprehen-
sum appareat. Itemq; si quę uerborum iterationes orationis alienę, ceteris pro-
misce poterit uti, cōtinuatione uerborum modo relaxet, & diuidat, utaturq;
uerbis, quam usitatissimis, translationibus quam mollissimis: etiā illa sen-
tentiarum lumina assumat, quę non erunt uehementer illustria. Non faciet
rempu. loquentem, nec ab inferis mortuos excitabit, nec acuatim multa fre-
quentans, una complexione deuinciet. Valentiorum hęc laterum sunt, nec ab
hoc quem informamus, aut expectanda, aut postulanda: erit enim ut uoce, sic
etiā oratione suppressior, sed pleraque ex illis conuenient etiā huic tenuis-
sati, quanquam hīdem ornamentis utetur horridius, talem enim inducimus.
Accedit actio nō tragica, nec scęna, sed modica factatiōe corporis, uultu tamē
multa conficiens, nō hoc quo dicuntur, os ducere, sed illo, quo significant inge-
nue, quo sensu quidq; pronuntient. Huic generi orationis aspergētur etiā sa-
les, qui in dicendo nimium quantum ualent, quorum duo genera sunt, unum

M. T. R. he,

M. T. R. he,

CC

facietiarum, alterum dicacitatis, utetur utroque, sed altero in narrando aliquid uenuste, altero in iaciendo, mittendoq; ridiculo, cuius genera plura sunt, sed nunc aliud agimus. Illud admonemus tamen, ridiculo sic usum oratorem, ut nec nimis frequenti, ne scurrile sit, nec subobsceno, ne mimicum, nec petulantem, ne improbum, nec in calamitatem, ne inhumanum, nec in facinus, ne odij locum risus occupet, neque aut sua persona, aut iudicium, aut tempore alienum: hæc enim ad illud indecorum referuntur. Vitabit etiam quesita, nec ex tempore ficta, sed domo allata, quæ plerunque sunt frigida, parcet & amicitij, & dignitatibus, uitabit insanabilis contumelias: tantummodo aduersarios figet, nec eos tamen semper, nec omnis, nec omni modo, quibus exceptis sic utetur sale, & facietijs, ut ego ex istis nouis atticis talem cognouerim neminem, cum id certe sit uel maxime atticum. Hanc ego iudico formam summissi oratoris, sed magni tamen, & germani atticis, quoniam quidquid est salum, aut salubre in oratione, id proprium atticorum est, e quibus tamen non omnes facietij, Lyfias facietis, & Hyperides, Demades præter ceteros fertur, Demosthenes minus habetur, quo quidem mihi nihil uidetur urbanius, sed non tam dicax fuit, quam facietus: est autem illud acrioris ingenij, hoc maioris artis. Vberius est aliud, alio quantoq; robustius, quam hoc humile, de quo dictum est, summissius autem, quam illud, de quo iam dicitur, amplissimū. Hoc in genere neruorum uel mininum, suauitatis autem est uel plurimum, est enim plenus, quam hoc nucleatum, quam autem illud ornatum, copiosumq;, summissius. Huic omnia dicendi ornamenta conueniunt, plurimumq; est in hac orationis forma, suauitatis, in qua multi floruerunt apud grecos: sed Phalereus Demetrius meo iudicio præstitit ceteris, cuius oratio cum sedate, placideq; loquitur, tum illustrant eam, quasi stellæ quædam tralata uerba, atque immutata: Tralata ea dico, ut sæpe iam, quæ per similitudinem ab alia re aut suauitatis, aut inopie causa, transferuntur. Mutata, in quibus pro uerbo proprio subiicitur aliud, quod idem significet, sumptum ex re aliqua consequenti, quod quanquam transferendo sit, tamen alio modo transtulit, cum dixit Ennius, arcem, & urbem orbas. alio modo, si pro patria arcem dixisset: & horridam Africam terribili tremere tumultu cum dicit, pro Afris immutat Africam. Hæc hypallagen rhetores, quia quasi summutantur uerba pro uerbis, metonomiam grammatici uocant, quod nomina transferuntur. Aristoteles autem tralationi hæc ipsa subiungit, & abusionem, quam *κατὰ τὴν ὁμοίαν* uocant, ut cum minutum dicimus animum pro paruo, & abutimur uerbis propinquis, si opus est, uel quod delectat, uel quod licet. iam cum fluxerunt continuæ plures tralationes, alia planè sit oratio. Itaque genus hoc greci appellat *ἀλλοτρίων*, nomine recte, genere melius ille, qui ista omnia tralationes uocat. Hæc frequentat Phalereus maxime, suntq; dulcissima, & quāquam tralatio est apud eum multa, tamen immutationes nusquam crebriores, in idem genus orationis loquor enim de illa modica, ac temperata uerborum cadunt lumina omnia, multa etiam sententiarum, latæ, eruditæq; disputationes ab eodem explicantur, & loci communes sine contentione dicuntur. Quid multa? è philosophorum scholis tales ferè euadunt, & nisi coram erit comparatus ille fortior, per se hic, quem dico, probabitur: est enim quoddam etiam insigne, & florens orationis, pictum, & expolitur genus, in quo omnes uerborum, omnes sententiarum illigantur lepores. Hoc totum è

sophistarū

Sophistarum fontibus defluxit in forum, sed spreto à subtilibus, repulsum à grauib, in ea, de qua loquor, mediocritate consedit. Tertius est ille amplus, copiosus, grauis, ornatus, in quo profecto uis maxima est, hic est enim, cuius ornatum dicendi, & copiam admiratae gentes eloquentiam in ciuitatibus plurimum ualere passae sunt: sed hanc eloquentiam, quae cursu magno, sonituq; ferretur, quam suspicerent omnes, quam admirarentur, quam se assequi posse diffiderent. Huius eloquentiae est tractare animos, huius omni modo permouere. Haec modo perfringit, modo irrepit in sensus, inserit nouas opiniones, euellit insitas: sed multum interest inter hoc dicendi genus, & superiora. Qui illo subtili, & acuto elaborauit, ut callide, arguteq; diceret, nec quidquam altius cogitaret, hoc uno perfecto magnus orator est, si non maximus, minimeq; in lubrico uersabitur, & si semel constiterit, nunquam cadet. Medius ille autem, quem modicum, & temperatum uoco, si modo suum illud satis intruxerit, non extimescit incipitis dicendi, incertosq; casus, etiam si quando minus succedet, ut saepe fit, magnum tamen periculum non adibit, alte enim cadere non potest. At uero hic noster, quem principem ponimus, grauis, acer, ardens, si ad hoc unum est natus, aut in hoc solo se exercuit, aut huic generi studet uni, nec suam copiam cum illis duobus generibus temperauit, maxime est contemnendus: Ille enim summus, quod acute, & ueteratorie dicit, sapiens iam, medius, suauis, hic autem copiosissimus, si nihil est aliud, uix satis sanus uideri solet. qui enim nihil potest tranquille, nihil leniter, nihil partite, definite, distincte, facete dicere, praesertim, cum causae partim totae sint eo modo, partim aliqua ex parte tractandae, si is non praeparatis auribus inflamare rem coepit, furere apud sanos, et quasi inter sobrios bacchari uinolentus uidetur. Tenemus igitur Brute, quem quaerimus, sed animo, non manu, si prehensissem, ne ipse quidem sua tanta eloquentia mihi persuasisset, ut se dimitterem: Sed inuentus profecto est ille eloquens quem nunc quam uidit Antonius. Quis est igitur is? complectar breui, disseram pluribus. Is est enim eloquens, qui et humilia subtiliter, & magna grauitate, & moderate temperate potest dicere. Nemo is inquit unquam fuit, ne fuerit, ego enim quid desiderem, non quid uiderim disputo: redeoq; ad illam Platonis, de qua dixeram, rei formam, & speciem, quam & si non cernimus, tamen animo tenere possumus: non enim eloquentem quaero, neque quidquam mortale, & caducum, sed illud ipsum, cuius qui sit compos, sit eloquens, quod nihil est aliud, nisi eloquentia ipsa, quam nullis nisi mentis oculis uidere possumus: Is erit igitur eloquens (ut idem illud iteremus) qui poterit parua summisse, modice temperate, magna grauitate dicere. Tota mihi causa pro Cecina de uerbis interdicti fuit, res inuolutas definiendo explicauimus, ius ciuile laudauimus, uerba ambigua distinximus. Fuit ornandus in Manilia lege Pompeius, temperata oratione ornandi copiam persecuti sumus. Ius omne retinendae maiestatis Rabirii causa continebatur. Ergo in omni genere amplificationis exarsimus. At haec interdum temperanda, & uarianda sunt. Quod igitur in accusationis septem libris non reperitur genus? quod in Habitu? quod in Cornelij? quod in plurimis nostris defensionibus? quae exempla selegissem, nisi uel nota esse arbitrarer, uel posse eligere, qui quaerent: nulla est enim ullo in genere laus oratoris, cuius in nostris orationibus non sit aliqua, si non perfectio, at conatus tamen, atque adumbratio, non assequimur, at quid deceat uidemus;

nec enim nunc de nobis, sed de re dicimus: in quo tantum abest, ut nostra mireretur, ut usque eo difficiles, ac morosi simus, ut nobis non satisfaciatur ipse Demosthenes, qui quamquam unus eminet inter omnes in omni genere dicendi, tamen non semper implet aures meas, ita sunt avidæ, & capaces, & semper aliud quid immensum, infinitumque desiderant. Sed tamen, quod iam & hunc tu oratorem cum eius studiosissimo Pamphilo, cum esses Athenis, totum diligentissime cognovisti, neque eum dimittis ex manibus, & tamen nostra etiam lectitas, vides profecto illum multa perficere, nos multa conari, illi posse, nos velle, quocumque modo causa postulet, dicere: sed ille magnus, nam & successit ipse magnis, & maximos oratores habuit æquales, nos magnum fecissemus, siquidem potuissemus, quod contendimus pervenire, in ea urbe, in qua (ut ait Antonius) laudatus eloquens nemo erat. Atqui, si Antonio Crassus eloquens visus non est, aut sibi ipse, nunquam Cotta visus esset, nunquam Sulpicius, nunquam Hortensius: nihil enim ample Cotta, nihil leniter Sulpicius, non multa graviter Hortensius: superiores magis ad omne genus apti, Crassum dico, & Antonium. Ieiunas igitur huius multiplicis, & æqualiter in omnia genera fuisse orationis aures civitatis accepimus, easque nos primi, quicumque eramus, & quantum cunque dicebamus, ad huius generis dicendi audientium incredibilia studia convertimus. Quancis illa clamoribus adolescentuli diximus, de Supplicio paricidarum? quæ nequaquam satis deservivisse post alio quanto sentire cœpimus. Quid enim tam commune, quam spiritus vivus, terra mortuis, mare fluctuantibus, litus eiectionis? Ita vivunt, dum possunt, ut ducere animam de celo non queant, ita moriuntur, ut eorum ossa terra non tangat, ita iactantur fluctibus, ut nunquam alluantur, ita postremo eiiciuntur, ut ne ad saxa quidem mortui conquiescant, & quæ sequuntur: sunt enim omnia, sicut adolescentis non tam re, & maturitate, quam ipse, et expectatione laudatus, ab hac indole iam illa matura, uxor generi, noverca filij, filia pellex. Nec vero hic erat unus ardor in nobis, ut hoc modo omnia diceremus: ipsa enim illa pro Roscio juvenilis redundantia multa habet attenuata, quædam etiam paulo hilariora. At pro Habito, pro Cornelio, compluresque alia: nemo enim orator tam multa, ne in græco quidem otio, scripsit, quam multa sunt nostra, easque hæc ipsam habet, quam probo, varietatem. An ego Homero, Ennio, reliquis poetis, & maxime tragicis concederem, ut ne omnibus locis eadem contentione uterentur, crebroque mutarent? nonnunquam etiam ad cotidianum genus sermone accederent, ipse nunquam ab illa acerrima contentione discederem? Sed quid poetas divino ingenio profero? Histriones eos vidimus, quibus nihil posset in suo genere esse præstantius, qui non solum in dissimilimis personis satisfaciebant, cum tamen in suis versarentur, sed & comedum in tragicis, & tragicum in comedis ad modum placere vidimus, ego non elaborem? cum dico me, te Brute dico, nam in me quidem iam pridem effectum est, quod futurum fuit: Tu autem eodem modo omnis causas ages? aut aliquod causarum genus repudiabis? aut in iisdem causis perpetuum, & eundem spiritum sine ulla commutatione obtinebis? Demosthenes quidem, cuius nuper inter imagines tuas, ac tuorum, quod eum credo amares, cum ad te in Thusculanum venissem, imaginem ex ære vidi, nihil Lysia subtilitate cedit, nihil argutis, & acumine Hyperidi, nihil lenitate, Æschini, & splendore verborum. Multæ sunt eius totæ orationes

omnes subtiles, ut contra Leptinē, multę, & totę graues, ut quędā philippicę, multę varię, ut contra Ælchinem falsę legationis, ut contra eundem pro cau-
sa Ctesiphontis. Iam illud medium quoties uult, arripit, & à grauissimo disce-
dens eò potissimum delabitur: clamores tamen tum mouet, & tum in dicen-
do plurimum efficit, cū grauitatis locis utitur: sed ab hoc parumper abeamus,
quandoquidem de genere, non de homine querimus, rei potius, id est eloquę-
tię uim, & naturam explicemus. Illud tamen, quod iam ante diximus, memi-
nerimus, nihil nos præcipiendı causa esse dicturos, atque ita potius acturos, ut
existimatores uideamur loqui, non magistri: in quo tamen longius progre-
dimur, quod uidemus nō te hæc solum esse lecturum, qui ea multo, quā nos,
qui quasi docere uideamur, habeas notiora: sed hūc librum etiam si minus no-
stra commēdatione, tuo tamen nomine diuulgari necesse est. Esse igitur per-
fecte eloquentis puto, non eam solum facultatem habere, quę sit eius propria
suse, lateq; dicendı, sed etiam uicinam eius, atq; finitimam dialecticorum scien-
tiam assumere, quanquam aliud uidetur oratio esse, aliud disputatio, nec idem
loqui esse, quod dicere, attamen utrunq; in disserendo est: disputandi ratio, &
loquendi dialecticorum sit, oratorum autem dicendı, & ornandi. Zeno qui-
dem ille, à quo disciplina stoicorum est, manu demonstrare solebat, quid inter
has artes interesset: nam cum compresserat digitos, pugnumq; fecerat, dial-
cticam aiebat eiusmodi esse. Cū autem diduxerat, & manum dilatauerat, pala-
mæ illius similem eloquentiam esse dicebat. Atq; etiam ante hunc Aristoteles
principio artis rhetoricę dicit, illam artem quasi ex altera parte respondere dia-
lecticę, ut hoc uidelicet differant inter se, quod hæc ratio dicendı latior sit, illa
loquendi contractior. Volo igitur huic summo, omnē, quę ad dicendum tra-
hi posset, loquendi rationem esse notam, quę quidem res (quod te his artibus
eruditum minime fallit) duplicem habuit docendı uiam: nam & ipse Aristot-
eles tradidit præcepta plurima disserendi, & postea qui dialectici dicuntur
spinosiora multa pepererunt. Ergo eum censeo, qui eloquentię laude ducatur,
non esse earū rerum omnino rudem, sed uel illa antiqua, uel hac Chrysippi di-
sciplina institutum, nouerit primum uim, naturam, genera uerborū, et simpli-
cium, & copulaturū: deinde quot modis quidq; dicatur, qua ratione uerum,
falsum ne sit, iudicetur, quid efficiat ē quoq; quod cuique cōsequēs sit, quodq;
contrarium. Cumq; ambigue multa dicantur, quomodo quidq; eorū diuidi,
explanariq; oporteat: hæc tenenda sunt oratori, sæpe enim occurrūt, sed quia
sua sponte squallidiora sunt, adhibendus erit in his explicandis quidam oratio-
nis nitor. Et quoniam in omnibus, quę ratione docentur, & uia, primum con-
stituendū est, quid quidq; sit, nisi enim inter eos, qui disceptent, cōuenit, quid
sit illud, de quo ambigitur, nec recte differi, nec unquam ad exitū perueniri po-
test. explicanda est sæpe uerbis mens nostra de quaq; re, atq; inuolutę rei nos-
titia definiendo aperienda est: siquidem est definitio oratio, quę quid sit id, de
quo agitur, ostendit quam breuissime. Tum, ut scis, explicato genere cuiusque
rei, uidendum est, quę sint eius generis, siue formę, siue partes, ut in eas tribua-
tur omnis oratio. Erit igitur hæc facultas in eo, quę uolumus esse eloquentem,
ut definire rem possit, neq; id faciat tam presse, & anguste, quā in illis erudi-
tissimis disputationibus fieri solet, sed cum explanariis, tum etiam uberius, &
ad commune iudicium, popularemq; intelligentiam accommodatius: idemq;

etiam, cum res postulabit, genus uniuersum in species certas, ut nulla neque prætermittatur, neque redundet, partiatur, ac diuidet: quādo autem, aut quomodo id faciat, nihil ad hoc tempus, quoniam (ut supra dixi) iudicem esse me, nō doctore uolo. Nec uero dialecticis modo sit instructus, sed habeat omnis philosophiæ notos, & tractatos locos: nihil enim de religione, nihil de morte, nihil de pietate, nihil de caritate patriæ, nihil de bonis rebus, aut malis, nihil de uirtutibus, aut uitijs, nihil de officio, nihil de dolore, nihil de uoluptate, nihil de perturbationibus animi, & erroribus, quæ sæpe cadūt in causas, sed ieiunius aguntur, nihil inquam sine ea scientia, quam dixi, grauiter, ample, copiose dici, & explicari potest. De materia loquor orōnis etiam nunc, non genere de ipso dicēdi: uolo enim prius habeat orator rem, de qua dicat, dignam auribus eruditis, quā cogitet, quibus uerbis quidque dicat, aut quomodo. quem etiam, quo grandior sit, & quodammodo excelsior (ut de Pericle dixi supra) ne physicorum quidem esse ignarum uolo. Omnia profecto, cum se à celestibus rebus refert ad humanas, excelsius, magnificentiusque et dicet, & sentiet: cumque illa diuina cognouerit, nolo ne ignoret, ne hæc quidem humana. Ius ciuile tenet, quo egent causæ forēses cotidie. Quid est enim turpius, quā legitimarum, & ciuiliū controuersiarum patrocinia suscipere, cum sis legum, & ciuilis iuris ignarus? Cognoscat etiam rerum gestarum, & memorię ueteris ordinem, maxime scilicet nostræ ciuitatis, sed & imperioforum populorum, & regum illustrium, quem laborem nobis Attici nostri leuauit labor, qui conseruat, notatisque temporibus, nihil cum illustre prætermitteret, annorum septingentorum memoriam uno libro colligauit. Nescire autem, quid ante quā natus sis, acciderit, id est semper esse puerum. Quid enim est ætas hominis, nisi cum memoria rerum ueterum, cum superiorum ætate contextitur? Commemoratio autem antiquitatis, exemplorumque prolatio summa cum delectatione & auctoritatem orationi affert, & fidem. Sic igitur instructus ueniet ad causas, quarum habebit genera primum ipsa cognita: erit enim ei perspectū, nihil ambigi posse, in quo non aut res cōtrouersiam faciat, aut uerba. Res aut de uero, aut de recto, aut de nomine. Verba aut de ambiguo, aut de contrario: nam si quando aliud in sententia uidetur esse, aliud in uerbis, genus est quoddam ambigui, quod ex præterito uerbo fieri solet: in quo, quod est ambiguum proprium, res duas significari uidemus. Cum tam pauca sint genera causarum, etiam argumentorū præcepta pauca sunt: traditi sunt, de quibus ea ducatur, duplices loci, uni de rebus ipsis, alteri assumpti. Tractatio igitur rerum efficit admirabiliorem orationem, nam ipse quidem res in perfacili cognitione uersantur: quid enim iam sequitur, quod quidem artis sit? nisi ordiri orationem, in quo aut concilietur auditor, aut erigatur, aut paret se ad discendum, rem breuiter exponere, & probabiliter, & aperte, ut quid agat intelligi possit, sua confirmare, aduersaria euertere, eaque efficere non perturbate, sed singulis argumentationibus ita concludendis, ut efficiatur, quod sit consequens ipsi, quæ iumentur ad quamque rem confirmandam: post omnia perorationem inflammantem, restinguentem uel concludere. Has partis quemadmodum tractet singulas, difficile dictum est hoc loco, nec enim semper tractantur uno modo. Quoniam autem non quē doceam quero, sed quē probem, probabo primum eum, qui quid deceat, uidebit: hæc enim sapientia maxime adhibenda eloquenti est, ut sit temporum,

porum, personarumq; moderator: nam nec semper, nec apud omnis, nec contra omnis, nec pro omnibus, nec omnibus eodē modo dicendum arbitror. Is erit ergo eloquēs, qui ad id quodcunq; decebit, poterit accommodare orationem: quod cū statuerit, tum ut quidq; erit dicēdum, ita dicet, nec satura ieiunē, nec grandia minute, nec item contra, sed erit rebus ipsis par, & equalis oratio. Principia uerecūda non elatis intenſa uerbis, sed acuta sententijs, uel ad offensionē aduersarij, uel ad cōmendationem sui. Narrationes credibiles nec historico, sed propē cotidiano sermone explicatę dilucide: Dein si tenues causę, tum etiam argumētandi tenue filum & in docendo, & in refellendo, idq; ita tenetur, ut quanta ad rem, tanta ad orationē fiat accessio. Cum uero causa ea incidit, in qua uis eloquentiæ possit expromi, tum se latius fundet orator, tum reget, & flectet animos, & sic afficiet, ut uolet, id est ut causę natura, et ratio temporis postulat. Sed erit duplex omnis eius ornatus ille admirabilis, propter quem ascendit in tantū honorem eloquentia: nam cum omnis pars orationis esse debet laudabilis, sic ut uerbum nullum, nisi aut graue, aut elegans excidat, tum sunt maxime luminosę, & quasi actiuosę partes duę: quarum alteram in uniuersi generis quæstione pono, quam (ut supra dixi) gręci appellant *κρίσις*: alteram in augendis, amplificandisq; rebus, quę ab eisdem *αἰσθησις* est nominata. Quę & si equabiliter toto corpore orationis sua esse debet, tamen in communibus locis maxime excelleret, qui communes appellati, quod uidentur multarum iisdem esse causarum, sed proprij singularum esse debebunt. Ac uero illa pars orationis, quę est de genere uniuerso, totas causas sæpe cōtinet: Quid est enim illud, in quo quasi certamen est controuersię, quod gręce *ἀγών* uocatur dicitur, id ita dici placet, ut traducatur ad perpetuam quæstionem, atq; ut de uniuerso genere dicatur, nisi cum de uero ambigetur, quod queri coniectura solet: dicitur autem non peripateticorum more (est enim illorum exercitatio elegans iam inde ab Aristotele constituta) sed aliquanto neruosiore, & ita de re communia dicuntur, ut & pro reis multa leniter dicantur, & in aduersarios aspere. Augendis uero rebus, et contra abijciendis nihil est, quod nō perficere possit oratio, quod & inter media argumenta faciendum est, quotiescūque dabitur uel amplificandi, uel minuendi locus, & penē infinite in perorando. Duo sunt, quę bene tractata ab oratore admirabilem eloquentiam faciunt: quorum alterum est, quod gręci *ῥητορικὴ τέχνη* uocant, ad naturas, & ad mores, & ad omnem uitę consuetudinem accommodatum, alterum (quod iidem *κατασκευαστική* nominant) quo perturbantur animi, & concitātur, in quo uno regnat oratio. Illud superius, come, iucundum, ad beniuolentiam cōciliandam paratum, hoc uehemens, incensum, incitatum, quo causę eripiuntur, quod cum rapide fertur, sustineri nullo pacto potest. Quo genere nos, mediocres, aut multo etiam minus, sed magno semper usi impetu, sæpe aduersarios de statu omni deiecimus. Nobis pro familiari reo summus orator non respondit Hortensius. A nobis homo audacissimus Catilina in senatu accusatus, obmutuit. Nobis priuata in causa magna, & graui, cum cœpisset Curio pater respondere, subito aſſedit, cum sibi uenenis ereptam memoriam diceret. Quid ego de miseratibus loquar? quibus eo sum usus pluribus, quod etiam si plures dicebamur, perorationē mihi tamen oēs relinquebāt, in quo ut uideret excellere, nō ingenio, sed dolore assequebar. Quę qualiacūque in me sunt, me enim ipsum non

poenitet quanta sint, sed apparent in orationibus, & si carent libri spiritu illo propter quē maiora eadem illa cū aguntur, quam cum leguntur, uideri solent. Nec uero miseratione solū mens iudicum permouēda est, qua nos ita dolenter uti solemus, ut puerum infantem in manibus perorantes tenuerimus, ut alia in causa excitato reo nobili, sublato etiam filio paruo, plangore, & lamentatione compleremus forum. Sed etiā est faciendum, ut irascatur iudex, mitigetur, inui deat, saueat, cōtemnat, admiretur, oderit, diligat, cupiat, satietate afficiatur, spe ret, metuat, lætetur, doleat: qua in uarietate, duriorum, accusatio suppeditabit exempla, mitiorū, defensiones meæ. Nullo enim modo animus audientis, aut incitari, aut leniri potest, qui modus à me non tentatus sit, dicere perfectum, si ita iudicāre, nec in ueritate crimen arrogantiae extimescere, sed (ut supra dixi) nulla me ingenij, sed magna uis animi inflammat, ut me ipse non teneam, nec unq̄ is, qui audiret, incenderetur, nisi ardens ad eum perueniret oratio. Vterer exemplis domesticis, nisi ea legisses: uterer alienis, uel latinis, si ulla reperirem, uel græcis, si deceret, sed Crassi per pauca sunt, nec ea iudiciorum, nihil Antonij, nihil Cottæ, nihil Sulpicij: dicebat melius, quàm scripsit Hortensius, Verum hæc uis, quam querimus, quanta sit suspicemur, quoniā exemplū non habemus, aut si exempla sequimur, à Demosthene sumamus, & quidē perpetuæ dictionis ex eo loco, unde in Ctesiphontis iudicio de suis factis, consilijs, meritis in rēp. aggressus est dicere. Ea profecto oratio in eam formā, quæ est insita in mentibus nostris, includi sic potest, ut maior eloquentia non requiratur. Sed iam forma ipsa restat, & character ille qui dicitur, qui qualis debeat eē ex ipsis, quæ supra dicta sunt, intelligi potest. Nā & singulorū uerborum, & coloratorū lumina attingimus, quibus sic abundabit, ut uerbū ex ore nullum, nisi aut elegās, aut graue exeat: ex omniq̄ genere frequentissime tralationes erūt, quod eæ propter similitudinē transferunt animos, & referunt, ac mouent huc, & illuc, qui motus cogitatiois celeriter agitat, ut se ipse delectat: & reliqua ex collocatōne uerborū, quæ sumuntur quasi lumina magnum afferunt ornatum orationi: sunt enim similia illis, quæ in amplo ornatu scēne, aut fori appellantur insignia, nō quod sola ornent, sed quod excellant. Eadē ratio est horū, quæ sunt orationis lumina, & quodāmodo insignia, cum aut duplicantur, iteranturq̄ uerba, aut breuiter cōmutata ponuntur, aut ab eodē uerbo ducitur sepius oratio, aut in idē coniicitur, aut in utrūq̄, aut adiungitur idē iteratum, aut idem ad extremū refertur, aut cōtinenter unum uerbū non in eadem sententia ponitur, aut cū similiter uel cadunt uerba, uel desinunt, aut multis modis contrarijs relata contraria, aut cum gradatim sursum uersus reditur, aut cum demptis coniunctionibus, dissolute plura dicuntur, aut cum aliquid prætereuntes, cūr id faciamus, ostendimus, aut cum corrigimus nosmetipsos quasi reprehendentes, aut si est aliqua exclamatio, uel admirationis, uel quæstiois, aut cum eiusdem nominis casus sæpius commutantur: Sed sententiarum ornamenta maiora sunt, quibus quia frequentissime Demosthenes utitur, sunt qui putent iccirco eius eloquentiam maxime esse laudabilem. Et uero nullus ferē ab eo locus sine quadam conformatione sententię edicitur, nec quidquam est aliud dicere, nisi omnes, aut certe pleraq̄ aliqua specie illuminare sentētiās, quas cum tu optime Brute teneas, quid attinet nominibus uti, aut exemplis: tantum notetur locus. Sic igitur dicit ille, quem expetimus, ut uerset sæpe multis modis eandē,

eādem, & unam rē, & hæreat in eadē, commoreturq; sententia. Sæpe etiam ut extenuet aliquid, sæpe ut irrideat, ut declinet à proposito, deflectatq; sententiam, ut proponat, quid dicturus sit, ut cum transegerit iā aliquid, definiat, ut se ipse reuocet, ut quod dixit, iteret, ut argumentum ratione concludat, ut interrogando urgeat, ut rursus quasi ad interrogatum sibi ipse respondeat, ut contra ac dicat accipi, & sentiri uelit, ut addubitet, quid potius, aut quomodo dicat, ut diuidat in partis, ut aliquid relinquat, ac negligat, ut ante præsumat, ut in eo ipso, in quo reprehendatur, culpam in aduersarium conferat, ut se pe cum ijs, qui audiunt, nonnūquam etiam cum aduersario quasi deliberet, ut hominum sermones, moresq; describat, ut muta quædam eloquentia inducat, ut ab eo, quod agitur, auertat animos, ut sæpe in hilaritatem, risumue conuertat, ut ante occupet, quod uideat opponi, ut comparet similitudines, ut utatur exemplis, ut aliud aliq; tribuens dissipet, ut interpellatorem coerceat, ut aliquid reticere se dicat, & denunciet quid caueāt, ut liberius, quid audeat, ut irascatur etiam, ut obiurgat aliquando, ut deprecetur, ut supplicet, ut medeatur, ut à proposito declinet aliquantulū, ut optet, ut excreetur, ut fiat ijs, apud quos dicit, familiaris, atq; alias etiam dicēdi, quasi uirtutes sequatur, breuitatem, si res petet. Sæpe etiam rem dicendo subiiciet oculis, sæpe supra seret q̄ fieri possit, significatio sæpe erit maior, q̄ oratio, sæpe hilaritas, sæpe uitæ, naturarūq; imitatio. Hoc in genere (nam quasi syluam uides) omnis eluceat oportet eloquentiæ magnitudo, sed hæc nisi collocata, & quasi structa: & nexa uerbis, ad eam laudem, quam uolumus, aspirare nō possunt. De quo cum mihi deinceps uiderem esse dicendum, & si non mouebant iam me illa, quæ supra dixeram, tamen ijs, quæ sequuntur, perturbabar magis: occurrebat enim posse reperiri, non inuidos solum, quibus referta sunt omnia, sed fautores etiam meorum laudum, qui non censerent eius uiri esse, de cuius meritis tanta senatus iudicia fecissent comprobante populo. R. quanta de nullo, de artificio dicendi literis tā multa mandare. Quibus si nihil aliud responderem, nisi me M. Bruto negare roganti noluisse, iusta esset excusatio, cum & amicissimo, & præstantissimo uiro, & erecta, & honesta petenti satisfacere uoluissē. Sed si proficitar, quod utinam possem, me studiosis, dicendi, præcepta, & quasi uias, quæ ad eloquentiam ferrent, traditurum, quis tandem id iustus rerum æstimator reprehenderet? nam quis unquam dubitauit, quin in rep. nostra primas eloquentia tenuerit semper urbanis, pacatisq; rebus, secundas iuris scientia? cum in altera gratiæ, gloriæ, præsidij plurimum esset, in altera persecutionum, cautionumq; præceptio, quæ quidem ipsa auxilium ab eloquentia sæpe peteret, ea uero repugnante uix suas regiones, finesq; defenderet. Cur igitur ius civile docere semper pulchrum fuit? hominumq; clarissimorum discipulis floruerunt domus? ad dicendum siquis acuat, aut adiuuet in eo iuuentutem, uituperetur? Nam, si uitiolosum est dicere ornatè, pellatur omnino è ciuitate eloquentia, sin ea non modo eos ornat, penes quos est, sed etiam uniuersam rempu. cur aut' discere turpe est, quod scire honestum est, ut quod nosse pulcherrimum est, id non gloriosum doceat? At alterum factitatum est, alterum nouum, fateor, sed utriusque re causa est: alteros enim respondentes audire sat erat, ut ij qui docerent, nullum sibi ad eam rem tempus ipsi seponerent, sed eodem tempore &

- discentibus satiflacerent, & cōsulentibus. Alteri, cum domesticum tempus in cognoscendis, componendisq; causis, forense in agendis, reliquum in seipfis reficiendis omne consumerent, quem habebant instituendi, aut docendi locus: atq; haud scio, an pleriq; nostrorum oratorum ingenio plus ualuerint. quā doctrina: itaq; illi dicere melius, q̄ præcipere, nos, contra fortasse possumus. At dignitatem docere non habet, certe, si quasi in ludo, sed si monendo, si cohortando, si percunctando, si communicando, si interdum etiam unā legendo, audiendo, nescio cur non docendo etiam aliquid aliquando, si possis meliores facere, cur nolis? An quibus uerbis sacrorum alienatio fiat, docere honestum est (ut est) quibus ipsa sacra retineri, defendiq; possint, non honestum est: At ius proferunt etiam qui nesciunt, eloquentia autem illi ipsi, qui consecuti sunt, tamen se ualere dissimulant, propterea quod prudentia hominibus grata est, lingua suspecta. Nū igitur, aut latere eloquentia potest, aut id, quod dissimulat, effugit, aut est periculum nequis putet in magna arte, & gloriosa, turpe esse docere alios, id quod ipsi fuerit honestissimum discere? Ac fortasse ceteri tectiores, ego semper me didicisse præ me tuli. Quid enim possem? cum & abuissem adolescens, & horum studiorum causa mare transissem, & doctissimis hominibus referta domus esset, & aliquæ fortasse inessent in sermone nostro doctrinarum notæ, cumq; uulgo scripta nostra legerentur: dissimulare me didicisse: quid erat cur probarem? nisi quod parū fortasse profeceram. Quod cum ita sit, tamen ea, quæ supra dicta sunt, plus in disputando, q̄ ea, de quibus dicendum est, dignitatis habuerunt, de uerbis enim cōponēdis, & de syllabis propemodū dinumerādis, & dimetiendis loquimur quæ etiā si sunt, sicut mihi uidentur, necessaria, tamen sunt magnificentius, q̄ docentur. est id omnino uerum, sed proprie in hoc dicitur: nam omnium magnarum artium, sicut arborum, altitudo nos delectat, radices, stirpesq; non item, sed esse illa sine his non potest: me autem siue peruagatissimus ille uersus, qui uetat
- *Artem pudere proloqui, quam factites*
dissimulare non sinit, quin delectet, siue tuū studiū hoc à me uolumen expressit, tamen eis, quos aliquid reprehēfuros suspicabar, respondendū fuit. Quod si ea, quæ dixi, non ita essent, quis tamen se tam durum, agrestemq; præberet, qui hæc mihi non daret ueniam, ut cum meæ forēses artes, & actiones publicæ concidissent, nō me aut desidiq, quod facere non possum, aut mœstitia, cui resisto, potius quam literis dederem, quæ quidem antea i iudicia, atq; in curiam deducebant, nunc oblectant domi. Nec uero talibus modo rebus, quales hic liber cōrinet, sed multo etiam grauioribus, & maioribus, quæ si erunt perfectæ, profecto forensibus nostris rebus etiam domesticæ literę respondebunt. Sed ad institutam disputationem reuertamur. Collocabūtur igitur uerba, aut ut inter se quam aptissime cohæreant extrema cum primis, eaq; sint quam suauissimis uocibus, aut ut forma ipsa, cōcinnitasq; uerborum conficiat orbem suū, aut ut comprehensio numerosa, & apte cadat. Atq; illud primum uideamus, quale sit, quod uel maxime desiderat diligentiam (est enim quasi structura quedam) nec id tamē fiet operose, nam esset cum infinitus, tum puerilis labor, quod apud Lucilium scite exagitat in Albutio Scæuola,
 - *Quā lepide lexis compoſtæ, ut resserulæ omnes*
 - *Arte pauimento, atq; emblemate uermiculato.*

Nolo

Nolo tam minuta hæc constructio appareat, sed tamen stylus exercitatus efficiet facile hanc uiam componendi. Nam ut in legendo oculus, sic animus in dicendo prospiciet, quid sequatur, ne extremorum uerborum cum in sequentibus primis cōcursus, aut hiulcas uoces efficiat, aut asperas: quāuis enim suaves, graves uel sententiæ, tamen si inconditis uerbis effertur, offendent aures, quarum est iudicium superbissimū: quod quidem latīna lingua sic obseruat, nemo ut tam rusticus sit qui uocaleis nolit coniungere: in quo quidem etiam Theopompum reprehendunt, quod eas literas tanto opere fugerit, & si id magister eius Iſocrates, at nō Thucydides, ne ille quidem haud paulo maior scriptor Plato, nec solum in his sermonibus, qui dialogi dicuntur, ubi etiam de industria id faciendum fuit, sed in populari oratione, qua mos est Athenis, laudari in concione eos, qui sint in præliis interfecti, quæ sic probata est, ut eam quodammodo illi die recitari necesse sit, in ea est crebra ista uocum cōcursio, quam magna ex parte, ut uitiosam, fugit Demosthenes, sed græci uiderint, nobis, ne si cupiamus quidem, distrahere uoces conceditur. Indicant orationes illæ ipse horridulæ Catonis, indicant omnes poetæ, præter eos, qui, ut uersum facerent, sæpe hiabant, ut Nauius,

• Vos, qui accollitis Histrum fluuium, atq; Algidam. & ibidem,

• Quam nunquam uobis grai, atq; barbari. At Ennius semel.

• Scipio inuicte. & quidem nos,

• Hoc motu radiantis etelæ in uada ponti.

Hoc idem nostri sæpius non tulissent, quod græci laudare etiam solent. Sed quod ego uocales sine uocalibus sæpe breuitatis causa contrahabant, ut ita diceret multi modis, uas' argenteis, palm' et crinibus, tecti' fractis. Quid uero licentius, quod hominum etiam nomina cōtrahebant, quo essent aptiora, nam ut duellum bellum, & dui bis, sic Duellum eum, qui pœnos classe deuicit, Bellum nominauerunt, cum superiores appellati essent semper Duellj. Quin etiam uerba sæpe contrahuntur, non usus causa, sed aurium: quomodo enim uerster Axilla ala factus est, nisi fuga literæ uastioris: quā literam etiam è maxillis è taxillis, & uexillo, & paxillo consuetudo elegans latini sermonis euellit. Libenter etiā copulando uerba iungebant, ut sodes pro si audes, sis pro si uis. Iam in uno capsis tria uerba sunt. Ain', pro ais'ne, nequire, pro non quire, male, pro magis uelle, nolle, pro nō uelle: dein etiam sæpe, & exin pro dcinde, & pro exinde dicimus. Quid illud, non olet unde sit: quod dicitur cum illis, cum autem nobis non dicitur, sed nobiscum, quia si ita diceretur, obscenius cōcurrerent literæ, ut etiam modo, nisi autem interposuissem, concurrissent. Ex eo est mecum, & tecum, non cum me, & cum te, ut esset simile illis uobiscum, atq; nobiscum. Atque etiam à quibusdam sero iam emendatur antiquitas qui hæc reprehendunt, nam proh deum, atq; hominum fidem, deorum aiunt. Ita credo, hoc illi nesciebant, an dabat hanc licentiam consuetudo: Itaq; idē poeta, qui inusitatus contraxerat,

• Parris mei meum factum pudet. Pro meorum factorum, &

• Texitur exitū examen rapit. Pro exitiorū, non dicit liberum, ut pleriq; loquimur, cum cupidos liberum, aut in liberum loco dicimus. sed, ut isti uolunt,

• Neq; tuum unq; in gremium extollas liberorum ex te genus. & idem

• Nanc; Aesculapij liberorum. At ille aliter in Chryse, non solum

- » Chæus antiqui amici maiorum meum, quod erat usitatū, sed durius etiā.
- » Consilium loci, augurium, atq; extum interpretes. Idemq; pergit
- » Postquam prodigium horrifera portentum pauos, quæ non sanè sunt in omnibus neutris usitata. Nec enim dixerim tam libèter armum iudicium, & si est apud eundem.
- » Nihil ne ad te de iudicio armum accidit? quam centuriam, ut censoriæ tabulæ loquuntur, fabrum, & procum audeo dicere, non fabrorum, & procorum. Planeq; duorum uirorum iudicium, aut trium uirorum capitalium, aut decem uirorum litibus iudicandis dico nunquā. atqui dixit Accius,
- » Video sepulchra dua duorum corporum. Idemq;.
- » Mulier una duum uirum, quid uerum sit intelligo, sed aliàs ita loquor, ut concessum est, ut hoc uel prodeum dico, uel prodeorum. Aliàs ut necesse est, cum triumuirum, non uiro- rum, cum sestertium numum, non numorum, quod in his consuetudo uaria non est. Quid quod sic loqui, nosse, iudicasse uetant, nouisse iubent, & iudica- uisse? quasi uero nesciamus in hoc genere & plenum uerbum recte dici, & im- minutum usitate. Itaq; utrūq; Terentius,
- » Eho tu cognatum tuum non noras? post idem
- » Stilphonem inquam noueras. Siet, plenum est, sit, imminutum, licet utare utroq; ergo ibidem,
- » Quam cara sintq; post carendo intelligunt,
- » Quamq; attinendū magni dominatus sient. Nec uero reprehenderim
- » Scripsere alij rem, & scripserunt esse uerius sentio, sed cōsuetudini auribus indulgenti libenter obsequor.
- » Idem campus habet. inquit Ennius, &
- » In templis idem. probauit, at eisdem erat uerius, nec tamen eisdem opo- ruius, male sonabat isdem. Impetratū est à consuetudine, ut peccare suauitatis causa liceret, & pomeridianas quadrigas, q̃ postmeridianas libētis dixerim, & mehercule, quā mehercules. Nō scire quidem barbarum iam uidetur, nescio re dulcius: ipsum meridiē, cur nō medidiem? credo quod erat insuauis. Vna præpositio est, ab eaq; nunc tantum in accepti tabulis manet, ne his quidem omnium, in reliquo sermone mutata est: nā amouit dicimus, & abegit, & ab- stulit, ut iam nescias, ab ne uerū sit, an abs. Quid si etiam abs fugit? turpe uisū est, & abser noluerunt, aufer maluerunt, quæ præpositio præter hæc duo uer- ba, nullo alio in uerbo reperitur. Noti erant, & naui, & nari, quibus cum in præponi oporteret, dulcius uisum est, ignoti, ignaui, ignari dicere, q̃ ut ueris- tas postulabat. Ex usu dicunt, & è rep. quod in altero uocalis excipiebat, in al- tero esset asperitas, nisi literam sustulisses, ut exegit, edixit, refecit, retulit, reddi- dit adiuncti uerbi primam literam præpositio commutauit, ut subegit, sum- mutauit, sustulit. Quid in uerbis iunctis? q̃ scite insipientem, non in sapienti- tem? iniquum, non inæquum? tricipitem, non tricapitem? concisum, non con- cesum? Ex quo quidam pertisum etiam uolunt, quod eadem consuetudo non probauit. Quid uero hoc elegātius? quod non sit natura, sed quodam instituto, inclutus dicimus breui prima litera, infanus producta, ihumanus breui, in- felix longa, & ne multis, quibus ī uerbis eę primę literę sunt, quę in sapiēte, atq; felice,

felice, producte dicitur, in ceteris omnibus breuiter, itemq; cōposuit, cōsueuit, conrepuit, consuecit, consule ueritatem, reprehendet, refer ad auris, probabūt. quare cur? ita se dicent iuuari, uoluptati autē auriū morigerari debet oratio. Quin ego ipse, cū scirem ita maiores locutos esse, ut nūq; nisi in uocali aspersione uerentur, loquebar sic, ut pulchros, & Ceteos, triūpos, Cartaginē dicere, aliquando, idēq; serō, cōuitio aurium, cū extorta mihi ueritas esset, usum loquendi populo concessi, scientiam mihi reseruauī. Orciuos tamen, & Matones, Otones, Cēpiones, sepulcra, coronas, lacrimas dicimus, quia per aurium iudicium semper licet. Purrum semper Ennius, nunquam Pyrrhum,

Vi patefecerunt fruges,

non phryges, ipsius antiqui declarant libri, nec enim græcam literam adhibebant, nūc autē etiam duas, & cū phrygum, & cū phrygibus dicendum esset, absurdum erat, aut tātū barbaris casibus, græcam literam adhibere, aut recto casu solum græce loqui, tamen & phryges, & Pyrrhum aurium causa dicimus. Quinetiam quod iā subrusticum uidetur, olim autem politius, eorum uerborū, quorū eadem erāt postremæ duæ literæ, quæ sunt in optimus, postremā literam detrahebant, nisi uocalis insequeretur: ita non erat ea offensio in uersibus, quam nunc fugiunt poetæ noui: ita enim loquebamur.

Qui est omnib' princeps. non omnibus princeps. &

Vita illa dignu', locoq; non dignus.

quod si indocta cōsuetudo tā ē artis ex suauitatis, qd ab ipsa tādē arte, & doctrina postulari putamus? Hæc dixi breuius, quā si hac de re una disputare, ē enī hic locus late patēs, de natura, usuq; uerborū, longius autē, q̄ instituta ratio postulabat. Sed quia rerū, uerborumq; iudiciū prudētiæ est, uocum autem, & numerorū aures sunt iudices, & quod illa ad intelligentiā referuntur, hæc ad uoluptatē, in illis ratio inuenit, in his sensus, aut enim negligēda sunt nobis uoluptas eorū, quibus probari uolebamus, aut ars eius cōciliandæ reperiēda. Duæ sunt igitur res, quæ permulceant aures, sonus, & numerus. De numero mox, nunc de sono xærimus. Verba (ut supra diximus) legenda sunt potissimum bene sonātia, sed ea nō, ut poetæ, exquisita ad sonū, sed sumpta de medio.

Qua pontus Helles. superat modum. At

Auratus aries Colchorum splēdidis nominibus illuminatus est uersus, sed proximus inquinatus in sua uislima litera infinitus,

Frugifera, & ferta arua Asiæ tenet.

quare bonitate potius nostrorum uerborum utamur, q̄ splendore græcorum, nisi forte sic loqui pœnitet,

Qua tempestate Paris Helenam. & quæ sequuntur, immo uero ista sequamur, asperitatemq; fugiamus,

Habeo istam ego perterritam. idemq;

Verfutiloquas malitias.

Nec solum componentur uerba ratione, sed etiam finientur, quoniam id iudicium esse alterū aurium diximus, sed finientur, aut compositione ipsa, & quasi sua sponte, aut quodam genere uerborum, in quibus ipsis concinnitas inest, quæ siue casus habēt in exitu similes, siue paribus paria redduntur, siue opponuntur contraria, siue apte natura numerosa sunt, etiam si nihil est factum de industria. In huius cōcinnitatis cōsecratione Gorgiā fuisse principē accepimus,

M. T. Rhe.

DD

quo de genere illa nostra sunt in miloniana. Est enim iudices hæc nō scripta, sed nata lex, quā nō didicimus, sed accepimus, nō legimus, uerū ex natura ipsa arripuimus, haulimus, expressimus, ad quam non docti, sed facti, non instituti, sed imbuti sumus. Hæc enim talia sunt, ut quia referuntur ad ea, quæ debet referri intelligimus nō quæsitum esse numerum, sed securum, quod sit item in referendis contrarijs, ut illa sunt, quibus non modo numerosa oratio, sed etiā uersus efficitur: eam, quam nihil accusas, dānas, condēnas diceret, qui uersum effugere uellet, bene quam meritam esse autumas, dicis male mereri, id, quod scis prodest, nihil id, quod nescis, obest. Versum efficit ipsa relatio contrariorum, id esset in oratiōe numerosum, quod scis nihil prodest, quod nescis, multum obest. Semper hæc, quæ græci *ἀντιτά* nominant, cum contrarijs opponuntur contraria, numerum oratorum necessitate ipsa efficiunt, & cū sine industria hoc genere antiqui, iam ante Ilocratē delectabantur, & maxime Gorgias: cuius in oratione plerūq; efficit numerum ipsa concinnitas. Nos etiā in hoc genere frequētes ut illa sunt in quarto accusationis. Conserte hæc pacem, cum illo bello, huius prætoris aduentum, cum illius imperatoris uictoria, huius cohortē impurā, cū illius exercitu inuictō, huius libidines, cū illius continētia, ab illo, qui cepit, conditas, ab hoc, qui cōstitutus accepit, captas dicetis Syracusas. Ergo & hi numeri sint cogniti genus illud tertiū explicetur quale sit, numerosæ, & aptæ orationis: quod q nō sentiūt, quas auris habeant, aut quid ī his hominis simile sit, nescio: meq; quidē & perfectō, cōpletoq; uerborū ambitu gaudēt, & curta sentiūt, nec amāt redūdātia, quid dico meas cōciones sepe exclamare uidi, cum apte uerba cecidissent, id enim expectant aures, ut uerbis colligentur sententiæ. Non erat hoc apud antiquos, & quidem nihil aliud ferē non erat: nam & uerba eligeant, & sententiæ grauis, & suauis reperiebant, sed eas haud uinciebant, haud explebant: parum hoc meipsum delectat inquit. Quid si antiquissima illa pictura paucorum colorum magis, q; hæc iam perfecta delectet: illa nobis sit, credo, repetenda, hæc scilicet repudianda. Nominibus ueterum gloriantur, habet autem ut in ætatibus auctoritatem sequestus, sic in exemplis antiquitas, quæ quidem apud meipsum ualet plurimū, nec ego id, quod deest antiquitati, flagito potius, q; laudo quod est, præsertim cum ea maiora iudicem, quæ sunt, q; illa, quæ defunt: plus est enim in uerbis, & in sententijs boni, quibus illi excellunt, q; in conclusione sententiarum, quam non habent, post inuenta conclusio est, qua credo usuros ueteres illos fuisse, si iam nota, atq; usurpata res esset, qua inuenta omnis uos magnos oratores uidemus, sed habet nomen, inuidiam, cum in oratione iudiciali, & forensi numerus latine græce *ἐν μέδῃ* inesse dicitur: nimis enim insidiarum ad capiendas auris adhiberi uidetur, si etiam in dicendo numeri ab oratore quærantur: hoc freti isti, & ipsi infracta, & amputata loquuntur, & eos uituperant, qui apta, & finita pronuntiant, si inanibus uerbis, leuibusq; sententijs, iure, sin probæ, res, lecta uerba, quid est cur claudicare, aut insistere orationem malint, quàm cum sententia pariter excurrere: hic enī inuidiosus numerus nihil assert alia uid, nisi ut sit apte uerbis comprehēsa sententia, quod sit etiam ab antiquis, sed plerūq; casu, sæpe natura, & quæ ualde laudantur apud illos, ea ferē, quia sūt conclusa, laudantur. & apud græcos quidem iam anni propē CCC sunt cū hoc pbat, nos nuper agnouimus. Ergo Ennio licuit uetera cōtēnēti, dicere.

Verlibu'

- Versibus quos olim Fauni, uatesque canebant. mihi de antiquis eodem modo non licebit, prefertim cum dicturus non sim.
- Ante hunc, ut ille, nec quæ sequuntur.
- Nos ausi referre,

legi enim, audiuique nonnullos, quorum propemodum absolute concluderetur oratio: quod qui non possunt, non est eis satis non contineri, laudari etiam uolunt. Ego autem illos ipsos laudo, idque merito, quorum se isti imitatores esse dicunt, et si in his aliquid desidero, hos uero minime, qui nihil illorum nisi uerbum sequuntur, cum a bonis absint longissime. Quod si aures tam inhumanas, tamque agrestes habent, ne doctissimorum quidem uirorum eos mouebit auctoritas. Omitto Iocratem, discipulosque eius, Ephorum, & Naucratem, quamquam orationis faciendæ, & ornandæ auctores locupletissimi, summique ipsi oratores esse debeant. Sed quis omnium doctior, quis acutior, quis in rebus uel inueniendis, uel iudicandis acrior Aristotele fuit? quis porro Iocрати est aduersatus insensus? Is igitur uersum in oratione uetat esse, numerum iubet: eius auditor Theodectes in primis (ut Aristoteles sæpe significat) politus scriptor, atque artifex, hoc idem & sentit, & præcipit. Theophrastus uero, ipsidem de rebus etiam accuratius. Quis ergo istos ferat, qui hos auctores non probent: nisi omnino hæc esse ab his præcepta nesciunt. Quod si ita est (nec uero aliter existimo) quia ipsi suis sensibus non mouentur, nihil ne eis inane uidetur, nihil inconditum, nihil curtum, nihil claudicans, nihil redundans? In uersu quidem Theatra tota exclamant, si fuit una syllaba aut breuior, aut longior. Nec uero multitudo pedes nouit, nec ullos numeros tenet, nec illud, quod offendit, aut cur, aut in quo offendant intelligit, & tamen omnium longitudinum, & breuitatum in sonis, sicut acutarum, grauiumque uocum, iudicium ipsa natura in auribus nostris collocauit. Visne igitur Brute totum hunc locum accuratius etiam explicemus, quam illi ipsi, qui & hæc, & alia nobis tradiderunt? An his contenti esse, quæ ab illis dicta sunt, possumus? Sed quid quæro, uel sine? cum literis tuis eruditissime scriptis, te id uel maxime uelle perspexerim. Primum ergo origo, deinde causa, post natura, tum ad extremum usus ipse explicetur orationis, aptæ, atque numerosæ, nam qui Iocratem maxime mirantur, hoc in eius summis laudibus ferunt, quod uerbis solutis numeros primus adiunxerit. Cum enim uideret oratores cum seueritate audiri, poetas autem cum uoluptate, tum dicitur numeros secutus, quibus etiam in oratione uteremur, cum iucunditatis causa, tum ut uarietas occurreret fatietati: quod ab his uere quadam ex parte, non totum dicitur: nam neminem in eo genere scientius uersatum Iocrate consistendum est, sed princeps inueniendi fuit Thrasymachus, cuius omnia nimis etiam extant scripta numerose: nam (ut paulo ante dixi) paria paribus adiuncta, & similiter definita, itemque contrariis relata contraria, quæ sua sponte etiam si id non agas, cadunt plerumque numerose, Gorgias primus inuenit, sed his est usus intemperantius, id autem est genus (ut ante dictum est) ex tribus partibus collocacionis alterum: horum uterque Iocratem ætate præcurrit, ut eos ille moderatione non inuentione uicerit: est enim ut in transferendis, faciendisque uerbis tranquillior, sic in ipsis numeris sedatior, Gorgias autem audior est generis eius, & his festiuitatibus (sic enim ipse ceter) insolentius abutitur, quas, Iocrates, cum tamen audiisset in Thessalia adolescens senem iam Gorgiam,

moderatus etiam temperauit. Quin etiam se ipse tantum, quantum etate pro-
cede-^{bat} (propè enim cētū cōfecit annos) relaxarat à nimia necessitate nume-
rorum, quod declarat in eo libro, quem ad Philippum macedonem scripsit,
cum iam admodum esset senex, in quo dicit sese minus iam seruire numeris, q̄
solitus esset, ita non modo superiores, sed etiam se ipse correxerat. Quoniam
igitur habemus aptæ orationis eos principes, auctoresq̄, quos dicimus, & ori-
go inuenta est, causa quærat, quæ sic aperta est, ut mirer ueteres non esse cō-
motos, presertim cum, ut fit, fortuito sæpe aliquid conclusè, apteq̄ dicerent.
Quod cum animos hominum, auresq̄ pepulisset, ut intelligi posset, id quod
casus effudisset, cecidisse iucunde, notandum certe genus, atq̄ ipsi sibi imitan-
di fuerunt: aures enim, uel animus aurium nūcio naturalem quandam in se cō-
tinet uocū omnium mentionem: itaq̄ & lōgiora, & breuiora iudicat, & perfe-
cta, ac moderata semper expectat: mutila sentit quædā, & quasi decurrata, qui-
bus tanquam debito fraudetur, offenditur. Productiora alia, & quasi immo-
deratus excurrentia, quæ magis etiam aspernantur aures, quod cum in ple-
risq̄, tum in hoc genere nimium quod est, offendit uehementius, q̄ id, quod ui-
detur parum. Vt igitur poetica, & uersus inuentus est terminatione aurium,
obseruatione prudentium, sic in oratione animaduersum est, multo illud qui-
dem serius, sed eadem natura admonente, esse quosdam certos cursus, conclu-
sionesq̄ uerborum. Quoniam igitur causam quoque ostendimus, naturam
nunc (id enim erat tertium) si placet, explicemus, quæ disputatio non huius
instituti sermonis est, sed artis itimæ. Quæri enim potest, qui sit orationis nu-
merus, & ubi sit positus, & natus ex quo, & is unus ne sit, an duo, an plures,
quaq̄ ratione componatur, & ad quam rem, & quando, & quo loco, & quæ
admodum adhibitus aliquid uoluptatis afferat. Sed ut in plerisq̄ rebus, sic in
hac duplex est considerandi uia, quarum altera est longior, breuior altera, eæ-
dem etiam planior. Est autem longioris prima illa quæstio, sit ne omnino ul-
la numerosa oratio, quibusdam enim non uidetur, quia nihil insit in ea certi, ut
in uersibus, & quod ipsi, qui affirmant esse eos numeros, rationem, cur sint, nō
queant reddere. Deinde, si sit numerus in oratione, qualis sit, aut quales, & è
poeticis ne numeris, an ex alio genere quodam, etsi è poeticis, quis eorum sit,
aut qui: nanq̄ alijs unus modo, alijs plures, alijs omnes idem uidentur: de in-
de quicūq̄ sunt, siue unus, siue plures, communes ne sint omni genere oratio-
nis, quoniam aliud genus est narrandi, aliud persuadendi, aliud docendi: an
disparēs numeri cuiq̄ orationis generi accommodentur. si cōmunes, qui sint,
si disparēs, quid intersit, & cur non æque in oratione, atq̄ in uersu numerus ap-
pareat, deinde quod dicitur in oratione numerosum, id utrū numero solum ef-
ficiatur, an etiam uel compositione quadam, uel genere uerborum, an est suū
cuiusq̄, ut numerus interuallis, compositio uocibus, genus ipsum uerborum
quasi quædam forma, & lumen orationis appareat, sitq̄ omnium fons com-
positio, ex eaq̄ & numerus efficiatur, & ea, quæ dicuntur, orationis quasi for-
mæ, & lumina, quæ (ut dixi) græci uocant *quæretæ*: at non est unum, nec idem
quod uoce iucundum est, & quod moderatione absolutum, & quod illumina-
tum genere uerborum, quanquam id quidem finitimum est numero, quia per
se plerūq̄ perfectum est, compositio autem ab utroq̄ differt, quæ tota seruit
grauitati uocum, aut suauitati. Hæc igitur fere sunt, in quibus rei natura quæ-
renda

renda sit. Esse ergo in oratione numerum quendam non est difficile cognoscere, iudicat enim sensus, in quo iniquum est, quod accidit non agnoscere, si cur id accadat reperire nequeamus: neque enim ipse versus ratione est cognitus, sed natura, atque sensu, quem dimensa ratio docuit, quid acciderit, ita notatio naturae, & animaduersio peperit artem. Sed in uersibus res est apertior, quaequam etiam à modis quibusdam cætu remoto soluta esse uideatur oratio, maximeque id in optimo quoque eorum poetarum, qui *Lugoi* à grecis nominantur, quos cum cantu spoliaueris, nuda penè remanet oratio: quorum similia sunt quædam etiam apud nostros, uelut ille in thyeste.

• Quenam te esse dicam? qui tarda in senectute

& quæ sequuntur, quæ nisi cum tibicen accessit, orationi sunt solutæ simillima. At comicorum senarii propter similitudinem sermonis sic sæpe sunt abiecti, ut nonnunquam uix in his numerus, & uersus intelligi possit, quo est ad inueniendum difficilius, in oratione numerus, quam in uersibus. Omnino duo sunt, quæ condiant orationem, uerborum, numerorumque iucunditas. In uerbis inest quasi materia quædam, in numero autem expositio, sed ut ceteris in rebus necessitatibus inuenta antiquiora sunt, quam uoluptatis, ita & in hac res accidit, ut multis seculis ante oratio nuda, ac rudis ad solos animorum sensus exprimendos fuerit reperta, quæ ratio numerorum causa delectationis aurium excogitata. Itaque & Herodotus, & eadē, superiorque ætas numero caruit, nisi quando temere, ac fortuito, & scriptores perueteres, de numero nihil omnino, de oratione præcepta multa nobis reliquerunt: nam quod & facilius est, & magis necessariū, id semper ante cognoscitur. Itaque tralata, aut facta, aut iuncta uerba facile sunt cognita, quæ sumebantur è consuetudine, quotidianoque sermone: numerus autem non modo depromebatur, neque habebat aliquam necessitudinem, aut cognitionem cum oratione: itaque serius aliquanto notatus, & cognitus quasi quandam palæstram, & extrema linamenta orationi attulit. Quod si & angusta quædam, atque concisa, & alia est collata, & diffusa oratio, necesse est id non li terarum accidere natura, sed interuallorum longorum, & breuium uarietate, quibus implicata, atque permixta oratio, quoniam tum stabilis est, tum uolubilis, necesse est eiusmodi naturam numeris contineri: nam circuitus ille, quæ sæpe iam diximus, incitator numero ipso fertur, & labitur, quod perueniat ad finem, & insistat. Perspicuum est igitur numeris astrictam orationem esse debere, carere uersibus, sed hi numeri poetici ne sint, an ex alio genere quodam, deinceps est uidendum, nullus est igitur numerus extra poeticos, propterea quod definita sunt genera numerorum: nam omnis talis est, ut unus sit è tribus: pes enim, qui adhibetur ad numeros, partitur in tria, ut necesse sit partē pedis aut æqualem esse alteri parti, aut altero tanto, aut sesqui esse maiorem. Ita sit æqualis dactylus, duplex iambus, sesqui pæan, qui pedes in orationem non cadere qui possunt: quibus ordine locatis, quod efficitur numerosum sit necesse est. Sed quaeritur quo numero, aut quibus potissimum sit utendum. Incidere uero omnis in orationem, etiam ex hoc intelligi potest, quod uersus sæpe in oratione per imprudentiam dicimus, quod uehementer est uitiosum, sed non attendimus, neque exaudimus nosmetipsos. Senarios uero, & hypocausteos effugere uix possumus. Magnā enim partē ex iambis nostra constat oratio, sed tamen ipsi uersus facile agnoscit auditor, sunt enim usitatissimi. Inculcamus autem per

imprudentiam sæpe etiam minus usitatos, sed tamen uersus, uitiosum genus, & longa animi prouisione fugiendū. Elegit ex multis Iſocrati libris triginta fortasse uersus Hieronymus, peripareticus in primis nobilis, plerosq; senariōs, sed etiā anapæsta, quo quid potest esse turpius? etsi in eligēdo fecit malitiose, prima enim syllaba dempta in primō uerbo sententiæ, postremum ad uerbum primam rursus syllabam adiunxit inſequētis: ita factus est anapæstus, is, qui Aristophaneus nominatur, quod ne accidar, obseruari nec potest, nec necesse est. Sed tamen hic corrector, in eo ipso loco, quo reprehendit, ut à me animaduersum est studioſe inquirenti in eum, immittit imprudēs ipse senariū. Sit igitur hoc cognitū in solutis etiā uerbis inesse numeros, eosdemq; esse oratorios, qui sint poetici. Sequitur ergo, ut qui maxime cadant in orationē apti numeri, uidēdum sit: & sunt enim qui iambicum putēs, quod sit orationi similimus, qua de causa fieri, ut is potissimum propter similitudinē ueritatis adhibeatur in fabulis, quod ille dactylicus numerus hexametrorū magniloquentiæ sit accommodatior. Ephorus autem leuis ipse orator, sed profectus ex optima disciplina, pæana sequitur, aut dactylū, fugit autem spondeum, & trochæum. Quod enim pæan habeat tris breuis, dactylus autem duas, breuitate, & celeritate syllabarū labi putat uerba procliuius, contraq; accidere in spondeo, & trochæo, quod alter ē longis constaret, alter ē breuibus fieret, alterā nimis incitatā, alterā nimis tardam orationem, neutram temperatam. Sed & illi priores errant, & Ephorus in culpa est: nam & qui pæana prætereunt, non uidēt mollissimū à se numero, eundemq; amplissimū præteriri, quod longe Aristotelis uidetur fecus, qui iudicat Heroum numerū grandio rem, q̃ desideret soluta oratio, iambum autē nimis ē uulgari esse sermone: ita neq; humilem, nec abiectam orationem, nec nimis altam, & exaggeratam probat, plenam tamē eam uult esse grauitatis, ut eos, qui audient, ad maiorem admirationem possit traducere, trochæum autem, qui est eodem spacio, quo choreus, cordacem appellat, quia contractio, & breuitas dignitatem non habeat: ita pæana probat, eoq; ait uti omnes, sed ipsos non sentire, cū utantur, esse autem tertium, ac medium inter illos, sed ita factos eos pedes esse, ut in eis singulis modus inſit aut sexquipleus, aut duplex, aut par. Itaq; illi, de quibus ante dixi, tantummodo commoditatis habuerunt rationem, nullam dignitatis: iambus enim, & dactylus in uersum cadunt maxime, itaq; ut uersum fugimus in oratione, sic hi sunt euitandi cōtinuari pedes: aliud enim quiddam est oratio, nec quidquam inimicus, quam illa uersibus, pæan autem minime est aptus ad uersum, quo libentius eum recepit oratio. Ephorus uero ne spondeum quidem, quem fugit, intelligit esse æqualem dactylo, quem probat, syllabis enim metiēdos pedes, non interuallis existimat, quod idem facit in trochæo, qui temporibus, & interuallis est par iambo, sed eo uitiosius in oratione, si ponatur extremus, quod uerba melius in syllabas longiores cadunt. Atque hæc, quæ sunt apud Aristotelem, eadem à Theophrasto, Theodecte q; de pæane dicuntur. Ego autem sentio omnis in oratione esse quasi permistos, & confusos pedes: nec enim ef fugere possemus animaduersionem, si semper iisdem uteremur, quia nec numerosa esse, ut poema, neque extra numerum, ut sermo uulgi est, debet oratio. Alterum nimis est uinctum, ut de industria factum appareat: alterum nimis dissolutum, ut peruagatum, ac uulgare uideatur, ut ab altero non delectere, al-

terum

terum oderis. Sit igitur (ut supra dixi) permista, & temperata numeris, nec dissoluta, nec tota numerosa, Præne maxime, quoniam optimus auctor ita cēset, sed reliquis etiam numeris, quos ille præterit, temperata. Quos autem numeros, cum quibus tanquam purpuram misceri oporteat, nunc dicendum est, atque etiam quibus orationis generibus sint quicquid accommodatissimi. Iamque enim frequentissimus est in his, quæ demisso, atque humili sermone dicuntur, præne autem in amplioribus, in utroque dactylus, ita in uaria, & perpetua oratione hi sunt inter se miscendi, & temperandi, sic minime animaduertetur delectationis aucupium, & quadrædæ orationis industria, quæ latebit eo magis, si & uerborum, & sententiarum ponderibus utemur. Nam qui audiunt, hæc duo animaduertunt, & iucunda sibi censent, uerba dico, & sententias, eaque dum animis attentis admirantes excipiunt, fugit eos, & præteruolat numeros, qui tamen si abesset, illa ipsa delectarent. Nec uero nimius is cursus est numerorum, orationis dico, nam est longe aliter in uersibus, nihil ut fiat extra modum, nam id quidem esset poema: sed omnis nec claudicans, nec quasi fluctuans, & æqualiter, constanterque ingrediens numerosa habetur oratio. Atque id in dicendo numerosum putatur, non quod totum constaret numeris, sed quod ad numeros proxime accedit, quo etiam difficilius est oratione uti, quam uersibus, quod in illis certa quædam, & definita lex est, quam sequi sit necesse, in dicendo autem nihil est propositum, nisi aut ne immoderata, aut angusta, aut dissoluta, aut fluens sit oratio. Itaque non sunt in ea tanquam tibicini percussio num modi, sed uniuersa comprehensio, & species orationis clausa, & terminata est, quod uoluptate aurium iudicatur. Solet autem quaeri totne in ambitu uerborum numeri tenendi sint, an in primis partibus, atque in extremis: plerique enim censent cadere tantum numerose oportere, terminarique sententiam: est autem ut id maxime deceat, non id solum: ponendus est enim ille ambitus, non abiciendus. Quare cum aures extremum semper expectent, in eoque acquiescant, id uacare numero non oportet, sed ad hunc exitum tamen à principio ferri debet uerborum illa comprehensio, & tota à capite ita fluere, ut ad extremum ueniens ipsa consistat. Id autem bona disciplina exercitatis, qui & multa scripserint, & quæcumque etiam sine scripto dicerent, similia scriptorum effecerint, non erit difficillimum: ante enim circumscribitur mente sententia, consistuntque uerba concurrunt, quæ mens eadem, qua nihil est celerius, statim dimittit, ut suo quodque loco respondeat, quorum descriptus ordo, aliàs alia terminatione concluditur, atque omnia illa & prima, & media uerba, spectare debent ad ultimum. Interdum enim cursus est in oratione incitator, interdum moderata ingressio, ut iam à principio uidendum sit, quemadmodum uelis uenire ad extremum, nec in numeris magis, quam in reliquis ornamentis orationis, eadem cum faciamus, quæ poetæ, effugimus tamen in oratione poematis similitudinem: est enim in utroque & materia, & tractatio, materia in uerbis, tractatio in collocatione uerborum. Ternæ autem sunt utriusque partes uerborum, translatus, nouus, priscus, nam de proprijs nihil hoc loco dicimus. Collocationis autem, eæ, quas diximus, compositio, concinnitas, numerus, sed in utroque frequentiores sunt, & liberiores poetæ, nam & transferunt uerba cum crebrius, tum etiam audacius, & priscis libentius utuntur, & liberius nouis, quod idem sit in numeris, in quibus quasi necessitati parere coguntur, sed tamen hæc nec

nimis esse diuersa, neq; ullo modo coniuncta intelligi licet. Ita sit, ut non item in oratione, ut in uersu numerus extet, idq;, quod numerosum in oratione dicitur, non semper numero fiat, sed nonnunquam aut concinnitate, aut cōstructione uerborum. Ita si numerus orationis quaeritur qui sit, omnis est, sed alius alio melior, atq; aptior. Si locus, in omni parte uerborum, si unde ortus sit, ex aurium uoluptate, si componendorum ratio, dicetur alio loco, quia pertinet ad usum, quæ pars quarta, & extrema nobis in diuidendo fuit, si ad quam rem adhibeatur, ad delectationem, si quando, semper, si quo loco, in tota continuatione uerborum, si quæ res efficiat, uoluptatem, eadem, quæ in uersibus, quorum modum notat ars, sed aures ipsæ tacito eum sensu sine arte definiunt. Satis multa de natura, sequitur usus, de quo est accuratius disputandum: in quo quaesitum est, in totōne circuitu illo orationis, quæ greci *μετρίωσις*, nos tum ambitum, tum circuitum, tum comprehensionem, aut continuationem, aut circumscriptionem dicimus, an in principijs solum, an in extremis, an in utraq; parte numerus tenendus sit. Deinde, cum aliud uideatur esse numerus, aliud numerosum, quid intersit: tum autem in omnibus ne numeris æqualiter particulas deceat incidere, an facere alias breuioris, alias longioris, idq; quando, aut cur, quibusq; partibus, pluribus ne, an singulis, imparibus, an æqualibus, & quando, aut istis, aut illis sit utendum, quæq; inter se aptissime collocentur, & quomodo, an omnino nulla sit in eo genere distinctio, quodq; ad rem maxime pertinet, qua ratione numerosa fiat oratio. Explicandum etiam est, unde orta sit forma uerborum, dicendumq; quantos circuitus facere deceat, deq; eorum partibus, & tanquam incisionibus disserendum est, quaerendumq; utrū una species, & longitudo sit earum, an ne plures, & si plures, quo loco, aut quādo, quoq; genere uti oporteat. Postremo totius generis utilitas explicanda ē, quæ quidem patet latius, non ad unam enim rem aliquam, sed ad plures accommodatur. Ac licet non ad singulas res respondentem de uniuerso genere sic dicere, ut etiam singulis satis respōsum esse uideatur. Remotis igitur reliquis generibus, unum selegimus, hoc, quod in causis, foroq; uersatur, de quo dicemus. Ergo in alijs, id est in historia, & in eo, quod appellamus *ἐπισημειωσις* placeat omnia dici Iocrateo, Theopōpeoq; more, illa circumscriptione, ambituq;, ut tanquā in orbe inclusa currat oratio, quoad insistant in singulis perfectis, absolutisq; sententijs. Itaq; posteaquam est nata hæc uel circumscriptio, uel comprehensio, uel continuatio, uel ambitus, si ita licet dicere, nemo, qui aliquo esset in numero, scripsit orationem generis eius, quod esset ad delectationem cōparatum, remotumq; a iudicijs, forensiq; certamine, quin redigeret omnis ferre in quadrum, numerumq; sententias. Nam cum is est auditor, qui non ueretur, ne compositæ orationis insidijs sua fides attentetur, gratiam quoq; habet oratori uoluptati aurium fruienti. Genus autem hoc orationis, neque totum assumendum est ad causas forenses, neq; omnino repudiandum: si enim semper utare, cum facietatem affert, tum quale sit, etiam ab imperitis, agnoscitur. Detrahit præterea actionis dolorem, aufert humanum sensum actoris, tollit funditus ueritatem, & fidem. Sed quoniam adhibenda nonnunquam est, primum uidendū est, quo loco, deinde quādiu retinenda sit, tum quor modis cōmutanda. Adhibenda est igitur numerosa oratio, si aut laudandum est aliquid ornatus, ut nos in accusationis secundo, de Siciliae laude diximus, aut in sena-

tu de consulatione meo, aut exponenda narratio, quæ plus dignitatis desiderat, quàm doloris, ut in quarto accusationis, de Ennenſi Cerere, de Segeſtana Diana, de Syracuſarum ſitu diximus. Sepe etiam in amplificanda re conſeſſu omnium funditur numeroſe, & uolubiliter oratio. Id nos fortasſe nō perfectimus, conati quidem ſepiſſime ſumus, quod plurimis locis perorationes noſtræ uoluiffe nos, atq; animo contendiffe declarant. Id autem tum ualeat, cū is, qui audit, ab oratore iam obſeſſus eſt, ac tenetur, nō enim id agit, ut inſidiatur, & obſeruet, ſed iam ſauet, proceſſumq; uult, dicendiq; uim admirans, non inquit quod reprehendar. Hæc autem forma retinenda non diu eſt, nec dico in peroratione, quam ipſe includit, ſed in orationis reliquis partibus: nam cum ſiſ his locis uſus, quibus oſtēdi licere, tranſferenda tota dictio eſt ad illa, quæ neſcio cur cum græci *κίμματα*, & *κάλαι* nominent, nos non recte incifa, & membra dicamus. neq; enim eſſe poſſunt rebus ignotis nota nomina, ſed cū uerba aut ſuauiſſimis, aut inopiæ cauſa tranſferre ſoleamus, in omnibus hoc fit artibus, ut cum id appellandum ſit, quod propter rerum ignoracionem ipſariū, nullū habuerit ante nomen, neceſſitas cogit aut nouum facere uerbum, aut à ſimili mutari: quo autem pacto deceat incife, membratim uel dici, iam uidebimus: nūc quot modis mutetur cōprehenſiones, conſuſionesq; dicēdum eſt. Fluit omnino numerus à primo, tum incitatus breuitate pedum, tum proceritate tardius, curſum contentionis magis requirunt, expoſitiones rerum, tarditatem. Inſiſtit autem ambitus modis pluribus, è quibus unum eſt ſecuta Aſia maxime qui dichoreus uocatur, cum duo extremi chorei ſunt, id eſt è ſingulis lōgis, & breuib; explanādum eſt enim, quod ab alijs iſdē pedes alijs nominantur uocabulis. Dichoreus non eſt ille quidem ſua ſponte uitioſus in clauſulis, ſed in orationis numero, nihil eſt tam uitioſum, q̃ ſi ſemper eſt idem. Cadit autē per ſe ille ipſe præclare, quo etiam ſatietas formidanda eſt magis. me ſtāte. C. Carbo C. F. Trib. pl. in concione dixit his uerbis. O M. Druk, patrem appello.

- Hæc quidem duo binis pedibus incifa, dein membratim. Tu dicere ſolebas,
- ſacram eſſe temp. hæc item membra ternis, poſt ambitus. Quicunque eam
- uiolauiffent, ab omnibus eſſe ei poenas perſolutas. Dichoreus, nihil enim ad
- rem extrema illa longa ſit, an breuis, deinde. Patris dictum ſapiens, temeritas filij comprobauit. Hoc dichoreo tātus clamor concionis excitatus eſt, ut admirabile eſſet. Quæro non ne id numerus effecerit: uerborum ordinem immutata, ſic ſic comprobauit filij temeritas. iam nihil erit, etſi temeritas ex tribus breuib; & lōga eſt, quæ Ariſtoteles, ut optimū probat, à quo diſſentio: at eadē uerba, eadem ſentētia, animo iſtuc ſatis eſt, auribus nō ſatis: ſed id crebrius fieri non oportet. primum enim numerus agnoſcitur, deinde ſatiat, poſtea cognita facilitate, contēnitur: Sed ſunt clauſule plures, quæ numeroſe, & iucunde cadant: nā & creticus, qui eſt è longa, & breui, & lōga, & eius equalis pæan, qui ſpatio par eſt, ſyllaba longior, quam commodiſſime puratur in ſolutam orationem illigari, cum ſit duplex, nam ut è longa, & tribus breuib; qui numerus in primo uiget, iacet in extremo, aut totidem breuib; & longa, in quem optimè cadere cenſent ueteres, ego non planè reiſcio, ſed alios antepoſito, ne ſpōdeus quidē funditus eſt repudiādus, etſi quod eſt è lōgis duabus, hebetior uidetur, & tardior, habet tamen ſtabile quēdā, & nō expetrem dignitatis gradū: in incilionibus uero multo magis, & in membris: paucitatem enim

pedum, grauitatis suę tarditate compenſat, ſed hos cum in clauſulis pedes no-
mino, non loquor de uno pede extremo, adiungo, quod minimum ſit, proxi-
mum ſuperiorem, ſæpe etiam tertium, ne iambus quidem, qui eſt è breui, & lō-
ga, aut par choreo, qui habet tris breues, ſed ſpatio par, non ſyllabis, aut etiam
daçtylus, qui eſt è longa, & duabus breuibus, ſi eſt proximus à poſtremo, pa-
rum uolubiliter peruenit ad extremum, ſi eſt extremus chorcuſ, aut ſpondeus,
nunquam enim intereſt uter ſit eorum ī pede extremo: ſed iſdem hi tres pedes
male concludunt, ſi quis eorum in extremo locatus eſt, niſi cum pro cretico po-
ſtremus eſt daçtylus, nihil enim intereſt daçtylus ſit extremuſ, an creticuſ, q̃a
poſtrema ſyllaba breuiſ, an longa ſit, ne in uerſu quidem reſert. Quare etiam
pæana qui dixit apriorem, in quo eſſet longa poſtrema, uidit parum, quoni-
am nihil ad rem eſt poſtrema, quā longa ſit. Iam pæan, quod plures habeat
ſyllabas, quā tris, numeruſ à quibuſdam non peſ habetur. Eſt quidē, ut ino-
ter omniſ conſtat antiquoſ, Ariſtotele, Theophractuſ, Theodeſtem, Epho-
rum unuſ aptiſſimuſ orationi uel orienti, uel mediæ, putant illi etiam cadē-
ti, quo loco mihi uidetur aptior Creticuſ. Dochimuſ autem è quinç ſyllabiſ,
breui, duabus longiſ, breui, longa, ut eſt hoc, amicoſ reneſ, quouiſ loco aptuſ
eſt, dum ſemel ponatur, iteratuſ, aut cōtinuatuſ numeruſ apertuſ, & nimis
inſignem facit. Hiſ igitur tot cōmutationibuſ, tançq̃ uarijſ ſi utemur, nec de-
prehendetur maniſeſto, quid à nobiſ de induſtria fiat, & occurreret ſatietaſ.
Et quia non numero ſolum numeroſa oratio, ſed & compoſitione ſit, & gene-
re, quod ante dictū eſt, cōcinnitatiſ, compoſitione poteſt intelligi, cū ita ſtru-
cta uerba ſunt, ut numeruſ nō quæſituſ, ſed ipſe ſecutuſ eſſe uideatur, ut a pud
Craſſum. Nam ubi lubido dominatur, innocentiaſ leue præſidiuſ eſt. Ordo
enim uerborū efficit numeruſ, ſine ulla a perta oratoriſ induſtria, itaq̃ ſi que
ueteres illi, Herodotuſ dico, & Thucydideſ, totamq̃ eam ætatem ap̃tē, nu-
meroſeq̃ dixerunt, ea non numero quæſito, ſed uerboruſ collocaſione cecide-
runt. Formæ uero quædam ſunt orationiſ, in quibuſ ea cōcinnitaſ ineſt, ut ſe-
quatuſ numeruſ neceſſario: nam, cum aut par pari reſertur, aut contrariuſ cō-
trario opponitur, aut quæ ſimiliter cadunt uerba uerbiſ comparantur, quid
quid ita cōcluditur, plerūq̃ ſit, ut numeroſe cadat, quo de genere cum exēpliſ
ſupra diximuſ, ut hæc quoq̃ copia facultateſ aſſerat, non ſemper eodem mo-
do deſinendiſ, nec tamen hæc ita ſunt arcta, & aſtricta, ut ea cum uelimuſ laxa-
re, nequeamus. Multū intereſt utrū numeroſa ſit, iſdeſt ſimiliſ numeroruſ, an
plane è numeris conſtet oratio, alteruſ ſi ſit intolerabile, uitiuſ eſt, alteruſ
niſi ſit, diſſipata, & inculta, & fluens eſt oratio. Sed quoniam non modo
non frequenter, uerumetiam raro in ueriſ cauſiſ, aut forenſibuſ circunſcri-
pte, numeroſeq̃ dieenduſ eſt, ſequi uidetur, ut uideamuſ, quæ ſint illa, quæ
ſupra dixi incifa, quæ membra: hec enim in ueriſ cauſiſ maximam partem
orationiſ obtinent: conſtat enim ille ambituſ, & plena comprehenſio è qua
tuor ſerē partibuſ, quæ membra dicimuſ, ut & aures impleat, & néue breuiſ
or ſit, quā ſatiſ ſit, neque longior, quamquam utrūq̃ nonnunquam, uel
potiuſ ſæpe, accidit, ut aut citiuſ inſiſtenduſ ſit, aut longiuſ procedenduſ,
ne breuitaſ defraudaffe auris uideatur, néue longitudo obtuſiſſe: ſed ha-
beo mediocritatiſ rationem: nec enim loquor de uerſu, & eſt liberior ali-
quanto oratio. E' quatuor igitur, quaſi hexametroruſ inſtar uerſuum
quod

quod sit, constat fere plena comprehensio. His igitur singulis uersibus quasi nodi apparent continuationis, quos in ambitu cōiungimus: sin membratim uolumus dicere, insistimus, idēq; cum opus est, ab isto cursu inuidioso facile nos, & saepe diiūgimus: sed nihil tam debet esse numerosum, quā hoc, quod minime apparet, & ualet plurimū. Ex hoc genere illud est Crassi, Mis-
 sos faciant patronos, ipsi prodeant, nisi interuallo dixisset. Ipsi prodeant, sen-
 sisset profecto effugisse senarium. omnino melius caderet. prodeant ipsi: sed
 de genere nūc disputo. Cur clandestinis consilijs nos oppugnant: cur de per-
 fugis nostris copias comparant contra nos? Prima sunt illa duo, quæ καμματα
 græci uocant, nos incisa dicimus, deinde tertium, καλὸς illi, nos membrum. Se-
 quitur non longa, ex duobus enim uersibus. i. membris perfecta comprehen-
 sio est, & in spondæos cadit, & Crassus quidem sic plerūq; dicebat, idēq; ipse
 genus dicendi maxime probo, sed quæ incisim, aut membratim effertur, ea
 uel aptissime cadere debent, ut est apud me. Domus tibi decrat, at habebas, pe-
 cunia superabat, at egebas. hæc incisē dicta sunt quatuor: at membratim quæ
 sequuntur duo. Incurristi amens in columnas, in alienos in sanus insanisti de-
 inde omnia tanquam crepidine quadam comprehensione longiore sustinen-
 tur. Depressam, cæcam, iacentem domum pluris, q̄ te, & q̄ fortunas tuas æstis
 masti. dichoreo finitur. at spondeus proximum illud, nam in ijs, quibus ut pū
 giunculis uti oportet, breuitas facit ipsa liberiores pedes: sepe enim singulis
 utendum est, plerūq; binis, & utrisq; addi pedis pars potest, non fere ternis
 amplius. Incisim autem, & membratim tractata oratio i ueris causis plurimū
 ualet, maximeq; his locis, cum aut arguas, aut refellas, ut nostra in corneliāna
 secunda. O callidos homines, o rem excogitaram, o ingenia metuenda. Mem-
 bratim adhuc, deinde cōsim diximus. rursus membratim. testis dare uolumus.
 extrema sequitur comprehensio, sed ex duobus membris, qua non potest esse
 breuior. quem quasi nostrum fecellit, ita uos esse facturos: Nec ullum genus ē
 dicendi aut melius, aut fortius, binis, aut ternis ferire uerbis, non nūquam sin-
 gulis, paulo aliās pluribus, inter quas uarijs clausulis interponit se raro nume-
 rosa comprehensio, quam peruerse fugiens Egeſias, dū ille quoq; imitari Ly-
 siam uult, alterum penē Demosthenem saltat, incidens particulas, & ijs quidē
 non minus sententijs peccat, quā uerbis, ut non quærat quem appeller ineq̄
 ptum, qui illum cognouerit. Sed ego illa Crassi, & nostra posui, ut qui uellet
 auribus ipsis, quid numerosum etiam in minimis particulis orationis esset, ius
 dicaret. Et quoniam plura de numerosa oratione diximus, quam quisquam
 ante nos, nunc de eius generis utilitate dicemus: nihil enim est aliud Brute
 (quod quidem tu minime omnium ignoras) pulchrē, & oratoriē dicere, nisi
 optimis sententijs, uerbisq; lectissimē dicere. Et nec sententia ulla est, quæ fru-
 ctum oratori ferat, nisi apte exposita, atq; absolute, nec uerborum lumen ap-
 pareret nisi diligenter collocatorum, & horum utrunq; numerus illustrat. Nu-
 merus autē (saepe enim hoc testādum est) non modo non poetice iunctus, uerū
 rumetiam fugiens illum, etq; omniū dissimillimus, non quin iīdem sint nume-
 ri, non modo oratorum, & poetarum, uerum omnino loquētiū, deniq; etiam
 sonantium omnium, quæ metiri auribus possumus, sed ordo pedum facit, ut
 id, quod pronuntiatur, aut orationis, aut poematis simile uideatur. Hanc igitur
 siue cōpositionē, siue perfectionē, siue numerum uocari placet, & adhibere



R A T O R V M genera esse dicuntur tanquam poetarum. id secus est, nam alterum est multiplex. Poematis enim Tragici, Comici, Epici, Melici ē, ac Dithyrambici, quod magis est tractatū à latinis, suum quoduis est diuersum à reliquis. Itaq; & in Tragœdia comicum uitiolum est, & in Comœdia turpe tragicum. Et in ceteris suis est cuiusq; certus sonus, & quædam intelligentibus nota uox. Oratorum autē si quis ita numerat plura genera, ut alios grandes, aut graues, aut copiosos. alios tenuis, aut subtilis, aut breues, alios eis interiectos, & tanquā medios putet, de hominibus dicet aliquid, de re parum. In re enim quod optimum sit, quaeritur, in homine dicitur quod est. Itaque licet dicere & Ennium summum Epicum poetam, sicuti ita uidetur, & Pacuuium tragicum, & Cæciliū fortasse comicum. Oratorem genere nō diuido, perfectum enim quero. Vnum est autem genus perfecti, à quo qui abesse sunt, non genere differunt, ut ab Accio Terentius, sed in eodem non sunt pares. Optimus est enim orator, qui dicendo animos audientium & docet, & delectat, & permouet. Docere debitum est, delectare honorariū, permouere necessarium, hæc ut alius melius quā alius cōcedendum est. uerum id sit non genere, sed gradu. Optimum quidem unum est. et proximum, quod ei simillimū ex quo perspicuū est, quod optimo dissimillimū sit id esse deterrimū. Nam quoniam eloquentia cōstat ex uerbis, & sententijs, perficiendum est, ut pure, & emendate loquentes, quod est latine, uerborum præterea & propriorū, & translatorum elegantiā persequamur. In proprijs, ut aptissima eligamus. In translatis, ut similitudinem secuti uerecunde utamur alienis. Sententiarum autem totidem genera sunt, quot diximus esse laudum. Sunt enim docendi, acutę, delectandi, quasi argutę. commouendi, graues. Sed & uerborum est structura quædam duas res efficiens, numerum, & lenitatē, & sententię suam compositionem habent ad probandam rem accommodatū ordinem. sed earum omnium rerum, ut edificiorum, memoria est quasi fundamētum, lumen actio. Ea igitur omnia in quo summa, erit orator peritissimus, in quo media, medios cris, in quo minima, deterrimus. Et appellabātur omnes oratores, ut pictores appellantur, etiā mali, nec generibus inter sese, sed facultatibus different. Itaq; nemo est orator, qui se Demosthenis similem esse nolit, at Menander Homeri noluit. genus enim erat aliud. id non est in oratoribus, aut etiā si est, ut alius grauitatem sequens subtilitatem fugiat, cōtra, alius acutiorem se quā orationem uelit, etiā si est in genere tolerabili, certe non est in optimo, si quis idem quod omnes laudes habet, id est optimum. Hæc dixi breuius equidem, quā res petebat, sed ad id, quod agimus, nō fuit dicendum pluribus. Vnum enim cum sit genus, id quale sit, querimus. Est autem tale, quale floruit Athenis, ex quo aticorum oratorum ipsa uis ignota est, nota gloria, nam alterum multi uiderunt, uitiosi nihil apud eos, alterum pauci, laudabilia esse multa. Ut enim uitiosum in sententijs, siquid absurdum, aut alienum, aut non acutę

tum, aut subinfulsum est. In uerbis, si inquinatum, si abiectum, si non aptum, si durum, si longe peticum. hæc uitauerunt ferè omnes, qui aut attici numerantur, aut dicunt attice, sed quatenus ualuerunt, sani & siccī duntaxat habeantur, sed ita, ut Palestrice spatari in xysto ut liceat, non ab olympiis coronā petant qui cum careant omni uitio, non sunt cōtenti quasi bona ualitudine, sed uires, lacertos, sanguinem quærent, quandam etiam suauitatē coloris, eos imitemur, si possumus, sin minus, illos potius, qui incorrupta sanitate sunt, quod est proprium atticorum, quàm eos, quorum uitiosa abundantia est, quales Asia multos tulit. quod cum faciemus, si modo id ipsum assequemur (est enim permagnum) imitemur, si poterimus, Lyfiam, & eius quidem tenuitatem potissimum. Est enim multis in locis grandior, sed quia & priuatus ille plerisque, & eas ipsas alij, & paruorum rerum causulas scripsit, uidetur esse ieiunior, quoniam se ipse consulto ad minutarum genera causarum limauerit. quod qui ita faciet, ut si cupiat uberior esse, non possit, habeatur sanè orator, sed de minoribus. magno autem oratori etiam illo modo sæpe dicendum est in tali genere causarū. Ita fit, ut Demosthenes certe possit summisse dicere, elate Lyfias, fortasse non possit. Sed si eodem modo putant, exercitu in foro, & in omnibus templis, quæ circum forum sunt, collocato, dici pro Milone decuisse, ut si de re priuata ad unum iudicem diceremus, uim eloquentiæ suæ facultate, non rei naturæ metiuntur. Quare quoniam nonnullorum sermo iam increbuit, partim seiplos attice dicere, partim neminem nostrum dicere, alteros negligamus, satis enim his res ipsa respondet, cum aut nō adhibeantur ad causas, aut adhibiti derideantur, nam si arrideantur, esset id ipsum atticorum. Sed qui dici à nobis deridendo more nolunt, ipsi autem se non oratores esse profitentur. si teretes aures haberent, intelligensq; iudicium, tanquam ad picturam probandam adhibetur etiam insciji faciendi, cum aliqua solertia iudicandi. Sin autem intelligentiam ponunt in audiendi fastidio, neque eos quidquā excelsum, magnificumq; delectat, dicant se subtile quiddam, & polium uelle, graue, ornatumq; contemnere, id uero desinant dicere, qui subtiliter dicunt, eos solos attice dicere. id est quasi sicce, & integre, & ample, & ornate, & copiose, cum eadem integritate atticorum est, quid dubium est utrum orationē nostram tolerabilem tantum, an etiam admirabilem esse cupiamus? Non enim iam quærimus, quid sit attice, sed quid sit optime dicere, ex quo intelligitur, quoniam graecorum oratorum præstantissimi sunt ij, qui fuerunt Athenis, eorum autem princeps facile Demosthenes, hunc si quis imitetur, eum et attice dicturum, & optime, ut quoniam attici nobis propositi sunt ad imitandum, bene dicere id sit attice dicere, sed cum in eo magnus error esset, quale esset id dicēdi genus, putaui mihi suscipiendum laborem utilem studiosis, mihi quidem ipsi non necessarium. Conuertere enim ex atticis duorum eloquentissimorum nobilissimas orationes inter se contrarias, Æschinis, Demosthenisq;, nec cōuerti, ut interpretes, sed ut orator sententijs ijdem, & earum formis tanquam figuris, uerbis ad nostram consuetudinem aptis, in quibus nō uerbum pro uerbo necesse habui reddere, sed genus omnium uerborum, uimq; seruari, non enim ea me annumerare lectori putaui oportere, sed tanquam appēdere, hic labor meus hoc assequatur, ut nostri homines, quid ab illis exigant, qui se atticos uolunt, & ad quam eos quasi formulam dicendi reuocent, intelligant. Sed exorietur Thueydides,

eius

eius enim quidam eloquentiam admirantur, id quidem recte, sed nihil ad eum oratorem, quem quaerimus. Aliud est enim explicare res gestas narrando, aliud argumentando criminari, crimen uel dissolvere, aliud narratione tenere auditorem, aliud concitare. At loquitur pulchre, num melius quam Plato? necesse tamen est oratori, quem quaerimus, controuersias explicare forensis dicendi genere apto ad docendum, ad delectandum, ad permouendum. Quare si quis erit, qui Thucydidio genere causas in foro dicturum esse profiteatur, is abhorreat etiam a suspitione eius, quae uersatur in re civili, & forensi. qui Thucydidem laudauit, ascribat suae nostrae sententiae. quin ipsum Isocratem, quem diuinus auctor Plato suum fere aequalem admirabiliter in Phaedro laudari scit a Socrate, quemque omnes docti summum oratorem esse dixerunt, tamen hunc in numero non repono. Non enim in acie uersatur, & ferro, quasi rudibus eius eludit oratio. a me autem, ut cum maximis minima conferam, gladiatorium par nobilissimum inducitur. Aeschines tanquam aeternus (ut ait Lucilius)

Non spiritus homo, sed doctus, & acer;

Cum Pacidiano hic componitur optimus longe

Post homines natos.

nihil enim illo oratore arbitror cogitari posse diuinius. Huic labori nostro duo genera reprehensorum opponuntur, unum hoc uerum melius graeci. a quo quaeratur, ecquid possint ipsi melius latine? alterum. quid istas potius legam, quam graecas? Idem Andriam, & Synephebos; nec minus Terentium, & Caecilium, quam Maenandrum legunt. nec Andromacham aut Anthiopam, aut Epigonos latinos recipiant, sed tamen Ennium, & Pacuuium, & Accium potius, quam Euripidem, & Sophoclem legunt. Quod igitur est eorum in orationibus a graeco conuersis fastidium, nullum cum sit in uerbis? Sed aggrediamur iam quod suscepimus, si prius exposuerimus, quae causa in iudicium deducta sit. Cu esset lex Athenis, ne quis populiscitum faceret, ut quisquam corona donaretur in magistratu prius, quam rationes detulisset. Et altera lex, eos, qui a populo donarentur, in concione donari debere. quia in senatu Demosthenes curator muris reficiendis fuit, eosque refecit pecunia sua, de hoc igitur Ctesiphon scitum fecit, nullis ab ipso rationibus relatis, ut corona aurea donaretur, eaque donatio fieret in theatro populo conuocato, qui locus non est concionis legitimae, atque ita praedicaretur, cum donari uirtutis ergo, beneuolentiaeque, quam erga populum Atheniensem haberet. Hunc igitur Ctesiphontem in iudicium adduxit Aeschines, quod contra leges scripsisset, ut & rationibus non relatis corona donaretur, & ut in theatro, & quod de uirtute eius, & beneuolentia falsa scripsisset, quoniam Demosthenes nec uir bonus esset, nec benemeritus de ciuitate. Causa ipsa abhorret illa quidem formula consuetudinis nostrae, sed est magna, habet enim & legum interpretationem satis acutam in utranque partem, & meritorum in comp. contentionem sane grauem. itaque causa fuit Aeschini, quoniam ipse a Demosthene esset capitis accularus, quod legationem euentus esset, ut ulciscendi inimici causa nomine Ctesiphontis iudicium fieret de factis, fama quoque Demosthenis. Non enim tam multa dixit de rationibus non relatis, quam de eo, quod ciuis improbus, ut optimus laudatus esset. Hanc multa Aeschines a Ctesiphonte petijt quadriennio ante Philippi Macedonis mortem, sed iudicium factum est aliquot annis post Alexandro iam

344
 Asiam tenente, ad quod iudicium concursus dicitur ē tota Græcia factus esse.
 Quid enim aut tam uisendum, aut audiendum fuit, quàm summorum orato-
 rum in grauissima causa accurata, et inimicitijs incensa contentio? Quorū ego
 orationes, si, ut spero, ita expressero uirtutibus utens illorum omnibus, idest
 sententijs, & earum figuris, & rerum ordine, uerba persequens catenus, ut ea
 non abhorreant à more nostro, quæ si ē græcis omnia conuersa non erunt, ta-
 men ut generis eiusdem sint, elaborauimus, erit regula, ad quam eorum diris-
 gantur orationes, qui attice uolunt dicere, sed de nobis satis. Aliquando enim
 Æschinem ipsum latine dicentem audiamus.

INDEX CARTHARVM

A B C D E F G H I K L M N O P Q R S T V X
 Y Z AA BB CC DD EE FF GG HH Terniones omnes
 præter HH duernionem.

Venetijs in Officina Lucgantonij Iun-
 tæ Florentini Mense Augusto
 M. D. XXXVI.



Am
an
or
us,
us,
ran
do

X
as



BIBLIOTHECA HAZ
ROMA
PITTORI LINGUOL





